

ସୁକ୍ତ ପାଠ୍ୟ

ଉପଗ୍ରାମ

ଶ୍ରୀମୋରୀଞ୍ଜମୋହନ ଯୁକ୍ତୋପାଧ୍ୟାୟ

ଦୁଇ ଟଙ୍କା

ডি, এম, লাইব্রেরী

৬১নং, কর্ণওয়ালিশ স্ট্রীট, কলিকাতা

শ্রীমতী কোহিনুরমণি কর্তৃক

প্রকাশিত।

বৈশাখ, ১৩৩২

কালিক প্রেস

২২, স্কিয়ার স্ট্রীট, কলিকাতা

শ্রীকমলাকান্ত দাস কর্তৃক মুদ্রিত।

সাহিত্য-রসিক বন্ধু

শ্রীমান্ অমরেশ শিকদার

শ্রীতিভাজনেষু

ভাই অমরেশ,

আমার লেখা তোমার ভালো লাগে; আমার বই তোমার কাছে আদরের জিনিষ। মুক্ত পাখীকে তুমি সোনার চোখে দেখেছো। ছাপার অক্ষরে এ বইখানিকে দেখবার আগ্রহও তোমার অসীম। তার উপর তোমার মন অন্ধ সংস্কার-পাশ থেকে কতখানি মুক্ত, কি সহানুভূতিতে ভরা, আমি তা জানি। তাই এ বইখানি তোমায় দিলুম।

সৌরীন্দ্র

...সংসার কঠিন বড়, কারেও সে ডাকে না,—

কারেও সে ধরে রাখে না...

যে থাকে সে থাকে, আর যে যায় সে যায়,

কারো তরে ফিরেও না চায় !...

...

...

...

...

তোমার ব্যথা, তোমার অশ্রু তুমি নিষে যাবে,

আর তো কেহ অশ্রু ফেলিবে না !

—রবীন্দ্রনাথ

পূর্ব কথা

মুক্ত পাখী প্রকাশিত হইল।

দীপ্তি-চরিত্রের আভাষ পাইয়াছি গ্রাণ্ট-আলেনের লেখা The Woman Who Did উপন্যাসের হার্মিনিয়ার চরিত্র হইতে। গোড়ার দিকে এ চরিত্রের ব্যঞ্জনা য় হার্মিনিয়া-চরিত্রের অনুসরণও করিয়াছি কতকটা। অক্ষয় উক্ত উপন্যাসের মেরিক-চরিত্রের ছায়ায় রচা। তবে উপন্যাসের গতি; এবং দীপ্তি-চরিত্রের পরিণতি প্রভৃতি সম্পূর্ণ স্বাধীন ও স্বতন্ত্র নিজস্ব ভঙ্গীতেই রচনা করিয়াছি। ক্ষিতীশ, বিমল, প্রভা, হিরণ প্রভৃতি চরিত্র কাহারো ছায়ায় রচা নয়—সেগুলি সম্পূর্ণ মৌলিক। তাদের ছাঁচ আমরা তৈয়ারী। অর্থাৎ এ বইয়ের outlineএর জন্ম মাত্র আমি গ্রাণ্ট আলেনের কাছে ঋণী—এ গ্রন্থকে গ্রাণ্ট আলেনের বইয়ের মর্মানুবাদ বা ছায়ামূর্বাদ বলিয়া যেন কেহ মনে না করেন।

তবে, অনেকে হয়তো বলিবেন, এ সমস্তার কথা দেশে আজ যখন ওঠে নাই, তখন কেনই বা তোলা! আমি বলি, উপন্যাস-লেখকের কারবার শুধু বর্তমানকে লইয়াই নয়! বহু-দূর ভবিষ্যতের পথে বিচরণ করিবার অধিকার তাঁর অবাধ ও

অব্যাহত, চিরদিন। এ কথা যাঁরা মানেন না, তাঁরা দয়া
করিয়া এ উপন্যাস পড়িবেন 'না, তাঁদের জন্য এ উপন্যাস
লিখি নাই। প্রাণ যাদের বিশ্ব-প্রসারী সহানুভূতিতে ভরা,
কল্পনা যাদের মুক্ত গগন-বিহারী, তাঁদের জন্যই মুক্ত পাখী
লেখা। তাঁদের প্রাণে মুক্ত পাখী যদি একটু সাড়াও তুলিতে
পারে, তাহা হইলেই শ্রম সফল মনে করিব।

৮২১৪ কর্ণওয়ালিশ ষ্ট্রীট,

কলিকাতা,

২০এ চৈত্র, ১৩৩১

শ্রীসৌরীন্দ্রমোহন মুখোপাধ্যায়

মুক্ত পাখী

— ১ —

যত্নপতি সেন দার্জিলিঙে ওকালতি করিতেন ; সেখানেই একটা পাহাড়ের উপর ছবির মত তাঁর বাড়ী দার্জিলিং-বাসী বা প্রবাসী বাঙালীদের কাছে মস্ত আরামের জায়গা। বাড়ীর সামনে ছোট-বড় পাহাড় সিঁড়ির মত কোথায় কত নীচে নামিয়া এক ক্ষেত্রে গিয়া মিশিয়াছে—সেখানে পাহাড়ীদের ছোট-ছোট ক্ষেত ; আর বাড়ীর ঠিক পিছন-দিকে দেওয়ালের মত আড়াল তুলিয়া পাহাড় উঠিয়াছে। পাহাড়ের মাথায় বরফ জমিয়া থাকে, তার উপর সূর্য্য-কিরণ পড়িলে বাহার ষা হয়, তা দেখিয়া নিতান্ত নীরস চিত্তও আনন্দ-রসে ভরিয়া ওঠে।

যত্নপতি সেন এখন পরলোকে। তাঁর ছুটা ছেলে বিলাত গিয়াছে, আইন পড়িবুর জন্ম। বাড়ীতে ভৃত্য-পরিজন লইয়া যত্নপতি বাবুর স্ত্রী মাতঙ্গিনী দেবী একা বাস করেন। তাঁর আতিথেয় মুগ্ধ নন, দার্জিলিঙে এমন বাঙালী আজ পর্য্যন্ত পদার্পণ করেন নাই !

মুক্ত পাখী

যত্নপতি সেন ছিলেন অমায়িক নব্য মতের লোক। আমাদের চিরাচরিত কুসংস্কার ঠেলিয়া, তিনি, যাহা সত্য, সংস্কার-মুক্ত, উদার, তাহারি সমাদর করিতেন। স্ত্রী-শিক্ষা বা স্ত্রীলোকদের স্বাধীন অব্যাহত বিচরণ—এগুলার সম্বন্ধে কলিকাতার বাহিরে যে সব শিক্ষিত বাঙালী বাস করেন, তাঁদের মত সাধারণতঃ একটু উদারই হইয়া থাকে। যত্নপতি বাবুর সে উদারতা তো ছিলই,—তাছাড়া তিনি এমন মতও প্রকাশ করিতেন যে, স্ত্রী-পুরুষের অবাধ মেলামেশায় সর্বপ্রকার সহায়তা করা সকলেরই উচিত— কারণ তাহা হইলে উভয়েরই মনের ভিতরকার যা-কিছু মিথ্যা কুঠা বা সঙ্কোচ, সে-সব দূর হইয়া পরস্পরের মধ্যে এমন সখ্যের সম্পর্ক স্থাপিত হইবে, যাহা দেশে বহু কল্যাণের সৃষ্টি করিবে। তার উপর নর-নারী এ দৃশ্য দেখিয়া তাহাদের সঙ্কীর্ণ চিত্তকে শুদ্ধ করিয়া নীচ মানি বা কুৎসার কালিতে নিজেদের মনুষ্যত্বকে গাঢ় কালো করিয়া তুলিবার কল্পনাও কখনো করিতে পারিবে না! মাতঙ্গিনী দেবীকে তিনি এই ভাবেই গড়িয়া তুলিয়াছিলেন। তাহারি কলে তাঁর বাড়ীটি অতিথিবর্গের একটি রমণীয় সুখ-নীড়ে পরিণত হইয়াছিল। মাতঙ্গিনী দেবী সে নীড়ে অভ্যাগতদের তৃপ্তি-সাধনে আপনাকে যেন উৎসর্গ করিয়া দিয়াছিলেন।

ধর্ম-সম্বন্ধেও যত্নপতি বাবুর মত কোনো সঙ্কীর্ণ গণ্ডীর মধ্যে আবদ্ধ ছিল না। দেব-দেবীর প্রসাদ-ভিক্ষা বা মন্দিরে গিয়া বস্তুতঃ শোনা কি উপাসনা করা ছাড়িয়া তিনি মনুষ্যত্বের পূজাই মানব-জীবনে সার ব্রত বলিয়া গ্রহণ করিয়াছিলেন। মাতঙ্গিনীকে

মুহুর্ত পক্ষী

স্বপ্না না করিয়া তাহার সেবার মোহুর্ষের মনুষ্যত্ব বিকাশ লাভ করে, ইহাই ছিল তাঁর অভিমুখ ; এবং এই অভিমুখ-মত কাহ্ন করিতে কোন দিন তিনি পরাধুখ ছিলেন, এমন কথা অতি-কড় নিন্দুকও নিন্দার ছলে তুলিতে পারে না ! মাতবিনী দেবী স্বামীর মতকে শিরোধার্য্য করিয়া আজ পর্য্যন্ত চলিয়া আসিতেছেন,—সে বিষয়ে এতটুকু কুণ্ঠা তাঁহাকে কোনদিন বিচলিত করে মাই !

বাড়ীর বাহিরের বারান্দায় বসিয়া মাতবিনী দেবী এক তরুণ যুবার সহিত কথা কহিতেছিলেন । কাল প্রভাত—পাহাড়ের গায়ে তুষার-স্তূপের উপর রৌদ্র-কিরণ পড়ায় তাহা সোনার যন্ত বক্বাক করিতেছিল !

যুবার নাম অরুণ মিত্র । অরুণ কলিকাতার ব্যারিষ্টারী করে ; পুজার বন্ধে সে আসিয়াছে দার্জিলিঙে বেড়াইতে । আইত্তি লক্ষে একটা সজ্জিত কামরা সে ভাড়া লইয়াছে । অরুণের পিতা অভয় মিত্র কলিকাতার একজন প্রসিদ্ধ ডাক্তার । অভয় মিত্রর সঙ্গে যত্নপতি বাবুর খুবই অন্তরঙ্গতা ছিল ।

মাতবিনী দেবী তাই অহুযোগ করিতেছিলেন, তাঁর বাড়ীতে যথেষ্ট জায়গা থাকা সত্বেও অরুণের স্বতন্ত্র বাসায় ঘর ভাড়া লইয়া থাকায় তিনি ভারী ক্লক্ব হইয়াছেন !

অরুণ একটু কুণ্ঠিতভাবে কহিল,—আপনার এখানে হুয়তো নামা অতিথি এসে ভিড় জমিয়ে আপনাকে ঘর-ছাড়া করেছে, এই ভেবেই আমি আলাদা বাসা নিয়েছি...না হলে আপনার সঙ্গে গেলে কে হুয়ে থাকতে চায়, বলুন !

মুক্ত পাখী

মাতঙ্গিনী দেবী বলিলেন,—তোমাদের আজকালকার ছেলেদের মুখখানিই সব। মুখ-সর্বস্ব হলে চলে কখনো, বাবা! তোমাদের স্বাধীনতার মাত্রা এমনি বে-ওজনে তোমরা চালাও যে এর দরুণ প্রীতি-আত্মীয়তায় কতখানি আঘাত লাগে, তা তোমরা ভেবেও দ্যাখো না!...তুমি আসবে আমার এখানে, তাও কি খবর দিতে হবে, না, এখানে জায়গা হবে কিনা, তার খোঁজ নেবে! এ বাড়ী তুমি নিজের বাড়ীর মত ভাবতে পারো না, সেইটেই আসল কারণ...নয় কি? কথাটা বলিয়া মাতঙ্গিনী দেবী মুচু হাসিলেন।

অরুণ বলিল,—সত্যি তা নয়।...

মাতঙ্গিনী দেবী বলিলেন,—বেশ, তা যদি নয়, তাহলে এখানে না এসে যে-অপরাধ কবেছ, তার প্রায়শ্চিত্ত কর।

—কি করতে হবে, বলুন...

—আইতি লজের ডেরাডেগা তুলে এখানে চলে এসো।... তোমার বাবাই বা কি ভাববেন, বল দিকি...যে, এখানে আমি থাকতে ছেলে গিয়ে উঠলো হোটেলের মত একটা ভাসায়! ...ছাখো, ইংরেজের যে স্বাধীনতা শোভা পায়, আমাদের তা সাজে না। আমাদের ধাতুই যে আলাদা ভাবে গড়া।...ওদের রক্ত বলছে, ছাড়ো, ছাড়ো! শুধু নিজের, নিজের হাত, নিজের পা...দাঁড়াও কেবল আপন-জোরে, আপনার মাথা উঁচু করে... আশে-পাশে চেয়ো না! নিজেকে খাড়া করতে যদি আশপাশ হেঁটে ফেলবার দরকার হয়, তাও ছাঁটো! আগে নিজেকে

মুক্ত পাখা

ছাখো, তারপর আর-সবের কথা ভেবো—আর তাও ভাববে, সে-সব যদি তোমার কাজে লাগে, তবেই...! আমাদের ধাতে তা পারা যাবে কেন! আর-পাঁচজনকে নিয়েই আমরা দাঁড়াই। সে-পাঁচজনকে ছাড়লে আমরা বড় একা, বড় নিঃসঙ্গ হয়ে পড়ি। আমরা চাই চারিদিক নিয়ে উঠতে...আমার সঙ্গে সবাই চলুক—নিঃসঙ্গতা যে আমাদের বিষের মত বাজে! এই ছাখো না, ট্রেনে কলকাতা থেকে সিম্লে যেতে গেলে কামরায় যদি দুটি বাঙালী থাকে তো তাদের কত আলাপই হয় দুজনে,—কি মেলামেশা হয়ে যায়! দুদণ্ডে পরস্পরকে কত কালের আপনার বলে ভাবি, সুখ-দুঃখের কথায় কত দরদ জাগে! আর ওরা? পাঁচজন থাকলেও, সেই একটা খবরের কাগজ নিয়ে আড়াল তুলে সেটা তিরিশ বার পড়বে, তবু পাশের সহযাত্রীটির সঙ্গে ভুলেও আলাপ করবে না! আমাদের মত সামাজিকতা কারো আছে আর? পুরোনো চাকর-বাকরকে অবধি খুড়ো জ্যাঠা দাদা বলে আপনার করে নি। ওদের কাছ থেকে ভালো পাবার চের আছে, মানি, সেগুলো নাও! তাবলে নিজেদের ভালোগুলোকে বিসর্জন দিয়ে...? তা নয়! বুঝলে বাবা।

অরুণ অত্যন্ত অপ্রতিভ হইয়া পড়িল। সে বলিল,—আমার অস্তায় হয়েছে...

মাতঙ্গিনী কহিলেন,—গুলু, টেপু, এরা থাকলে কি তোমায় এখানে থাকতে দিতো। জোর করে এখানে টেনে আনতো!

মুক্ত পাখী

আমি মেয়ে-মানুষ,—প্রাণে মমতাই আছে, গায়ে জোর তো নেই !

অরুণ বলিল,—আচ্ছা, যখন ঘর নিয়েছি, তখন রাত্রে গিন্নে সেখানে শোবো। আমার খাওয়া-দাওয়া এখানেই হবে, আপনার এই স্নেহের নীড়ে। তবে বাসাটা নিয়েছি, টাকাও দিয়েছি যখন, তখন সে হুকু ছাড়বো কেন !

মাতঙ্গিনী দেবী সে কথার কোন জবাব দিলেন না। তাঁর নৃষ্টিপথে তখন এক তরুণীর উদয় হইয়াছিল। তরুণী পথ দিয়া এই দিকেই আসিতেছিল।

মাতঙ্গিনী দেবী বলিলেন,—তোমার সঙ্গে একটি মেয়ের আলাপ করিয়ে দেব। বেশ মেয়েটি...আসছে ঐ...

অরুণ চাহিয়া দেখিল, এক তরুণী রূপের হিল্লোল তুলিয়া গহাড়ের গায়ের উপর তৃণাস্তীর্ণ পথ ধরিয়া চারিদিকে বিদ্যুৎ-দীপ্তি বিকশিত করিয়া এই দিকেই আসিতেছে।...তার গতি কি কুঠহীন !...

মাতঙ্গিনী দেবী কহিলেন,—এর সঙ্গে বনবেও তোমার ! শুধুই কি অপূর্ণ রূপে রূপসী ও...তোমাদের সমাজ-স্বাধীনতার সম্বন্ধে যা মত, এ মেয়েটি যেন সেই মতই সজীব হয়ে উঠেছে !...ব্রাহ্ম-সমাজের একজন মস্ত প্রচারকের মেয়ে, এই দীপ্তি !

—ব্রাহ্ম ! অরুণ একটু কুণ্ঠিত হইল। সে কহিল,—একটা গণ্ডীঘেরা জীবনের মধ্যে...কলিয়া সে একটু থাকিল। পরে কহিল,—দেখুন, এই যে ধর্মের নামে ভেদ টানা, আমি এর

যুক্ত পাখী

বিরোধী। এতে মনের স্বাধীন অব্যাহত গতি তার স্বচ্ছন্দ লীলায় অগ্রসর হতে বাধা পায়!...আমরা হিন্দু বা ব্রাহ্ম কিছুই থাকতে চাই না। আমরা মানুষ, এইটেই শুধু আমাদের একমাত্র পরিচয় হবে! তাছাড়া আর-একটা উপাধির উপসর্গও আমাদের আক্রমণ করবে না—আমি এই চাই।

মাতঙ্গিনী বলিলেন,—তা দীপ্তিও ঐ নামেই ব্রাহ্মের মেঘে!
...সে যে কোন্ ধর্ম মানে, তা বুঝি না!

ঔনিয়া অরুণ খুসী হইল, এই তো চাই! যে-তরুণীটি দেখিতে এমন রুধসী, তার ঘনটাও তেমনি রূপের আলোয় ভরপুর না হইলে চলে! সেখানে বন্ধ সংস্কারের অঙ্ককার জমা থাকিলে পরিতাপের যে সীমা থাকে না!

তরুণী বাড়ীর ফটক পার হইয়া লনে আসিলে মাতঙ্গিনী দেবী উঠিয়া তাহাকে অভ্যর্থনা করিলেন,—এসো মা...

তরুণী কহিল,—একটু বেলা হয়ে গেল আজ! আমার ঐ ম্যাথরের বোটির অস্থখ করেছে, ম্যাথর এসে বললে। তাই দেখতে গেলুম তাকে। তা সর্দি-জ্বর, ভয় নেই।...তাকে দেখে বাড়ী ফিরে তার জন্মে একটা হোমিওপ্যাথি ওষুধ পাঠালুম, তাতেই দেরী হয়ে গেল।...

অরুণ দেখিল, সে একজন অপরিচিত যুবা এখানে থাকিলেও দীপ্তির কথায় বা ভঙ্গীতে এতটুকু সঙ্কোচ ফুটিল না! কি অগ্নান অকুণ্ঠিত তার ভঙ্গী! সে তো নব্য সমাজের বহু তরুণীর সঙ্গে মিশিয়াছে, কিন্তু তাদের সেই যে একটা লোক-দেখানো

মুক্ত পাখী

লজ্জার ভঙ্গী ! কিঁ বিস্ত্রী, কুৎসিত ! তা দেখিলে লজ্জায় মাথা হেঁট হইয়া যায় । তাদের সে লজ্জা, সে সঙ্কোচ এমন ব্যবসাদারী বেসাতির মত দেখায় ! এই তঁরুণীর ভঙ্গীর কাছে সেটা অত্যন্ত কৃত্রিম মনে হইল !...

মাতঙ্গিনী দেবী বলিলেন,—দীপ্তি, তোমার সঙ্গে এর আলাপ করিয়ে দি, এসো মা । এ আমাদের অরুণ... সম্পর্কে আমার ছাওর-পো...কলকাতায় থাকে, ব্যারিষ্টার । অল্প দিন বেরুলেও পশার বেশ করেছে !...করবে না কেন ! বুদ্ধিমান ছেলে ! তাছাড়া তোমাদের দলেরই, মা...স্বাধীনতা সম্বন্ধে তোমাদের মত একই কি না । আর এটি হলো দীপ্তি... এঁর বাবা পশুপতি চক্রবর্তী ব্রাহ্ম-সমাজের একজন গণ্যমান্য আচার্য্য ।

মুহু হাসিয়া দীপ্তি বলিল,—কিন্তু আমি ব্রাহ্ম নই, পিশিমা... মাতঙ্গিনী দেবীকে দীপ্তি পিশিমা বলিয়া ডাকে ।

মাতঙ্গিনী দেবী বলিলেন,—সে কথা অরুণকে বলেছি আমি । তা অরুণও তাই...ভুলেও কখনো কোন দেবতার মন্দিরে প্রণাম করে না, কেউ ব্রাহ্ম বললেও ক্ষেপে তাকে মারতে ওঠে !... আর সমাজ-ধর্ম সম্বন্ধে মতামত এমনি যে তোমাদের মধ্যে কে সেরা, তার বিচার করা এক শক্ত ব্যাপার ।...তোমরা আলাপ কর—আবি খাবার আনি ।

দীপ্তি বলিল,—তোমার হাতের রসগোল্লা যদি থাকে তো দিয়ো, বিস্কুট-মিস্কুটগুলো ভারী একঘেয়ে লাগে, পিশিমা ।

মুক্ত পাখী

অরুণ এই তরুণীর ত্রীড়াহীন স্বচ্ছন্দ কথা-বার্তার মুগ্ধ হইয়া তাহার পানে চাহিয়া ছিল।*

মাতঙ্গিনী দেবী হাসিয়া বলিলেন,—রসগোল্লার উপর তোমার একটু দরদ বেশী,—না রে দীপ্তি? বলিয়া তিনি উঠিয়া শ্বরের মধ্যে গেলেন।

দীপ্তি বলিল,—পিশিমাকে আমি রোজ জ্বালাতন করি! ...তা কি করি বলুন, পিশিমার হুকুম কি, না, আমাকে মুগ্ধ ধুয়ে একেবারে এখানে আসতে হবে! চা বলুন, খাবার বলুন, এখানেই খেতে হবে!... পিশিমা ভারী স্নেহ করেন আমায়!... কাকেই যে না করেন! আপনার কথা পিশিমার কাছে আমি প্রায় শুনি। আপনি ওঁকে লিখেছিলেন, ছুটিতে এখানে আসতে পারেন বেড়াতে,...তা আপনি বুঝি কাল এসেছেন? ঋপর দেন নি তো!

অরুণ বলিল—না, আমি এখানে উঠিনি। আমি এসে উঠেছি আইভি লজে।

দীপ্তি কহিল—কেন, এখানে রইলেন না যে! পিশিমা তো এমনি কথাই বলছিলেন—

অরুণ বলিল—ভাবলুম, এখানে হয়তো অনেক যাত্রী এসে ভিড় জমিয়ে দেছে। এঁর বাড়ী তো বারোমাসই অতিথ-শালা। অরুণ হাসিল।

দীপ্তি বলিল—সে কথা সত্যি! পয়সা থাকে ঢের লোকের—কিন্তু তার সদ্যবহার জানে ক'জন! তাছাড়া পয়সা থেকেও

মুক্ত পাখী

যদি মানুষ সামাজিক হতে না শিখলে, আর-পাঁচজনকে নিজের চরিত্রের প্রভাব না জঁনিয়ে দিলে, তাহলে তো মানুষ হয়ে জন্মাবারও কোন সার্থকতা থাকে না ।

অরুণ কহিল,—আপনি কি এখানেই থাকেন ?

দীপ্তি কহিল,—না, আমিও ছুটীতে বেড়াতে এসেছি ।

অরুণ কহিল,—আপনি কি বেথুনে পড়ছেন ? কথাটা বলিয়া যেন একটু কুণ্ঠিতভাবেই সে উত্তরের প্রতীক্ষায় দীপ্তির পানে চাহিল ।

দীপ্তি কহিল,—না । পড়তুম বটে, তবে...ছেড়ে দিয়েছি ! ...ফোর্থ ইয়ারে পড়তে পড়তেই ছেড়ে দিলুম । বলিয়া সে একটু ধামিল, পরে কহিল,—ইউনিভার্সিটির একটা ডিগ্রী কুড়িয়ে কি বা এমন লাভ হবে, তাও বুঝি না ।...জীবনটা কেমন চারিধার থেকে নাগপাশে জড়িয়ে পড়ছিল । বাঁধা রুটীনের চাপ—তাছাড়া যাদের সঙ্গে পড়ছিলুম, দেখলুম, তাদের লক্ষ্য শুধু এই ডিগ্রী নেওয়ার দিকেই—মনটার প্রসার হবে কি করে, তার কথা কারো মনে স্থানও পায় না ! অর্থাৎ দেখুন, চারিধারে এই যে মস্ত একটা কলরব পড়ে গেছে,—সাম্য-সাম্য, মেয়েদের পুরুষের সঙ্গে সমকক্ষ করে তোলো, সব দিক দিয়ে মুক্ত আলো, মুক্ত বাতাস ছিটিয়ে প্রাণটা ওদের ভরে দাঁও,—এই যে মুক্তির অল্প আকুলতা, এটা কি সত্যই অন্তরের জ্বনিষ, না, এ শুধু লোক-দেখানো ঠাট মাত্র ! দীপ্তির কথার সঠিক

মুক্ত পাখী

অর্ধ ঠিক বঝিতে না পারিয়া অরুণ তার মুখের দিকে চাহিয়া রহিল।

দীপ্তি কহিল,—এই যে শিক্ষা দেওয়া চলেছে, এ শিক্ষা মনকে কতখানি গড়ে তুলছে! একটুও না। সেই বন্ধ সংস্কারের মধ্যে মন যেমন আচ্ছন্ন ছিল, তেমনই থাকে! তারপর মুখে যত আন্দোলনই চলুক—মেয়েদের বেঁধে রেখো না, বাধন থেকে মুক্তি দাও, তাকে মুক্ত আকাশের পাখী করে তোলো—আসলে কাজে তা হচ্ছে কি! বি, এ পাশ করেও তারা সেই দাম্ভলীলায় জীবনকে চুবিয়ে ধরছে! সেই ঘরকন্ঠাব পাঠ, সেই রেঁধে-বেড়ে স্বামীর পথ চেয়ে বসে থাকা—গৃহে স্বামী সেই প্রভুর মত আদেশ করছে, আর স্ত্রী নির্বিচারে তা পালন করে চলেছে! কোথায় সে বন্ধুত্ব, সখ্য! কলমে পাশ কবে মেয়েরা জীবনে তার কি ফলটা পাচ্ছে, বলুন তো?

অরুণ কহিল,—আমারো ঠিক ঐ মত।...তবে তার বেশি এটুকুও আমি বলি যে, পুরুষদের শিক্ষাই বা কি হচ্ছে, বলুন তো! মানুষ তৈরি হচ্ছে? ইউনিভার্সিটি থেকে ছাপ নিয়ে বেরিয়ে ওকালতি করতে গিয়ে নির্মম চাপে হয় সব মকেলের হাড়-পাজরা ভেঙ্গে চূর্ণ করে দিচ্ছি, না হয়, ডাক্তারী, কি পাটের দাঙ্গালি! এতে টাকাকড়ি হলো তো লোকে বললে, হ্যাঁ, একটা মানুষ হয়েছে বটে! মানুষের মাপকাঠি ঐ টাকার বস্তা! তাহলে তো আদর্শ মানুষ—আমাদের টাকশাল! কি টাকাটাই সে টানি ভেঙ্গে ছেঁকে নিত্য বার

যুক্ত পাখী

করছে! তাছাড়া দেখুন, ভালো ছেলের আদর্শ কি? না, যে কৌৎ-কৌৎ করে পড়া গেলে, আর একজামিনের সময় তা হুড়-হুড় করে বমন করে দিতে পারে! সে এত-বড় বিশ্বজগৎ সমাজ যে আছে, এ-সবের কোন খোঁজ রাখে না—হুনিয়ায় যে মানুষ আছে, তা তার হাঁসও নেই! তার পর ললিত-কলা খেলাধুলা এদের সঙ্গে কোন সম্পর্ক রাখে না! তার পর পাশ-টোশ সেরে, দেখি, সে দিবারাত্র ওষুধ খাচ্ছে, আর ঘর ছেড়ে খোলা একটু হাওয়ায় আসতে হলে গলায় কম্ফটার জড়াচ্ছে! না জানলে কখনো খেলতে, না জানলে প্রাণ খুলে চাঁচিয়ে হাসতে! এই আমি অক্সফোর্ডে ছিলাম তো—তা সেখানে প্লেটো আরিষ্টটল মিল, এ-সব পড়ার সঙ্গে সঙ্গে খেলাও ছিল কি প্রচুর! এখানে ছেলের দল একত্র হলে শুধু একই কথা, বার্কখানা কতদূর হলো? Dynamicsটা দেখা হচ্ছে না—এ নিয়েই মত্ত সব চক্কিশ ঘণ্টা! আর সেখানে ও-সব বার্ক Dynamics কলেজে বা ক্লাশের মধ্যে—কলেজের বাইরে ক্রিকেট বিলিয়ার্ড রোয়িং। তারপর বুড়োখাড়া সব ছেলে একজনকে ধরে পাঁজা-কোলা করে জলে চুবোচ্ছে! কি চীৎকার, কি মাতামাতি! এখানকার আট-দশ বছরের ছেলেগুলো সে-রকম কিছু করলে বাড়ীতে বাপ-মার চোখ কপালে উঠে যায়! এই তো জীবন! জীবনটাকে ফেলে ছড়িয়ে ঠিকভাবে ভোগ করতে যদি না পেলুম তো জীবনের সৃষ্টি হয়েছিল কেন! গাছ-পাথর হয়ে থাকলেও চলতো তো!

মুক্ত পাখী

দীপ্তি কহিল,—ঠিক তাই। মানুষের মাথাটাই তো তার এক-মাত্র অঙ্গ নয় যে শুধু ঐ মাথাটিকে গড়ে তুললেই মানুষ গড়া হবে। মানুষ গড়তে হলে তার হাত-পা, তার প্রত্যেক অঙ্গপ্রত্যঙ্গ, তার প্রকৃতিটাকেই যে সঙ্গে সঙ্গে গড়ার দরকার! ভাবুন তাহলে, ছেলেদের সম্বন্ধেই যখন এই ব্যবস্থা, তখন মেয়েদের দশা এদেশে কি ভয়ানক সাংঘাতিক!

অরুণ কহিল—আমার কি মত, জানেন?...আমি বলি, শিক্ষা দেবার আগে সকলকে বাঁধনের নিগড় থেকে মুক্তি দাও। আগে মনকে মুক্ত কর, তার পর শিক্ষা দিলে তবেই না তার গড়ে ওঠবার সম্ভাবনা ঘটবে!

দীপ্তি কহিল—এইটেই খাঁটি কথা।—তারপর দরদী শ্রোতা পাইয়া সে তার মনটাকে একেবারে আবেগে-উত্তেজনায় ধালি করিয়া অরুণের সামনে ধরিয়া দিল। সে বলিল,—এই যে রাজনীতির ক্ষেত্রে আমাদের চেষ্টা বিফল হচ্ছে, এত বিরোধের মাঝে বারবার পথ হারাচ্ছে, এর মানে আর কিছু নয়! আমাদের মন শিক্ষার অভাবে স্বাধীনভাবে গড়ে উঠতে পারে নি, কাজেই আমাদের চেষ্টাকে আলোয় আমরা ভরিয়ে তুলতে পারছি না। তার কারণ, মনের মধ্যটা সংস্কারের বন্ধ অঙ্ককারে ভয়ানক জমাট বেঁধে আছে—নিবিড় ছায়া! আলোর এ ক্ষীণ রশ্মি সে আঁধারকে ঠেলে হঠাতে পারছে না। তার উপর নারীর জাগরণ বলে যে চীৎকার উঠেছে—এ কি জাগরণ! জাগবার আগে চাই নিজেদের চেনা। তা

মুক্ত পাখী

কৈ সে নিজেদের চেনবার চেষ্টা...পুলিটিক্সের আগে চাই সমাজে
তুমুল পরিবর্তন, ভেঙ্গে-চুরে তাকে একেবারে স্বাধীনভাবে নতুন
করে গড়ে তোলা। আর এই যে জাতিভেদ সামাজিক আচারের
পার্থক্য, ধর্মের পার্থক্য, এ সব গণ্ডীও মানুষকে এক হতে
দিচ্ছে না। এ সব বাধন ভেঙ্গে মানুষ যদি একবার মিলতে
পায় যথাথ প্রাণে-প্রাণে, তাহলে তাদের সেই সম্মিলিত শক্তি যে-
কাজে হাত দেবে, তাতে জয় তার হবেই!

অরুণ কহিল—আপনার বাবা কি বলেন এ-সম্বন্ধে? তিনি...

দীপ্তি কহিল—বাবা! তাঁর মত! আপনি কি বলতে চান,
আমার এতখানি বয়স হয়েছে, আমার নিজের কোন মত থাকবে
না! বাবার যেমন মত আছে, আমরা তো একটা মত আছে
তেমনি! আমার স্বাধীন মতে তিনি কি বলে হস্তক্ষেপ করবেন!
আমাদের দেশের পণ্ডিতের কথাই তো—প্রাপ্তে তু ষোড়শে বর্ষে
পুত্রমিত্রবদাচরেৎ। আমি যে স্বাধীনতার কথা বলছি, তার মানে
স্বাভাব্য! আচারে কাজে, সব বিষয়ে স্বাভাব্য, স্বাধীনতা...এ শুধু
প্রকাশ্য রাজপথে নারীর অবাধ বিচরণ নয়...সমাজে জীবনের
প্রতি কাজে, প্রতি চিন্তায় স্বাধীনতার কথা বলছি আমি!

অরুণ কহিল,—কিন্তু,—তবু মেয়েরা যতই স্বাধীন থাকুন,
পুরুষের কাছে একটু মাথা তো নোয়াতেই হবে!—জাবুন,
আপনিই আপনার বাবার অধীন...তাঁরই পংসায়...

দীপ্তি কহিল,—মোটো নয়। ঠিক ঐখানেই বাধছিল বলে
আমি রেখাপত্রা ছেড়ে দিলুম। বাবার অর্থে আমার দিন

মুক্ত পাখী

চলছিল,...ভাবলুম, কেন, আমি তো পরস' নিজেই উপার্জন করতে পারি। যদি কেউ স্বাধীনভাবে নিজেকে গড়তে চায় তো তাকে সর্বদিক দিয়ে পর-নির্ভরতা ছাড়তে হবে। নারীর এই অসহায়তার জগ্রেই তো সমাজে এত সব বিধি-নিষেধের সৃষ্টি হয়েছে। আমি চাই, জীবনে কখনো পুরুষের অধীন হব না, নিজের স্বাধীন সত্বায় দিন কাটাবো,...চির কাল। তাই আমি বেথুনে পড়া ছেড়ে মেয়ে-স্কুলে শিক্ষয়িত্রীর কাজ নিয়েছি...কাগজেও কিছু কিছু লিখি...তাতেও কিছু রোজগার হয়। তাতে আমার বেশ স্বচ্ছন্দেই দিন চলে যায়!... বিলাসিতা! তার কোনো প্রয়োজনও তো নেই, জীবনে! না-ই হলো বিলাসিতা!...

অরুণ কহিল,—তাহলে এখানে আপনি একলাই এসেছেন! আপনার বাবা-মা...

দীপ্তি কহিল,—একলাই এসেছি। ভেলু পাহাড়ের ধারে হেজ-হাউস বলে ছোট বাংলা, সেই বাংলায় আমি থাকি। লোকালয়ের একটু বাইরে, তাহলেও সেখানকার স্বাভাবিক সৌন্দর্য্য এমন যে লোকজনের সব পাবার জন্য মন একটুও চঞ্চল হয় না!...কলকাতার মরুভূমি ছেড়ে এই শ্রামল বিজয় গিরি-গুহায় এসে প্রাণটা যেন মুক্তির নিশ্বাস ফেলে বেঁচেছে!

অরুণ কহিল,—কিন্তু, একলা ঐ নির্জন জায়গায়,—

দীপ্তি মুহূ হাসিল। হাসিয়া কহিল,—আপনি আশ্চর্য্য হচ্ছেন কেন, বলুন তো! নারী একলা থাকতে পারবে নাই বা কেন—

মুক্ত পাখী

অরুণ ঈষৎ অপ্রতিভ হইয়া বলিল,—না, তা পারবেন না কেন! আমি সে কথা বলছি না—তবে পাঁচটা লোকে কি ভাববে, কি বলবে...তাদের কৌতূহল...

হাসিয়া দীপ্তি কহিল,—লোকের বলা কি ভাবার দিকে আমি ক্রক্ষেপণ করি না। আমি যেটা সত্য বলে মনে করবো, যেটাতে ভাববো কোন দোষ নেই,—তা করতে আমি কখনো কুণ্ঠিত বা বিচলিত হবো না! লোকে আমার কি জানে! তাদের বলা বা ভাবার পানে চেয়ে থাকলে, দুনিয়ায় নড়া-চড়া করাই যে অসম্ভব হয়ে পড়বে!...বিবেচনা করার শক্তিমাত্র নেই, এমন অবিবেচক বক্তার কখনো অভাব নেই, কোনো দেশেই!..

অরুণ কহিল,—আপানি কতদিন এখানে থাকবেন?

—আরো তিন হপ্তা। স্থলের ছুটিটা আর কি এখানেই কাটাবো। কাজের চের কথা ভেবে আলোচনা করারও অনেক সুযোগ পাই এখানে!...

মাতঙ্গিনী দেবী ফিরিয়া আসিলেন,—ভৃত্য একটা ট্রেণ্ডে করিয়া দুইজনের মত চা ও জুল-খাবার আনিয়া টী-পয়ের উপর রাখিল।

মাতঙ্গিনী দেবী হাসিয়া বলিলেন,—দুজনে খুব আলাপ হয়ে গেছে যে এরি মধ্যে!...কেমন, আমি তো বলেছিলুম, যে, তোমাদের দুজনে বনবে খুব।

দীপ্তি কহিল,—এই তো গিশিয়া আমার কথা শুনে তুমি বল, আমি পাগল! এঁরও তো ঐ মত!

মুক্ত পাখী

মাতঙ্গিনী দেবী বলিলেন,—কে ? অরুণ ! ও-ও কি কম না কি ! বলেছি তো, তোমাদের মধ্যে কে সে, তা বলা শক্ত !

চা-পানের সঙ্গে সঙ্গে আরো নানা কথাবার্তা হইল । তার পর দীপ্তি বেড়াইতে যাইবে বলিয়া উঠিল । উঠিয়া অরুণকে কহিল,— তাহলে বিকেলের দিকে আমার বাড়ী দেখতে আসছেন তো ! সেখানে গেলে খুসী হয়ে যাবেন । পাহাড়ের ভীম-গম্ভীর মূর্তি— সবুজ ঘাসের শ্রামল শোভা !... আসছেন তো বিকেলে ?

অরুণ মুগ্ধ কৃতজ্ঞচিত্তে কহিল,—নিশ্চয় !

—বাড়ী চিনতে পারবেন ?

—ঐ তো ভেলু পাহাড়ের কাছে । তা চিনতে পারবো বৈ কি !

—আপনারা তাহলে বসুন—বলিয়া মাতঙ্গিনী দেবীকে প্রণাম করিয়া দীপ্তি চলিয়া গেল । অরুণ বিমুঢ়ের মত বসিয়া রহিল— এতক্ষণ সে যেন স্বপ্ন দেখিতেছিল !

— ২ —

বেলা দুইটা বাজিতেই অরুণ বৈকালিক নিমন্ত্রণ রক্ষা করিবার জন্ত বেশ-ভূষা আরম্ভ করিয়া দিল । যৌবনের ধর্ম্মই এই— তরুণীর আহ্বানে তরুণ চিরদিন নিজেকে সজ্জিত সুন্দর করিয়া তুলিতে চায় । বেশভূষা সারিয়া অরুণ দেখিল, এখনো অনেকখানি দেরী । সময় যেন আর কাটিতে চাহিতেছে না ! দুই-চারিটা

মুক্ত পাখী

পোষাক আবার নাড়িয়া-চাড়ির আয়নার সামনে দাঁড়াইয়া এতবার সে নিজেকে দেখিল,—তবু ঘড়ির কাঁটা কিছুতে যেন আর অগ্রসর হইতে চায় না! অরুণের মনে হইল, হাত দিয়া দার্জিলিঙের ভেলু পাহাড়ের ধারের সেই পরিচ্ছন্ন বাঙলার সব ঘড়িগুলার ছোট কাঁটা যদি সে ঘুবাইয়া চারটার ঘরে মরাইয়া দিতে পারিত!...সে জানিত না, যে-সময়টায় নিজেকে সে এত করিয়া সাজাইয়াও ঠিক মনের মত করিয়া তুলিতে পারিতেছে না, সেই সময়টায় দীপ্তি মাতঙ্গিনী দেবীর ঘরে বসিয়া তাহারি কথা শুনিতেছে।

মাতঙ্গিনী দেবী বলিলেন,—চমৎকার ছেলে এই অরুণ! মনটা শুধুই যে শিক্ষায় ভরপুর, তা নয়, মা—ওর মনে যেমন দরদ, তেমনি স্নেহ! তাছাড়া কুসংস্কারের ছায়াও ওর মনে নেই!...মানুষের মধ্যে সব বৈষম্য কেটে দিয়ে সবাই মহা-মানবের অংশ হয়ে গড়ে উঠুক—এই ও চায়। তোমার সঙ্গে মতও মেলে ওর খুব!...তাছাড়া কত বড় বংশের ছেলে ও। ওর বাপ কলকাতার একজন মস্ত ডাক্তার। অগাধ পয়সার মালিক হলেও গরীব-দুঃখীর কাছ থেকে একটি পয়সা নেন না। শুধু তাই নয়, গরীবের ডাকটিতে পয়সা না থাকলেও সেটিকে অগ্রাহ করেন না। মা মারিঁর মানুষ ছিলেন, নেই; আজ 'দু'বছর স্বর্গে গেছেন!... আর ব্যারিষ্টারীতে এই অল্প দিনেই ও যা পশার করেছে, তাতে মনে হয়, ভবিষ্যৎ ওর খুবই উজ্জল!

ঘড়িতে বেলা তিনটা বাজিয়া গেল, তবু মাতঙ্গিনী দেবীর

মুক্ত পাখী

কথার আর শেষ নাই।— শুধু এই! অরুণ খুব ভালো ছবিও আঁকিতে পারে। শুধু গাছপালা বা পাহাড়-নদীর ছবি নয়! তুমি বসিয়া আছো, পেন্সিলেব ছুটা আঁচড়ে তোমার এমন ছবি মুহূর্তে আঁকিয়া দিবে, যে, তাব কাছে ফটোগ্রাফ কোথায় লাগে! তাছাড়া কাব্য-উপন্যাসের কত বিষয় লইয়া কত ছবিই যে সে আঁকিয়াছে! ও একজন মস্ত গুণীন্ আর্টিষ্ট!

মাতঙ্গিনী দেবী হঠাৎ খামিয়া দীপ্তির পানে চাহিয়া রহিলেন, তারপর একটা নিশ্বাস ফেলিয়া কতক আত্মগতভাবেই কহিলেন,— ছুটীকে মানায়ও বেশ। তাঁ কি হবে! এ বন্ধুত্ব কি ওদের ছুটীকে চির-জীবনের মত এক করে দেবে! শেষের কথাটা দীপ্তির কানে গেল। দীপ্তি শিহরিয়া উঠিল, ডাকিল,— পিশিমা—

— কেন দীপ্তি?

দীপ্তি মাতঙ্গিনীর পানে চাহিয়া কহিল,— কি যে বল তুমি!

হাসিয়া মাতঙ্গিনী বলিলেন,— কি বলি?

দীপ্তি হাসিয়া অবিচল কণ্ঠেই কহিল— আমার তাহলে তুমি আজো চেনোনি পিশিমা। বিয়ে আমি কখনো করবো না, কখনো না!...এ আমার পণ!

মাতঙ্গিনী দেবী হাসিয়া কহিলেন,— অনেকে ঐ কথা বলে রে! তারপর ঠিক লোকটি যখন এসে চোখের সামনে দাঁড়ায়...! ...একজনকে না ভালবেসে এমনি নিঃসঙ্গ একলা থাকবি?...

দীপ্তি একটু নীরব থাকিয়া কহিল,— কাকেও... ভালো বাসবো না, এমন কথা বলা যায় না! বলা চলে না। আমাদের

মুক্ত পাখা

জীবন এত দীর্ঘ, আর ঘটনাও এত রকম ঘটে!...তবে বিয়ে নয়! সেই চিরকালে দাস্ত...তার চিন্তা আমি করতে পারি না! তাহলে আমার স্বাধীনতা রৈল কোথায়, পিশিমা? সেই তো তাহলে সামাজিক রীতি-নীতি, আচার-প্রথাকে মাথায় তুলে নিয়ে দাস্তব্রত গ্রহণ করাতে হবে...! তোমায় বলে রাখি, পিশিমা, এ কাজ আমার দ্বারা কখনো হবে না। আর তুমি জানো, আমি মুখে যা বলি, কাজেও তা করি। যখন একটা পণ আমি করি, তখন তা পালন করতে যদি আমার বুক ভেঙ্গে যায় তবু আমি তা পালন করি! আমার নিজের মনের কাছে কখনো বিশ্বাসঘাতক হবো না আমি, নিশ্চয়!

মাতঙ্গিনী দেবী শিহবিয়া উঠিলেন! দীপ্তি এ বলে কি! ছুই-চারিটা মেয়ের মুখে এমনি কথা শুনিয়া তাঁর ভয়ও যেমন হয়, তেমনি এই স্বাধীনতার চেষ্টার প্রতি তাঁর সমস্ত নারী-হৃদয় ক্ষোভে-রোষে বিদ্রোহী হইয়া ওঠে! এ কি ভালো! নারীর এই পুরুষ-সম্পর্কবিহীন স্বার্থপরের মত জীবন বহা...? তার চেয়ে যে ঢের ভালো ছিল সেই পর্দার আড়ালে অল্পে-তুষ্টি সরল নির্লোভ জীবন-লীলার স্নিগ্ধ প্রবাহ!

হঠাৎ ঘড়ির দিকে চোখ পড়িতেই তিনি কহিলেন,—আর নয় মা, অরুণকে চারটের সময় আসতে বলেছ। একে তো সে বাড়ী জানেনা, তাতে তোমায় না দেখতে পেলে কোথায় ঘুরে বেড়াবে! বাড়ী যাও এখন। কাল সকালে এসো। কালকের জন্মে রসগোল্লা করে রাখতে হবে, না?

মুক্ত পাখী

দীপ্তি হাসিয়া বলিল,—তোমার রসগোল্লার রসের লোভেই
ঝুঁকি এখানে আসি শুধু! •আমি কি এমনি পেটুক!

মাতঙ্গিনী হাসিয়া কহিলেন,—রসের লোভে বৈ কি মা!
স্নেহ তো করি, তা সে স্নেহটাকে কবির! কি বলে? স্নেহ-রস
তো...তবে?

দীপ্তি হাসিয়া বলিল,—তাহলে আমি পেটুকই হতে চাই
দিশিমা! তোমার স্নেহ-রস যে কি, তা যে তার স্বাদ
পেয়েছে সেই জেনেছে! এ রসের রসিক যে নয়, সে বড়
হুঁতগা!

মাতঙ্গিনী দীপ্তিকে টানিয়া বুকের মধ্যে চাপিয়া ধরিলেন;
পরে তাহার মাথায় চুম্বন করিয়া কহিলেন,—চিরসুখী হও মা।

গৃহে ফিরিয়া দীপ্তি মাথার বিশ্রান্ত চুলগুলোকে আঁচড়াইয়া
গুছাইয়া গৃহ-সম্মুখের বাগানে বেড়াইতে লাগিল। ও গাছটা
গোলাপে ভারিয়া উঠিয়াছে, ওধারে ঐ হনি-সাকলের ঝাড়ে কি
বাহার! ঐ মালতীর গুচ্ছ...চারিধারে নিবিড় পুষ্প-কুঞ্জগুলি
যেন কে ফুলের রাশে সাজাইয়া রাখিয়াছে।

অক্রম আসিয়া সেই পুষ্পকুঞ্জের মধ্যেই ঢুকিল এবং দীপ্তিকে
দেখিয়া কহিল,—বনদেবী, বনে ফুল তুলছেন!

দীপ্তি কহিল,—বাঃ, আপনি তো বেশ! একেবারেই
বাগানে এসেছেন! কোথায় এই একধারে ঝোপের মধ্যে
ঘুরছি...! তা চারটে কি বেজে গেছে?...আমি এগুলোর সন্ধানে
এসে ঘড়ির কথা ভুলেই গেছি।

মুক্ত পাখী

অরুণ কহিল,—না, এখনো চারটে বাজতে একটু দেরী আছে। তা আমি যে বাঙালী, কথায়-কথায় ঘড়ি দেখতে মনেও থাকে না!

দীপ্তি হাসিয়া কহিল,—তাহলে তো আপনার বিলেত যাওয়াই মাটী হয়ে গেছে!

অরুণ কহিল,—নিজে না মাটী হলেই ভাগ্য বলে মানবে।

দীপ্তি অরুণের পানে ফিরিয়া চাহিল, এ কথার মানে?

অরুণ বুঝিল, রসিকতাটার কোন অর্থ নাই! তবু সে কহিল,—অর্থাৎ, ঘড়ির একটু এদিক-ওদিক হলে ক্ষতি নেই! মনের গতির না নড়-চড় হয়।

দীপ্তি মুখ দৃষ্টিতে আশপাশের বুনো লতায় সাজানো ছোট-খাটো বিচ্ছিন্ন ঝোপ-ঝাপগুলার দিকে দেখাইয়া কহিল,—দেখুন তো, যা বলেছিলুম, তা ঠিক কি না! সৌন্দর্যের ছড়াছড়ি চারিদিকে, কেমন!...ওঃ, কলকাতায় সেই ধূলো আর ধোঁয়ার তুলনায়, এ যেন স্বর্গপুরী...

অরুণ কহিল,—কবি তো বলেই গেছেন,

Many a green isle needs must be

In the deep wide sea of misery,—এ না থাকলে মানুষ বাঁচত! কলকাতায় থেকে থেকে দম্ আটকাবার মত হলে, ভাগ্যে এই-সব জায়গা ছিল, নইলে মানুষের মনগুলো পাথর হয়ে যেত!...

কথাটা বলিয়া সে দীপ্তির পানে চাহিল। দীপ্তির মুখে-চোখে

মুক্ত পাখী

সকালবেলার চেয়েও আরো মধুর দীপ্তি ফুটিয়াছে! একখানি সবুজ রঙের শাড়ী তার নিটোল অম্লান তনুখানিকে ঘিরিয়া রহিয়াছে। হাফ-হাতা সবুজ ব্লাউসটি গায়ে আঁটিয়া বসিয়াছে— আর গোলাপী রং এমন আভায় বিচ্ছুরিত হইয়া পড়িয়াছে যে, তরুণের মনে হইল, সবুজ পাতা-ঘেরা এ যেন সগ-ফোটা তাজা গোলাপটি! ... যৌবনের বিদ্যৎ-স্পর্শে তার সারা অবয়ব অপক্লপ মাদুরীতে পরিপূর্ণ! ... অরুণ মুগ্ধ দৃষ্টিতে দীপ্তির পানে চাহিয়া বহিল। এই তরুণীর দেহখানিকেই শুধু যৌবন সবুজ শ্রীতে মণ্ডিত করিয়া ক্ষান্ত হইয়া নাই, ইহার মনটাও যৌবনের এই শ্রীতে অপক্লপ সমুজ্জল!

হঠাৎ দীপ্তি তার পানে চাহিতেই অরুণের স্বপ্ন ভাঙিয়া গেল সে কহিল,—চমৎকার জায়গাটি। আপনার রুচির তাবিফ করতে হয়! সারা সেরটাকে বাদ দিয়ে কেন যে এ নির্জন বনের কোলে বাসা নিয়েছেন, তা এখন বুঝলুম!—আইভি-লত্বের আশপাশের শোভা দেখে আমিও বিহ্বল হয়েছিলুম—কিন্তু এখানকার তুলনায় সে জায়গাকে কত খাটো বলে মনে হচ্ছে। দেখ্‌চি, বিদেশী আমরা এখানে এসে বে-সব জায়গা বেছে নিয়েছি, নয়ন-মনকে তৃপ্তি দিয়ে বাস করবো বলে, তার চেয়ে গরীব বাসিন্দারা, টের ভালো জায়গায় এসে আস্তানা পেতেচে! ...ঐ নীচেকার ছোট কুঁড়ে ঘরগুলি...দেখুন তো, ও যেন মানুষের হাতে গড়া নয়। ওগুলি যেন কোন্ পরীর স্বপ্ন দিয়ে গড়া...! ঐ খাদ, ঐ এবড়ো পাহাড়ের গা, ঐ

মুক্ত পাখী

ডোবাটি—তাদের স্বাভাবিক সৌন্দর্য্যে কি চমৎকার শোভায়—
ঝলমল করছে !

দীপ্তি কহিল,—ছবি আঁকবেন

অরুণ একটু অবাক হইয়া দীপ্তির পানে চাহিল । দীপ্তি কহিল,
—আশ্চর্য্য হচ্ছেন ! মানুষের আসল পরিচয় কখনো লুকোনো
থাকে না ! পিশিমার কাছে আপনার গুণের পরিচয় পেয়েছি ।
আপনি যে একজন গুস্তাদ চিত্রকর, তা শুনেছি !...তা আঁকুন না
ছবি । এখানকার মধুর স্মৃতি নীরস কলকাতায় অনেক সাস্থনা
দেবে !...চলুন, সন্ধ্যা হবার আগে ঐ পাহাড়ের ওপরটা
ঘুরে আসি ! সূর্যাস্তের যে শোভা দেখবেন, তা আর ভুলবেন
না কখনো !

অরুণ সম্মত হইল । তখন দীপ্তি ছুটিয়া বাঙলায় গিয়া
একটা গরম জাম্পার গায়ে দিয়া আসিল । তারপর দুইজনে
পাহাড়ের গায়ে পাইন-ঝাড়ের আড়ালে অদৃশ্য হইয়া
গেল ।

সারা পথ কথার আর অন্ত নাই ! দুজনে যেন কত কালের
আলাপ—দুটি অন্তরঙ্গ বন্ধু ! যৌবনের প্রদীপ্ত আলোয়
দুজনেরই প্রাণ উজ্জল, ভরপুর...এবং মনের গতি দুজনেরই এক
বলিয়া এক-নিমেষে দুজনের মধ্যে এমন সখ্য গড়িয়া উঠিল, যাহা
বহু বহুবর্ষের আলাপেও একান্ত দুর্লভ !

অরুণ কহিল,—এই বয়সেই জীবনটাকে এত দিক দিঘে
আপনি নেড়ে-চেড়ে দেখেচেন যে, আপনার চিন্তা করবার

মুক্ত পাখী

শক্তি দেখে মন শঙ্কায় ভরে উঠছে ! অল্প মেয়ের কথা ছেড়ে
দি, পুরুষও যে এভাবে জীবনটাকে ভেবে দেখে না !...

দীপ্তি কহিল,—আমার বয়স তখন পনেরো বছর—ম্যাট্রিক
দি। দিয়ে নানা বই পড়তুম ! সে-সময় বাবা একটা প্রবন্ধ
লিখেছিলেন, তত্ত্ববোধিনী পত্রিকায়। প্রবন্ধটির নাম, সত্য ও
মুক্তি। সেই প্রবন্ধ বিদ্যুতের মত আমার মনকে এক নিমেষে
এমন চান্কে দিলে !...বাবা তাতে লিখেছিলেন,—সব ছেড়ে
পৃথিবীতে আমরা একমাত্র সত্যের সন্ধান করবো—এবং যতদিন
না এই সত্যের দর্শন পাবো, ততদিন আর-কিছুর পানে ফিরেও
চাইবো না। সত্যকে পাচ্ছি না বলে, একটা ছোট মিথ্যাকে ধরে
অলস হয়ে বসে থাকবো না। আকুল প্রাণে সত্যের সন্ধান করা
চাই। এর জগৎ সমাজের বুকে যুগ-যুগ ধরে লালিত আচার-
সংস্কার, রীতি-নীতির মোহ কাটিয়ে তাকে এ-সবের ঢের উদ্ধে
নিয়ে যেতে হবে। এই সত্যকে পেলেই আমরা মুক্তি পাব...সত্য
ছাড়া মুক্তির কোন আশা নেই !...এ পড়ে আমার মনে হলো,
ঠিক কথা ! সত্যই তো মুক্তি। মিথ্যা নিয়ে থাকার মানে, শৃঙ্খলে
জড়িত থাকা—হাতে-পায়ে কঠিন শৃঙ্খল ! সামাজিক নৈতিক
যা-কিছু আচার মিথ্যাকে জড়িয়ে পড়ে আছে, সে-সব কেটে
ছিঁড়ে মনকে মুক্ত করতে হবে, তবেই তার স্বাভাবিক বিকাশ
হবে।...সেই দিন থেকে আমি মনকে প্রস্তুত করেছি, যদিক
থেকে পারি, এ বাঁধন কাটাবো। সেদিন থেকে আমার জীবনের
একমাত্র লক্ষ্য, সত্যকে সন্ধান করা...সত্যকে জানা, সত্যকে

মুক্ত পাখা

পাওয়া—বলিতে বলিতে দীপ্তি উজ্জ্বলিত হইয়া উঠিল।
হঠাৎ খামিয়া পড়িয়া হাসিয়া সে আবার কহিল,—কিন্তু আমি
কি, বলুন তো! কেবলি নিজের কথা কইছি। আপনাকে
বেড়াতে নিয়ে এলুম, প্রকৃতির সৌন্দর্য্য-লীলা দেখাবার জন্ত!
কোথায় তা দেখবেন, না, আমার বকুনি শুনচেন!

অরুণ কহিল,—কিন্তু আপনার কথা আমার ভাবী ভালো
লাগচে। এই মুক্ত আকাশের তলায় মুক্তির এই বাণী—এ
যে ভারী চমৎকার খাপ খাচ্ছে! তাছাড়া এ তো আপনার
ঘরের কথা নয়, এ যে মুক্তি-প্রয়াসী মানবাত্মার জীবন্ত ইতিহাস।
আপনি যে বিশ্বাস করে আমায় এ-সব কথা বলছেন, এর
জন্ত আমি আপনার কাছে রুতজ্ঞ!... আমি পুরুষ, আপনি নারী,
এ কথাগুলো যদি আপনি আর-একজন নারীকে ডেকে শোনাতে
তাহলেও কথা ছিল! কিন্তু আমি পুরুষ বলেই নারীর মনের
এ আকাজক্ষার কথা শোনবার আমার অধিকারও আছে। কেননা,
যুগ-যুগ ধরে পুরুষ নারীকে শুধু বশে রেখে এসেছে—তার প্রাণের
কথা শোনেনি, শুনতে চায়ওনি! আর এ তো আপনার নিজের
কথাও নয়। এ যে বিশ্ব-নারীর প্রাণের কথা, তার ব্যাকুল মনের
আর্ত আবেদন এ!

দীপ্তি ভাবিতে লাগিল, ঠিক! এ কথাগুলো কোনো নারীর
কাছে সেও তো বলিতে পারিত না এমন করিয়া!.....

— ৩ —

সেদিন হইতে অরুণ ও দীপ্তির মধ্যে অন্তরঙ্গতা এমনি বাড়িয়া উঠিল যে, দীপ্তি যখন-তখন অরুণকে তার গৃহে ডাকাইয়া আনিত, এবং অরুণও সর্বক্ষণ দীপ্তির এই আদর-আহ্বানটুকুর জন্য ব্যাকুলভাবে প্রতীক্ষা করিত।

দীপ্তির গৃহ-সংলগ্ন কানন-ভূমিতে বসিয়া অরুণ চারিদিককার ঐ মুক গাছপালা, গিরি-নির্ঝরের বহু ছবি আঁকিয়া ফেলিল। এই কঠিন উপত্যকা, ঐ শ্যামল বনানীকে তুলির লিখনে রঙে রঙাইয়া সে যেন কাব্য রচিয়া তুলিল।

দীপ্তি কখনো অরুণের পাশে আসিয়া বসিয়া তার ছবি আঁকা দেখিত, কখনো চঞ্চল মৃগের মত ছুটিয়া আশেপাশে ঘুরিয়া বেড়াইত। এই তরুণ পুরুষটিকে তার ভালো লাগিত। তার হাসি, কথা, তাব মনের স্বচ্ছন্দ ভঙ্গী দীপ্তির ভালো লাগিত। তার প্রাণ যে কত দিন ধরিয়া পিয়াসী হইয়া এমনি-একজন বন্ধুর সন্ধান করিয়াছে!

এমনি ভাবে আরো পাঁচ-সাত দিন কাটিয়া গেল। মাতঙ্গিনী দেবীর গৃহে সকালে একবার গিয়া চা ও জল-খাবার খাইয়া দুজনে বাহির হইয়া পড়িত। মাতঙ্গিনী দেবী মুগ্ধ দৃষ্টিতে তাদের এই অন্তরঙ্গতা লক্ষ্য করিতেন, এবং তাঁর মনে এই অন্তরঙ্গতা এক সুমধুর সম্ভাবনার কথা বারম্বার জাগাইয়া তুলিত। তা কি হইবে...!

মুক্ত পাখী

অক্ষয় এখনো বিবাহ করে নাই।...এ-বয়সে তরুণ-তরুণী দুজনেরই প্রাণে একটা কামনা কোথা হইতে জাগ্রত হইয়া ওঠে—সঙ্গ-লাভের কামনা। এ সময় মন এমন-একজনের সঙ্গ-প্রয়াসী হয় যে মনে-প্রাণে সহচর হইবে,—যাকে নিজের মনের অতি-গোপন কথাটি অনায়াসে বলা যায়, এবং যার কথাও তেমনি নিঃসঙ্কোচে শুনিবার সাধ হয়! আর সেই কথার মধ্যে নিজেকে যদি একটি ভালো আসনে অধিষ্ঠিত দেখি, তাহা হইলে তৃপ্তির আর সীমা থাকে না! এ বয়সটাই যে ভালো বাসিবার বয়স! এ-বয়সে যে ভালোবাসিবার সুযোগ বা প্রাণের জন না পায়, তার মত দুর্ভাগা আর নাই!...আহার-নিদ্রা ত্রিনিষাণ্ডা শরীরকে যেমন গড়িয়া তোলে, তেমনি তাকে সুখ দেয়, বাঁচাইয়াও রাখে! মন তেমনি যৌবনে যখন সঙ্গ-প্রয়াসী হয়, আর-একজনকে ভালো বাসিবার জন্ত আকুল হয়, তখন তার সে গতি রোধ করিতে যাওয়া মূঢ়তা। তাহাতে মন তার স্বাভাবিক ভাবে বাঁড়িবার পথ না পাইয়া কুণ্ঠিত সঙ্কুচিত হইয়া পড়ে, এবং কাজেই অসুস্থতায় ভরিয়া ওঠে।

অক্ষয় যে এখনো বিবাহ করে নাই, তার কারণ, সে ব্যাপারটার দিকে তার খেয়াল হয় নাই। সমাজে এক শ্রেণীর লোক আছে, যারা বলে, সামর্থ্য হইলে বিবাহ করিব। ইহারা হিসাবী লোক, চারিদিক খতাইয়া শুধু স্বার্থ দেখে, ভালোবাসিবার তাদের শক্তি নাই, ভালোবাসিবার যোগ্যও তারা নয়। সংসারে জীবন-সঙ্গিনী খুঁজিতে গিয়া লাভ-লোকসানকে যারা আগে

মুক্ত পাখী

খতাইয়া দেখে, তাদের প্রাণে প্রেমের উদার আলো-বাতাস
চুকিবার উপায় কৈ !

সেদিন অপরাহ্নে অরুণ আর দীপ্তি ছুরারোহ গিরিশৃঙ্গে
চড়িয়া বসিয়া ছিল। পায়ের নীচে পাহাড়ের শ্রেণী সোপানের
মত নায়িয়া গিয়াছে। পথে বিচিত্র পোষাক-পরা নর-নারীর
বিরাট মেলা...তাদের কল-কোলাহল অস্ফুট রাগিণীর মত মাঝে-
মাঝে ভাসিয়া আসিতেছে, ঐ দূরে পাহাড়ী মেয়েরা রঙীন ফুলে
বেণী রচনা করিয়া, পিঠে শিশু ছুলাইয়া পথ চলিয়াছে। অদূরে
সূর্য্য পশ্চিমে হেলিয়া পড়িয়াছে, তার বিদায়ের অশ্রময় দৃষ্টি
হিমগিরিকে রক্তবর্ণে অভিষিক্ত করিয়া তুলিয়াছে। আশে-পাশে
সবুজ পুষ্প-লতায় প্রকৃতির গা ঢাকা...চারিদিকে অপরূপ মাধুর্য্য !

এ মাধুর্য্যের মাঝে পাশে রূপের দীপ্তি-ভরা তরুণী দীপ্তি !
অরুণের মন মাতাল হইয়া উঠিল। দীপ্তির পানে সে চাহিয়া
দেখিল। তার শরীর-মন কাঁপিয়া উঠিল। তারপর সে রুদ্ধ
কণ্ঠে ডাকিল—দীপ্তি...

দীপ্তির মুখের উপর ছলাৎ করিয়া রক্ত-স্রোত বহিয়া গেল।
তার দুই গাল আপেলের মত লাল হইয়া উঠিল।...সে ফিরিয়া
চাহিল...

অরুণ পাগলের মত আকুল কণ্ঠে কহিল,—কি শুভক্ষণে
যে এবার দাজ্জলিঙে এসেছিলুম, দীপ্তি...

দীপ্তি কোন জবাব দিল না, অরুণের পানে একদৃষ্টে চাহিয়া
রহিল। তার বুকের মধ্যে কি-একটা ছলিয়া উঠিতেছিল !

মুক্ত পাখী

অরুণ আবার বলিল,—না এলে তোমায় তো বন্ধু পেতুম না...এ যে আমার জীবনে কত-বড় লাভ—

দীপ্তির বুক আনন্দে-গর্বে ছুলিয়া উঠিল! সে নারী, তরুণী! তরুণের মুখের এ কথায় তার নারীত্ব একনিমেষে জাগিয়া বিপুল সার্থকতায় ভরিয়া উঠিল! পুরুষের চিত্ত-জয়ের বাসনা...নারীর যে তা প্রকৃতিগত, নারীর যে তা প্রাণ-অংশ। গর্বে লজ্জায় দীপ্তি মুখ নামাইল; তারপর ধীরে ধীরে বলিল,—আপনার বন্ধুত্বও তো আমার কাম্য...

অরুণ কহিল,—আমি নাম ধরে তোমাকে 'তুমি' বললুম— আর তুমি 'আপনি' বলে এখনো সম্বন্ধের ব্যবধান রাখচো, দীপ্তি! তুমিও 'তুমি' বলে কথা কও...

দীপ্তির বুকটা প্রচণ্ডভাবে ছুলিয়া উঠিল। হাসিয়া সে অরুণের পানে চাহিল। কোথা হইতে কে যেন তার মাথাটাকে আবার জোর করিয়া নামাইয়া ধরিল! তারপর মুখ নীচু করিয়াই সে বলিল,—আপনাকে আমারো ভারী ভালো লাগে, সত্যি। মন আমার স্বীকার করছে এটা মস্ত সত্য, কাজেই তা বলতে আমার কুণ্ঠা হচ্ছে না।

অরুণ কহিল,—তোমার এ করুণা আমি কখনো ভুলবো না, দীপ্তি!...এই ক'দিন ধরে বিরল অবসরে তোমার কথাই আমি কেবল ভাবচি।...তুমি! সর্বক্ষণ আমার মনে ভরে আছ!...এ যদি অপরাধ হয়ে থাকে, ক্ষমা করো—আমিও মনের এ নিবিড় সত্যকে তোমার কাছে আজ প্রকাশ করতে কুণ্ঠা বোধ করছি না।

মুক্ত পাখী

দীপ্তি একটা নিশ্বাস ফেলিল,—তারপর কহিল,—
আপনাকে...

—না, না, আপনি না। তুমি বল। তুমি, তুমি...

দীপ্তি হাসিল। হাসিয়া কহিল,—তোমাকেও যে যখন-
তখন ডেকে পাঠাই,—কি তুমি ভাবো, জানিনা, বুঝিও নি
কখনো...তবে শুধু এটুকু জানি যে, ডাকলে তুমি বিরক্ত হবে
না!...তারপর সে মুখ নামাইল, মুখ নামাইয়া কহিল,—সত্যি,
যতক্ষণ তুমি কাছে থাকো, এমন ভালো লাগে...তোমার কথা
আমিও সারাক্ষণ ভাবি...

দীপ্তি মুখ তুলিল। অক্ষয় দেখিল, সরমের রক্তিম রাগে
দীপ্তির মুখ আবো রাঙা হইয়া উঠিয়াছে!

দীপ্তি কঠিন শিলাবক্ষে তৃণাচ্ছাদিত জায়গাটায় একটা হাত
রাখিয়াছিল, অক্ষয় উচ্ছ্বসিত আবেগে সেই হাতখানি নিজের
হাতে তুলিয়া দীপ্তির পানে চাহিয়া কহিল,—একটা কথা বলবো,
দীপ্তি...যদি অভয় দাও তো বলি,...

—বল...

—তোমায় চির-জীবনের মত সাথী পাবার আশা করতে
পারি...? বল দীপ্তি, বল, তুমি আমার হবে—?

—তোমার হবে?...?

দীপ্তি যেন চমকিয়া উঠিল, স্থির দৃষ্টিতে অক্ষয়ের পানে
চাহিয়া কহিল,—আমিও তাই ভাবছিলুম, অক্ষয় বাবু...যে
তোমায় একেবারে নিজস্ব করে এঁটে রাখবার অধিকার আমার

মুক্ত পাখী

আছে কি না ...! এ যে স্বার্থপরের সাধ ! তবে, এও ভেবে দেখেছি, আমার মন চায়, তোমার বন্ধুত্বের সেবা আসনখানি অধিকার করতে । তোমার বন্ধুদের মধ্যে আমি সেবা হয়ে থাকতে চাই, সবার আগে...! আমার মনের এ দুর্নিবার লোভকে কিছুতে আমি থামাতে পারছি না । তোমায় আমি ভালো বাসি !...তুমি আজ যখন আমায় ঐ সুরে ডাকলে, যখন আমার হাত নিজের হাতে তুলে নিলে, তখন একটা শিহ্বনে আমার অঙ্গ বিবশ হয়ে এল...আমি বুঝি, এ মনের ডাক । 'মনও এটা চায় এবং পেলো তৃপ্ত হয়' এ সত্যের ডাক । নারীর প্রাণের অতি-সত্য কথা,—তাই তাকে আদর করে গ্রহণ করতেও আমি প্রস্তুত...

অরুণ উচ্ছ্বসিত হইয়া উঠিল । দীপ্তির হাত ধরিয়াই সে আবেগ-ভরা কণ্ঠে কহিল,—আমায় তুমি ভালবাসো ! দীপ্তি, দীপ্তি...

অরুণ উদ্ভ্রান্তের মত দীপ্তিকে একেবারে বুকের মধ্যে টানিয়া নিবিড় আলিঙ্গনে তাকে চাপিয়া ধরিল । দীপ্তির বুক উত্তেজনায় সঘন কম্পিত হইতেছিল ।

দীপ্তি অরুণের পানে চাহিয়া...! দু'খানি ভূষিত অধর এত কাছে...আবেশ উছলিত ! নিমেষে চেতনা হারাইয়া অরুণ দীপ্তির ছাড়ানো-বেদানার দানার মত রক্তিম অধরে চুম্বন করিল ।

দীপ্তি কোন বাধা দিল না । তার শিথিল তনু বিবশ...!

মুক্ত পাখী

দীপ্তি সে স্বধা অরণের অধরে, ধরিয়া দিতে কোন নিষেধ
তুলিল না, কোন কুণ্ডা করিল না ! দীপ্তি যেন নিশ্চেতন !

তারপর উভয়েই নীরব, স্পন্দনহীন ! এ নীরবতার মাঝে
দুজনের প্রাণের স্পন্দন এক বিচিত্র রাগিণীতে বাজিয়া চলিয়া-
ছিল...

দীপ্তির শিথিল দেহ আলিঙ্গনে ধরিয়া অরণ উচ্ছ্বসিত মৃদু
কণ্ঠে কহিল,—তাহলে তুমি আমার হবে...? আমার হবে
দীপ্তি ? আঃ !

অরণের বাহু-পাশ হইতে নিজেকে মুক্ত করিয়া দীপ্তি কহিল,
—তোমার হবো ! হবো কি ! আমি তোমারই...! এই আমার
দেহ অলসতায় ভরে লুটিয়ে পড়েছে তোমার বুকে...! আমার
নাও, নিয়ে যদি তৃপ্তি পাও...

এ কথাগুলো এমন স্নিগ্ধ সরল উচ্ছ্বাসে বারিয়া পড়িল যে
অরণ অবাক হইয়া গেল । সে দীপ্তির পানে চাহিল । দীপ্তির
চোখের দৃষ্টি, দীপ্তির মুখ-শ্রী সরমের রাগে ভরিয়া উঠিয়াছে...
তবু তার মধ্যে মাদকতার জলন্ত শিখা কোথাও নাই ! পূত-
হৃদয়ের সরল ছবি, প্রদীপের স্নিগ্ধ আলোর মতই যেন সে শ্রী
ঝলমল করিতেছে ! এ দাহ-করা বহি-শিখা নয়, এ যেন
চারিধার আলোয়-আলোক-করা স্নিগ্ধ প্রদীপের শিখা !

অরণ কহিল,—তাহলে তোমার অনুমতি পেলে আমাদের
বিয়ের ব্যবস্থা করি ! যে-মতে বল তুমি...

—বিয়ে ! দীপ্তি একমুহূর্তে বাকিয়া উঠিল । কোথা

মুক্ত পাখী

মিনাইয়া গেল ভালবাসার সে নির্বিড় স্বপ্ন ! বিদ্যাতের মত তীব্র দৃষ্টিতে দুই চোখ ভরিয়া সে কহিস,—বিয়ে ! বিয়ে আমি কখনো করবো না...কাকেও নয়...তোমাকেও না ! বিয়ে করার কথা তুলচো কেন ? সেই সমাজের দাস্ত্র, আচারের দাস্ত্র ! কখনো না । মনের কাম্য সত্যকে ঠেলে, একটা মিথ্যা বাঁধনের আড়ালে আশ্রয় আর আত্মরক্ষার এ হীন প্রয়াস...? না ।

অরুণের মনের উপরে কে যেন কশাঘাত করিল । বিস্মিত দৃষ্টিতে সে দীপ্তির পানে চাহিল ।

দীপ্তির মুখে-চোখে দৃঢ়তার সুস্পষ্ট ছায়া ! অরুণ বলিল,—এ কি বলচো তুমি দীপ্তি ! বিয়ে নয় ? তবে...! তবে এই ভালোবাসার সার্থকতা, এই আকুল তৃষ্ণা...?

দীপ্তি সে কথায় বাধা দিয়া স্থির কর্তে উত্তর দিল—
তাকে তৃপ্ত করায় বাধা কি ! তোমায় তো বলেছি আমি, নারী তার সেই চির-পুরোনো বন্ধ প্রথার শিকল টেনে আবার ঘরের মধ্যে গিয়ে তার সে জীর্ণ আসন পেতে বসবে না ! তোমার সঙ্গে এতদিন তো এ-সব বিষয়ে অনেক কথা কয়েছি আমি...। অল্প মেয়েদের মত অন্ধভাবে কতকগুলো মন্ত্র আর আচার-অঙ্কঠানকে সামনে ধরে, তাদের মেনে তবেই আমাদের নতুন পথে যাত্রা করতে হবে...! ' কেন ? সেই আচার-অঙ্কঠান না হলে আমাদের এ প্রাণের বাঁধন, এই প্রীতি, এ সখ্য, এ ভালোবাসা বাষ্পের মত বাতাসে মিলিয়ে যাবে ! আমাদের এ ভালবাসা এত দৃঢ়, এত গাঢ় নয় যে শুধু তারি

মুক্ত পাখী

জোরে আমাদের সারা জীবন এক হুসে গড়ে উঠবে না ? তাকে দূত করার জন্তে চাই সেই কহকলে বন্ধ সংস্কার, সেই পুরানো পচা আচার-অনুষ্ঠান...?

অরুণ কহিল,—কিন্তু সুদূর ভবিষ্যৎ...! সে কথা ভেবেছ কি ? আমাদের প্রেম আর-কিছুর সাহায্য চায় না দীপ্তি, তার ভিত্তির জন্ত, দূততার জন্ত, এ কথা আমিও মানি ! কিন্তু যে-সন্তানের আমরা জন্ম দেব, তাকে সমাজের সামনে দাঁড়াবার মর্যাদা...? তার জন্ত...?

দীপ্তি ঘাড় নাড়িয়া বলিল,—সমাজ ছাপ মেরে না দিলে সে দাঁড়াতে পারবে না, তার নিজের মনুষ্যত্বের জোরে...? শোনো, আমি এ সামাজিক ছাপ নিতে রাজী নই ! বিবাহের মানে এ নয় যে, পাঁচজন লোক ডেকে রাঙা কাপড় পরে কতকগুলো মন্ত্র উচ্চারণ করতে হবে ! গোত্রে-গোত্রে মিল করে আবার সে মন্ত্র পড়তে হবে ! বিবাহের অর্থ, দুটি প্রাণ সুখে-দুঃখে মিলে এক হয়ে যাওয়া । তাতে প্রাণের সাদাটাই যে সব-চেয়ে বড় অনিষ ! দুটি প্রাণ যদি পরস্পরের প্রতি অনুরক্ত, আসক্ত হয়ে ওঠে, পরস্পরকে আপন বলে খোঁজে, ডাকে, তবে সে ডাক অস্বীকার করে কতকগুলো বাঁধা মন্ত্র আউড়ে না গেলেই কি বিবাহের সার্থকতা থাকবে না ? কখনো না !...মন্ত্র পড়ে এক ঘরে দুজনে ঢুকলো বাস করতে, পুরুষ আর নারী...মনের কোনোখানে তাদের মিল নেই, সারা জীবনেও মিল হবে না হয়তো, আজীবন অশান্তি-ভরে দুজনে মনে বাড় তুলে দিন

মুক্ত পাখী

কাটাতে থাকবে—এই বিষেই সার্থক হবে শুধু মন্ত্র আওড়ানো হয়েছে বলে! এইটেকেই সমাজ বলবে, বিবাহ! আর মন্ত্র পড়িনি বলে, আমাদের এ মিল, এ নিবিড় অনুরাগ একেবারে ব্যর্থ হয়ে যাবে! সমাজ একে প্রশ্রয় দেবে না, একে উপেক্ষা করবে, ঘৃণা করবে...আর সেই সমাজকে আমরা দেবতা বলে মাথায় তুলে ধরবো! এত-বড় মিথ্যাকে গলিত শবের মত সারা জীবন বয়ে বেড়ানো—এ আমার দাবা হবে না...কখনো না, শত সহস্র সুখের প্রলোভনেও না।

অরুণ বিমূঢ়ের মত বসিয়া বহিল। দীপ্তি কহিল,—আমি জানি, তুমি যা বলবে...! তুমি বলবে, এ সংস্কার ভাঙতে তুমিই বা এত বেদনা সহবে কেন? এত বড় ত্যাগকে মাথায় তুলে নিয়ে সমাজের লাঞ্ছনা, সমাজের গ্লানি-কুৎসা ভোগ করবে কেন? এই তো? কিন্তু এরো জবাব আছে...একটা চিরকালে পুরানো সংস্কারকে যে হঠাতে যাবে...তাকেই গভীর নির্যাতন সহিতে হবে। পৃথিবীর সর্বত্র তা ঘটেছে,... হু সত্য-সন্ধানী লক্ষা-ভ্রষ্ট হননি। বিপুল গৌরবে অটল ধৈর্যে তাঁরা এ-সব নির্যাতন মাথায় তুলে সহ্য করেছেন বলেই জগতের লোক আজ অনেক সত্যের পরিচয় পেয়েছে! আমিও তেমনি যখন সত্যের সন্ধানে বেরিয়েছি, তখন সব বিপদ স্বীকার করে এ লাঞ্ছনা-ভোগ জেনেই আমি তা বহিতে প্রস্তুত হয়েছি! আমার বিবেক বলচে, এতদিন যে সত্যকে অবলম্বন করে এসেছ, আজ এক ভূপ্তির মোহে তাকে বিসর্জন দিয়ে

মুক্ত পাখী

ফেলবে।...না, এত-বড় কাপুরুষতা আমি ঘর্টতে দিতে পারবো না। এর জগ্রে যদি তোমায় হার্বাতে হয়, তবু না! আমার বিবেকের বাণীকে জীবনের সব কর্মে শিরোধার্য করতে গিয়ে বুক যদি আমার ভেঙে চুর হয়ে যায়, তবু আমায় তা সহ করতে হঁবে!...আমি নিরুপায়!

উদ্ভেজনায দীপ্তির চোখে জল ছাপাইয়া আসিল। অরুণ মুগ্ধ দৃষ্টিতে দীপ্তির পানে এতক্ষণ চাহিয়াছিল, কি তীব্র তেজে, কি সরল যুক্তিতে ভরা এই তরুণীর মন!

অরুণ বলিল,—কিন্তু তোমার বিবেককে ক্ষুণ্ণ করতে বলছি না তো!...এ শুধু একটা রীতি ক্ষণেকের জন্ত পালন করা বৈ আব কিছু নয়। একটা form-মাত্র, বিয়ের অনুষ্ঠান, এ একটা show-মাত্র...

দীপ্তি কহিল,—না।...যাকে মিথ্যা বলে জানি, যাকে প্রাণের মধ্যে স্বীকার করতে পারি না, সে কাজ আমি করতে পারবো না। বলেছি তো, জীবনের সার তৃপ্তির লোভেও না...! এমন কি, তুমি যদি আইন-মতে রেজিষ্ট্রী করে বিয়ের কথা বল, তাতেও আমি রাজী নই! এত-বড় হাস্যকর ব্যাপার আর আছে! দুটা প্রাণ চির-জীবনের মত মিশছে, পরস্পরকে ভালবাসতে, পরস্পরকে সঙ্গ দিতে, তৃপ্তি দিতে, স্মৃথী করতে—তাতেও লেখাপড়া চাই, সাক্ষী ডাকা চাই! প্রাণের কারবারটাও তেজারতির মত ব্যবসার সামগ্রী! আশ্চর্য এই সব লোকের মনের গতি, যারা এই আইন গড়েছে!

মুক্ত পাখী

অরুণ কহিল—কিন্তু সমাজ গড়তে গেলে, তাকে রাখতে হলে আইন-কানূনের দরকার হয় বৈ কি দীপ্তি...যদি কেউ অপরের হকে হস্তক্ষেপ করতে যায়! সকলেই তো ভালো নয়—তাই প্রবলের অত্যাচার থেকে দুর্বলকে রক্ষা করার জন্য আইনের শাসন খাড়া রাখতে হয়!

দীপ্তি কহিল—আইন হোক চোরকে সাজা দিতে, ঠককে ঠেকিয়ে রাখতে। স্ত্রী-পুরুষের মনের মিলনকে আইনে বেঁধে না দিলে সমাজ থাকবে না! সে সমাজ না থাকুক—! শ্রীতি-ভালবাসার বাঁধনে যে-মন বাঁধা পড়ে না, এত-বড় সত্য যাকে ধরে রাখতে পারে না—রাজার শাসন, জেল আর জরিমানার ভয় দেখিয়ে তাকে ঠেকিয়ে রাখবে! মানুষের মনের উপর এ যে ভারী কঠিন পরিহাস!...নয় কি?

অরুণ কহিল,—ভেবে দেখলে, তাই বলতে হয়। তবু—

দীপ্তি বাধা দিয়া কহিল,—এর মধ্যে তবু নেই, কিন্তু নেই—এ সত্যের পথ...সরল সিঁধে পথ...

অরুণ কহিল,—আমি শুধু সমাজের মিথ্যা কুৎসা থেকে, জঘন্য আলোচনা থেকে আমাদের এই পবিত্র মিলনটুকুকে রক্ষা করবার জন্যই বিয়ের কথা তুলেছি, দীপ্তি—

দীপ্তি কহিল—এর জবাবও আমি দিয়েছি। এ-ভাবে মিথ্যার সাহায্যে আমি আত্মরক্ষা চাই না। আমি শুধু চাই, তোমার ভালবাসা। আমার এই মুখ-চোখ, আমার এই অবয়ব, আমার এই রূপ, আমার এই যৌবন—যা অপর নারীরও আছে

মুক্ত পাখী

—এগুলিকেই তুমি ভালবাসবে? সে ভালবাসার কাঙাল আমি নই। আমি চাই, আমার ভিতরটাকেও তুমি ভালবাসবে— আমার সাধ-আশা, আমার আকাঙ্ক্ষা, এদেরো...পরিপূর্ণভাবে। তা যদি না পারো—দীপ্তি খামিয়া একটা নিশ্বাস ফেলিল, তারপর মুখ নামাইয়া মূছ কণ্ঠে কহিল,—ভালবেসো না।... আমার এই সাধ-আশা নিয়েই আমার আশ্রয়। সেটুকুকে যদি ভালো না বাসলে, তাহলে, এ রূপ, এ যৌবন—? আবো মধুর তুমি অনেক পাবে! আব আমার যে-আমিত্বের আমি গৌরব করি, যেখানে আমার বৈশিষ্ট্য, সেটাকে তুমি গ্রহণ করলেই আমার তৃপ্তি হবে। ভাববো, এমন একজন পুরুষ রয়েছে আমার সঙ্গী, বন্ধু—যে আমার এ বৈশিষ্ট্যকে দবদ কবে, স্বীকার করে, ভালোবাসে।...আমিও তাই বুঝেছিলুম। তার তাই বুঝেই তোমার হাতে নিজেকে তুলে দিতে প্রলুব্ধ হয়েছি। তোমায় ভালবেসেছি—ওগো, তুমি আমায় নিরাশ করো না। আমায় তুলে ধর, আমায় শক্তি দাও, উৎসাহ দাও, বিপুল গৌরবে আমায় ভরিয়ে তোলো...।

নিতান্ত নিরুপায়তার মধ্য হইতে আশ্রয় মাগিয়া অধীর আগ্রহে দীপ্তি অরুণের দিকে দুই হাত বাড়াইয়া দিল। অরুণ সে হাত দু'খানি লইয়া একেবারে বুকের মধ্যে চাপিয়া ধরিল। কি সে আনন্দ দীপ্তির বুকে! যেন প্রলয় ঝড়ে সমুদ্র তুমুল তরঙ্গে উদ্বেলিত হইয়া উঠিয়াছে!...অরুণ রুদ্ধ কণ্ঠে কহিল,—তোমার তৃপ্তির জন্য আমি সব পারি, দীপ্তি...তোমার

মুক্ত পাখী

এ আকাজক্ষায় আমার কি সহায়ভূতি ! সে কি কেবল আমার মুখের কথা !...বেশ...আমায় দূর করে দিয়ে না...আমায় ভাবনার একটু সময় দাও...এ জীবন-পনের কথা—! তোমার আশা ত্যাগ করা আমার পক্ষে সম্ভব নয়। আমি যেন ঐ পাহাড়ের শিখরে উঠে দাঁড়িয়েছি...স্বর্গ আমার হাতের নাগালে, —কিন্তু তা পেতে হলে আমায় সাবধানে এগুতে হবে, বেঘোরে পা দিলে নৈরাশ্বের কোন্ পাতালে পড়ে এখনি চূর্ণ হয়ে যাবো... আমায় একটা রাত্রি সময় দাও, ভাবতে...

অরুণ দীপ্তিকে বাহু-পাশ হইতে মুক্ত করিল। দীপ্তি একটা নিশ্বাস ফেলিল। অরুণের আলিঙ্গন তাহার সারা চিত্তকে উদ্বেলিত করিয়া তুলিয়াছিল।

নিশ্বাস ফেলিয়া দীপ্তি কহিল,—তাই হোক। কিন্তু মনে রেখো, আমার পণ!...তুমি ভাববে, আমার এ পণ পাগলের খেয়াল, এ ক্ষণিকের ! তুমি ভাববে, বিলিভী উপন্যাসের নায়িকাদের ধরণে আমি একটা বিস্তী স্বপ্ন দিখে আমার মনকে গড়ে তুলেছি। পড়ায় আমার মন কতক জ্বোর পেয়েছে, স্বীকার করি। কিন্তু এ ক্ষণিকের মোহ বা খেয়াল নয়। আমি এ নিয়ে অনেক ভেবেছি। বাপের স্নেহ মার ভালবাসা এই মতের জন্মই কেটে চলে এসেছি—একা, এই নিঃসঙ্গ জীবন বহিতে !...আমার মন মুক্তি চায়, কোনো পাশে সে বাঁধা পড়বে না।...তোমায় আমি ভালবাসি। জীবনে এমন ভালো কাকেও বাসিনি। আমি তোমার, সম্পূর্ণভাবে তোমারি

শুভ পাণী

হতে প্রস্তুত—কিন্তু তার মধ্যে বিয়ের এ মিথ্যে বাঁধন আনা কেন! তার জন্য তুমি আমায় যদি ঘৃণা কর—দীপ্তি অরুণের পানে চাহিল। একটা নিশ্বাস ফেলিয়া আবার কহিল,—উপায় নেই! তাও আমায় সহিতে হবে। আমার বিবেকের ডাক অগ্রাহ করে, এ তৃপ্তি-সুখ মাথায় তুলে নিতে পারবো না আমি!... আমার দেশের নারীজাতি একদিন যদি আমার এ ত্যাগের ফল ভোগ করতে পার...! সেই আশার আনন্দে সব দুঃখই আমি শান্ত হয়ে সহিতে পারবো!... আমি আজ জগতে নারী-জাতির স্ব স্ব-রক্ষার জন্য দাঁড়িয়েছি...তুমি বলবে, সভ্য-দেশে কেউ এ পারেনি। এ দেশে এ চেষ্টা ভয়ানক বাতুলতা ছাড়া আর কিছু নয়! তবু এই আমার লক্ষ্য, এই আমার পণ... এ পণ রক্ষার জন্য আমি আমার স্বর্গসুখও বিসর্জন দিতে পারি...বলেছি তো, এতে তোমার বুক ভেঙ্গে গেলেও আমায় তা সহ করতে হবে! বুঝতে পেরেছ!...বেশ, প্রেমের উচ্ছ্বাস আর নয়। সন্ধ্যা হয়ে এলো। চল, বাড়ী যাই।

দীপ্তি উঠিয়া দাঁড়াইল, অরুণও মস্ত-চালিতের উঠিয়া দাঁড়াইল। তারপর পাছাড় বহিয়া নামিয়া দুইজনে পথে আসিল। সবুজ মখমলের মত শ্যাম-বনানীর গায়ে তখন চুমকির মত জোনাকির আশো ফুটিয়া উঠিয়াছে!...ঝিল্লী রাগিনী ধরিয়াছে, বিম্ব-বিম্ব!

মুক্ত পাখী

— ৪ —

সারা রাত্রি অরুণ ভালো করিয়া ঘুমাইতে পারিল না।
খাইতে বসিল, কিন্তু খাওয়ায় রুচি নাই। লজের কত্রী অনুযোগ
করিলে বড় মাথা ধরিয়াছে বলিয়া অরুণ উঠিয়া পড়িল
ও একেবারে গিয়া শব্দ্যয় আশ্রয় লইয়া ভাবনার রাশ
ছাড়িয়া দিল!...এ কি বলে দীপ্তি? বিবাহ নয়? বিবাহ না
করিয়া মিলনকে সার্থক করা যে কতখানি অসম্ভব, একটা
মতের প্রবল মোহে পড়িয়া দীপ্তি তা বুদ্ধিতে পারিতেছে না!
সে শুধুই সুন্দরী তরুণী নয়, শিক্ষিতাও। অথচ এত-বড় অসম্ভব
ভুল তার চোখে পড়িতেছে না?...অরুণের মনে হইল, বইয়ে যে
সে পড়িয়াছে, gipsy love-এর কথা, এ তো তাই। বিবাহ-
বন্ধন নাই, অথচ ঘর-কর্ণা চলিয়াছে! প্রেমের সহস্র আস্থানে
সাড়া দিয়া, কোন দায়িত্বে ধরা না দিয়া তার সর্কনাশী ক্ষুধা
মিটাইয়া চলিয়াছে! এ যে আগাগোড়া এলোমেলো ব্যাপার!
এ যে যে-কোন মুহূর্তে ছিঁড়িয়া যাইতে পারে! এ প্রেম মোহ-
কেই আঁকড়িয়া একটা পঙ্কিল গহ্বরে পড়িয়া থাকিতে চায় যে!
কোনরূপ দায়িত্বের উপর যে প্রেমের ভিত্তি স্থাপিত নয়, কতক্ষণ
সে টিকিয়া থাকিতে পারে! কে বলিবে. যৌবনোদ্ধত মনের
ক্ষণিক খেয়াল এ নয়!

অরুণ ভালো করিয়া আগাগোড়া ব্যাপারটা পরীক্ষা করিতে
লাগিল। সে যে দীপ্তিকে খুব ভালো বাসিয়া ফেলিয়াছে, তাতে

মুক্ত পাখী

আর ভুল নাই! অথচ প্রথম যেদিন প্রভাতে তাকে সে দেখিল, তার রূপ, তার কথাবার্তা, তার স্বচ্ছন্দ সহজ ভঙ্গী তাকে মুগ্ধ করিয়াছিল, সত্য,—কিন্তু সে যে অন্ধভাবে দীপ্তিকে ভালো বাসিয়া ফেলিবে, এ কথা তার মনে তখন উদয় হয় নাই তো!...জীবনে কত তরুণীর দেখা মিলিয়াছে, তাহাদের মধ্যে কাহারো সঙ্গে সে মিশিয়াছে, ঘনিষ্ঠভাবেই মিশিয়াছে, অনেককে দেখিয়া তার পছন্দও হইয়াছে—নিজের মনকে সে কতবার প্রশ্ন করিয়াছে, ইহাকে চির-জীবনের সাথী বলিয়া গ্রহণ করিতে পারি কি? মন উত্তর দিয়াছে, না! ফস্ কবিয়া চির-জীবনের জন্য গ্রহণ করিবে?—না, আরো দেখ, আরো প্রতীক্ষা কর!...কিন্তু দীপ্তি...! কোথা হইতে এমন অতর্কিতে সে যে সারা মনটাকে জুড়িয়া বসিল... তাহার মধ্যে সে প্রশ্ন করিবার, বা দ্বিধা তুলিবার অবসরও পায় নাই! হঠাৎ আজ সন্ধ্যা বেলায় পাহাড়ের শ্যামল উপত্যকায় বসিয়া থাকিতে থাকিতে তার মন একেবারে আকুল-আবেদনে ভরিয়া উঠিল,—দীপ্তিকে চাই, চাই, চাই! দীপ্তিই তার প্রাণের একমাত্র কামনা,—ইহাকেই যেন সে এতদিন খুঁজিতেছিল! দীপ্তি...! দীপ্তিকে না পাইলে তার মন চির-অন্ধকারে ভরিয়া যাইবে। দীপ্তিকে না পাইলে তার জীবন-মন নিরর্থক হইয়া পড়িবে!...

কিন্তু এই যে চাওয়া...! অরুণ চমকিয়া উঠিল। তার চোখের সামনে দীপ্তির সেই করুণ মিনতি-ভরা মূর্তি কি দীনবেশে

মুক্ত পাখী

ফুটিয়া উঠিল ! ওগো আমায় তোলো, আমায় শক্তি দাও, উৎসাহ দাও ! আহা, বেচারী অসহায়...! সে যে বড় আশায় অরুণের পানে চাহিয়া আছে, আশ্রয়ের জন্ত । এক। এই বিবেকের বাণী সম্বল করিয়া সারা দুনিয়ার সঙ্গে লড়িয়া দীপ্তি কাতর শ্রাস্ত অবশ হইয়া পড়িবে, তাই সে অরুণকে পাশে চায় তাকে সুস্থ সবল রাখিতে, তার প্রাণে উৎসাহ জাগাইতে, শক্তি সঞ্চার করিতে...! তাকে সাহায্য না করিয়া নিবৃত্ত না করিয়া, এই ঝড়ের মুখেই তাহাকে সে ছাড়িয়া দিবে ! এই সংগ্রামে তার অসহায় মন যে ছিঁড়িয়া চূর্ণ হইয়া যাইবে...! না, না, তাকে স্নেহে বেদনার হাত হইতে রক্ষা করা চাই ! না করিলে অরুণের পৌরুষ ধিকৃত হইবে. তার মনুষ্যত্ব লাঞ্ছনায় ভবিয়া উঠিবে !—সে যে তাকে কত বড় আশা দিয়া বলিয়াছে, তার জন্ত সে সব করিতে পারে...

সে কথাটা মোহের ছলনা ? মিথ্যা...? না। অরুণ তা ঘটিতে দিবে না !...তবে . ? কিন্তু এ কত-বড় ত্যাগ তাকে স্বীকার করিতে হইবে ! বাপ-মার এতখানি স্নেহ...বিশ্বাস ! ...এক তরুণীর কাতর দীর্ঘশ্বাসে সে সব উড়াইয়া দিবে ! এ বিবাহ-হীন মিলনে তাঁদের মাথা হেঁট হইবে, তাঁদের প্রাণে যে ইহা বাজের মত বাজিবে !...আর তার উপর,— এ-মিলনের অর্থ, বাপ-মার স্নেহের বন্ধন কাটিয়া মুক্ত জগতে বাহির হইয়া পড়া, একা !...একা নয়, দীপ্তি সঙ্গে থাকিবে...! কিন্তু বাপ-মার অপরাধ ? তাছাড়া সমাজের সঙ্গে আজীবন লড়িতে হইবে !

মুক্ত পাখী

সে তো বড় হইয়াছে, নিজের বুঝবার শক্তি হইয়াছে...
নিজে যা ভালো বুঝবে, করিবে। তাহাতে বাপ-মার বাধা
দেওয়া উচিত নয়, বুঝি...! তবু...

এ তবুর মীমাংসা হয় না!...যেখানে পরের স্বার্থের সঙ্গে
নিজের স্বার্থ মিশে, সেখানেই এ বিরোধ, সেখানেই এই তবু,
এই কিন্তু মাথা ঝাড়া দিয়া উঠিতে চায়! তাই বলিয়া যা ভালো,
তা ছাড়িয়া দিতে হইবে! সত্যকে ছাড়িয়া মিথ্যাকে লইয়া
বেড়াইতে হইবে! দীপ্তি ঠিক বলিয়াছে—না!

অরুণ ভাবিল, আমাদের এই জীবনটাকে সত্যের দিক হইতে
টানিয়া কি কতকগুলো কৃত্রিম জটিল বাঁধনে আমরা জড়াইয়া
রাখিয়াছি! মনকে চারিধার হইতে কষিয়া বাঁধিবার এ যে বিপুল
ষড়যন্ত্র! এ ষড়যন্ত্র সহিয়া থাকা মূঢ়তা, কাপুরুষতা! এর চেয়ে
নিঃসঙ্গ থাকিয়া একমাত্র সত্যকে গ্রহণ করা ভালো! সে যে মুক্তি!

দীপ্তির কথাই ঠিক! দীপ্তিকে গ্রহণ করিতে হইবে।
দীপ্তি একা...সে আশ্রয় চায়। তার এই আশা, এ তো অন্ডায়
নয়! সে তো জানে, দীপ্তির চিত্ত কি নির্মল, কতখানি বিশুদ্ধ,
পবিত্র তার এই অভিপ্রায়—এর কোথাও এতটুকু মালিন্য
নাই! ঐ যে হিমগিরির শিখায় ঐ তুষারস্তুপ, উহারি মত
শুভ্র, অনাধিল!...এ আশ্রয় হইতে তাকে বঞ্চিত করিলে তার
যে দুর্দশার আর সীমা থাকিবে না। বাপ-মার আরো সম্মান
আছে, নির্ভর করিবার মত অনেক বস্তু আছে। কিন্তু দীপ্তির?
আহা, বেচারী! তার আর কেহ নাই, কিছু নাই! একা এ জীবন

মুক্ত পাখী

বহিয়া তাকে চলিতে হইবে, শুধু তার ঐ বিবেকের ইচ্ছিতে !
তাকে আশ্রয় না দেওয়া—নিষ্ঠুরতা !

কিন্তু এ আশ্রয় দিবার পর...? সমাজ একেবারে ক্ষিপ্ত হইয়া উঠিবে। সমাজ বলিবে, এক দুর্বল অসহায় তরুণীকে সে লালসায় ভুলাইয়া :তার গৃহ-কোণ হইতে টানিয়া আনিয়াছে ! তাকে পত্নীর মর্যাদা না দিয়া হয় গণিকার মত রাখিয়াছে ! তার যৌবন-সুখা পানের ব্যাকুল বাসনায় তাকে আনিয়া পথের ধূলায় লুটাইয়া দিয়াছে...! কি জঘন্য কুৎসা, কি হীন মানি, কি হুনারের পক্ষেই না দীপ্তির নামটাকে লাক্ষিত ঘৃণিত নিপীড়িত করিয়া তুলিবে ! সমাজের কেহ তো জানিবে না, বিবেকের কত-বড় আশ্বাসে নিজেকে দীপ্তি আজ বলি দিতে বসিয়াছে... তার সমস্ত জাতির জন্ত সে কত-বড় ত্যাগকে মাথা পাতিয়া লইয়াছে ! আমাদের এই মূঢ় সমাজ বাহিরটা দেখিয়াই মানুষের বিচার করিয়া বসে, ভিতর জানিবার জন্ত তার চেষ্টা নাই, ইচ্ছাও নাই।...এ সমাজকে দীপ্তি যে মানিতে চায় না, এ তো সে ঠিক করে...তবু...

আবার সেই তবু...! সম্মান যারা আসিবে, তারাও যে সমাজের ঐ লুকুটির হাত হইতে পরিত্রাণ পাইবে না!... তাছাড়া তার ভাগবাসার জন্ত, তার তৃপ্তিব্ জন্ত দীপ্তিকে সে সমাজের এই ঘৃণিত লাক্ষনার মধ্যে আনিয়া ফেলিবে, এও কি ঠিক ! ...দীপ্তি অন্ধ মোহে যেটাকে সত্য বলিয়া আঁকড়াইয়া ধরিয়াছে —সেটা সত্য কি না, তা না বুঝিয়াই তাতে তাকে

মুক্ত পাখী

আরো প্রশ্ন দিবে—? সে না দীপ্তিকে ভালবাসে! দীপ্তি না তাকে বিশ্বাস করে! সে না তার বন্ধু!—দীপ্তি অন্ধ মোহে যদি দেখিতে না পায়, সে তো দেখিতেছে—সে ভবিষ্যৎকে ভালো করিয়া দেখাইয়া দেওয়া কি তার কাজ নয়!... আজ প্রথম যৌবনের প্রমত্ত খেয়ালে পর্বত-শৃঙ্গ হইতে কোন্ অজানা অতলে ঝাঁপ খাওয়া—এখন নয় কোথাও বাধিবে না! কিন্তু একবার পড়িলে উঠিবার যে সম্ভাবনাও থাকিবে না!... দশ বৎসর পরে যৌবনের এ উদ্দাম চাঞ্চল্য যখন মিলাইয়া যাইবে..., তখন এই মুহূর্তটি ভাবিয়া প্রাণ যে অমৃত্যুতে গ্লানিতে ভরিয়া যাইবে! আর ভরিয়া গেলেও উঠিবার তখন কোন সম্ভাবনা থাকিবে না! দীপ্তি আজ যৌবনের চাপল্যে গিরি-শৃঙ্গ হইতে দুঃসাহসে ঝাঁপ খাইতে চলিয়াছে, সে কোথায় তাকে টানিয়া ফিরাইবে,—না, সেও তার উদ্দাম চাঞ্চল্যে সায় দিবে! শুধু সায় দেওয়া নয়, তাকে ঠেলা দিয়া তার ঝাঁপ খাওয়ায় আরো সহায়তা করিবে! ছি, এই তার ভালবাসা! শুধু নিজের স্বার্থই সে খুঁজিয়া ফিরাইবে!... না। যে চির-পরিচিত পথে সকলে যুগ-যুগ ধরিয়া চলিয়াছে, সেই পথই চলার পথ,—পর্বত-শৃঙ্গ হইতে অজানা অতলে ঝাঁপ খাওয়া—এ তো পথ চলা নয়! এ যে মৃত্যুকে বরণ করা! দীপ্তিকেও সে তাই বুঝাইয়া, গতানুগতিক পথেই তাকে ফিরাইয়া আনিবে। তার এই উদ্দাম আকাজক্ষাকে শাস্ত স্নিগ্ধ মস্ত্রে দীক্ষিত করিয়া তাকে তার যোগ্য স্থানটিতেই ফিরাইয়া আনিবে! এ যদি না পারে তো তার ভালবাসায় দিক, তার শিক্ষাতেও দিক!

মুক্ত পাখী

বাহিরে বৃষ্টি পড়িতেছিল—ঝন্ঝম্, ঝন্ঝম্ ! বৃষ্টির বড় বড় ফোঁটা সারির কাছে মুহূর্ষ আঘাত করিতেছিল। তার মনে হইল, ও যেন প্রকৃতির কাতর আর্তনাদ ! সমাজের আকুল নিবেদন ...ওগো, উদ্দাম শ্রোতে বহিয়া যাইয়ো না গো ! চাহো, ফিরিয়া চাহো, তোমার পিতৃ-পিতামহের চির-সনাতন সমাজ তোমার পিছনে কাঁদিয়া আছড়াইয়া পড়িতেছে !...সে কান্নাকে উপেক্ষা করিয়া কোন্ অজানা সমুদ্রে পাড়ি দিয়ো না, দুইজনে।...ঠিক ! অরুণ ধড়মড়িয়া উঠিয়া বসিল। বাহিরে তখনো বৃষ্টি পড়িতেছে—ঝন্ঝম্ ঝন্ঝম্ ।

অরুণ ভাবিল—না, দীপ্তিকে সে ফিরাইবেই ! তাকে এ সর্বনাশের নেশায় আরো বিভোর করিয়া, এ সর্বনাশের পথে কখনো সে ছাড়িয়া দিবে না ! প্রাণের মিনতি তুলিয়া সে বলিবে, দীপ্তি, তুমি ফেরো ফেরো, স্নেহ-প্রীতি উদারতা দিয়া মানুষ যুগ-যুগ ধরিয়া যে নীড় রচনা করিয়াছে, তার শত দোষ থাক, তা মিথ্যা হোক, তবু সে কত মায়া-প্রীতির স্মৃতির উপর গড়িয়া উঠিয়াছে ! ছোট নীড়...তাকে কঠিন সত্যের আঘাতে নাই বা চূর্ণ করিলে, বন্ধু !

— ৫ —

পরদিন সকালে মাতঙ্গিনী দেবীর গৃহে গিয়া অরুণ দেখিল, দীপ্তি সেখানে বেশ গল্প জমাইয়া দিয়াছে ! কাল যে জীবনের অত-বড় একটা সঙ্গীন মুহূর্ত আসিয়া উদয় হইয়াছিল, দারুণ

মুক্ত পাখী

সমস্তার মেঘ বুকে কইয়া...তা তার কথার উদ্দীপ্তা বুঝাও
যায় না ! তবে মুখ-চোখ শীর্ণ দেখাইতেছিল !

অরুণ ভাবিল, তবে কি তাহাবি মত দুশ্চিন্তায় উদ্বেগে
দীপ্তিরও রজনী কাল অনিদ্রায় কাটিয়াছে ! তাই । নহিলে এমন
বৃষ্টি-ঘোয়া স্নিগ্ধ প্রভাতে দীপ্তিকে এমন মলিন দেখাইত না
কখনোই !

তার মনে একটু আনন্দও হইল ! দীপ্তিরও তবে তাহাকে
তাহাবি মত ভালো বাসিয়াছে—এবং আসন্ন বিচ্ছেদের আশঙ্কায়
তার মনও এমনি কাতর বিচলিত হইয়াছে !...

মাতঙ্গিনী দেবী কহিলেন,—তোমার আজ একটু দেবী হয়ে
গেছে অরুণ !

অরুণ কহিল,—হ্যাঁ । রাত্রে বৃষ্টির সময় ঘুমটা ভেঙ্গে গেছিলো
—তারপর শেষ-রাত্রে দিকে ঘুমিয়ে পড়েছিলুম বলে উঠতে
দেবী হয়েছে !...

মাতঙ্গিনী দেবী কহিলেন,—আজ কোন্ দিকে বেড়াতে
যাচ্ছ তোমরা ?

দীপ্তি তাড়াতাড়ি উত্তর দিল, কহিল,—বোর্ হিলের দিকে,
পিসিমা ।

মাতঙ্গিনী দেবী হাসিয়া কহিলেন,—দুজনে তোমাদের
তর্ক-বিতর্ক তো চলছে খুব ? সনাতন বিধি-আচার, এগুলোকে
চার হাতে ঠেলে ফেলার যড়যন্ত্র !...

কথাটা শুনিয়া দীপ্তি হাসিল, কিন্তু অরুণের সারা অন্তর

মুক্ত পাখী

কাঁপিয়া উঠিল ! ঠিক, এ যে প্রবল ষড়যন্ত্র—এতদিনকার ষড়্বে-
পড়া এই বিরাট সমাজ-মৌধ,—তার বিরুদ্ধে এ তো বিদ্রোহেব
অভিযানই !... পিতার কথা মনে পড়িল । কথায় কথায় একদিন
তিনি বলিয়াছিলেন, ভাঙ্গা ভারী সহজ অরুণ...গড়ায় যে কি
মেহনৎ, কি প্রাণপাত চেষ্টা, তা কখনো ভেবে দেখেচো কি ?
যেখানটা জীর্ণ, সেখানটা সাবিয়ে তোলো । তা যদি সারাবাধ
ক্ষমতা না থাকে, তবে ফশ্ করে এক মুহূর্তেব উত্তেজনার মস্ত
বাড়ীটা গুঁড়িয়ে ভাঙ্গবার জন্ত উত্তত হয়ো না !...তাব মনে হ'ল,
তাদের এই কাজটির পানে সমস্ত সমাজ যেন কৌতূহলী নেত্রে
চাহিয়া আছে ! সে একটা নিশ্বাস ফেলিয়া ভাবিল, না, যে সঙ্কল্প
করিয়া আসিয়াছি, তাহাই করিব । দীপ্তিকে ফিরাইব ।

চা খাওয়া শেষ হইলে দীপ্তি অরুণেব পানে চাহিয়া কহিল,—
এসো...

অরুণ অবাক হইয়া গেল, দীপ্তিব এই অসঙ্কোচ আস্থানের
সুরে ! কোথাও তার এতটুকু উদ্বেগ নাই, দ্বিধা নাই ! এমন
অনায়াসে, এমন অবলীলায় সে তাকে আজ ডাকিল কি করিয়া !
হায়রে, সে বুঝি ভাবিয়াছে, অরুণ সারা রাত্রি বিশ্রামের পর
তার মতে সায় দিবার জন্তই প্রস্তুত হইয়া আসিয়াছে !

ছুইজনে পথে বাহির হইল । সেই জনশ্রোত,সেই সঙ্গ-প্রঘাসী
মানবাত্মার বাণীই দিকে দিকে ঝঙ্কত হইয়া উঠিয়াছে !...
কেহ একা নয়, নিঃসঙ্গ নয়...সকলের মিলিত হাসির কলরবে
চারিধার মুখরিত !...

মুক্ত পাখী

পথে দুইজনে কোন কথা হইল না। দীপ্তি আসিয়া বোর্ডে একটা শিলাখণ্ডের উপর বসিল। রাত্রে বৃষ্টির জলে চারিধাবের গাছপালা স্নান করিয়া এমন দিব্য বেশে সাজিয়া উঠিয়াছে যে তাদের পানে চাহিলে প্রাণটা এক নিমেষে তার আলস্য অবসাদ মুছিয়া তাজা হইয়া ওঠে।

কিছুক্ষণ নীরবে বসিয়া থাকিবাব পর দীপ্তি কহিল,—ভেবে দেখলে ?

অক্ষয় চমকিয়া উঠিল। দীপ্তির আহ্বানে সে তার মতেব বন্ধকে বা-কিছু যুক্তি খাড়া বাখিয়াছিল, সেগুলো এক মুহূর্তে কোথায় যে সরিয়া গেল। একটা নিশ্বাস ফেলিয়া অক্ষয় কহিল,—হ্যাঁ, ভেবেছি বৈ কি। আর ভেবে তোমাকে জবাব দেবার জন্ম প্রস্তুত হয়েই এসেছি।...কিন্তু একটু চুপ কর, দীপ্তি। চারিদিকে এই যে নীরবতা...প্রাণ দিয়ে একে একটু অনুভব করি, এসো দুজনে! চোখের দৃষ্টিতে শুধু কথা কই এসো...মুখের ভাষায় এ নীরবতা ভেঙ্গে কাজ নেই। কে জানে, হয়তো এমন তর্ক উঠবে...

—বেশ! বলিয়া দীপ্তি স্বদূরের পানে চাহিয়া রহিল। তার চোখের সামনে তার স্বপ্নের জগৎ ভাসিয়া উঠিল,—এক বিশাল সমাজ, লোক-জন স্বাধীন গতিতে কাজ করিয়া চলিয়াছে! কেহ কাহারো মুখ চাহিয়া ঘবের কোণে অলস বসিয়া নাই! সকলেরই মুখে-চোখে আশার দীপ্তি, প্রাণে কাজের বেগ, পুলকের ছটা!... তার দুই চোখ বিস্ফারিত হইয়া উঠিল। দেখিতে দেখিতে তার

মুক্ত পাখী

চোখের সামনে কখন যে এ-সব অংবার মিলাইয়া গেল, আর তার জায়গায় ফুটিয়া উঠিল, এক প্রকাণ্ড সৌধ, নর-নারীর কি বিপুল জনতা সে সৌধে !...তাদের কল-কোলাহলে দিকদিগন্ত একেবারে উচ্ছ্বসিত মুধরিত, ! ..আব ঐ বিরাট সৌধের নীচে...এ কি জীর্ণ কঙ্কাল ! কার কঙ্কাল এ ! দীপ্তি ভালো কবিয়া চাহিয়া দেখে, ... তাহারি !...তাহারি অস্থি-পঞ্জরকে ভিত্তি করিয়া এ বিরাট সৌধ গড়িয়া উঠিয়াছে ! এত বিরাট, এত উচ্চ যে তার চূড়া গিয়া সুদূর অকাশকে স্পর্শ করিয়াছে ! ..সে শিহরিয়া উঠিল । তাব অস্থি-পঞ্জর এমন জীর্ণ ! পর-মূর্ত্তে হাসিয়া সে ভাবিল, কি সুখ, কি এ অসহ্য সুখ গো !...দধীচি মুনি কবে কোন্ অতীত যুগে নিজের অস্থি দিয়াছিলেন বহু-রচনার জন্ম ! আর সে বহু অস্থরের বংশ সমূলে ধ্বংস করিয়া স্বর্গে দেব-দেবীরা রক্ষা পাইয়া বাঁচেন ! এ তো পুরাণের কথা ! কে জানে, সত্যই দধীচি মুনি ছিলেন কি না ! থাকিলেও এমন করিয়া যে অস্থি দিয়াছিলেন, তার প্রমাণই বা কি এমন আছে ! তবে তাকে যদি সমাজের ক্রকুটি লাঞ্ছনা মাথায় লইয়া হাসিমুখে নিজের অস্থি-পঞ্জরও চূর্ণ করিয়া ঐ স্বপ্নের সৌধকে সত্য করিয়া গড়িয়া তুলিতে হয়, যে-সৌধে তার জাতি প্রাণ পাইয়া বাঁচিবে, তাহা হইলে তার এ-জন্মটাও যে বিপুল সার্থকতায় ভরিয়া চিরগোরবে মণ্ডিত হয় !...

অরুণ চারিদিকে চাহিয়া প্রকৃতির মুক্ত সৌন্দর্য-লীলা দেখিতেছিল । কি উদার, কি মহান ঐশ্বর্যের রাশি ! ইহার কাছে ধন, যশ, সমাজ কত তুচ্ছ !...প্রকৃতির কোলে এই

মুক্ত পাখী

সৌন্দর্যের মধ্যে যদি থাকিতে পারা যায় তো কাজ কি ধন-জনে, সঙ্গ-সমাঞ্জে !... হঠাৎ দীপ্তির হাতের স্পর্শে তার চমক ভাঙ্গিল। সে ফিরিয়া চাহিল ; দীপ্তি তাহারি পানে চাহিয়াছিল। দুইজনের চোখে-চোখে মিলিল। অরুণ ডাকিল,—দীপ্তি...

দীপ্তি বলিল,—কি বলবে তুমি, বল...

অরুণ কহিল,—তবে শোনো দীপ্তি !... কাল সারারাত ঘুমকে ঠেলে এই চিন্তাতেই আমি কাটিয়েছি।

.. তারপর সে বুঝাইতে লাগিল, প্রথম যৌবনের অতি-গর্বে যাত্রা শুরু করিবার সময় জীবনকে যদি হঠাৎ অজানা পথে চালানো যায়, তবে তাহাতে বিপদের ভয়ও আছে বিলক্ষণ ! হয়তো পথ নিরাপদ, তবু একবার যাত্রা শুরু করিলে যখন ফিরিবার আর কোন উপায় থাকিবে না, তখন ভালো করিয়া বুঝিয়াই না সে পথ বাছিয়া লওয়া দরকার ! এই পথের জন্মই সমস্ত যাত্রাটুকু বিফল ব্যর্থ হইতে পারে—তখন হায়-হায় করিয়াও যে তাকে আর রক্ষা করা সম্ভব হইবে না।

এই কথাটাই নানা যুক্তি নানা দৃষ্টান্তের সাহায্যে এমনি আবেগে সে বলিয়া চলিল, যে তার কথার প্রতি বর্ণে, তার স্বরের ভঙ্গিমায় দীপ্তির প্রতি তার প্রাণের সুগভীর প্রেম বিদ্যাতের মত বিচ্ছুরিত হইয়া পড়িতেছিল ! সে প্রেমের বিদ্যৎ দীপ্তির লক্ষ্য এড়াইল না ! দীপ্তি তা বুঝিলেও নিজের সঙ্কল্পে অটল রহিল। এ তো তার ক্ষণিকের উত্তেজনা নয়, এ মত যে সে আজ কত দিন, কত মাস, কত বর্ষ ধরিয়া ভাবিয়া নিজের মনে দৃঢ় করিয়া ফেলি-

মুক্ত সাথী

যাচ্ছে ! সে অরুণকে ভালবাসিয়াছে খুবই, নিরুপায়ভাবে...খুব
গাঢ় গভীর সে ভালবাসা ! তবু তার পণ, তার ব্রত...সে তো
স্পষ্টই বলিয়াছে, তার বুক ভাঙ্গিয়া গেলেও সে এ পণ রক্ষা
করিবে, এ সত্য প্রাণ দিয়া পালন করিবে ! মুক্তির দিশায় সে যে
আকুল,—তাছাড়া তার নিজের সুখটাকেই একমাত্র সে কাম্য
করে নাই তো ! তার জাতি, সমস্ত নারী-সমাজের কল্যাণের
জন্য যে সে এই মুক্তির পণে নিজেকে আবদ্ধ করিয়াছে !

দীপ্তি বলিল—তুমি ভুলে যাচ্ছ, এ শুধু আমার নিজের একটা
চপল মত নয়, হাসি-খেলা বা তর্কের মধ্যেও এর জন্ম নয় । এ
একেবারে আমার প্রাণকে বৃত্ত করে জেগে উঠেছে, আমার প্রাণের
অংশ এ...আমার মর্মের অতি-স্পষ্ট জ্বাঞ্জল্য সত্য এ !...একে
আমি কোন-কিছুব মায়াতেও অস্বীকার করতে পারবো না !...
আমায় নিতে হলে আমার এই প্রাণ-অংশটুকু-সমেত নিতে হবে !
তা না নাও, নিয়ো না, নিতে হবে না !...তবে জেনে রেখো,
তোমার কাছে নৈরাশ্যে আমি ব্যথা পাবো খুবই, হয়তো দু'মাস
বেদনায় মূর্ছিতের মত পড়ে থাকবো...তবু এ পণ থেকে হঠতে
পারবো না । আমি জানি, সাথী একজন আমার চাই, আমায়
শক্তি দিতে, আমায় উৎসাহ দিতে,—আমার কথা যাকে শুনিয়ে
তৃপ্তি পাব, এমন একজন বন্ধু, সাথী !...তোমায় ভালবাসি,
প্রাণের চেয়েও । এমন প্রিয়জনকে সাথী পাবো, এর চেয়ে সুখের
বস্তু আর কি ছিল ! তুমি ত্যাগ করলে, হয়তো এমন একজনকে
জীবনের সাথী করতে হবে, যার জন্য প্রাণ আকুলও হবে না ।

স্মৃত্ত পাখী

সে মস্ত দুর্ভাগ্য ঘটলেও বাধ্য হয়ে সে দুর্ভাগ্যকে আমায় বরণ করে নিতে হবে। তোমার কাছে নিরাশ হবার পর হয়তো আর কাকেও ভালবাসতে পারবো না। কিন্তু ভাল না বাসলেও আমার এ ব্রত পালন করার জন্ত একজন বন্ধু আমায় বেছে নিতেই হবে...

দীপ্তির দুই চোখ জলে ভরিয়া আসিল। তা দেখিয়া অরুণ একটু বিচলিত হইল। সে বলিল—এত যদি আমায় ভালবাস দীপ্তি, তাহলে আমায় বিশ্বাস কর...একটু বিশ্বাস...

সবলে উদ্ভত অশ্রুকে ঠেলিয়া দীপ্তি বলিল—কিন্তু এ তো আমার ছোট স্মৃতি-দুঃখের কথা নয়...! শুধু আমার কথা যদি হতো এ...দীপ্তি অরুণের পানে চাহিয়া বলিল,—আমার এ সমস্ত জীবনটাকে আমি তোমার হাতে তুলে দিতে পারি যে, তোমার যা-খুসী কর এ জীবন নিয়ে! কিন্তু এর মধ্যে অনেক কথা আছে...ভালো-মন্দ সত্য-মিথ্যা সমস্ত নাবী-জাতির কল্যাণ যে এর সঙ্গে জড়িয়ে আছে!...এ তো শুধু আমারি কথা নয়, আমারি মত নয়। এ যে আমার অন্তরে বসে আমার সমস্ত জাতির আত্মা আমার মুখ দিয়ে এ কথা বলাচ্ছে!...আমার একটা ক্ষুদ্র স্মৃতি, একটা, ছোট তৃপ্তির জন্ত যদি আমি তাদের এ বাণীকে উপেক্ষা করি আজ, তাহলে আমার নিজের উপরই যে আমার দিকারের আর সীমা থাকবে না!...নারীর এই মর্যাদাটুকুকে যদি আমি ভালো না বাসতুম...তাহলে তোমাকেও বুঝি আজ আমি এমন ভালবাসতে পারতুম না...

মুক্ত পাখী

এ কথার মধ্যে অন্তরের কতখানি দৃঢ়তা, কতখানি নিষ্ঠা রহিয়াছে—অরুণ তাহা বুঝিল।...তবে উপায়? দীপ্তি যে-সৰ্ত্ত তার সামনে ধরিয়া দিয়াছে, সে সৰ্ত্তে অরুণ তাকে গ্রহণ করিতে পারিবে না; আর সে তাকে গ্রহণ না করিলে, দীপ্তি...না, ইহাতেও তো তাহাকে রক্ষা করা যায় না! কোন্ অপদার্থকে সহায় করিয়া সে জীবন-পথে যাত্রা শুরু করিয়া দিবে. সে হয়তো পথের মাঝেই অসহায় তাকে ফেলিয়া পলাইয়া যাইবে। অরুণ তো জানে, এ পৃথিবীতে কাপুরুষ বিশ্বাসঘাতকের সংখ্যা কত! এমনি অনির্দিষ্ট পথে তাকে ফেলিয়া গিয়া অরুণই কি নিশ্চিন্ত থাকিতে পারিবে?...

অরুণ কহিল—আমার কি ভাবনা হয় জানো দীপ্তি...সকলে বলবে, এক অসহায় নারীকে আমি ভুলিয়ে পথে এনে দাঁড় করিয়েছি!

দীপ্তি কহিল—লোকের কথা কে এখনো তুমি এত বড় করে ধরছো!...বলেছি তো, আমাদের সংগ্রাম করতে হবে, এই সব আচার-পদ্ধতি, কুসংস্কারের সঙ্গে, সমাজের সঙ্গে—হয়তো বা সমস্ত পৃথিবীর সঙ্গেও। সে-সব লোকের কথা গ্রাহ্য করবে...কে কি বলবে? তারা শত্রু, তাদের সঙ্গে তো লড়াই! এই লড়াই আমাদের জীবনের ব্রত। আমরা যে মুক্তির প্রয়াসী!

অরুণ যুক্তিতে হারিয়া মিনতি ধরিল, অতি-দীন করুণ মিনতি! কিন্তু দীপ্তি তবু অটল। ঘাড় নাড়িয়া সে বলিল—এই এক পথ আছে—সত্যের পথ, মুক্তির মন্দিরের দিকে।

মুক্ত পাখী

অরুণ নিরুপায়ভাবে কহিল—তাহলে আরো কিছুদিন তুমিও ভেবে দেখ, দীপ্তি ! এত বড় কাজ করার আগে মনটাকে বিরুদ্ধ যুক্তির মাঝে ছেড়ে আরো ভালো করে ভাবো । এত ব্যস্ত কেন ! সমস্ত জীবনটা যখন এর উপর নির্ভর করছে...

দীপ্তি কহিল—না । আজ, এখন এ প্রশ্নের মীমাংসা করতে হবে । করা চাই !...আমার মনে কোনো দ্বিধা নেই,... আমি তো তোমাকে সব কথা বলেছি, আমার মনের অতি-গোপন খপরটুকুও তো অপ্রকাশ রাখিনি । হয় বলা, তুমি রাজী আছ এ সৰ্ত্তে, নয়, আমায় ত্যাগ কর ।

অরুণ বিস্ময়ে ক্ষোভে দীপ্তির পানে চাহিয়া রহিল । নারীর যে ব্রীড়া তাকে অমন সুন্দর কমণীয় করিয়া তোলে, দীপ্তি তাহা বিসর্জন দিয়াছে !...দিক, তবু তো তাকে বিত্ৰী দেখাইতেছে না ! সে বলিল,—দীপ্তি, আমি তোমায় ভাল বাসি, এমন ভালবাসা বুঝি পৃথিবীতে কেউ আর কাকেও বাসেনি ! কেন তুমি এ অবিচার করছ ! আমি যদি তোমার ভালবাসার মধ্যে নিজের স্বার্থ খুঁজতুম, তাহলে এখনি বলতুম, তুমি যা চাও, তাই হোক, তাই...তুমি আমার ! কিন্তু আমার প্রেম এত নীচ স্বার্থপর নয় ! তাই সবার আগে তোমার মৰ্যাদা তোমার কল্যাণের কথা ভেবেই তোমায় বার-বার সতর্ক করছি—শোনো, আমার কথা তুমি শোনো । এ অন্ধ আবেগ তুমি ত্যাগ কর, স্বস্থ মন নিয়ে একবার ভাবো ।

—ঢের ভেবেছি । দীপ্তি কহিল,—তাহলে এই তোমার শেষ

মুক্ত পাখী

কথা ? বেশ, এখানেই তাহলে এর ধ্বনিকা পড়ুক !...দীপ্তির স্বর
অবিচল গভীর । কাতরতার চিহ্ন তার কোথাও নাই !

অরুণের সমস্ত মন আর্তনাদ করিয়া উঠিল ।—না, না দীপ্তি,
এই শেষ কথা নয় আমার । তুমি এমন সুন্দর, এমন সৃতেজ
সুস্থ সবল তোমার মন—তাতেই যে আমি মুগ্ধ হয়েছি, পাগল
হয়েছি, দীপ্তি ! আমি দুর্বল পুরুষ, আমার ওপর তুমি বড়
অকরণ হচ্ছে। যে—

দীপ্তি কহিল,—আমার সৌন্দর্যের মোহে ভুলিয়ে তোমায়
আকৃষ্ট করতে আমি কোনদিনই চাইনে, তোমার মধ্যে যে
মনের পরিচয় আমি পেয়েছি, সেই মনেরই সঙ্গ লাভের জন্য
আমি আকুল । তোমার যা মত, আমার মতের সঙ্গে তার
তো খুব মিল আছে—তবে কেন তুমি এখন কর্মক্ষেত্রে নামবার
সময় এত কুণ্ঠিত হচ্ছে। ?

অরুণ কহিল,—তোমার মতের সঙ্গে আমার মতের মিল
আছে, দীপ্তি । তোমার এ মতকে, তোমার এ আশা-আকাঙ্ক্ষাকে
আমি শ্রদ্ধাও করি—কিন্তু তার জন্য এ নিষেধ নয় আমার ।...
তাহলে খুসেই বলি তোমায় । তোমার সঙ্গে পরিচয় হবার
আগে পুরুষ আর নারীর মিলন সম্বন্ধে আমার এই মত ছিল
যে, মনের মিলই এখানে একমাত্র মন্ত্র, সংস্কৃত কতকগুলো শ্লোক
এর মধ্যে ব্যঙ্গের মত শোনায । আর নারীর মুক্তি বল, স্বাধীনতা
বল, এই পথেই পাওয়া যাবে...বিবাহের বৈধতা, মনের স্বচ্ছন্দ
অবাধ মিলনের অবৈধতা...এগুলো শুধু নারীকে দেবে বেশে

মুক্ত পাখী

রাখার জন্ম পুরুষেরি তৈরী, কঠিন ফাঁস, তার ধাক্কা...সারা জীবন ধরে নারীর উপর একাধিপত্য বিস্তারের এ শুধু প্রবল চেষ্টা। তা ছাড়া আর কিছুই নয়। এ তো ভগবানের বিধান নয়। এ বিয়ের মন্ত্র তিনি ছন্দে গেঁথে দেননি। এ রয়েছে পুরুষ,নারীর উপর প্রভুত্ব খাটাবার জন্য শুধু! মানুষ ছাড়া পশু-পক্ষী কীট-পতঙ্গের পানে চেয়ে ছাখো, তাদের মধ্যেও মিলনের সুর বয়ে চলেছে...প্রাণে প্রাণে মিলনের লীলা বইছে। ভগবানের যদি তাই না ইঙ্গিত হবে, তবে কেন তিনি অবোলা পশু-পক্ষীদের অন্তরেও এই প্রেম, এই সঙ্গ-লিপ্সা, এই মমতা, এই স্নেহ দিয়ে অমন করে গড়ে তুলবেন! অর্থাৎ আমার কথা এই যে, আর সমস্ত নারী তো চুপ করে আছে, এই আচার-বিধির বিরুদ্ধে কোন বিদ্রোহ তুলছে না—মাঝে থেকে তুমি কেন এ ভার মাথায় নিয়ে লাঞ্ছনার বিষে জর্জরিত হবে! লোকে তোমায় কত কুকথা বলবে। আর আমাকেও বলবে, যে শক্তি থাকতেও তোমাকে আমি নিবৃত্ত করিনি, নিজের জঘন্য তুচ্ছ তৃপ্তির মোহে তোমায় এতে আরো উৎসাহিত ক্ষিপ্ত করে তুলেছি!

দীপ্তি কহিল,—ও সব কথা আমিও ভেবে দেখেছি বহুদিন। কেন তুমি এতে আমায় উৎসাহিত না করে বারবার নিবৃত্ত করার চেষ্টা করছো...

—কারণ, তোমায় আমি ভালবাসি! তাই, তাই—

দীপ্তি কহিল—তাহলে এর মানে দাঁড়াচ্ছে এই যে তোমায়-আমায় বিদায় নেবার পালা এবার!

মুক্ত পাখী

অরুণ উদ্বেলিত কণ্ঠে কহিল—না, না, বিদায় নয়, বিদায় নয় ।
তুমি বলেছ, আমার তুমি ভালবাস দীপ্তি । নারী যখন এত বড়
কথা বলে পুরুষের কাণে, তখন এমন মৃত্কে আছে যে তাকে
প্রত্যাখ্যান করতে পারে ! নারীই চিরদিন পুরুষের কান্দ্য...
নারীকে সাধনা করে পেতে হয় ! বিশেষ তোমার মত নারীর
ভালবাসা পাওয়া...এর চেয়ে পরম লাভ পৃথিবীতে আর কি
আছে !...এই অস্বাচিত অল্পগ্রহ এ যে গৌরবের স্ফিনিষ, এ যে
আমার মাথার মণি ! না, না, তোমায় আমি ছেড়ে দিতে
পারবো না—

দীপ্তি কহিল—তাহলে তুমি আমার ! আমাকেও তোমার
বলে গ্রহণ করছো !

—হ্যাঁ গো, তুমি আমার, তুমি আমার...আবেগে উত্তেজনায়
অরুণের স্বর কাঁপিয়া ঝরিয়া পড়িল...

দীপ্তিও কৃতজ্ঞতায় প্রেমে বিবশার মত অরুণের বুকে মাথা
রাখিল । তার অন্তর চিরিয়া মুহূকম্পিত মন্থোচ্ছ্বাস ফুটিল —
প্রিয়তম, আমি তোমার, একান্ত তোমারই—

মাথার উপর নির্ঝল নীল আকাশ, পার্শ্বে হিমালয়ের হিম-
শিখর নিম্পন্দ বিস্মিত দৃষ্টিতে এই অপূর্ব মিলন দেখিল,...আর
পাহাড়ের গায়ে পাইন-ঝাড়ের ডালে একসঙ্গে কতকগুলো পাখী
কুজন-ধ্বনিতে এ মিলনকে অভিনন্দিত করিল ।

— ৬ —

এইরূপে কতকটা ইচ্ছার বিকল্পেই অরুণকে দীপ্তির মতে সাগর দিঙে হইল ! নহিলে ঐ রূপ, ঐ মন...সে যে হাতের বাহিরে চলিয়া যায় ! কি দৃঢ় ভঙ্গিমায দীপ্তি যে নিজেকে ঝাড়া রাখিয়াছে...এমন নির্মম সে...! একটা তুচ্ছ অসম্ভব মতের পায়ে এমনি করিয়া নিজের জীবনকে বলি দিবে !—নিরুপায় হইয়াই অরুণ কহিল,—তবে তাই হোক, দীপ্তি ।

তখন আসিল মস্ত এক সন্ধিক্ষণ ! জীবনের খুঁটিনাটি নানা কাজের সূক্ষ্ম আলোচনা ! অরুণ অত বড় মতটার সামনে এমনি বিশ্বয়-বিমূঢ় হইয়া গিয়াছিল যে ভবিষ্যতের পথ তার মনের নাগালের বহুদূরে সরিয়া পড়িয়াছিল । শুধু এইটুকু সে বুঝিয়াছিল যে সে ও দীপ্তি একসঙ্গে এই সমুদ্রে জীবন-তরী ভাসাইয়া চলিবে । কিন্তু সে তরী ভাসানো হইলে কোন্ ঘাট তাদের লক্ষ্য হইবে, এই কথাটার মীমাংসা করিতে গিয়া বিবাহের কথাটাই শুধু তার মনে জাগিতেছিল ! অথচ এই বিবাহ ব্যাপারটার সঙ্গেই দীপ্তির এত বিরোধ ! একই গৃহে দুইজনে তারা বাস করিবে...এক চিন্তা, এক মন ! কিন্তু সেই গৃহে সেই তা পুরুষের প্রভুত্ব ! দীপ্তি কহিল, না, এক ঘরে বাসের কি প্রয়োজন ? কিছু না ! জীবনে স্বতন্ত্র ঘরে বাস করিয়া এমন কি দূরে থাকিয়াও যে আমরা বন্ধুর প্রীতি পরিপূর্ণ আনন্দে

মুক্ত পাখী

উপভোগ করি।...তবে?...এ প্রীতি, এও তো বন্ধুর প্রীতি, প্রিয়জনের সখ্য!—এক গৃহে বাস করিলে সেই তো পুরানো আচারের দাস্য করা হইল!...তা ঠিক হইবে না। দীপ্তি কহিল, স্বাধীনভাবে ছুইজনে এমনিই আমবা থাকিব। আমার গৃহে তুমি আসিবে, নিত্য আমার প্রাণের প্রিয়,...আমার মনের প্রীতি, হৃদয়ের মধু পান করিতে...আমার সন্তানদের পিতা আমায়, আমার সন্তানদের দেখিতে আসিবে!...আমার স্বাধীন সত্ত্বা বজায় রাখিয়া স্বামীর প্রতি স্ত্রীর কর্তব্য আমি পালন করিব, তবে সংসারের কোন কাজে স্বামীর সাহায্য লইব না, স্বামীর বশতাও স্বীকার করিব না।...

এই সব কথা লইয়া দীপ্তি বহুদিন ধরিয়া নিজের মনে আলোচনা করিয়াছে! আর এই সব আলোচনার দ্বারাই সে স্থির করিয়াছে, বাসের ব্যবস্থার কোন পরিবর্তনের দরকার নাই! অরুণের সহিত এই যে মিলন,—এ প্রাণের কামনায় পুরুষের সহিত নারীর সখ্য, নিবিড় সখ্য...এর মধ্যে দায়িত্ব চাপাইবার প্রয়োজন নাই!...একা সমাজের বিরুদ্ধে এ বিদ্রোহ-ঘোষণা নয়, নারী ও পুরুষের শরীর-মনের পরিপূর্ণ বিকাশ ছাড়া এ আর কিছুই নয়! তাদের চারিদিক দিয়া সার্থক করিয়া তুলিবার জন্তই শুধু এ মিলন!...তার জন্ত বাহিরের ব্যাপারে কোনো পরিবর্তন করার প্রয়োজন তো কিছুই নাই, বরং করিলে তাহা বিস্তী দেখাইবে। দীপ্তি অবাক হইয়া যাইত যে নর-নারীর এই মিলনোৎসব—যাহা একান্ত মনের ব্যাপার

মুক্ত পাখী

তাহাতে লোক-জনের ভিড় লাগাইয়া সমারোহ বাধাইয়া
খাওয়া-দাওয়ার প্রচণ্ড উৎসাহ জাগাইয়া যে-কাণ্ড করা হয়, সেটা
একান্ত হৃদয়-হীন, একান্ত বর্বর, বিসদৃশ! তবু এ কাহারো চোখে
পড়ে না, আশ্চর্য! দুটি হৃদয় যখন একান্ত গোপনে পরস্পরকে
আত্ম-নিবেদন করিবে, তখন চারিদিকের এই হট্টগোল, এই
সমারোহ—লক্ষ লোকের এই উৎসুক কোতূহলী দৃষ্টি তাদের
সে হৃদয়-বিনিময়ের শাস্ত ক্ষণটিকে বর্বর কোলাহলে চিরিয়া
ছিড়িয়া তার মাধুর্যটুকু নষ্ট করিয়া দিবে না! এ প্রাণের
ব্যাপারে ও হট্টগোল যে নিতান্ত নিশ্চয় ঠেকে!

এ সমারোহের অর্থ শুধু এই হয় যে আর-একজন নারী,ঐ দেখ,
পুরুষের দাস্য স্বীকার করিয়া তার নিজের সত্ত্বা হারাইয়া
ফেলিল...বাজাও দামামা, বাজাও ছন্দুভি, গগনভেদী শব্দরোলে
পুরুষের এই বিজয়-বার্তা দিকে দিকে ঘোষণা কর। আদিম
বর্বরতার এ সেই পৈশাচিক অট্টহাস ছাড়া আর কি!...

তাদের মিলনে বাহিরে এতটুকু সাড়া উঠিবে না। একটা
বাহিরের লোকের দৃষ্টিও তাদের এ প্রাণের মিলনের উপর
পড়িয়া তাকে বিষাক্ত করিবে না, তার স্নিগ্ধতার কোনখানে
আঘাত দিবে না। দুটি প্রাণের এ আত্ম-নিবেদন একান্ত
নিভূতে সম্পাদিত হইবে!...সমাজের পাছে কোথাও কোন
তর্ক ওঠে, বা এ মিলন লইয়া কোথাও কোন আলোচনা চলে,
সেজ্ঞ ভয়ে-ভয়ে দীপ্তির এ সতর্কতা নয়—সে চায় এ প্রাণের
ব্যাপার নীরবে সম্পন্ন হোক!...

স্কুল পাখী

দীপ্তি বলিল, "বালিগঞ্জ ষ্টেশনের কাছে তার একখানি ক্ষুদ্র কুটির আছে। সেখানি অল্প ভাড়ায় লইয়া সে তাকে তার রুচি আর সামর্থ্য-মত পরিপাটী করিয়া সাজাইয়াছে। সেখানেই সে বাস করে; আর প্রত্যহ ট্রেনে করিয়া কলিকাতায় তার স্কুলে পড়াইতে আসে!...তার গৃহের আশে-পাশে কয়েক ঘর দরিদ্র লোকের বাস। তাছাড়া মাঠ, বাগান, জলা ঘাট-ঘাট, পাখীর গানে সকাশ-সন্ধ্যা নিত্য-মুখরিত! খোলা আলো-বাতাসে স্নিগ্ধ-শীতল তার এই ক্ষুদ্র গৃহ তার জন্ম যে আরাম সঞ্চিত রাখে, তাহাতে প্রাণ-মন জুড়াইয়া যায়। সেখানে তার কোন অভাব নাই। সে একা থাকে। একটা দাসী আসিয়া বাসন-কোসন মাজিয়া জল তুলিয়া দিয়া যায়, দীপ্তি নিজের হাতে রান্নাবান্না ও ঘরের অল্প যা-কিছু কাজ করে। তাহাতে তার এতটুকু ক্ষোভ নাই—কষ্টও কিছু হয় না। তা ছাড়াই অক্লণের ঐশ্বর্য্য-সেবিত প্রাসাদে সে বাসের কামনাও করে না। আর অক্লণের প্রাসাদে বাস করিতে আসিলে তাকে তো অক্লণের বশতাই স্বীকার করিতে হইবে, তার আরাম-তৃপ্তির জন্য অক্লণ পয়সা জোগাইবে! তাহা হইলেই তো সেই অক্লণের প্রভুত্বকে বরণ করিয়া তাকে সেই কৃত্রিম বাধনে বাধা পুরানো প্রণালীতেই জীবন বহিতে হইবে! তা সে চায় না! সে কথা মনে হইলে চিন্তে তার স্কুল বিরূপ হইয়া ওঠে!

তবে এ মিলনে লাভ কি?—সমাজের দিক দিয়া, অর্থের দিক দিয়া কোন লাভের কথা ইহাতে নাই! সে লাভ দীপ্তি

মুক্ত পানী

চায়ও না !...এ মিলন শুধু তার নারীকে প্রসারতা দিবে—সেই অন্যই না সে ইহাকে বরণ করিতেছে ! এ প্রীতি,এ সখ্য—এ শুধু জীবনকে পরিপূর্ণ করিয়া তুলিবার জন্য ! কি পুরুষ, কি নারী, দুই-জনেরই জীবনকে পরিপূর্ণভাবে গড়িয়া তোলা চাই—নহিলে জীবনের সার্থকতা রহিল কোথায় ! নারীকে তার জীবন পরিপূর্ণ করিতে হইলে মাতৃকেও গ্রহণ করিতে হইবে...নহিলে জীবের অস্তিত্ব লোপ পাইবে,নারী-জীবনের প্রধান দিকটাই অগুণ থাকিয়া যাইবে ! দীপ্তির স্বাধীনতার বাসনা এমন অল্প নয় যে ও-দিকটাকে সে একেবারে উপেক্ষা করিয়া চলিবে ! তাহা হইলে নারী যে নারী,সে পুরুষ নয়—যা লইয়া নারীর বৈশিষ্ট্য, সেটাকেই অস্বীকার করা হয় ! আর এ বৈশিষ্ট্যকে অস্বীকার করা যা, নারীকে অস্বীকার করাও তাই !

সন্তানদের লালন-পালন ? তাদের শিক্ষা ? তাতেও তো কোন বাধা নাই । পুরুষ ও নারী দুইজনে মিলিয়াই তো সন্তানের জন্ম দিয়াছে—সে-সন্তানদের পালন করিবে নারী, তার মমতা দিয়া স্নেহ দিয়া...আর পুরুষ তার শিক্ষার ভার লইবে । ইহাতে গোলই বা কি, আর বিশ্বখলাই বা আসিবে কোথা হইতে ! নর-নারীর এ মিলনের ভিত্তিই যে প্রীতি ! সেই প্রীতি উভয়কে তাদের কর্তব্য-পালনে, সচেতন রাখিবে ।...এমনি করিয়া বিরাট দাস্য খুচিয়া পৃথিবীর নর-নারীর মধ্যে মনের যে বাধন গড়িয়া উঠিবে, তাহারি ঘোরে পৃথিবীর যত-কিছু দুঃখ-দৈন্য কোত-হাহাকার সব খুচিয়া যাইবে, বিরাট দাস্যের প্রতিষ্ঠা হইবে—

সুন্দর পাখী

বিবাদ-কলহের অন্ত হইয়া এমন এক সুমহানি জগৎ জাগিয়া উঠিবে, যাহা প্রীতির রসে স্নিগ্ধ, কর্তব্যের স্পন্দনে চকিত, স্বাস্থ্য ও স্বাধীনতার হাওয়ায় ভরপুর ! সে এক আনন্দের জগৎ ! দীপ্তির বিহ্বল দৃষ্টির সামনে এই আলোর জগৎ তার উজ্জ্বল আভাষে জাগিয়া উঠিল ।

আরো এক সপ্তাহ ধরিয়া ভবিষ্যতের এমনি নানা ছবি গড়া চলিল । অরুণ সে ছবির মৌন্দর্য্যে মোহিত হইয়া গেল, কিন্তু তার চেয়েও ঢের বেশী মোহিত হইল, এ স্বপ্নের জগৎ যে গড়িয়া তুলিতেছে, তার রূপের ও মনের দীপ্তিতে !

সেদিন সন্ধ্যায় বেড়াইবার পর দীপ্তির গৃহে অরুণেব নিমজ্জন ছিল । অরুণের মনে হইল, সন্ধ্যার আকাশ যেন নির্ঝল নীল বেশে সাক্ষিয়া নক্ষত্রদের লইয়া উৎসুক নেত্রে পৃথিবীর পানে কৌতুহলে চাহিয়া আছে । তার জীবনে এ যে এক পরম ক্ষণ ! চাঁদও হাসি মাখিয়া নক্ষত্রদের পাশে ঐ আসন পাতিয়া বসিয়া গিয়াছে । শীত পড়িলেও জ্যোৎস্না-প্রাবিত উপবনে পাখীর গান মুহুমূহ উচ্ছ্বসিত হইয়া উঠিতেছিল । পাইনের বন হইতে ধীর পায়ে বাতাস আসিয়া তরু-কুণ্ডে পাতার আড়াল ঠেলিয়া ফুল-মর্মরে অধীর প্রতীক্ষা জানাইতেছিল । অরুণের মনে হইল, তার জীবনে সন্ধ্যা এমন বিচিত্র মধুর বেশে আর কোন দিন দেখা দেয় নাই । আত্মিকার এই অমান সন্ধ্যা যে কি অপূর্ণ স্বরে গান ধরিয়াছে... ! তার মনে হইল তার যৌবন-নিকুণ্ডে পাখী গাহিয়া উঠিয়াছে,—সখি, জাগো, জাগো...!

মুক্ত পাখী

দীপ্তির গৃহে আসিয়া অরুণ দেখিল, ছোট ঘরখানি তৃণ-
লতায় পাহাড়ী ফুলে দীপ্তি কেমন বিচিত্র সুন্দর সাজে সাজাইয়া
তুলিয়াছে। বারান্দায় একটা বাহারে চীনা লঠন জলিতেছিল।
বারান্দার পরেই ঘর। ঘরের আগুন-রাখার সামনে কোঁচখানির
উপর দু'টি ফুলের আসন। গৃহকোণে ছোট অর্গিনটার গায়ে
ফুল-হাব জড়াইয়া দেওয়া হইয়াছে। উৎসবের সুস্পষ্ট আভাস শুধু
ঘরে নয়, দীপ্তির মুখে-চোখেও বিচিত্র রাগে উজ্জ্বল বর্ণে ফুটিয়া
উঠিয়াছে! দীপ্তি অর্গিনের পাশে বসিয়া গান গাহিতেছিল,—

ওহে মবীন অ'তধি,

তুমি নূতন কি চিরন্তন।

যুগে যুগে কোথা তুমি ছিলে সন্ধান !

যতনে কত কি আনি বেঁধেছিলু গৃহখানি

হেথা কে ভোমারে বল করেছিল নিমন্ত্রণ।

অরুণ ঘরে ঢুকিয়া আবেশ-বিহ্বল দৃষ্টিতে দীপ্তির পানে
চাহিয়া দাঁড়াইয়া র'হল। তাকে দেখিয়া দীপ্তি গান থামাইয়া
উঠিয়া আসিয়া তার হাত ধরিল, কহিল—এনো...

দীপ্তির অঙ্গে অঙ্গে লজ্জার রক্তিম ছটা সন্ধ্যার মেঘের মতই
তাকে ঘিরিয়া ধরিল। অরুণ মন্ত্র-চালিতের মত আসিয়া কোঁচে
বসিল, দীপ্তি তার পাশে বসিল। দীপ্তি বলিল—এই নূতন জীবনে
আজ আমরা আমাদের মনকে অভিবিক্ত করবো। আজ থেকে
আমাদের সখ্য, আমাদের প্রীতি পৃথিবীর সমস্ত বেদনা-ঝঞ্জা
অকাতরে বইবার জন্য প্রস্তুত থাকবে। আজ দু'টি হৃদয় এক

মুক্ত পাখী

লক্ষ্য নিয়ে এ মহা-ব্রত-পালনে যাত্রা করবে। প্রিয়তম, আজ থেকে আমি তোমার প্রিয়তমা প্রাণের সঙ্গিনী! আর তুমি আমার একমাত্র প্রিয়তম প্রাণের স্বজন!

দীপ্তির ডাগর হুই চোখে কি ও বিহ্বলতা!... অরুণ আবেশে তাকে বৃকের উপর টানিয়া তার অধরে চুম্বন করিল। দীপ্তিও অরুণের অধরে আজ তার প্রথম প্রণয়-অর্ঘ্য নিবেদন করিল। তার পরেই সে অর্গিনের ধারে গিয়া বসিল, বসিয়া কহিল—
আমাদের এ অপূর্ব সখ্য গানে-গানে সুরে-সুরে আমাদের ছেয়ে ফেলুক। বলিয়াই অর্গিন টিপিয়া সে গান ধরিল,—

ওহে সুলভ মম গৃহে আজি পরমোৎসব-রাত্তি!

রেখেছি কনক-মন্দিরে কমলাসন পাতি।

তুমি এস হৃদ এস,

হৃদি-বল্লভ হৃদয়েশ,

সম অশ্রমেত্রে কর বরিষণ করণ-হাস্ত-জাতি!

তব কণ্ঠে দিব মালা

দ্বিব চরণে ফুলডালা,

আমি সকল কুল-কামল কিরি এনেছি যুঁ ধি-জাতি!

তব পদতল-লীনা,

বামাব স্বর্ণ-বীণা,

বরণ করিয়া লব তোমায়ে মম মানস-সাধী!

গান গাহিয়া দীপ্তি কহিল,—এর একটা কথা বদলাতে চাই। পদতল-লীনা কেন? ওটা 'হৃদয়-লীনা' করে গাইবো... বলিয়া সে অরুণের উত্তরের জন্য না থামিয়া আবার গাঁহিল,—

এ কি আকুলতা ছুবনে। এ কি চকলতা পবনে।

এ কি মধুর মধির-রসরাশি, আজি শূন্য-তলে চলে তাসি,

বরে চন্দ্র-করে এ কি হাসি, ফুল-পল্লব গুটে পসনে।

মুক্ত পাখী

অনেক রাত্রি অধি গান চলিল। স্বপ্ন গান ধামিল, তখন গানের সুরে আর দীপ্তির রূপের দীপ্তিতে অরুণ একেবারে মাতাল হইয়া উঠিয়াছে !

দীপ্তি বলিল,—ডের রাত হয়ে গেছে। খাবার আনি।... বলিয়া সে দুইজনের খাবার লইয়া আসিল। তারপর আহার শেষ হইলে দীপ্তি অরুণের পানে চাহিল। অরুণের মন আবার বিহ্বল হইয়া উঠিল। দীপ্তি অরুণের হাত ধরিয়া ডাকিল,—বন্ধু, প্রিয়তম...

অরুণ কহিল,—অনেক রাত হয়ে গেছে দীপ্তি। বাড়ী যাই।
দীপ্তি কহিল—এত রাত্রে...? এই শীতে...?
অরুণ দীপ্তির পানে চাহিল, দীপ্তির মুখে-চোখে লজ্জা যেন মাখানো রহিয়াছে !

অরুণ ডাকিল,—দীপ্তি...

দীপ্তি কহিল—আজ আমাদের মিলনের বাসর...বল,
পূর্ণ হল তোমার নিয়ম প্রভু হে, তোমারি হল অর,
তোমার কৃপায় এক হলো আঁধি এই যুগল হৃদয় !

— ৭ —

কলিকাতায় কিরিবার পরে ছয়মাস দীপ্তির সুরের আর অস্ত
রহিল না। অরুণও এই সুর অজস্র পান করিতেছিল।...তবে
এ সুরে বেদনাও যে মাঝে মাঝে কোঁটার মত খট্‌খট্‌
করিত না, এমন নয়। দীপ্তি পূর্বেকার মতই সারা দিন

মুক্ত পাখী

তার স্কুলে ছাত্রী পড়াইত এবং ঐকালে 'ট্রেনে' করিয়া গৃহে ফিরিত ; করিয়া নিজের হাতে অল্পের খাবার তৈরী করিয়া তাকে অভ্যর্থনা করিবার জন্য প্রস্তুত হইয়া থাকিত ।

অল্প নিত্য তার কোর্টের কাজ সারিয়া মোটরে করিয়া দীপ্তির গৃহে আসিয়া উদয় হইত ; তারপর সেখানে চার-পাঁচ ঘণ্টা কাটাইয়া গৃহে ফিরিত ।...তার বুকটা মাঝে মাঝে তুলিয়া উঠিত যখন সে দেখিত, দীপ্তির গৃহের দ্বারে নিত্য এই যে তার গাড়ী আসিয়া দাঁড়াইতেছে এবং রাত্রির অনেকখানি কাল এইখানেই সে-গাড়ী দাঁড়াইয়া থাকে, অথচ বাড়ীতে থাকে তরুণী দীপ্তি একা...এই ব্যাপারে পাড়ায় বেশ খানিকটা কোতূহলের সাজা পড়িয়া গিয়াছে ! তাব গাড়ীর সামনে কোতূহলী দর্শকের দল শুধু যে আসিয়া ভিড় জমাইত তা নয়—তাদের চোখে তীব্র প্রশ্ন-ভরা বিজ্ঞোহের দৃষ্টিও সে কত দিন অমন লক্ষ্য করিয়াছে ! তার গা ছম-ছম করিয়া উঠিত । ইহারা কি ভাবিতেছে ? দীপ্তিব সম্বন্ধে যত্ন স্বরে তাহাদের দুই-একটা মানির কথাও সে কাণে শুনিয়াছে ! অথচ দীপ্তিকে সে কথা বলিতে কোনদিনই তার সাহসে কুলায় নাই ! দীপ্তির মুখে-চোখে উদ্বেগের চিহ্ন মাত্র নাই । উদ্বেগ কি, তার জীবনে কোথাও যে লক্ষ্য করিবার মত কোন পরিবর্তন আসিয়াছে, তাহারও কোন লক্ষণ দেখা যায় না ! সে বেশ অনায়াস সহজভাবেই নিত্য তাকে অভ্যর্থনা করে, আর বিদায়ের বেলায় তার দৃষ্টি অশ্রু-সজল হইয়া ওঠে ! সে যে বিচ্ছেদের বেদনা অনুভব করিতেছে, সেটা

সুখ পাখী

স্পষ্ট দেখা না গেলেও অরণ এটুকুও লক্ষ্য করিমাছে যে দীপ্তি সে
বেদনাকে প্রাণপণে কুথিয়া তাড়াইবার জন্য কতখানি ব্যাকুল !

কিন্তু আশ-পাশের লোকগুলার ঐ তীব্র প্রশ্ন-ভরা দৃষ্টি মেলিয়া
দীপ্তিকে দেখিতে আসায় দীপ্তিকে সে যে কতখানি লাজনাক
আর গ্লানিতে ভরিয়া তুলিতেছে, ইহা ভাবিয়া সে আকুল হইয়া
উঠিত । তাছাড়া মোটরের সোফারটা এমন সম্বন্ধ দৃষ্টিতে
চায়...! ইতর ইহারা, সঙ্কীর্ণ মন ইহাদের, তাহাদের মিলনের
মাধুর্য বা গৌরব তো ইহারা বুঝবে না, আর তা না বুঝিয়া
তারা ছাই-পাশ কি' যে ভাবিতেছে, ইহা ভাবিয়াই অরণ
গ্লানির আগুনে পলে পলে দগ্ধ হইতেছিল !

কিন্তু ছয় মাস ধরিয়া নিত্য এত রাত্রে গৃহে ফেরা...
গৃহে ফিরিবার সময় তার বুকটা এমনি অধীর স্পন্দনে স্পন্দিত
হইয়া উঠিত ! গৃহে পিশিমা ছিলেন । এই পিশিমাই অরণকে
মাঝুষ করিয়াছেন । মা যখন বাঁচিয়া ছিলেন, তখনো তার যা-
কিছু ঝঙ্কি এই পিশিমাই সহিয়া আসিয়াছেন । পিশিমা প্রায়
বলিতেন—কোটে' এত কি কাজ, তোর' বাবা যে, এত রাত্রে
বাড়ী ফিরিস্ !

অরণের বুক গুরুগুরু করিয়া উঠিত । সে বলিত,—একটি
বন্ধু একা থাকেন, তাঁর বিশেষ অনুরোধেই তাঁর কাছে রোজ
যাই পিশিমা—তার পর কথায় কথায় ফিরতে রাত হয়ে যায় !

পিশিমা বলিতেন,—সেই বালিগঞ্জের ওধারে যান...ড্রাইভার
বলছিলাম...

শুভ পাখী

অক্ষয়ের বুক 'এবার ছাঁৎ করিমা উঠিল। সে বলিল—
হাঁ!...বলিয়ারই সে সে চট্ট করিমা নিজেই ঘরে সরিয়া পড়িল।

অক্ষয় ডাবিল, লক্ষ্যনাশ! ডাইভার যদি সেই সঙ্গে আরো
কিছু বলিয়া থাকে!...যদি সে বলিয়া থাকে, সে বন্ধু পুরুষ
নয়, এক স্বন্দরী তরুণী...! অক্ষয় হাসিল, 'ইহাতে' কিন্তু
হইবারই বা কি আছে! পিশিমা তো তাকে চেনেন—সে
যে কোন রকম হীন আলাপে মস্ত হইতে পারে, পিশিমা
এমন কথা কখনো বিশ্বাস করিবেন না!...তবু সে সতর্ক
হইল। কোর্টের পর গৃহে ফিবিয়া জলখাবীর খাইয়া বেশভূষা
পরিবর্তন করিয়া সে বাহির হইতে লাগিল,—মোটরে নয়,
ট্রেনে করিয়া। সন্ধ্যায় বালিগঞ্জে গিয়া একেবারে শেষ ট্রেনে
কলিকাতায় ফিরিত!...

কিন্তু এদিকে আর এক আশঙ্কার উদয় হইল। অক্ষয়
দেখিল, দীপ্তি পুত্র-সম্ভবা!...যদি এখন দীপ্তি স্কুল ছাড়িয়া
না দেয়, তাহা হইলে স্কুলে একটা কুৎসার সৃষ্টি হইতে পারে।
দীপ্তি বিবাহ করে নাই—এবং তাকে যে-ভাবে স্বামিঙ্গে বরণ
করিয়া আঁবনে সে নূতন সুর দিয়াছে, স্কুলের কেহ তা
জানেও না তো! এ ক্ষেত্রে...

ভয়ে ভয়েই একদিন সে দীপ্তির কাছে কথাটা পাড়িল!
দীপ্তি কহিল,—এতে লক্ষ্য করবার তো কিছু নেই! লোকে
কি ভাববে? কিন্তু লোক-মতকে আমি তো কোনদিনই গ্রাহ্য
করিনি...আজই বা কেন করব? আমি তো জানি, আমি কোন

মুক্ত পাখী

অপরাধে অপরাধী' নই,—আমি নিষ্পাপ, নির্মল...লোকে যা ধনী ভাবে ডাবুক, যা-ধনী বলুক। তাতে আমার কিছু এসে যাবে না! আমার জীবনে এ যে এক চরম ক্ষণ...মাতৃহের গৌরবে আমি ধন্য হব এবার! এতেই তো নারী-জীবনের সার্থকতা!

অরুণ বসিয়া চুপ করিয়া রহিল, তার পর কহিল—সে কথা নয় দীপ্তি...এ সময় এভাবে তোমার খাটুনিটা ভালো নয়। সেই অন্তেই আমি বলছি...

দীপ্তি কহিল,—কি?

অরুণ কহিল,—সামনে তো আমারও পূজোর বন্ধ আসছে—চল না, কোথাও বেড়িয়ে আসি। জীবনটাও একঘেয়ে হয়ে পড়ছে না? একটু ঘুরে দৃশ্য-বৈচিত্র্যের মধ্যে থেকে সেটাকে ঝালিয়ে নিতে দোষ কি?

দীপ্তি কহিল,—এ কথা মন্দ নয়। বেশ, আমি ছুটি নেব—ছ'মাসের ছুটি আমি অক্লেশে নিতেও পারি!

অরুণ কহিল,—তাই নাও। যে নবীন অতিথি আসছে, তাকে মাধুর্য দিয়েই অভিনন্দন করতে চাই।...

—বেশ! বলিয়া দীপ্তি চুপ করিল। একটা বিপুল মহিমায় মন তার ভরিয়া উঠিল। এবার সে মাতৃহের গৌরব লাভ করিবে! ...সন্তানের মা হইবে—সন্তান! তার এই ব্রতে তারই রক্ত-মাংসে গড়া, তারি চিত্তের ছায়ায় রচা আর-একটি জীবকে সে এই মতে জীক্সা দিয়া এই সত্য-পথের পথিক করিবে।...এ যে কি স্থখ!

মৃত্যু পাখী

ছই জনে পরামর্শ চলিল। পরামর্শে স্থির হইল, কোদারমায় যাওয়া যাক। কোদারমা বেশী দূরে নয়। তার উপর ষ্টেশনের কাছেই অরণের এক মক্কেলের পরিচ্ছন্ন একখানি নূতন বাংলা আছে—ভাড়া কম। তাছাড়া কোদারমায় হাওয়া খাওয়ার ব্যক্তীরা তেমন ভিড় জমায় না। সেই বেশ হইবে।

কিন্তু দীপ্তির মনে একটা স্বন্দ চলিল, সত্য কথাটা স্কুলের কত্রীকে বলিতে হানি কি! অরণ কহিল,—কাজ নেই! কতকগুলো কুৎসার প্রশয় নাই বা দেওয়া হলো।

দীপ্তি কহিল, লোকের কথা সে তো তুচ্ছ করিতে শিখিয়াছে। কোন অপরাধও সে করে নাই, অগ্নায়ও কিছু না! তবে...? আর তা না বুঝিয়া যদি কেহ কুৎসাই কবে তো কতি কি! অরণ কহিল, এ তো মিথ্যা কোন কথা বলিতে চাহিতেছি না! ছুটির কারণ দেখাইবারো কারণ নাই! প্রাপ্য ছুটি—চাহিলেই পাইবে। চাহিবার অধিকার যখন আছে, তখন অনর্থক কুৎসার সৃষ্টি করাইয়া কতকগুলো বাস্তব কথা তোলায় সার্থকতাই বা কি! যখন ফিরিয়া আবার কাজে যোগ দিবে, তখন তো সব কথার মীমাংসা হইবেই।

—আচ্ছা—বলিয়া দীপ্তি অরণের মতেই সায় দিল।

তবু পরদিন দীপ্তি আবার এই কথাটাই ভাবিতে বসিল। অরণের কথায় এই সায় দেওয়ায় এ তো সেই পুরুষের বস্তুতাই সে স্বীকার করিয়া লইল!...হানি কি? অরণ তাকে কতখানি ভালবাসে! বন্ধুর প্রতি স্নেহে বন্ধুর অনেক কথাও তো জীবনে,

মুক্ত পাখী

শিরোধার্য্য করিতে হয়, এ ক্ষেত্রেও নয় তাই হইল! এখানে তার কথা ঠেলিলে সেই তো আবার পুরুষ-নারীর বৈষম্যের কথাই আসিয়া পড়ে! দীপ্তি তো তা চায় না! বন্ধুত্বের খাতিরে সে নয় একটু কম নারী, আর অক্ষণ একটু কম পুরুষই হইল!—তবু সেই পুরুষ-নারীর বৈষম্যটাকে তো তাড়ানো গেল না! পুরুষের চিন্তা বহুদূর অবধি প্রসারিত হয়, তার দৃষ্টি সুদূর ভবিষ্যৎকেও বেশ দেখিতে পায়...আর নারী...? এই যে একটি প্রকৃতিগত দৌর্বল্য, এটাকে কি দূর করা যায় না?...

তবু একটা মতকে শিরোধার্য্য করিয়া জগতের পথে অগ্রসর হওয়া কি কঠিন! ঘটনার বহু আবর্তে পড়িয়া কত তোলা-পাড়া খাইতে হয়! স্নেহ-মমতা, প্রীতি-সখ্য—ইহাদের শক্তিও তো কম নয়! এ যে মানুষের মন!...তবে ঐ কুৎসা! হীন মনের কুৎসিত অভিব্যক্তি সে! কাপুরুষতার জীবন্ত উচ্ছ্বাস!... যীশু খ্রীষ্টকে গালির উপরেও যে ঢের সহিতে হইয়াছিল—চৈতন্য-দেবকে যে লোকে পাগল বলিয়া হাসিয়া উড়াইয়া দিত!...চলা পথ ছাড়িয়া আলাদা পথে চলিয়া যারাই বিশ্ব সত্যের সন্ধানে ফিরিয়াছেন, তাঁদেরই তো এমনি গ্লানি আর অত্যাচার নীরবে সহিতে হইয়াছে! আর তাঁরা দুটো সামান্ত কথার ঘা সহিতে পারিবে না? যখন দুজনেই তারা জানে, এই পথই ঠিক, তারাও সত্য পথের যাত্রী...!

দীপ্তি স্কলে ছুটির দরখাস্ত দিল। কর্তী শুধু বলিলেন,—বেশ

মুখের কথা

কথা,—পুত্রের বন্ধও আসছে তো, তার পরে শুদিকে বড়দিন...
তোমার শরীরটা ইদানীং ভালো, দেখছি না! মুখে গায়ে
একটা কালির রেখা পড়েছে...বেশ, দুদিন ছুটি নিয়ে ঘুরেই
এসো!

কর্তীর এ কথা কহিবার বা দীপ্তির দেহে কেন এ পরিবর্তন,
সে দিকে লক্ষ্য করিবার কোন প্রয়োজনও ছিল না! দীপ্তি
আরামের নিশ্বাস ফেলিল। অরুণ খুবই খুসী হইবে—ছুটি
লইবার কারণটা আর বলিবার দরকার হয় নাই!...অরুণ যে
তাকে অত ভালবাসে...তার জন্ত অরুণ কি না করিতে পারে!
সেই অরুণকে সে যে খুশী করিতে পারিয়াছে, এ যে তার
পক্ষেও কতখানি সুখের কথা!...

অরুণের কিন্তু মুক্তিলা বাধিল। বাড়ীতে পিতা একদিন
তাকে ডাকিয়া বলিলেন,—এঁরা বহুদিন বেড়াতে বেরোন নি—
এই ছুটিতে, সব বলছেন, বেড়াতে বেরবেন। কাশী, এলাহাবাদ
এ-সব ঘুরে সেই দিল্লী, মথুরা, বৃন্দাবন অবধি যাবেন। তোমার
পিশিমার সাধ, স্বাস্থ্য অবধি যান। তা তোমারো তো লক্ষ্য ছুটি
আসছে—তুমিই এঁদের নিয়ে যাবে, আমি বলেছি।

অরুণ শিহরিয়া উঠিল। সর্বনাশ! সে যে দীপ্তিকে লইয়া
কোদারমায় যাওয়ার সব ঠিক করিয়া ফেলিয়াছে! উপায়?
মাইবার দিনও তারা দুইজনে ঠিক করিয়া ফেলিয়াছে, ১০ই।
আজ তো আসের ছ' তারিখ।

অরুণ মিত্র কহিলেন,—কি, চূপ করে রইলে যে?

মুক্ত পাখা

অরুণ ধীরস্বরে কহিল—কিন্তু আমি যে অন্য বন্দোবস্ত করে ফেলেছি !

অভয় মিত্র কহিলেন—কি বন্দোবস্ত, শুনি ?

অরুণ কহিল—এক বন্ধুর সঙ্গে বেড়াতে যাবো বলে...

অভয় মিত্র কহিলেন—বেশ তো, 'বন্ধু তো এঁদের সঙ্গেও যেতে পারেন। তাতে তো কারো আপত্তি নেই !

অরুণ কহিল—কিন্তু...

অভয় মিত্র কহিলেন—এর মধ্যে আবার কিন্তু কিসের ? আমি তো কোন দিন বাড়ীর মেয়েদের অতিরিক্ত পর্দায় ঢেকে রাখিনি। তা ছাড়া তোমার বন্ধু, সে তো ছেলের মতই, ঘরের লোক। তবে তোমার এত চিন্তা কিসের ?

অরুণ ভাবিল, আর গোপন করা চলে না ! এ কথাটা অরুণ অনেক দিনই ভাবিয়াছে ! এই যে অতিথিটি আসিতেছে—সমাজ তাকে যে-চোখেই দেখুক—সে তো জানে, সে তারি সম্মান—তার ও দীপ্তির প্রাণ-অংশ দিয়া গড়া পরম স্নেহের ধন সে ! তাকে তার নিজের সব পরিচয় হইতে বঞ্চিত রাখার কথা মনে হইলে অরুণ শিহরিয়া ওঠে ! সে এই তার নিজের গৃহে তার সমস্ত দাবী-দাওয়া লইয়া তার নিজের স্বর্বে এই সংসারেরি একজন বলিয়া আপনার পরিচয় দিবে না ? তা যদি না হইল ত্তো সেই অসহায় নিরীহ জীবকে কি বলিহা সে জগতে আনিতে চায় ?

কিন্তু পিতাকেও সে জানে ! তাঁর মন ঘেঁহে-সমতায় কুম্বকোমল হইলেও নিষ্ঠার বিশ্বাসে কতখানি অটল, কঠিন,

শুভ্র পাখী

তাও তার অবিদিত নাই !...হঠাৎ এত-বড় বিপ্লবের কথা শুনিয়া তিনি যে বিষম ক্রোধে জ্বলিয়া উঠিবেন, তাহাতে সন্দেহমাত্র নাই ! আবার যখন সে বিপ্লব তাঁর নিজের গৃহে ! তাঁরই বড় আশার বড় আদরের জ্যেষ্ঠ পুত্রের দ্বারা সে বিপ্লব ঘটয়াছে ! সে কথা শুনিয়া তিনি যে কি করিবেন, অরুণ তা ভাবিয়া পাইল না ।

পিতা কহিলেন—কি ভাবচো ?

অরুণ ডাকিল—বাবা...

অভয় মিত্র পুত্রের পানে চাহিলেন । পুত্র ভয়ে শিহবিয়া উঠিল । তার পায়ের নীচে মাটিটা ছলিয়া উঠিল ।

অভয় মিত্র আজ-কালকার দিনে সব দিকেই মানুষটা খাটী । তাঁর ধোপ্‌দোস্ত ফিটফাট পোষাক যেমন তাঁকে পরিচ্ছন্নতার দিকে অতিরিক্ত মনোযোগী বলিয়া পরিচয় দেয়, তেমনি তাঁর মনের ভিতরটাও তিনি অত্যন্ত পবিচ্ছন্ন রাখিয়া আসিতেছেন, চিরকাল । তাঁর চরিত্রে কোন প্রকার দুর্বলতা নাই ; এবং কোনরূপ দুর্বলতাকে তিনি ক্ষমাও করেন না । তিনি মুখে যা বলেন, কাজেও তা করেন । বোগী দেখিতে গিয়া কেশু শকু দেখিলে মিথ্যা আশায় রোগীর আত্মীয়-জনকে যেমন স্তোক দেয় না, তেমনি রোগীর শুধু হাত টিপিয়া বা তার বুকে নাম-মার্জ, একবার ঠেথেস্কোপ বসাইয়া চটপট আপনার কর্তব্য সারিয়াও সারিয়া পড়েন না । বয়স ষাটের কাছাকাছি হইলেও তাঁর বুদ্ধি এখনো বেশ তীক্ষ্ণ । কথার ছলে তাঁকে ঠকানো বা তাঁর কাছে ধান্না

মুক্ত পাখী

চালানো যে খুবই কঠিন, ও কথা একবার কণেকের স্তম্ভও যে তাঁর সঙ্গে মিশিয়াছে, সেই জানে। তাঁর চরিত্রের দৃঢ়তা এমন ছিল যে তাঁর পুত্রেরাও হঠাৎ তাঁর কাছে ঘেঁষিতে ভয় পাইত। তাঁর হাসির মাত্রা খুব পরিমিত—তুচ্ছ কথা বা তুচ্ছ হাসিকে তিনি কোনদিনই আমোল দেন না! জীবন নানা কর্তব্যে ভরপুর, তার কোথাও ফাঁকি চলে না; এবং সকলে মিলিয়া নিজেদের ছোটখাট স্বার্থ ফেলিয়া একটা শৃঙ্খলা ও পরিপাট্যের মধ্যে বাস করিবে, ইহাই ছিল তাঁর মত। এবং তাঁর এ মত যে কতখানি দৃঢ়, অবিচল, অরুণ তা খুবই জানে! অভয় মিত্র পুত্রের মুখে ছোট্ট ডাকটুকু শুনিয়া তীক্ষ্ণ দৃষ্টিতে তার পানে চাহিলেন; তারপর বলিলেন,—কি বলছিলে, বল...

অরুণ সভয়ে কোন মতে বলিয়া ফেলিল যে তার এই বন্ধুটি একজন শিক্ষিতা মহিলা; এবং তাঁকে সে পাকা কথা দিয়া ফেলিয়াছে যে তাঁর সঙ্গে সামনের এই পূজার বন্ধে সে কলিকাতার বাহিরে বেড়াইতে যাইবে! যাইবার দিন-রুণ অবধি স্থির হইয়া গিয়াছে!

অভয় মিত্র ক্র কুঞ্চিত করিয়া বলিলেন,—মহিলা! শিক্ষিতা!
...তাহলে কিছুদিন আগে যে শুনেছিলুম, তুমি কোর্টের ফেরত রোজ সন্ধ্যার পর বালিগঞ্জে যাও, এ তাঁরি ওখানে...?...সত্যি?

অরুণ ঘাড় নাড়িয়া জবাব দিল, কথাটা সত্য!

অভয় মিত্র কহিলেন,—তা এ মহিলাটিও কি একলা তোমার সঙ্গে বাইরে যাচ্ছেন...?

মুক্ত পাখী

অরুণ কহিল,—হ্যাঁ।

অভয় মিত্র কহিলেন,—তঁার বাপ-মা এতে মত দিয়েছেন ?

অরুণ কহিল,—তিনি তঁার বাপ-মার সঙ্গে একত্র থাকেন না !

অভয় মিত্র কহিলেন,—মহিলাটির বিবাহ হয়েছে ?

অরুণ একটা ঢোক গিলিল, কহিল,—না।

অভয় মিত্রর আপাদ-মস্তক জলিয়া উঠিল। তিনি কহিলেন,—বিয়ে হয়নি। একলা থাকেন ! আর তোমার সঙ্গে এত অন্তরঙ্গতা...!...কি রকম মহিলা...? কথাটা বলিয়া সপ্রসন্ন দৃষ্টিতে তিনি অরুণের পানে চাহিলেন।

অরুণ কহিল,—এমন শিক্ষিতা, এমন উচ্চ মনের মহিলা আমি আর-একটিও দেখিনি...

অভয় মিত্র কহিলেন,—ও, তোমাদের লভ্ হয়েছে ! তা একে বিয়ে করলেই তো গোল চূকে যায়...

অরুণের বুক একটা আশার উচ্ছ্বাসে ভরিয়া উঠিল। সে কহিল,—বিয়ের এঁর মত নেই।

অভয় মিত্র যেন আকাশ হইতে পড়িলেন, কহিলেন,—চমৎকার ! বিয়ের মত নেই—অথচ তোমার সঙ্গে এত ঘনিষ্ঠতা...! বৃক্কেটি !...তা এ রকম মহিলার সঙ্গে তুমি বেশ অবাধে মিশছো...তোমার শিকা দীক্ষাও তাহলে চমৎকার হয়েছে, দেখছি !...এ মহিলাটির সঙ্গে তোমার ছাড়তে হবে...এ থেকেও বুঝাচো না, তঁার মতি-গতি কি ধরণের ?

মুক্ত পাখী

অক্ষয় মনে বেদনা পাইল না সে কহিল—না বাবা, এঁর মন নিষ্পাপ, নির্মল। ইনি ব্রাহ্ম সমাজের আচার্য্য পশুপতি চক্রবর্তীর মেয়ে—

পশুপতি চক্রবর্তীর মেয়ে!...পশুপতি চক্রবর্তী তো একজন মাননীয় ব্যক্তি, শ্রদ্ধার যোগ্য! এ তাঁর মেয়ে হইয়া বাপের কাছে থাকে না, .. আর এই তার মতি-গতি! অভয় মিত্র একটু থামিলেন, পরে কহিলেন,—তা, বেছে-বেছে আমার টাকা-কড়ির ওপর তাঁর নজর পড়লো কেন, হঠাৎ?

অক্ষয় রাগিয়া উঠিল।.. বৃথা রাগ! রাগ চাপিয়া যথা-সাধ্য শাস্ত স্বরেই সে কহিল,—টাকার তিনি কাঙাল নন। তাঁর কোন বিলাসিতা নেই। তিনি একটা স্কুলে শিক্ষয়িত্রীর কাজ নিয়েছেন, নিজের হাতে সংসারের কাজ করেন। পয়সা কারো চান না তিনি।

অভয় মিত্র কহিলেন,—এইটেই তার ব্রহ্মান্ত, বাপু। এই অস্ত্রে পয়সাওলা লোকের বোকা ছেলের তাক লাগিয়ে তাকে এই গ্রাস করা—এটা ভারী ওস্তাদী চাল!

—বাবা, তিনি অতি সরলা...! অক্ষয়ের চোখ জলিয়া উঠিল।

অভয় মিত্র তাহা গ্রাহ্য না করিয়াই তার কথায় বাধা দিয়া বলিলেন,—তাই তুমি দয়া-পরবশ হয়ে তাঁকে নিয়ে নির্জন-বাসে চলেছ! এ নিলজ্জ কথা তুমি আমার কাছে বললে কি করে? এই শিক্ষা পেয়েছ তুমি আমার কাছে!

অক্ষয় পাখী

...তুমি যে মস্ত-বড় আহাম্মক, তা আমি জানি। তবু এতদূর আহাম্মকি করবে, তা স্বপ্নেও ভাবিনি।...এমনি ভাবে তাব সঙ্গে মেলামেশায় তোমার অধিকার কি আছে বাপু? বিয়ে করবে না, অথচ পরম্পরে এই অসুস্থতা চলবে, এর অর্থও তো শুধু একটিমাত্র দেখি! অর্থাৎ তুমি তাকে ভুলিয়ে তার সর্বনাশ করবে!...আশ্চর্য্য, এটা তোমার ভদ্রতাতেও বাধে না!

উচ্ছ্বসিত স্বরে অরুণ কহিল,—আমি তাঁকে ভোলাইনি। আমি কেন!—পৃথিবীর কোন রাজা-মহারাজাও তাঁকে 'কোন লোভে ভোলাতে পারে না, এমন দৃঢ় স বল' তাঁর চরিত্র!

অভয় মিত্র একটা চেয়ারে বসিয়া পড়িলেন, বলিলেন,—কিন্তু একেই ভোলানো বলে। তোমার ব্যবহারে সে এমন আশা মনে নিশ্চয় গড়ে তুলেছে, যে আশা দেওয়া তোমার পক্ষে দারুণ অভদ্রতা, নীচতা! আর এর ফলে, একদিন যদি তার সম্মান-সম্ভাবনা হয়, তখন তুমি হয়তো তাকে এমন পক্ষে নিমজ্জিত করবে, যা থেকে গুঠবার তার আর কোন উপায় থাকবে না। তখন তুমিও সরে পড়বে ভয়ে, লজ্জায়! আর তার ব্যর্থ জীবনের অভিশাপ তোমাকে পলে পলে দণ্ড করবে!...তা যদি হয় তো কেনো, তোমার সে লজ্জায়, সে গ্লানির ব্যাপারে আমি কোন প্রশ্নই দেবো না! এতে যদি তোমায় পরিত্যাগ করতে হয় তো...বৃদ্ধ অভয় মিত্রের স্বর নিমেষের জন্ত রুদ্ধ হইয়া রহিল। একটা নিশ্বাস ফেলিয়া, কাশিয়া গলা সাফ করিয়া তিনি বলিলেন,—তোমায় পরিত্যাগ করতে আমি কিছুমাত্র কুণ্ঠিত

মুক্ত পাখী

হবো না! মনে করো না, তোমার স্বর্গগতাগর্ভধারিণীর স্বতির
খাতিরেও তোমায় ক্ষমা করবো!

অরুণের পা হইতে মাথা পর্যন্ত টলিয়া উঠিল। সে
তখন সংক্ষেপে পিতাকে বুঝাইয়া দিল, এই মহিলাটি তরুণী;
এবং তাঁর মনের গতি খুবই স্বাতন্ত্র্যের পক্ষপাতী। আর সেই
পক্ষপাতিতার জন্মই তিনি সমাজের কোন আচার-প্রথারই
সমর্থন করেন না! পুরুষ ও নারী বন্ধুর মত বাস করিবে;
এ শ্রীতির ফলে সম্মান জন্মিলে নারী তার লালন-পালন
করিবে, আর পুরুষ তার শিক্ষার ভার লইবে—সম্মানের
সম্বন্ধে এই মাত্র দুজনের দায়িত্ব...এমনি তাঁর মত!

অভয় মিত্র কহিলেন,—বুঝেচি, তিনি পুরুষের স্ত্রী হয়ে
পুরুষের সঙ্গে বাস করতে চান না, গণিকা হয়ে থাকতে
চান! তাতে দায়িত্বও নেই কিছু! নব নব স্থখে নিত্য মত্ত
থাকা যায়।

রোষে অরুণের চিত্ত জলিয়া উঠিল। কঠিন স্বরেই
সে ডাকিল,—বাবা...তারপর চুকিতে স্বর যুত্ব করিয়া
কহিল,—বাবা; তাঁর মতের সঙ্গে আমারও মতের মিল
আছে। আমিও তাঁর সঙ্গে এই যে মেলামেশা করছি, এর জন্ম
কোনদিন অমুতাপ বোধ করিনি, অমুতাপ করবোও না
...আপনাকে আমি সব-চেয়ে শ্রদ্ধা করি...কিন্তু তাঁর উপরও
আমার শ্রদ্ধা কম নয়! বিশেষ তিনি শীঘ্রই আমার সম্মানের
জননী হবেন! আমাদের সম্মান-সম্ভাবনা হয়েছে!

মুক্ত পাখী

অভয় মিত্র শিহরিয়া অকারণে পানে চাহিলেন; তাঁর মুখে কোন কথা ফুটিল না। অরুণ কহিল—আর এর জন্ত আপনার ক্রকুটি সমাজের কুৎসা যদি আমায় মাথা পেতে নিতে হয় তো তাতেও আমি প্রস্তুত আছি। একটা এত বড় সত্যের জন্ত যদি নিজের সব স্বপ্ন আমায় বলি দিতে হয়, আমায় সমাজচ্যুতও হতে হয় তো তাতে কাতর বা ক্ষুব্ধ হবো না! এই কথাটা অনেক দিন থেকে আপনার পায়ে জানাবো ভাবছিলুম—আজ সুযোগ পেয়ে বলে আমি নিশ্চিত হলাম।

অভয় মিত্র সরোষে অরুণের পানে চাহিলেন। এই তাঁর পুত্র...বেইমান, অকৃতজ্ঞ! একটা তরুণীর রূপের মোহ এত বড় যে বাপকে অনায়াসে অগ্রাহ্য করিতেছে!—যে-বাপের কুপায় সে আজ মানুষ হইয়া মাথা তুলিয়া দাঁড়াইতে পারিয়াছে! বাপের স্নেহ, বাপের মায়া একটা তরুণীর ক্র-বিলাসের লীলা দেখিয়া অনায়াসে আজ সে কাটিতে চায়!...কাটুক!—কেনই বা তাঁর মায়া এ পুত্রের প্রতি! তিনি সরোষ কণ্ঠেই কহিলেন,—একদণ্ডে সব ঠিক হয়ে গেল! আজন্মের স্নেহের বন্ধন একটা তুচ্ছ খেয়ালে কেটে ফেলচো!...বেশ! আমি চিরদিন জানি, তোমার মন অত্যন্ত দুর্বল। একটা উত্তেজনার ঝোঁকে তুমি পাহাড়ের ওপর থেকে লাফিয়ে পড়তে পারো! আমি তা গ্রাহ্যও করি না! বলিয়া ঘড়ি বার করিয়া তিনি সময় দেখিলেন, পরে পকেটে ঘড়ি রাখিয়া বলিলেন,—এ-সব ছোট কাজে মন দেবার মত সময় আমার নেই। তবু শেষ কথা তোমায় বলছি,

, মুক্ত পাখী

এখনো ফেরবার সুযোগ দিচ্ছি--পারো, তাকে বিবাহ কর।...
এ বিবাহে আপত্তি করবো না। বিবাহ করে তাকে তোমার
পত্নীর মর্যাদা দিয়ে আমার ঘরে নিয়ে এসো, আমি তাকে
পুলবধু বলে সমাদর করে ঘরে নেবো। আমার দিক থেকে
আদর-স্নেহেরও কোনো অভাব হবে না!...আর তা যদি না
হয় তো আমার গৃহে তোমারো আজ থেকে আর স্থান নেই!

কথাটা বলিয়া তিনি আবার ঘড়ি দেখিলেন, পরে
কহিলেন,—আর সাত মিনিট সময় আছে! তুমি তা'হলে
এঁকে নিয়ে পশ্চিমে যাচ্ছে! যাও, কিন্তু তাঁকে সেখানে তোমায়
বিবাহ করতে হবে! বিবাহ করলে এ ঘরে দুজনেই আদরে
থাকবে!...তা যদি না হয়, তাহলে এইখানেই আমাদের
ছাড়াছাড়ি...চিরদিনের জগু...বুঝলে?

অরুণের মুখ দুঃখে অভিমানে রাঙা হইয়া উঠিল। সে
কহিল,—কিন্তু তিনি কিছুতেই বিবাহ করবেন না। সে সব
কথা তাঁর সঙ্গে বহুকাল পূর্বে হয়ে গেছে। এবং আমরা
কোনদিন বিবাহ করবো না, এই সর্ব্বৈ পরস্পরে পরস্পরকে গ্রহণ
করেছি।

অভয় মিত্র তীব্র দৃষ্টিতে অরুণের পানে চাহিলেন, তার পর
কহিলেন,—তা হলে আজই তোমার মহিলা-বন্ধুর ওখানে তোমার
আস্থানা পাতোগে। এ কথার পর তোমাকে একদণ্ড এ গৃহে
আমি থাকতে দিতে পারি না। আমরা তুচ্ছ সামাজিক জীব,
আমাদের নৈতিক মতও অগ্র রকমের।—তোমার এ উদার

মুক্ত পাখী

মতের ছোঁয়াচ তোমার বোনেদের পাছে স্পর্শ করে, ..এ কথা ভাবতেও ভয়ে আমার মন ভরে ওঠে!—তারপর একটু স্তব্ধ থাকিয়া কতকটা বিদ্রূপের ভাবেই তিনি কহিলেন,—শিক্ষিতা মহিলা! বিবাহ করবেন না, অথচ পুরুষকে নিয়ে যৌবন-লীলায় মত্ত থাকবেন! চমৎকার!

অরুণ কহিল,—নারীর কল্যাণ-কামনায় নিজেকে তিনি উৎসর্গ করেছেন...

অভয় মিত্র তীব্র স্বরে কহিলেন—আর এ পাগলামিতে প্রশ্রয় দিতে তিনি যোগ্য নায়ক বেছে নিয়েছেন তোমায়! আহাম্মক গাধা ছোকরা! ... সমাজের মধ্যে থেকে তুমি সমাজের ভিত্তিটা এমনি ভাবে প্রচণ্ড বিদ্রোহে নাড়া দেবে! মানব-মনের গোড়ার জিনিষটাকে অগ্রাহ্য করবে! স্ত্রী-পুরুষের মিলনকে শাস্ত্র সংঘত পবিত্র শ্রদ্ধার জিনিষ করে গড়ে তোলবার একমাত্র বিধি বিবাহ, তাকে আমোল দেবে না! ...তোমাদের বিলেতেও যে এ-সব অনাচার এখনো ঘটতে শুরু হয় নি!—যাক, আমার সময় কম, তাছাড়া এ-সব বাজে কথায় আমি মাথা ঘামাতে কখনও ভালোবাসি না! আমার যা কথা, তোমায় বলেছি। সে কথা মানতে পারো তো আমার ঘরে স্থান পাবে। নাহলে এ উদার ছুনিয়ায় তোমাদের অতি-উদার মত নিয়ে চরে বেড়াও গে!...

কম্পাউণ্ডার নিবারণ আসিয়া সংবাদ দিল, গাড়ী তৈরী! অভয় মিত্র কহিলেন,—আমার কথা মনে রেখো! ...এ কথা যদি পালন করা শক্ত বোঝো, তা হলে ফিরে এসে যেন শুনি, তুমি

শুভ পাখী

এ-বাড়ী ছেড়ে গেছ! আর এ-বাড়ীর কেউ নও তুমি। আমার এত কষ্টে রোজগাব করি টাকার একটা টুকরোও তোমাদের এই বাদরামিকে সাহায্য করবে না—এ কথাও জেনে রেখো।—

তিনি একটা নিশ্বাস ফেলিলেন; তারপর বলিলেন,—আমি ভাববো, আমার ছেলে অরুণ ছিল,...মারা গেছে!

নিবারণ অবাক হইয়া দাঁড়াইয়া রহিল। অভয় মিত্র একটা নিশ্বাস ফেলিয়া ডাকিলেন,—এসো হে নিবারণ!...বলিয়া তিনি নিবারণকে কাইয়া বাহির হইয়া গেলেন।

অরুণ কিছুক্ষণ হতভাসের মত দাঁড়াইয়া রহিল, পরে একটা নিশ্বাস ফেলিয়া টলিতে টলিতে পাশের ঘরে ঢুকিয়া মূর্চ্ছিতের মত একটা কোঁচে ঢলিয়া পড়িল।

— ৮ —

মন একটু শান্ত হইলে বাড়ী হইতে বাহির হইয়া অরুণ বরাবর গোলদৌঘির দিকে আসিল। গোলদৌঘিতে আসিয়া সে একটা বেঞ্চে বসিয়া চিন্তার গহনে নিজের মনকে ছাড়িয়া দিল। পিতা তার প্রতি আজ এ কত বড় অবিচার করিলেন। সে কি অপরাধ করিয়াছে যে এত বড় রুঢ় শাস্তি তিনি দিয়া গেলেন। স্নেহ-মায়া ভালবাসার সব বন্ধন এক কথায় কাটিয়া দিলেন!... স্নেহ-মমতা এমনি দুর্বল ভিত্তির উপর বসিয়া ছিল!...কেবল স্বার্থের একটা সরু সূতায় ভর করিয়া ছিল। এমন যে

মুক্ত পাখী

স্বার্থে প্রভুত্বে একটু ঘা লাগিতেই তা ভাবিয়া ছিঁড়িয়া যায় !
এত ভঙ্গুর এই স্নেহ-মমতা লইয়া সমাজ !...কারো স্বার্থে
এখানে ঘা পড়িবার জো নাই !...অমনি বিরোধ !...কি বিপুল
স্বার্থপরতাকে আশ্রয় করিয়াই না এই সমাজ গড়িয়া
উঠিয়াছে ! কাহারো মনের প্রতি কেহ চাহিয়া দেখিবে
না ! সে-মন কত বড়, সত্যের আশ্রয় লইয়া কি নির্মল
স্নিগ্ধতায় ভরিয়া আছে, তাও কেহ দেখিবে না...শুধু নিজের
স্বার্থ দিয়াই সকল ব্যাপারের বিচার নিষ্পত্তি করিবে ! এ-সব
ভাবিয়া মন তার কতক হালকা হইল, এ সমাজের বন্ধন, এ
তো নাগপাশ, এ-বন্ধন হইতে মুক্তি পাইয়া সে আজ বাঁচিয়া
গিয়াছে !

...যদি সে দীপ্তির দেখা নাই পাইত ! তাহা হইলে তো
সে একা, নিঃসঙ্গ দিন কাটাইয়া চলিত ! এবং বিবাহ না
করিয়া এমনি নিঃসঙ্গ থাকিয়া যদি সে কোন গোপন ব্যভিচারে
আপনাকে ডুবাইয়া রাখিত, তাহা হইলেও সমাজের
কোনদিক হইতে কোন কথা উঠিত না, পিতার বিশ্বাস আর
স্নেহও বুঝি অটল থাকিত ...! অথচ তা না করিয়া দুটি মুক্ত
হৃদয় সর্বপ্রকার বন্ধন কাটিয়া একত্র মিশিয়াছে—সে-মিলনকে
তারা গোপন করিতে চায় না, কোন ভাগ বা মিথ্যা অনাচার
দিয়া তাহা ঢাকিয়া রাখিতে চায় না—এই জগতই না শাসনের
এই রুদ্র হুকুম !...কোন ছুঃখ নাই ! তাদের এ মিলন...
ঐ শুণ্ড সমাজের নিয়ম মানিয়া তার পুরানো গণ্ডী স্বীকার

মুক্ত পাখী

করে নাই বলিখো পঙ্কু, 'অচল হইবে' ? কখনো 'না' !...
অসতীত্ব কাকে বলে ? যে-মিলনে প্রেমের নামগন্ধ নাই !
তাদের মিলন ?...প্রেমের দৃঢ় ভিত্তি এ-মিলনের একমাত্র
আশ্রয় । এর কাছে বিবাহের মন্ত্র ? সে তো কতকগুলো ভূয়ো
কথা মাত্র !

সে দিন বেলা পড়িতেই সে দীপ্তির গৃহে গিয়া উপস্থিত
হইল । দীপ্তি কহিল,—আজ যে এত সকাল সকাল এলে !

দীপ্তির পানে চাহিবামাত্র অরুণের মন সঙ্কোচে ভরিয়া উঠিল ।
...এই নির্মল নিষ্পাপ দেহ-মন লইয়া সত্যের কি অটল দাটে
দীপ্তি দাঁড়াইয়া আছে...পিতা এর অন্তরের দাম বুঝিলেন না,
বুঝিবার প্রয়াসও পাইলেন না ! না বুঝিয়া নিতান্ত নির্মম নিষ্ঠুর
প্রাণে কতকগুলো ইতর সন্দেহের তীক্ষ্ণ বাণ ইহার প্রতি নিক্ষেপ
করিলেন !...এমন বে-দরদী পিতার পুত্র হইয়া দীপ্তির সামনে
দাঁড়াইতে লজ্জায় হীনতায় মাথা যেন তার কাটিয়া গেল !

অরুণ কহিল—তুমি তৈরী হও, দীপ্তি । আর কটা দিনই
বা আছে !

দীপ্তি কহিল—কোদারমাই তো ঠিক তা হলে ?

অরুণ কহিল,—নিশ্চয় ।

অরুণ ভাবিয়াছিল, পিতার সঙ্গে তার সব সম্পর্ক সে ছিন্ন
করিয়া আসিয়াছে । দীপ্তি ছাড়া তার আজ বিশ্বে আর আপন-
জন কেহ নাই !—তবু এই কথাটা সে বলিতে পারিল না ।
দীপ্তির এই নিশ্চিত আশ্রম-স্থখ—না জানি, সে কি আঘাতই

মুক্ত পাখী

পাইবে ! বাহিরকে যখন সে পরিহার করিয়াই আসিয়াছে, তখন সেখানকার ধূলি-জঙ্ঘাল, সেখানকার কোলাহলের ছিটার একটুও আর জাগাইয়া তুলিয়া কাজ কি ! এখানে তর্ক নয়, ঝড় নয়, ... শুধু শান্তি, শুধু সুখ !

মাঝের এ কয়টা দিন একটা হোটেলে থাকিয়া অক্লম্ব কোনমতে কাটাইয়া দিল। এক-একবার ইচ্ছা হইতেছিল, পিশিমার সঙ্গে দেখা করিয়া আসে। কিন্তু না ! বাবা বলিয়াছেন, ভাই-বোনদের মনে যেন তার বিদ্রোহী-চিত্তের ছোঁয়াচ এতটুকু না লাগে ! অভিমানে অক্লম্বের মন ভরিয়া উঠিল। আজ মা বাঁচিয়া থাকিলে গৃহের দ্বার এমন বন্ধ থাকিত না... কখনো না !... মা তাকে আদর করিয়া ঘরে ফিরাইয়া লইয়া যাইতেনই ! মার স্নেহ-দৃষ্টিতে এ নির্মলতা এ উদারতা কখনো এড়াইয়া থাকিত না ! বাবা ত্যাগ করিয়া যদি সুখী হন, তবে তাই হোক ! তার চোখের কোলে জল ছাপাইয়া আসিল। সে একটা দীর্ঘ-নিশ্বাস ত্যাগ করিল।

তার পর স্বা-নির্দিষ্ট দিনে ট্যান্ডি আনিয়া দীপ্তিকে লইয়া সে বালিগঞ্জ ত্যাগ করিল। যাইবার সময় বাড়ীওয়ালাকে তার ভাড়া চুকাইয়া বাড়ী একেবারে ছাড়িয়া দিয়া গেল।— তার চলিয়া গেলে সারা পল্লী ভরিয়া একটা কুৎসা সূড়া দিয়া উঠিল,— এই মেয়েটির ভিতরেও এত ছিল... গোপনে আত্মপ-পরিচয়। ঝীটা আরো তীব্র সংবাদ দিল— মেয়েটি প্রসব হইতে চলিয়াছে ! ... পাড়ার লোক তাহা শুনিয়া একবাক্যে বলিল— অমন মেখা-

মুক্ত পাখী

পড়া জানার মুখে আশ্রয়। ছি!...এ পাড়া ছাড়িয়া পাপ হইতে
পল্লীটাকে খুব যাহোক বাঁচাইয়া গিয়াছে!...

কথাগুলো অবশ্য অরুণ বা দীপ্তি কেহই শুনিল না!... তারা
তখন দীপ্ত আবেগে ষ্টেশনের পথে যাত্রা করিয়াছে।

কোদার্মায় আসিয়া স্থলের আর অস্ত রহিল না। চারিদিকে
প্রকৃতির কি অবাধ মুক্তি! দূরে পাহাড়গুলো যেন এই
বিচিত্র রমণীয় দৃশ্যের পিছনে সমাজের ক্রকুটির মত দাঁড়াইয়া
আছে! ও ক্রকুটি আছে বলিয়াই না মুক্তির আনন্দ এমন
স্পষ্ট অনুভব করা যায়! আলোর পিছনে কালো আছে
বলিয়াই না আলোর এত আদর!... তার পর এই মুক্তিব মাঝে
দুইজনে পরস্পরকে এমন পাশাপাশি পাইয়াছে, অহরহ, সর্বক্ষণ
...এক-মুহূর্ত বিচ্ছেদ নাই! দীপ্তির কাছে এ আনন্দ
একেবারে অভিনব—প্রাণের জনকে সর্বক্ষণ এমনি প্রাণের পাশে
পাওয়া!...এমন এক সঙ্গে বাস, এক সঙ্গে বেড়াইতে যাওয়া!
মনটাকে সে যেমন করিয়াই গড়িয়া তুলুক না, নারীর প্রাণ
তো এ!.....

বেড়াইতে গিয়া অরুণ উচ্ছ্বসিত আনন্দে কত দেশের কত
গল্প বলে, গানের মত দীপ্তির কানে সে যেন অমৃত বর্ষণ করে!
...অরুণের জ্ঞানের গভীরতা অনুভব করিয়া তার মন শ্রদ্ধায়
ভরিয়া ওঠে। অরুণের কাছে জগতের কত বিষয়ে কত
শিক্ষাই সে লাভ করিল!...দীপ্তির মন তার নিজের অজ্ঞাতে

মুক্ত পাখী

অরণের শিষ্যত্ব গ্রহণ করিয়া এক অপরূপ সার্থকতায় ভরিয়া উঠিল ! এই শিষ্যত্ব তাকে একদিন দেখাইয়া দিল, সে নারী, অরণ পুরুষ ! অনেক বিষয়ে পুরুষের উপর নারীকে নির্ভর করিতেই হইবে—এ নির্ভর করা ছাড়া নারীর উপায়ান্তর নাই ! এইখানেই নারীর নারীত্ব ! এই নির্ভরশীলতা যে বহু যুগের বহু জন্মের সংস্কারে নারীর প্রাণের বস্তু হইয়া তার প্রাণ-রসে মিশিয়া আছে ! নারীর তাকে একেবারে উপেক্ষা করা চলে না ! ঐ যে সামনে একটা বড় গাছ তার বিপুল শক্তিতে ঝাড়িয়া উঠিয়াছে, তার গলা বেড়িয়া কত পাকেই না একটি লতা ঐ আপনাকে বাড়াইয়া তুলিতেছে ! গাছটা ছাটিয়া ফেলো, লতাটিও তার সঙ্গে সঙ্গে ধূলি-লীন হইয়া যাইবে ! নারীও এমনি-পুরুষের গা বেড়িয়া বাড়িয়া উঠিতেছে ! দীপ্তির মন হঠাৎ বাধা পাইল । সে ভাবিল, সত্যই কি তাই ! পুরুষ নহিলে নারীর বাড়িবার কি ঝাচিবার উপায় সত্যই কি নাই ? দীপ্তি হাসিল, বেশ, তবে তাই হোক ! এ নির্ভরতার মূলেও তো ঐ প্রীতি ! তাকে সামাজিক বিধি তুলিয়া বিবাহ নামটা নাই দিগে ! এ প্রীতি থাকিলেই তো সব থাকিল ! এ প্রীতিকে একটা বিধির গণ্ডীর মধ্যে না ফেলিলেও তো এ প্রীতি প্রীতিই থাকিবে !.....তবে ? বিবাহ বলিয়া তার আর-একটা নাম নাই দিলাম ! প্রাণের এ মুক্ত মিলনকে একটা শাসনের পাশে নাই ঝাধিলাম ! দীপ্তি ভাবিল, ঠিক !

তার পর নির্জন অবসরে তার চিন্তা আর একটা

মুক্ত পাখী

বিষয়ে আপনাকে তন্ময় করিয়া ফেলিত। যে ক্ষুদ্র জীব তার বৃকের মধ্যে এই নূতন স্পন্দন জাগাইয়া তুলিয়াছে, এই যে নবীন অতিথি আসিতেছে,—তার সৌন্দর্যে নির্মল সৌকুমার্যে আপনাকে ভরিয়া.....এ যে কি অকথিত সুখের মুচ্ছনার মত...! তার চিন্তায় দীপ্তির মন অপূর্ব পুলকে ভরিয়া উঠিত। এ অতিথিটি তারি রক্তে-মাংসে গড়া, অরণের রক্তে-মাংসে গড়া...হৃৎনের প্রীতি-সখ্যের জীবন্ত উচ্ছ্বাস! এ যে হৃৎনের প্রাণের কামনা মূর্ত হইয়া তাদের মাঝখানে আসিয়া দাঁড়াইতেছে! তাদের হৃৎনের দুই হাত ধরিয়া এ যে তাদের প্রীতির ডোরটিকে শৃঙ্খলের মত আঁটিয়া বাঁধিয়া থাকিবে! প্রচণ্ড গৌরবের দীপ্তিতে তার মন উজ্জ্বল হইয়া উঠিল। সে ফিরিয়া চাহিল। অরণ ষ্ঠোভ জালিয়া জল গরম করিতেছিল; সামনে দুইটা পেয়লা আর চায়ের টীন পড়িয়া আছে। দীপ্তি একটা নিশ্বাস ফেলিয়া ভাবিল, এই দুই বাহুর সম্মিলিত শক্তিতে তাদের ঘরে কি নিবিড় সুখ আর আরাম না তারা রচিয়া তুলিবে! এর চেয়ে কাম্য আর কি থাকিতে পারে!

চা খাইয়া অরণ কহিল—এক কাজ করবে দীপ্তি?

দীপ্তি বলিল,—কি?

অরণ কহিল,—আজ শীগগির খাওয়া-দাওয়া সেরে নি এসো। তারপরে ট্রেনে উঠে চল, ওদিকে বেড়িয়ে আসি। এর পরের স্টেশন গজহাণ্ডী, গজহাণ্ডীর পর গুর্পা। গজহাণ্ডী আর গুর্পার মাঝে চমৎকার তিনটে টানেল আছে। আর লাইন এত নেমে

মুক্ত পাখী

নেমে গেছে, যেন থাক থাক সিঁড়ি সাজানো। দার্জিলিংয়ের সেই কার্ট রোডের মত! যাবে?

দীপ্তি বলিল,—যাবো।

অরুণ খুসী হইল। তারপব আহাব করিয়া দুইজনে ষ্টেশনে আসিল; এবং ট্রেন আসিলে ট্রেনে চড়িল। চারিধাবে প্রকৃতির আনন্দের মেলা বসিয়াছে! ঐ পাহাড়, ঐ ঢালু জমি, ঐ নিবিড় জঙ্গল। আর দূরে মাটির টিপিগুলো ঐ অত্রের কুচি গায়ে মাখিয়া ঝক ঝক করিতেছে! গজহুঁপী পার হইবার পর ট্রেন যেন একটা সুড়ঙ্গ-পথে ঢুকিল। 'দু'পাশে উঁচু পাহাড় মন্থমেণ্টের মত খাড়া উঠিয়াছে...প্রাচীর-ঘেবা পথ! আব সেই পথ ধরিয়া ট্রেন, না, দীর্ঘ সরীসৃপ চলিয়াছে! বাঁকের পর বাঁক, আব পিছনে ঐ সিঁড়ির মত থাক সাজানো! জঙ্গলে আচ্ছন্ন চারিধার...গাছের মাথায় গাছ উঠিয়াছে, তার পরে আবাব গাছ...কে যেন থাক দিয়া গাছ সাজাইয়াছে! থাকে থাকে রেলের লাইনও ঠাকিয়া গিয়াছে। আর সেই বহু-উচ্চ থাকের গায়ে সিগনালটা লাল ও সবুজ রঙের চশমা চোখে দিয়া একটা হাত খাড়া করিয়া দাঁড়াইয়া আছে...এ-পথেব পথিককে যেন সে পথের সন্ধান বলিয়া দিতেছে।

ট্রেন আসিয়া গুপায় থামিলে 'দুইজনে নাছিল; এবং একটা পথ ধরিয়া চলিয়া গেল সোজা ঐ বনের দিকে!

অত্রের কুচি চিক্ চিক্ করিতেছে! পথে যেন কারা হোলি খেলিয়া গিয়াছে! পাহাড়ের রাঙা মাটি আর তার গায়ে গায়ে

মুক্ত পাখী

অভ্রের রূপালি কুচিণ কোথাও জমি খুব উঁচু, আর ঠিক তার পাশেই এমন ঢালু পথ কোথায় কত নীচে যে গড়াইয়া গিয়াছে ! মাঝে মাঝে প্রকাণ্ড ডোবা। ডোবার জল যেমন স্বচ্ছ তেমনি পরিষ্কার, ঘোলা নয়—মাটির বুকে আরসির মত পড়িয়া আছে !

বেড়াইয়া দীপ্তি শ্রান্ত হইয়া পড়িল। অরুণ কহিল,—বসো দীপ্তি...বলিয়া একটা শুষ্ক বৃক্ষ-কাণ্ড সে দেখাইয়া দিল। দীপ্তি সেটায় বসিলে অরুণও তার পাশে বসিল। দীপ্তি তখন তৃষিত নেত্রে অরুণের পানে চাহিল; তার একটা হাত নিজের হাতে তুলিয়া লইয়া বলিল—একটা কথা জিজ্ঞাসা করবো। সত্যি জবাব দেবে ?

অরুণ কহিল,—দেব বৈ কি ! আমাদের মধ্যে মিথ্যার কোন আড়াল তো রাখিনি দীপ্তি ! কি বলবে, বল !

দীপ্তি কাতর নয়নে অরুণের পানে চাহিল; তার পর বেদনা-বিহ্বল স্বরে কহিল,—আমার মনে সময় সময় এমন অসুতাপ হয়...দীপ্তি চুপ করিল।

অরুণ ব্যাকুল হইয়া উঠিল, কহিল,—কিসের অসুতাপ দীপ্তি ? দীপ্তি কহিল,—আমার একটা মতের জন্ত তোমায় তোমার নিজের জায়গা থেকে, স্নেহ-মায়া-আরামের শিকড় কেটে এমন উপড়ে ছিঁড়ে এনেছি, ...স্নেহ-স্মৃতির সমস্ত নিবিড় বাধন ছিঁড়ে... আমার পিছনে তুমি এ-ভাবে যে ফিরছ, এতে কত কষ্টই হচ্ছে তোমার, কত বেদনা...

শুভ্র পাখী

অরুণ উচ্ছ্বসিত আবেগে দীপ্তিকে ঘুরকের মধ্যে টানিয়া বলিল—কোন কষ্ট নয় দীপ্তি !...কষ্ট কেন হবে ! তোমার প্রাণ-ঢালা ভালবাসা যে আমার কোথাও কোন অভাব রাখে নি...

দীপ্তি কহিল—কিন্তু বাড়ীর স্নেহ-আদর, ভাই-বোনের ভালোবাসা...! আমার যখন মনে পড়ে, আমি তোমায় সকলের কাছ থেকে ছিঁড়ে টেনে নিয়ে এসেছি, আমার জন্ম তুমি সব ত্যাগ করেছ...মন আমার তখন কি যে আকুল হয়ে ওঠে ! আমার মনে পড়ে, আমি যখন এমনি চলে এসেছিলাম, তখন পিছনে কি আহ্বান আমায় আকুল স্বরে ডাকতো, ফিরে আয়, ফিরে আয় !...তবু ফিরিনি ।...নিজের এই মতকে সবলে আঁকড়ে ধরে সে-আহ্বানকে হঠিয়ে দিছি, কঠিন প্রাণে—বুক আমার ছিঁড়ে রক্তাক্ত হয়ে গেছে...তবু পিছনে ফিরে তাকাইনি !

অরুণ সাদরে তার মুখখানি বুকে চাপিয়া ধরিল । দীপ্তি মুখ তুলিয়া অরুণের পানে ফিরিয়া চাহিয়া কহিল,—সে আহ্বান তোমারও প্রাণে বাজচে তো ! আমি নিজের সেই মন নিয়ে তোমার মন যে বুঝতে পারছি... !

তার পর ক্ষণেকের জন্ম সে স্তব্ধ হইল, পরে কহিল—আবার ভাবি, এই স্নেহ-মমতা ছিঁড়ে এই বিজন পথে দুজনে যে বেরিয়েছি, যদি এ সত্য-পথ না হয়...

অরুণ কহিল.—সত্য পথ বৈ কি ! আমাদের মন যে বলছে, দীপ্তি, এতে সায়ও দিচ্ছে—

দীপ্তি কহিল,—তবে কেন মন থেকে থেকে পিছন-পানে

মুক্ত পাখী

ফিরে চাইবার জন্ত অক্লি হু! এ কি মনের তুল, না, এইটেই ...দীপ্তির স্বয় গাঢ় হইয়া উঠিল।

অরুণ কহিল,—খাঁচার বাধন কেটে পাখী যখন আকাশে উড়ে চলে, গান গেয়ে...তখন খাঁচার পানে ফিরে ফিরে তাকাতেও সে ছাড়ে না! এটা মনের অঙ্ক সংস্কার, মোহ! কিন্তু মুক্ত পাখী আবার ফিরে খাঁচার ঢুকতে চায় না তো!

এ কথা দীপ্তির কানেও গেল না। সে অরুণের পানে স্তম্ভিত দৃষ্টিতে চাহিয়া রহিল ও উচ্ছ্বসিত ক্রন্দনাবেগে কহিল—যদি তোমায় আমার সঙ্গে বেঁধে টেনে এনে অপরাধ করে থাকি তো সেজ্ঞাপ্য মাপ করো। আর স্নেহ-মমতার যে নিবিড় আশ্রয় ছেড়ে এসেছ, সে স্নেহ-মমতা পূরণ করে দেবার জন্ত আমার প্রাণ-মন উজাড় করে আমার মনের সমস্ত ভালবাসা, প্রাণের সব প্রীতি দিয়ে তোমায় ঘিরে রাখবো...যতখানি আমার আছে, তাই দিয়ে...নিজেকে নিঃস্ব কাঙাল করেও...প্রিয় আমার, বন্ধু আমার, সখা আমার...

এ সময় এ উত্তেজনা বা এই আবেগ দীপ্তির শরীরের পক্ষে ঠিক নয় ভাবিয়া অরুণ একটু চিন্তিত হইল। সে দীপ্তিকে স্নেহে আদরে বুকে ধরিয়া কহিল,—তুমি নিশ্চিত হও, দীপ্তি! তোমায় প্রেমে আমার কোথাও কোন অভাব নেই, স্নেনো!... এই মুক্ত গগন-তলে, এই মুক্ত প্রকৃতির বুকে, মুক্তির কি পরশই যে আমার চিন্ত আলোয় ভরে তুলেছে...

অরুণ মুখ আনন্দে দীপ্তির পানে চাহিল, পরে ধীরে ধীরে

সুন্দর সার্থী

কছিল—তাছাড়া একটা কথা কি জানো দীপ্তি, আমাদের আত্মীয় বল, প্রিয়জন বল, এঁদের সঙ্গে আমাদের যে মেলামেশা, এঁদের সঙ্গে আমাদের যে কণিক মিলন বা দীর্ঘ বিচ্ছেদ, এগুলো আমাদের চারিদিক থেকে পরিপূর্ণ করে জীবনের সহায়তা করে শুধু! এঁদের আঁকড়ে পড়ে থাকাই মনের ধর্ম নয়। আমরা সকলে এখানে সকলকে গড়ে তুলি। মা-বাপের স্নেহ যেমন শিশুকে বাঁচিয়ে বড় করে তোলে, তাঁদের মমতাও তেমনি আমাদের প্রাণের ক্ষুধা-তৃষ্ণা মিটিয়ে তাকে ভরিয়ে রাখে! তারপর ভাই আছে, বোন আছে, বন্ধু আছে, সঙ্গী আছে, তারা হাসির ছটায় অশ্রুর ঝলকে মনকে দোলা দেয়, নানা জিনিষে আমাদের স্মৃতির ভাণ্ডার পূর্ণ করে তোলে। তারপর আসে প্রিয়া...প্রেমের স্রোতস্রায় আমরা হিল্লোলে সারা যৌবনকে বিচিত্র মধুব করে দিতে। তার পরে আসে, আর-এক অভিনব সূখের উচ্ছ্বাসে প্রাণটাকে ভরিয়ে তুলে! এক সঙ্গে এদের সকলকে ভবে রাখবো, মনে তার স্থান কৈ! একসঙ্গে ভিড় জমাতে মনেব মধ্যটা কিম্বদে-বিরোধে টলমল করে উঠবে—সে ভিড় ঠেলে সবাই প্রাণের মধ্যে বেশী জায়গা দখল করে থাকতে চাইবে!... তাই এক-একজন এক-একটা জিনিস নিয়ে মনে এসে দাঁড়ায়, তাদের সকলকে যথাযোগ্য সমাদর দিয়ে গ্রহণ করতে পারলে মনও আমাদের নির্বিঘ্নে তার সমস্ত ছবি ফুটিয়ে বেড়ে উঠতে পারে...স্বাভাবিক পরিপূর্ণ হিল্লোলে, নিবিড় স্নেহে!...মা-বাপের স্নেহ-আলস, ভাই-বোনের জীবনসা

স্বপ্ন সঙ্গী

আমাদের মনকে যত্নের অগ্রসর করে দেবার, তা দিয়েছে !
এখন আমাদের দুজনের পালা এসেছে... পরস্পরে পরস্পরের
মন-ছুটিকে ছুটিয়ে সাজিয়ে বাঁড়িয়ে তুলবো, ... তাই ! ...
তার পর এ পালাও সাক্ষ হবে, তখন দুজনে সম্ভাবকে
পেয়ে মনের আর-একটা শূন্য দিক ভরে তুলবো ! ... যাত্রার
জীবন-লীলা এই ধারায় বয়ে চলেছে ! ... তবে কেন তুমি মিছে
কাতর হচ্ছ ? ... বলেছি তো, আমার প্রাণে কোথাও কোন
অভাব নেই আজ, এতটুকু শূন্যতা নেই ! বিপুল সার্থকতার সে
তার পথে ক্রমেই অগ্রসর হয়ে চলেছে ! ...

— ৯ —

প্রায় সপ্তাহ পরে এক দিন একা বেড়াইতে গিয়া হঠাৎ
সন্ধ্যার ট্রেণে অরুণ জ্বর-গায়ে বাঁড়ী ফিরিল। দীপ্তি সেদিন
ছোট-একটু উৎসবের আয়োজন করিয়া মাংস বাঁধিতেছিল।
অরুণ আসিয়া একেবারে বিছানায় শুইয়া পড়িল। দীপ্তি তা
দেখিয়া ধড়মড়িয়া উঠিয়া আসিয়া কহিল—কি হয়েছে মা ? ...
কেন ?

অরুণ কহিল,—বড় মাথা ধরেছে দীপ্তি। জ্বরও একটু
হয়েছে বুঝি।

দীপ্তি শঙ্কিত প্রাণে অরুণের গায়ে হাত দিয়া দেখিল,
গা ঘন আগুন ! ... তার মনের আভি-মোপন স্থানে কে যেন

মুক্ত পাখী

ফ্যাস করিয়া ছুরি টানিয়া দিল ! অমনি প্রাণের কোন্ বিজন
কোণে প্রচ্ছন্ন হুপ্ত একটা চিন্তা সে ছুরির ঘাঘ মাথা তুলিয়া
উঠিয়া দাঁড়াইল—তার সে মূর্তি দেখিয়া দীপ্তির বুক কাঁপিয়া
শিহরিয়া উঠিল । অডি-কলোনের শিশি আনিয়া পটি করিয়া
অরুণের কপালে চাপিয়া ধীরে ধীরে তাকে সে পাখার বাতাস
করিতে লাগিল । অরুণ আরাম পাইয়া চক্ষু মুদিল ।

কতক্ষণ পরে ভৃত্য আসিয়া সংবাদ দিল, মাংস পুড়িয়া
যাইতেছে ।...

একটা দুর্গন্ধ আসিতেছে বটে, এ তবে তারই...!

দীপ্তি কহিল,—যাক্ গে...

অরুণ পাশ ফিরিয়া কহিল,—কি বলচো... ?

দীপ্তি কহিল,—মাংস রাখছিলুম, তুমি খাবে বলেছিলে...

তা দোরাকা এসে বলছে যে, সে মাংস না কি পুড়ে গেছে !

—কেন !... অরুণ স্থির দৃষ্টিতে দীপ্তির পানে চাহিল, পরে
কহিল,—তুমি যাও... দ্যাখো গে ! আমি ভালো আছি । একটু
ঘুম আসছে । ঘুমোলেই শরীরটা সেরে যাবে । তুমি যাও,
মাংস নামিয়ে রেখে এসো... একেবারে খেয়েই নয় এসো । আমি
আজ কিছু খাবো না ।

দীপ্তি কহিল,—আমিও খাবো না ।

—কেন দীপ্তি ?

কেন ! এ প্রশ্নের উত্তর নাই ! দীপ্তি কোন উত্তর দিল
না । তার ছই চোখে শুধু অল ছাপাইয়া আসিল ।

মুক্ত পাখী

অরুণ আবার কহিল,—কেন ধাবে না দীপ্তি ...?

যা বলিয়া যতই বুক বাঁধে, এইখানেই ধরা পড়ে গো...
পুরুষ পুরুষ, আর নারী নারীই...! নারীর অন্তরের বেদনা
পুরুষ যদি বুঝিত !...তা বোধে না বলিয়াই তারা এমনি সব
উদ্ভট প্রশ্ন তোলে। আর সে-প্রশ্নের জবাব নারী দিতে পারে
না...জবাব বুঝি তার নাইও !...দীপ্তি কোন জবাব দিল না।
অরুণ কহিল,—বল...

দীপ্তি কহিল,—আমার খিদে নেই।

অরুণ কহিল,—খিদে নেই !...তা হলে মাংস...

দীপ্তি ভৃত্যের দিকে ফিরিয়া কহিল,—তুই খেতে চাস তো
রেঁধে নিগে যা—আমরা খাবো না। তুই ওধারে গুছিয়ে নিগে
সব...আর তোর রান্নাও তুই নিজে করে নে বাবা, ঠাকুর তো
আজ আসবে না! বাবুর অসুখ দেখছিন্ তো, আমি এখন
কোথাও যেতে পারবো না।

রোগের এই দুঃসহ যাতনার মাঝে বিশ্বের কি আরামই
না অরুণের প্রাণে বহিয়া আসিল! , আঃ! তার জন্ম দরদ
করিতে একজন আছে...! অরুণ একটা নিশ্বাস ফেলিয়া দীপ্তির
পানে চাহিল। দীপ্তির চোখে তার প্রাণের যত কাতরতা
আসিয়া জমিয়া উঠিয়াছিল। সে অপলক নেত্রে অরুণের রোগ-
কাতর মুখের পানে চাহিয়া রহিল।...

পরদিন সকালে কোদার্মার ডাক্তার বাবু আসিয়া অরুণকে
দেখিয়া গেলেন, ঔষধও দিলেন।...তার পর কি সে সংগ্রাম

মুক্ত পাখী

সুরু হইল। দিনের বেলা রৌদ্রের মুক্ত হিম্মলে দীপ্তির
প্রাণ আশায় ভরিয়া ওঠে, ভয় কি! অস্থির হইয়াছে, সারিয়া
যাইবে!...কিন্তু সন্ধ্যা যখন প্রান্তর পার হইয়া ঐ পাহাড়ের
শিখর ঠেলিয়া নামিয়া আসিয়া চারিদিক তার শ্যাম অঞ্চলে
ঢাকিয়া ফেলে, তার পর কালো বাতুর মত পাখার ভর করিয়া
আঁধার রাত্রি নিরুন্মভাবে বিধে আসিয়া দাঁড়ায়...খোলা জায়গার
ধ্য দিয়া যতদূর দেখা যায়, শুধুই আঁধার, ঘনঘোর আঁধার...
তখন ঘরের মধ্যে স্তিমিত আলোয় বিছানায় এই রোগ-পীড়িত
প্রিয় সাথীর বুক ঠেলিয়া যে অসহ্য কাতরতা মর্শরিয়া ওঠে,
তখন কি ভয়ে, কি ব্যথায় যে দীপ্তির প্রাণ টন্টন্ করিতে থাকে,
তা সে-ই জানে! লোকালয়ের বাহিরে, এই বিজন বনের
প্রান্তে একা সে,...কি করিয়া অন্ধকে ভালো করিয়া তুলিবে!
নিজের এই দুর্বল শরীর-মন...তবু সে যুক্তিতে কাতর নম্র তো।
...হায়রে, এ দুঃসময়ে এমনি বিপদের মাঝেই মানুষ সহায় চায়—
সেবার না হোক, মুখের একটা কথাতেও যদি কেহ মনের এ
দুঃখের আতঙ্ক একটু সরাইয়া দেয়!...বুকের উপর
এই অন্ধকার পাহাড়ের ভার লইয়া চাপিয়া আছে, একা তো
এ পাহাড়কে ঠেলিয়া ফেলা যায় না! কাতর চোখের আড়ালে
অন্ধের পাখার কথিয়া সে অন্ধের পানে চায়,—সেই হাসিমাখা
সবস অধর, সেই দীপ্ত চোখের ডাবার-উচ্ছ্বাসে-ভরা স্বচ্ছ তারা,
সেই আলো-করা মুখ...কি মঙ্গল, ও কি বেদনা সহিতেছে
গো!...

আট দিন সমানে এই ভাব!... আট দিনে অরুণ এ কি ক্ষে
হইয়া গিয়াছে!... অরের বিরাম নাই... আর, এ কি অর!...
তার উপর এই বকুনি... অরের ঘোরে প্রথমভাবে কাঁকিয়া-
কাঁকিয়া ওঠা!... আর বকুনি—দীপ্তির পক্ষ লইয়া ব্যপের সঙ্গে
শুধু তর্ক... চোখের পলক পড়িতে তখনি আবার সে তর্ক ডাকিয়া
করুণ আর্ন্ত মিনতির অশ্রুতে গলিয়া পড়িতেছে! পরক্ষণেই
সাবা ছুনিয়ার সঙ্গে প্রচণ্ড কলহ—কি বাঁজ! কখনো দীপ্তির
নাম ধরিয়া ডাকিয়া, কেবলি তাকে বুকাইবার চেষ্টা, অরুণ
তাকে কত, কত, কত ভালবাসে...

দীপ্তির দুই চোখ এ সব কথায় জলে ভরিয়া যায়! সে যেন
পাগল হইয়া ওঠে! অরুণের ভালবাসা কত, সে তা জানে...
রোগে পড়িয়াও সর্বক্ষণ তার পক্ষ লইয়া এই যে কথা!... তার
চোখে যেন শ্রাবণের ধারা জাগিয়া আছে, সারাক্ষণ!... তবু আজ
নিরুপায়, নিরুপায় সে... কতখানি অসহায়!... কে আছে এ
ছুনিয়ায়, যে আজ তার প্রাণের বন্ধুকে, তার স্বামীকে
...স্বামী, স্বামী, স্বামীকে... বাঁচাইয়া তুলিবে!... বাঁচানো
চাই, তাকে বাঁচানো চাই!... দীপ্তির প্রাণ ডুকরিয়া কাঁদিয়া
উঠিল।

সেদিন অরুণের অবস্থা দেখিয়া দীপ্তির এমন ভয় হইল যে,
কোন দ্বিধা না করিয়া সে তখন নিজের হাতে টেলিগ্রাম লিখিয়া
পাঠাইল, অরুণের পিতার কাছে...

“আপনার পুত্র অরুণ কোদার্মায় টাইফয়েডে শয্যাগত।

মুক্ত পাখী

অবস্থা খুব খারাপ। ডাক্তার 'হতাশ...খা ভালো বুঝিবেন, করিবেন। দীপ্তি।...”

টেলিগ্রাম পাঠাইয়া সে অরুণের শিয়রে আসিয়া বসিল।
...আবার ঐ যাতনা...এ যাতনার কি নিমেষ বিরাম নাই!...
ওঃ! একা, ওগো, একা সে মৃত্যুর সঙ্গে কত লড়া
লড়াবে? তাকে লইয়াও মৃত্যু যদি অরুণকে ছাড়িয়া দেয়!
...চোখের জলে দীপ্তির দৃষ্টি অম্পষ্ট ঝাপসা হইয়া আসিল,
বুকে যেন পাথর চাপিয়া রহিল!...

ঘণ্টা তিনেক পরে দ্বারে কে' করাঘাত করিল। দীপ্তি ধড়-
মড়িয়া উঠিয়া গেল। পিয়ন! টেলিগ্রাম আসিয়াছে।
...অভয় মিত্র টেলিগ্রাম করিয়াছেন—টেলিগ্রাম অরুণের
নামে।...

“এক্সপ্রেসে রওনা হইয়াছি।...সে বালিকাকে বিবাহ কর—
এই দণ্ডে। তোমার তা কর্তব্য। অভয় মিত্র।”

পুলের এই রোগ—পিতার পণ তবু এর মধ্যেও সেই
মাথা তুলিয়া দাঁড়াইয়া আছে!...দীপ্তি নিশ্বাস ফেলিল। টেলি-
গ্রামটা তার হাতেই রহিয়া গেল।

পিয়ন বলিল,—সহি, মা-জী।

—হ্যা! বলিয়া দীপ্তি উঠিয়া সহি করিয়া দিল। পিয়ন
চলিয়া গেল।

তারপর রোগীর ঘরে আবার সেই একা আগিয়া বসিয়া
থাকা! আর অরুণ...? ঐ হাত মূঠি করিল, ঐ কি বকিতেছে

শুভ পাখী

...মাগো !...বাহিরে দূরে কোথায় একটা কুকুর ডাকিতেছিল।
...সে স্বরে নিমেষের জন্ত শিহরিয়া দীপ্তি নিস্পন্দ দৃষ্টিতে কাঠ
হইয়া অরণের পানে চাহিয়া বসিয়া রহিল।

অরণ ডাকিল,—দীপ্তি...

দীপ্তি চাহিল। অরণ কোনমতে তার হাতখানা ছড়াইয়া
দিল। দীপ্তি সে হাত নিজের হাতে তুলিয়া লইল।

অরণ আবার ডাকিল—দীপ্তি...

তার চোখের দৃষ্টি...এ যেন সে চোখ নয়—যে-চোখের
দৃষ্টিতে দীপ্তি সেই প্রথম দিনই চকিত, বিস্মিত, মোহিত
হইয়াছিল !...

দীপ্তি কহিল,—কি বলচো গো ? বল...বল...

অরণ হতাশ দৃষ্টিতে দীপ্তির পানে চাহিয়া কহিল,—আমি কি
বাঁচবো না দীপ্তি ? তার দুই চোখের কোলে জলের ছটো
বড় ফোঁটা !

অরণের চোখে জল ! দীপ্তির চোখেও জলের বর্ণা খুলিয়া
গেল। অরণের পানে অপলক নেত্রে চাহিয়া দীপ্তি ফোঁপাইয়া
কাঁদিতে লাগিল।

অরণ কহিল,—ডাক্তারকে বল দীপ্তি,আমায় সারিয়ে দিতে—

দীপ্তি কহিল,—বাবা. আসছেন...

—বাবা !...অরণের অধরে হাসির একটা মৃদু রেখা ফুটিল,
নিমেষের জন্ত !

দীপ্তি কহিল,—তোমার বাবা। তাঁকে আমি টেলিগ্রাম

মুক্ত পাখী

করেছিলেন, তোমার অস্থখ বলে। 'তিনি তার জবাব দিয়েছেন।
তিনি আসছেন।' রওনা হয়েছেন!

—তাহলে মার্জনা...! অরণের চোখের কোণে আরও
দু'ফোটা জল ঠেলিয়া আসিল। তার পরে সে কহিল,—আর
কিছু লিখেছেন?

দীপ্তি কহিল,—হ্যাঁ...

—কি, দীপ্তি?

—আমার বিষে করতে বলেছেন...! বল, তাঁর কথা
রাখবে কি? কোন সঙ্কোচ করো না,...বল...

এ অভিমান,—না...?

অরুণ দীপ্তির পানে চাহিল। দীপ্তি উচ্ছ্বাসে আবেগে
কহিল,—না, না, ওগো, তুমি সেরে উঠবে! এ মেঘ ক্ষণিকের,
এ কেটে যাবে। আবার আমাদের জীবনে সূর্যের আলো
ফুটবে গো! আমার মন বলছে, তুমি সেরে উঠবে।...বিশ্ব
যাই হোক, আমার জন্ত তুমি ভেবো না।...না, না, কোন ভাবনা
নয়! তুমি শুধু সেরে ওঠো... আমরা যে ব্রত নিয়েছি, তা যে
আমাদের পালন করতেই হবে!—এ প্রকৃতির ক্রকুটি...ভয়
দেখাচ্ছে শুধু...ওগো, আমার প্রিয়, বন্ধু আমার, স্বামী আমার...

অরণের ঠোঁটের কোণে মুহূ হাসির বিদ্যৎ খেলিয়া
গেল।...

দীপ্তি কহিল,—তোমার এই প্রেম, এ নিষ্ঠা...ওগো,
এ যে আমার মনকে ঋণে ঋণে টলিয়ে তুলছে।...আমার

মুক্ত পক্ষী

গুরু, আমার সব... যদি এই হয় যে, তোমায় বিয়ে করলে
তুমি বেঁচে ওঠো, ওগো, তোমার প্রাণের জন্য আমি তা
করতে প্রস্তুত আছি, আজ, এখনি!... ত্রত...? কি হবে—তা?
তোমায় হারালে আমি যে সব হারাবো!... ওগো, তুমি মেরে
ওঠো। ক'দিন আমি কেবলি ভাবছি... তোমায় ছেড়ে আমার
বেঁচে থাকার কথা আমি কল্পনাও করতে পারি না...

সন্ধ্যার ঠিক পরক্ষণেই এক্সপ্রেস ট্রেন আসিয়া স্টেশনে থামিল।
খোলা জানলা দিয়া স্টেশন দেখা যায়। ঐ বানীর আওয়াজ...
ট্রেন আবার ছাড়িয়া দিল।... তার পর পথে ঐ যে আলোর রশ্মি
... রশ্মি সচল... এইদিকেই অগ্রসর হইতেছে!... তবে... তবে?

দীপ্তি ডাকিল,—দোয়ারকা...

—মা—বলিয়া দোয়ারকা ঘরে ঢুকিল।

দীপ্তি বলিল—বাবুর বাবা আসছেন বুঝি। তুই যা—
দৌড়ে স্টেশনে যা—তাকে বাড়ী চিনিয়ে নিয়ে আয়—

দোয়ারকা একটা লণ্ঠন লইয়া স্টেশনের দিকে ছুটিল।

এখন... এ যে এক প্রচণ্ড মুহূর্ত! হয়তো কত রোষ, কত
হুকারের মাঝে পড়িতে হইবে... হয় তো বা মার্জনার স্নিগ্ধ
পরশ!... যাই হোক, অরুণকে বাচাইয়া তোলা চাই!
বাচিবে বৈ কি! নহিলে উনিই বা ঠিক-সময়টিতে আসিবেন
কেন! রাগ করিয়া গৃহেই তো বসিয়া থাকিতে পারিতেন!...
সান্ত্বনায় আশ্বাসে দীপ্তির মন ভরিয়া উঠিল।... কিন্তু ও
কি... অরুণ চীৎকার করিয়া উঠিল—দীপ্তি... উঃ—যাই যে...

মুক্ত পাখী

দীপ্তির বুক কাঁপিয়া উঠিল। সে আসিয়া তাড়াতাড়ি অরুণের পাশে বসিল। অরুণ দুই হাত উচু করিয়া তুলিল, পরমুহূর্তে সজোরে সে উঠিয়া বসিতে গেল।—দীপ্তি আর্ন্তনাদ করিয়া উঠিল—কি করচো গো, কি করচো ও? উঠো না...

দুই চোখ পাকাইয়া কি-সে দৃষ্টিতে যে অরুণ দীপ্তির পানে চাহিল!...তার পর দুই করতল মৃষ্টিবদ্ধ করিল, যেন বাতাসেব সঙ্গে সংগ্রাম করিবে...

দীপ্তি তাড়াতাড়ি তাকে ধরিয়া ফেলিল। অরুণ চীৎকার করিয়া উঠিল,—ছাড়ো!...বাবা, আমার বাবা...না বাবা, রাগ করো না, বাবা...বলিয়া একেবারে ঢালিয়া পড়িল। সঙ্গে সঙ্গে অমনি সব নিখর! অরুণের শিথিল দেহ দীপ্তির গায়ে হেলিয়া পড়িল!...

দীপ্তি ধীরে ধীরে তাকে শোয়াইয়া দিল; কিন্তু এ কি... নিশ্বাস? অরুণের দেহ যে নিখর নিম্পন্দ! প্রাণ-বায়ুটুকু দীপ্তির বুকে থাকিতে থাকিতেই মুক্ত বাতাসে মিশিয়া গিয়াছে। দীপ্তি পাথরের মূর্তির মত স্তম্ভিত, বিমূঢ় বসিয়া রহিল...!

সেই মুহূর্তে অভয় মিত্র আসিয়া ঘরে ঢুকিলেন; ডাকিলেন,
—অরুণ...

কে সাড়া দিবে!

অভয় মিত্র আসিয়া অরুণের পানে চাহিলেন! তাঁর দুই চোখ যেন পুতুলের চিত্র-করা চোখের মতই! তার পর তিনি

মুক্ত পাখী

অক্ষয়ের কপালে হাত দিলেন,—পরে শিইরিয়া একটা নিশ্বাস ফেলিয়া কহিলেন,—সব শেষ...!

অভয় মিত্র নিশ্চল দাঁড়াইয়া রহিলেন। তাঁর চোখের কোলে জল ঠেলিয়া আসিল। তাঁর অক্ষয়, বড় আদরের পুত্র...! তিনি মনের বেদনা প্রাণপণ-বলে কথিয়া দীপ্তির পানে চাহিলেন। দীপ্তি তখন একেবারে স্পন্দন-রহিত, ... ঠিক যেন কাঠের পুতুল!

অভয় মিত্র কহিলেন,—আমার টেলিগ্রাম পেয়েছিলে?

দীপ্তি ফিরিয়া চাহিল, এবং ঘাড় নাড়িয়া জানাইল, হাঁ।

অভয় মিত্র কহিলেন,—আমার টেলিগ্রাম-মত কাজ হয়েছিল?

দীপ্তি ভীতি-বিহ্বল দৃষ্টিতে তাঁর পানে চাহিল।

অভয় মিত্র কহিলেন,—তোমায় বিবাহ করেছিল, অক্ষয়?

সহজ অথচ তীব্র স্বরেই দীপ্তি কহিল,—না।

অভয় মিত্র আশ্চর্য হইলেন; কহিলেন,—না!...তুমি তাকে টেলিগ্রামের কথা বলেছিলে?

দীপ্তি মাথা নামাইয়া মৃদু কণ্ঠে কহিল,—বলে ছলুম।

অভয় মিত্র স্থির হইয়া দাঁড়াইয়া রহিলেন। মৃত্যু-স্থির ঘরে মরণের কি স্তব্ধ-হিম নীরবতা!

দীপ্তি কহিল,—তাঁর মতটাকেই তিনি সব-চেয়ে শ্রদ্ধা করতেন!

অভয় মিত্র দীপ্তির পানে চাহিলেন, কহিলেন—হঁ!...তাহলে আমরা আর কোন কর্তব্য নেই!...এ সময়ে রুঢ় হওয়া উচিত

মুক্ত শ্রম

নয়, তবু আমি নিকপায় হয়েই বলছি নারী, তুমিই তাকে কাল-সর্পের মুখে টেনে এনেছ !' এর প্রাণের জ্বল তুমিই দায়ী ...নাহলে আমার ছেলে বেঘোরে এক জীর্ণ ঘরে এভাবে আজ বিনা-চিকিৎসায় মারা যেত না !...যাক, যা হয়ে গেছে, তাব আর চারা নেই ! মৃত্যুকে কেউ রোধ করতে পারে না ! কিন্তু যাবার সময় অরণ এই যে দাগা দিয়ে গেল...এর কারণ, শুধু তুমি, ...তোমার এই অদ্ভুত খেয়াল !...তবু আমি মার্জনা করতুম ...তোমায় আর আমার অরণের সন্তানকে যোগ্য মর্যাদায় আমার ঘরে ফিরিয়ে নিয়ে যেতুম ! কিন্তু তার পথও তুমি রাখা নি !...আমার গৃহে তোমাদের স্থান নেই...তোমার না, তোমার পেটে অরণের যে দুর্ভাগা সন্তান আছে, তারও না...

অভয় মিত্র শুরু হইলেন ; পরে কহিলেন,—মা-বাপেব স্নেহ ছিড়ে তাঁদের আদরের সন্তানকে বিদ্রোহ-মত্ত করে টেনে আনায় তাঁদের প্রাণে কতখানি ব্যথা বাজে—আজ খেয়ালের ঘোরে তা বোঝানি বোধ হয়, বুঝবে না !...কিন্তু একদিন বুঝবে, হুতো... ! তবে হুঃখ এই রইলো যে, আমায় পাষণ নির্মম বলে জেনে রাখলে !...এ বুকে স্নেহ কতখানি, তা জানতেও পারলে না !...তোমাদের ও মতের পায়ে তোমরা যেমন দুনিয়াকে বলি দিতে পারো, আয়ারো তেমনি একটা মত আছে, জেনো । সে মতের পায়ে অরণকে নয় বলিই দিলুম...

অভয় মিত্র একটা নিশ্বাস ফেলিলেন ; তার পরে ধীবে ধীরে ঘরের দিকে অগ্রসর হইলেন ।

জল-ভরা চোখে' দীপ্তি' তাঁর পানে 'চাহিল, কহিল,—
চলে যাচ্ছেন ?

অভয় মিত্র কহিলেন,—হ্যাঁ। আমার কর্তব্য তোমরা
তো। অনেকদিনই শেষ করে দিয়েছো !...আমার ছেলে অরুণ...
আমার কাছে তো তার মৃত্যু আজ ঘটলো না ! সে যে
অনেকদিন ঘটে গেছে ! অরুণকে তো আমি বহুদিন পূর্বেই
হারিয়েছি...চির-জীবনের মত !...

অভয় মিত্র একটা নিশ্বাস ফেলিয়া ধীর পায়ে চলিয়া গেলেন ।
দীপ্তি কাঠ হইয়া দাঁড়াইয়া রহিল । কি যে হইয়া গিয়াছে,
আর তার পরও কি যে হইবে,—সেদিকে তার কোন
হঁশ্ ও ছিল না ! হঁশ্ পরে হইল—যখন বহুক্ষণ নিশ্চল
দাঁড়াইয়া থাকিবার পর বিছানার দিকে তার দৃষ্টি পড়িল,
ঐ শয্যা, ঐ.. উঃ ! এত বড় বিপদ মাথায় পড়িয়া তাকে
পিষিয়া চূর্ণ করিয়া দিলেও এখনো সে খাড়া দাঁড়াইয়া
আছে, এত কথা কহিয়াছে...আশ্চর্য্য !

তার সমস্ত মন এই নির্মল ব্যাপার বুঝিয়া এক-নিমেষে
স্তম্ভিত আশ্রমে জলিয়া কাতর হইয়া পড়িল । বন্ধু, বন্ধু, সাথী
আমার—বলিয়া সে অরুণের নিস্পন্দ দেহ জড়াইয়া ধরিয়া আর্ন্ত-
ক্রন্দনে ফাটিয়া একেবারে শূটাইয়া পড়িল ।

মুক্ত পাখী

— ১০

বিধবা নারী...গর্ভে অসহায় শিশু!...এত-দড় নিরুপায়
দুর্ভাগ্য মানুষের না কি নিত্য ঘটে না, তাই এ দুর্ভাগ্যে মানুষের
অভিভূত হওয়ার আর সীমা-পরিসীমা থাকে না!...যে-অতিথিব
আবাহন-গান দুইটি হৃদয়ের তারে এক-সুবে উছলিয়া উঠিত,
তারি আলোচনায় দুটি হৃদয় কি সে বিভোব হইত...কিন্তু হায়,
আজ সে শিশু যখন পৃথিবীর বুকে প্রথম চরণ পাত করিবে, তখন
...সেই সব কথার স্মৃতি একটুও আনন্দ দিবে না, শুধু বেদনার
ঘায়েই জর্জরিত করিয়া তুলিবে! দীপ্তির দুর্ভাগ্য যে তাব
চেয়েও বেশী! এই অসহায় শিশুকে লইয়া জগতে সে একা...
বিপদ এখানে কত!...এ বিপদের কথা আগে কোনদিন মনেও
হয় নাই...আশার পরম আনন্দে সুখের নীড় বাঁধিয়া সে নিশ্চিন্ত
আরামে বাস করিতেছিল—অলক্ষ্যে হঠাৎ কোথা হইতে
সে নীড়ে গৃধের মত মরণ আসিয়া তা আজ তচ্‌নচ করিয়া দিল!
...এ যাতনা কি সহ হয়!...কি আশ্বাসে, কি সাহায্যে মানুষ
ইহাকে ঠেকাইয়া রাখিবে!...

তবু তার এতখানি কাতর হইলেও তো চলিবে না!...অরুণ
আজ পাশে নাই যে, তার পরামর্শ লইবে!...আদর-সোহাগ,
সে তো গল্পের কথা! কিন্তু নানা ব্যাপারে কত সাহায্য চাই
যে! জীবনের পথে অরুণের সঙ্গে দাঁড়াইয়া গুদিককার কথা মনেও

মুক্ত পাখী

পড়ে নাই ! আজ অরণ পাশে নাই, সব মনে পড়িতেছে !
আশ-পাশেব লোক গুলার সমবেদনা-ভরা কোতূহলের দৃষ্টিও মাঝে
মাঝে কাটার মত গায়ে ফোটে !...তবু উপায় যখন নাই, তখন
কুপা ছাড়িয়া ভয় ছাড়িয়া তাকে এ পথে চলিতেই
হইবে !...মৃত্যু ?...কিন্তু তা হইলে সবই তো শেষ হইয়া
গেল ! যে ব্রত সে মাথায় তুলিয়া লইয়াছে, সে ব্রত পালন
বিত্তে সমাজের সকলের ক্রকুটি-ঝঙ্কা সে যে অবহেলায়
কাটাইয়া দিবে বলিয়া পণ করিয়াছে ! মৃত্যুর কোলে ধরা
দিলে তার কি হইবে !...বেদনা তীব্র বাজিয়াছে, সত্য,—
এ বেদনা তো আরো অনেকের প্রাণেও বাজে ! তাদের মত
স্বাভাবিক হইয়া জীবনটাকে শেষ করিয়া দিলে, তার যা
বৈশিষ্ট্য, সেটাকেও যে গলা টিপিয়া মারিতে হয় ! না, সে
হৃদয়তার প্রশয় দেওয়া হইবে না ! তাকে এ বেদনা
সাহায্য মাথা উঁচু করিয়াই দাঁড়াইতে হইবে !...যে নবীন
অতিথি আসিতেছে, তাকেই শুধু সহায় করিয়া সাথী করিয়া
এ ব্রত পালন করা চাই । জীবনের দূত-বড় লক্ষ্য হইতে সরিয়া
পড়া ঠিক হইবে না !...

কাজেই প্রতীক্ষা করা ছাড়া উপায় নাই ! এই শিশুর পথ
চাহিয়া একা বিজনে বসিয়া অধীর প্রতীক্ষা !...অরণের পুত্র...
তারো পুত্র ! তাকেই তাদের প্রাণের মস্ত্রে দীক্ষিত করিয়া
জীবনের পথে চালিত করিতে হইবে !...

দীপ্তি ঘর গুছাইতেছিল । অরণের কাগজ-পত্র, বই, ব্রীফ...

মুক্ত পাখী

ইতস্ততঃ ছড়ানোরিহিয়াছে ! কাগজের পংশে পেন্সিলটি অবধি...
অরুণ কি লিখিয়া এমনি ফেলিয়া রাখিয়া ছিল ! সেটি ঠিক
তেমনি আছে ! স্থির হইয়া দীপ্তি পেন্সিলটার পানে চাহিয়া
রহিল । একটা কাতর দীর্ঘ-নিশ্বাস বুক ফাটিয়া বাহিব হইয়া
বাতাসে মিলাইয়া গেল !...

এটা কি ?

...উইল ! খেলাচ্ছলে অরুণ একদিন বলিয়াছিল বটে, যে,
একটা উইল লিখিয়া রাখিলাম দীপ্তি !...মানুষের প্রাণ...
বলা তো যায় না !...হায়, সে পরিহাস এমন কঠিন তীব্র
হইয়া বাজবে, এত শীঘ্র...এ যে কেহ স্বপ্নেও ভাবে
নাই ! অরুণ নয়...সে-ও না !...দীপ্তি কাগজখানা তুলিয়া
লইল । এ উইলে অরুণের নিজের উপার্জিত টাকা-কড়ি সব
সে 'তার বন্ধু', 'তার মাথী' দীপ্তিকে দিয়া গিয়াছে ।

দীপ্তির দুই চোখ জলে ভরিয়া উঠিল । অরুণের
সুগভীর প্রেম, তীব্র ভালবাসা,...নিজের সব ফেলিয়া এই ত্যাগে-
উজ্জল প্রাণের প্রীতি...

দীপ্তি নিশ্বাস ফেলিল...বিশ্বে এ প্রীতি-ভালবাসার কি আর
তুলনা আছে !—অস্তিম শয্যায় শুইয়াও দীপ্তির মতকেই শিরো-
ধার্য্য করিয়া কতখানি ত্যাগ যে সে মাথায় বহিয়া গিয়াছে !
দীপ্তি ভাবিল, তোমার এই স্বার্থহীন বিপুল প্রেমের একটুও
যদি পরিশোধ করিতে পারি, বন্ধু...! আমায় লইয়া তুপ্তি কি
পাইয়াছ...সত্যই ? আমার এই দেহ-মন সুধায় ভরিয়া তোমার

মুক্ত পাখী

মুখে ধরিয়াছি...সে কি তোমায় প্রীতি দিয়াছে? বল, বল,...বন্ধু আমার, সেই সুদূর লোক হইতে বাতাসের মূছ নিখাসে, ফুলের এই উচ্ছ্বসিত গন্ধে, আকাশে-ওড়া পাখীর ঐ সুরের একটুখানি রেশে...

টাকার কথা তার মনেও রহিল না।...উইলখানা সে ছিড়িয়া ফেলিল—কি এ নিশ্চয় পরিহাস...!

কিন্তু এখন সে কি করিবে? এখানেই থাকিবে, না, কলিকাতায় চলিয়া যাইবে! তাব সেই চাকরি...

এ অবস্থায় কলিকাতায় গিয়া চাকরি করা সম্ভব নয়—শরীর এই, মনও ভাঙ্গিয়া পড়িয়াছে! তার চেয়ে এখানে, অরুণের সহস্র-স্মৃতি-ঘেরা এই বিজন ঘরে,...এ তার স্বর্গ! আদব-প্রীতি, হাসির রেশ এখনো যে এ ঘবে পুঞ্জিত আছে!...আর যে আসিতেছে, এই নবীন অতিথি, অসহায় শিশু...তাকে এই ঘরেই আবাহন করা চাই...অরুণের গায়ের পরশ এখনো এ ঘর হইতে বিলুপ্ত হইয়া যায় নাই...তারি তপ্ত পরশের মাঝে এই শিশু, আমাদের যুগল মনের প্রীতির ফল, এই প্রেমের কুঞ্জে আসিয়াই তোমার প্রথম চরণ-পাত কর...

এমনি চিন্তায় দীপ্তি যখন কাতর, তখন পশুপতি চক্রবর্তীর এক চিঠি আসিয়া উপস্থিত হইল। তার এই নিঃসঙ্গ বেদনায় তিনি সমবেদনা জানাইয়াছেন; এবং সেই সঙ্গে এ কথাও বলিয়াছেন যে, তার জন্ম সমাজে তাঁর মাথা হেঁট হইলেও তার প্রতি পিতার প্রাণে স্নেহ এখনো সঞ্চিত আছে। নিজের

মুক্ত পাখী

অবাধ্যতা ও একগুঁয়েমির জন্ম যে ভ্রান্ত পথে সে পা দিয়াছে, পশুপতি চক্রবর্তী তার জন্ম দীপ্তিকে অকুতাপ করিবার পরামর্শ দিয়াছেন এবং তাকে পয়সা-কড়ি দিয়া সাহায্য করিতেও তিনি প্রস্তুত আছেন!...তবে তাঁর ঘরে ফিরিয়া আসা...! দীপ্তিকে তিনি নিজের ঘরে তার পুণ্যহৃদয়া ভগ্নীদের পাশে আর ডাকিয়া আনিতে পারিবেন না, সেজন্য তিনি যে খুবই দুঃখিত, ব্যথিত চিন্তে বার বার তাহাও তিনি জানাইয়াছেন।...একটা নিশ্বাস ফেলিয়া দীপ্তি ভাবিল, কাহারো দয়া, কাহারো সাহায্য সে চায় না! যদি রিক্ত সর্বহারাই তাকে হইতে হইয়াছে তো এই দশাকেই কায়-মনে মানিয়া সে জীবন-পথে এ যাত্রা সম্পূর্ণ করিবে! পথের মাঝখানে যদি সব চুকিয়া যায় তো তাহাতেও ক্ষোভ নাই!...

একা এই নির্জন গিরি-বনের কোলেই দীপ্তি পড়িয়া রহিল। ভাস্কর বাবুটি খুব ভদ্র। তিনি প্রায় দেখিতে আসিতেন, এবং যথাসময়ে তাঁকে যেন খপর দেওয়া হয়, এ কথা তিনি যখনই আসিতেন, তখনই জানাইয়া দিতেন!...বন্ধু-বর্জিত দূর বিদেশে একাকিনী তরুণীর এ অসহায়তা যে কত নিদারুণ, তাহা তিনি বুঝিতেন। বুঝিয়া তিনি আরো বলিতেন, তাঁর স্ত্রী বা মেয়েরা যদি এখানে কেহ থাকিত, তাহা হইলে দীপ্তিকে তিনি নিজের গৃহেই লইয়া যাইতে পারিতেন।...তা যখন কেহ নাই, তখন বাধ্য হইয়াই দীপ্তিকে একা থাকিতে হইবে! তবু...

...এই নিঃসঙ্গতার মাঝে সময়টুকু অত্যন্ত ভারী হইয়া

মুক্ত পাখী

দীপ্তির বৃকে যেন চাপিয়া বসিত । আর সে চাপে তার বৃকের সমস্ত অস্থি-পঞ্জরগুলো যখন ভাঙ্গিয়া চূর্ণ হইবার মত হয়, অসহ ব্যাকুলতায় মন তখন ছুটিয়া বাহির হইয়া যাইতে চায়, সেখানে...যেখানে চিতার আগুনে অকণের নিষ্পাপ দেহ চাপাইয়া পুড়াইয়া ছাই করিয়া তাকে বাতাসে উড়াইয়া দিয়াছে !

একটু দূরে পাহাড়ের গায়ে শ্যাম বনানী শুক দাঁড়াইয়া...এই-খানটীতে তারা দুজনে কতদিন বেড়াইতে আসিয়াছে ! এইখানে বসিয়া ভবিষ্যৎ সুখের কত রঙীন ছবিই যে দুজনে আঁকিত...! জাঘগাটা আলোর-উচ্ছ্বাসে হাসির রাশিতে যেন ভরিয়া ছিল ! .. আর আজ...? শ্মশান ! শ্মশান সে !...

শেষে এমন হইল যে দীপ্তির পক্ষে চলাফেরা করিতেও অত্যন্ত কষ্ট হয় । উঠিয়া অল্প হাঁটিতেই পায়ে ভার চাপিয়া ধরে । সে হাঁপাইয়া পড়ে ! তখন সে জানলার ধারে বসিয়া চারিদিককার মুক্ত প্রান্তরের পানে চাহিয়া থাকে ! মনে হয়, ঐ প্রসারিত প্রান্তর নীরব চোখে তার এই মর্মভেদী বিচ্ছেদে কাতর সহানুভূতি জানাইতেছে...তার মস্ত বৃক চিরিয়া করুণ সমবেদনাও যেন ঐ উখিত হইতেছে !...

ক্রমে সে-দিন আসিল...যেদিন তার মর্মের সমস্ত বন্ধন যাতনায় ছিঁড়িয়া যাইবার মত হইল । দোয়ারকা গিয়া ডাক্তার বাবুকে ডাকিয়া আনিল । ডাক্তার বাবুর সেবায় দীপ্তি ফুলের মত একটি কন্যা প্রসব করিল । মুখে তার অকণের মুখখানিই ছোট করিয়া কে যেন বসাইয়া রাখিয়াছে...তেমনি হাসি-ভরা চানী

মুক্ত পাখী

চোখ, কালির রেখায় আঁকা-বন্ধিম'ক্র, ... অক্ষর গায়ের রং দীপ্তির
রঙের মতই গোলাপী আভায় 'ভরপুর'! ... ছোট্ট শিশু, আহা,
নিতান্ত্র অসহায়...!

দীপ্তি শিশুকে অবেগে বুকে জড়াইয়া ধরিল, - একটা
দীর্ঘনিশ্বাস তার বুক ঠেলিয়া বাহির হইল। এ যে তাদের
হৃৎনের নিবিড় প্রীতির মধুব মূর্ত্তি! তাকে দেখিয়া দীপ্তির
কি আনন্দ! ... কিন্তু এ আনন্দের তুল্য অংশ গ্রহণ করিতে
দীপ্তির আনন্দ শতগুণ বাড়াইয়া তুলিতে অক্ষর আজ কোথায়!
বাহিরে গাছের পাতা ছুলাইয়া 'বাতাস দীর্ঘনিশ্বাস ফেলিল।
চোখের জলে ভাসিয়া দীপ্তি শিশুর মুখে চুম্বন কবিল। হৃৎনের
মাঝে, কি দুর্দিনেই তুমি আজ আসিলে, ধন! ... দীপ্তি মেয়ের
নাম রাখিল, সাধনা! ...

- ১১ -

তারপর আবার সেই কলিকাতা—সেই চির-পরিচিত আশ্রয়-
নীড়...! কিন্তু তা এমন কঠিন রুঢ় মূর্ত্তি ধরিয়া আছে যে তার সে
ক্র-ভঙ্গী তীক্ষ্ণ কাঁটার মতই দীপ্তির বুকে বাজিল! ... বালিগঞ্জের
সেই ক্ষুদ্র আশ্রয়টুকুও মিলিল না আজ! পক্ষীর সকলে মিলিয়া
কালো কুৎসা-মাখানো প্রচণ্ড নিষেধ তুলিয়া তাকে ক্রথিয়া
দাঁড়াইল। এ পাড়ায় তার স্থান হইবে না! সকলে সম্মুখে

মুক্ত পাখী

বলিয়া বলিল, দীপ্তির রীত-চরিত্র তারা ভালো করিয়াই জানিয়াছে! দীপ্তি যে ঐ শান্ত মৃষ্টির মাঝে কি চরিত্র লুকাইয়া বাথিয়াছে, তা'ও কারো অবিদিত নাই! স্ততরাং তাদের এই শান্ত পুণ্যান্বিত পল্লীর মাঝে দীপ্তিকে স্থান দিয়া তারা কখনোই এত-বড় দুর্নীতির প্রশয় দিতে পারিবে না, এবং তা দিবেও না!...

বিপুল বলে উত্তম অশ্রু রোধ করিয়া দীপ্তি গাড়োয়ানকে গাড়াঁ ফিরাইতে বলিল। কিন্তু এখন কোথায় যায়? এই অসহায় ক্ষুদ্র শিশুকে বুকে করিয়া কার দ্বারে গিয়া উঠিবে সে!...

দীপ্তি শেষে নিক্রপায় হইয়া স্কুলের দিকে গাড়ী চালাইতে বলিল।...

মেয়েরা তখন স্কুলে আসিয়াছে। তাদের কল-কল্লোলে স্কুলের বুকে কি ও হর্ষ ফুটিয়াছে! স্কুলের ফটকে গাড়ী থামিলে দীপ্তি শিহরিয়া উঠিল। তার বুকে এই মেয়ে!...এখন সকলে প্রশ্ন তুলিবে, কে এ?...দীপ্তি ক্রতা ইহাদের কাছে কোন কথাই বলিয়া যায় নাই! আজ হঠাৎ এই শিশুকে বুকে ধরিয়া ইহাদের মাঝে আসিয়া উদয় হইলে, এখানেও না জানি, কি কুৎসার সৃষ্টি হইবে!...তবু মন বলিল, এ কুৎসার কথা অরণ তো পূর্বেই তুলিয়াছিল। আর সে তখন বড় গলায় জবাব দিয়াছিল, এ সব কুৎসাকে কোন দিনই গ্রাহ্য করে না সে!...আজ একটু আগে পল্লীর মুখে ঐ সব কুৎসার

মুক্ত পাঠ্য

কথা শুনিয়া তার বুক কিন্তু কাঁপিয়া বিরুদ্ধ মুচ্ছিতের মত হইয়া পড়িয়াছিল!...এখানেও তেমনি বেদনার মাঝে পড়িতে হয় যদি!...

এখানেও আশ্রয় মিলিল না!...স্কুলের কর্ত্রী বলিলেন, দীপ্তি চলিয়া গেলে তিনি সব কথাই শুনিয়াছেন। দীপ্তিব জীবনে যে মস্ত একটা রোমান্স না আড়ভেঙ্কার কি ঘটয়া গিয়াছে, এ কথা স্কুলেও কাহারো অবিদিত নাই!...তবে এ দুর্ঘটনায় তাঁর সহানুভূতি থাকিলেও দীপ্তিকে স্কুলের পুরানো চাকরিতে বহাল করিয়া সে সহানুভূতি দেখাইবাব দুঃসাহস তাঁর নাই! কারণ পাঁচ জন গৃহস্থ ভদ্রলোক মেয়েদের স্কুলে পাঠান শুধু যে লেখাপড়া শিখাইবার জন্তই, তা নয়। এখানকার নৈতিক আব-হাওয়াটাও তাঁরা পরিচ্ছন্ন দেখিতে চান...একে-বারে বিশুদ্ধ রকমের!...তাকে লইয়া পাঁচটা আলোচনা হইয়া যাওয়ার পর তাকে আবার শিক্ষয়িত্রীর আসন দেওয়া... তার মানে, স্কুলটিও একেবারে ভাঙ্গিয়া চুরমার হইয়া যাইবে। কারণ কেহই এখানে অতঃপর মেয়ে পাঠাইবে না!...

দীপ্তির চোখে জল আসিল। হায়, তাকে ইহারা এমন অতলে নামাইয়া দিয়াছে যে সেখান হইতে উঠিবার সম্ভাবনাও নাই, আজ!...এ সব কথা, এ কথার মানে? সে কি করিয়াছে? কিছু না!...তার অভিমান হইল। সে তো শ্রেষ্ঠ সতী সাধ্বী কোনো নারীর চেয়ে এক তিল নীচে নয়! বিবাহই সে করে নাই! কিন্তু বিবাহের অর্থ যদি এই হয় প্রাণে-

মুক্ত পাখী

প্রাণে স্নগভীব অনুরাগ তো সে অনুরাগের চূড়ান্তই যে তার
প্রাণে ফুটিয়াছিল ! অরুণকে ভালবাসা, তার রোগে সেবা-
শুশ্রূষা, তার স্মৃতি বুকে ধরিয়া অহনিশি এই প্রবল সংগ্রাম
...কোন সতী এর বাড়া কি করিয়াছে !...

দীপ্তি সবলে অশ্রু কথিয়া উঠিয়া দাঁড়াইল। স্কুলের কত্রী
কহিলেন,—ওটা মেয়ে বুঝি ?

দীপ্তি কহিল,—হ্যাঁ।

কত্রী কহিলেন,—আহা !

সেই আহা ! দীপ্তিব বুক যেন ফাটিয়া গেল ! কুপার
পাত্রী কাঙালিনী হইয়া সে তো এখানে থাকিতে আসে নাই !
তবে...কেন এ আহা ! কেন ঐ অরুণ নয়নে তার পানে চাওয়া
গো !...জীবন-পথে কাহাবো রূপা সে চাহে নাই কোনদিন, রূপা
সে চায়ও না !...মেঘের পানে প্রাণ-ভরা দৃষ্টিতে চাহিয়া সে তার
মুখে চুম্বন করিল—বাছা আমার, বড় দুঃখের সাত্বনা আমার !...

তারপর সহসা দীপ্তি কোন কথা না বলিয়া বিদ্যাতের মতই
দ্বরিতে স্কুল হইতে বাহিব হইয়া গেল।...এখানে কাজ
করিয়া সে জীবিকার সংস্থান করিবে, ভাবিয়াছিল ! হায় রে !

স্কুল হইতে ফিরিয়া সে সমস্তাষ পড়িল। মেয়েটিকে এখন
মানুষ করিবে কি করিয়া ! এখানে যত বড় কাজই করিতে
ছোটো, সবার আগে নিজেকে খাড়া রাখা চাই তো !...আর সে
খাড়া রাখিতে গেলে আগে চাই টাকা !...টাকা নহিলে এক পা
এখানে চলিবার জো নাই !...

মুক্ত পাখী

কিন্তু সেও পরের কথা ।...এখন গাড়ীতে এমনি বসিয়াও তো দিন কাটানো চলে না !...একটা আশ্রয় চাই ! তা হোক সে বন, হোক সে প্রাস্তর...! আবার শুধু তাই ? একটা ছাদ ও চারটা দেওয়ালের আড়ালে রচা চাই একটা আশ্রয়-নীড়...এ যে এই মুহূর্তে চাই...নহিলে নয় !...

গাড়োয়ান কহিল,—কোথায় যাব, মা-স্বী ?

দীপ্তি হতাশভাবে চারিধারে চাহিল । তারপরে গাড়োয়ানকে ডাকিয়া কহিল,—এমন কোন জায়গায় নিয়ে যেতে পারো, যেখানে ভাড়ার জন্ত একখানা ছোট ঘর মেলে ?...

গাড়োয়ান কহিল,—তা তো জানি না মা ! তবে আমি থাকি মাণিকতলায় । সেখানে এমন ঘর মিলতে পারে !... কিন্তু ঘোড়া আমার ঘুরে ঘুরে হাঁপিয়ে উঠলো, মা...

দীপ্তি কহিল,—কোনমতে আমায় একটু আশ্রয়ে পৌঁছে দাও তুমি...বকশিস দেবো ।

গাড়োয়ান তার গাড়ীতে এমন আরোহী কখনো তোলে নাই ! সে একটু ভাবিয়া পরক্ষণেই মাণিকতলার দিকে গাড়ী চালাইয়া দিল ।...

একটা ঘর মিলিল । মাণিকতলায় একটা বাগানের ফটকে লাল-কঁকর ফেলা পথের পাশে ফ্লোরের উপর ছোট একখানি ঘর, দুধারে ছোট বারান্দা,—রান্না করিবার ছোট একটু জায়গাও আছে । বাগানের ভিতর-দিকে মস্ত বাড়ী, কোনো বিলাসী বাবুর আরাম-নিবাস । বাবু কচিং আসেন ! বাগানের মালী

মুক্ত পাখা

এই ঘর দুখানি সুরিধা-মত ভাড়া দেয়। দীপ্তি কায়েমী-ভাবে থাকিবার বাসনা করায় মালী প্রথমে ইতস্ততঃ করিতেছিল, পাছে ধরা পড়িয়া যায়। কিন্তু দীপ্তি যখন বলিল, ঝামেলা কিছুমাত্র নাই! তার চাকর থাকিবে না, দাসীও না; সে শুধু এই ছোট শিশুটিকে লইয়া নিতান্ত নিভূতে একা এখানে বাস করিবে, তখন মালী আর আপত্তি না তুলিয়া এক মাসের ভাড়া আগাম দশটা টাকা আদায় করিয়া ঘর খুলিয়া দিল। দীপ্তি নিশ্বাস ফেলিয়া বাঁচিল। সকাল হইতে ঘোরার আর বিরাম ছিল না!

এখন ঘরে ঢুকিয়া প্রকাণ্ড সমস্যা মাথা তুলিয়া দাঁড়াইল, পেট চলিবে কি করিয়া! পুঁজি তো এমন বেশী নয়! বা আছে, তা ভাঙ্গিলে ফুরাইতে কতক্ষণ। তখন? স্কুলের চাকরি ফিরিয়া পাইবার কোন আশা নাই! তার মনের মতেব সঙ্গে এইবার তো সংগ্রাম বাধিল! একদিকে সারা সমাজ দুর্গ-দ্বার রুদ্ধ করিয়া উপেক্ষার বাণ হানিতেছে, সরিয়া যাও, দূরে, আরো দূরে... আমার সীমার কাছেও ঘেঁষিয়ে না!

আজ যদি অরুণ পাশে থাকিত! একা এ সংগ্রামে সে যে জর্জর শ্রান্ত হইয়া পড়িবে, কেই বা তাকে উৎসাহের বাণী জোগাইবে, পাশে থাকিয়া শ্রান্তি ঘুচাইয়া দিবে? মাঝুনা! নেহাৎ কচি, এতটুকু মেয়ে!...

তবু ভাবিলে চলিবে না।...পাশে যখন কেহ নাই, কাহাকে পাইবারো আশা যখন নাই, তখন এই বিরুদ্ধ বিপক্ষ শত্রু

মুক্ত পাখী

যত প্রচণ্ডই হেঁক, তার সঙ্গে প্রাণপণে সংগ্রাম করিয়া নিজেকে খাড়া রাখিতেই হইবে। অদৃশ্য অন্তরাল হইতে ভবিষ্যতের নারী-সমাজ তার এই সংগ্রামের ফলের উপর নিজের অদৃষ্ট লক্ষ্য করিতেছে!...তার এত-বড় বিশ্বাস...দীপ্তিকে তা পালন করিতেই হইবে!...

অনেক ভাবিয়া সে স্থির করিল, সে তো সেলাইয়ের কাজ জানে, গান-বাজনাতেও কিছু দখল আছে! ভাবনা কি!... কিস্তির সর্ভে সেলাইয়ের কল কিনিয়া সে ফ্রক-পেনি সেলাই করিলে অর্থ আসিবে, আর 'খবরের কাগজে' বিজ্ঞাপন দিলে বহু পরিবারে গান-বাজনা শিখাইবার কাজও মিলিতে পারে!... তারপর বই লেখা!...নিজের মনে এ বিশ্বাস তার খুবই আছে, নূতন চিন্তার ফুলে গাঁথা বিচিত্র মালা সে উপহাৰ দিতে পারিবে! আশায় আনন্দে প্রাণ তার ভরিয়া উঠিল! এত বড় পৃথিবী.. আশ্রয়ের জগ্ন আবার ভাবনা!...

এমনি করিয়া দীপ্তি এই শিশুর মুখ চাহিয়া জীবন-সংগ্রামে নামিল। ফ্রক খেনি সেলাই করিয়া কয়েকটা দোকানে নগদ দামে সে তাহা বিক্রয় করিত! তার হাতের কাজে বৈচিত্র্য ছিল, পারিপাট্য ছিল, অথচ দামেও শস্তা, কাজেই কয়েকটা দোকানের মালিক খুব আগ্রহেই দীপ্তির তৈরি জামা সেমিজ ফ্রক প্রভৃতি কিনিয়া লইত! 'খবরের কাগজে' বিজ্ঞাপন দিয়া দুই-চারিটা বড় ঘরে মেয়েদের গান-বাজনা শিখাইবার কাজও তার মিলিয়া গেল। তবে মুষ্কিল বাধিল, এই যে সাস্ত্যনাকে

মুক্ত পাখী

একলা ফেলিয়া বাইতে হয় ! নাথ্য হইয়া একটা দাসী রাখিতে হইল । সে বাহিবে গেলে দাসীই সান্নায়ে দেখাশুনা করে ।... তারপর রাত্রির নিৰ্জন অবসরে এক-একদিন দীপ্তি উপন্যাস লিখিতে বসিয়া যায় ! সে এক বিচিত্র জগতের বিচিত্র কাহিনী... তারি স্বপ্নের রঙে আগাগোড়া রঙানো !...তার মনের উপর দিয়া চিন্তাব যে ঝড় বহিয়া চলিয়াছে, সে ঝড়ে কত ছবির টুকরাই ঝবিয়া পড়ে ! দীপ্তি সেইগুলিকে কাগজের উপর সাজাইয়া গুছাইয়া ধবে...তার অঙ্কিত চরিত্রগুলি তারি প্রাণের রসে জীবন্ত হইয়া ওঠে !...ছয় মাস পরিশ্রম করিয়া সে উপন্যাস বচনা শেষ করিল । এখন প্রশ্ন, তার এ বই কিনিবে কে ! তার তো বই ছাপিবাব পয়সা নাই !...প্রকাশকের দ্বাবে ফেরা... দীপ্তি কুণ্ঠিত হইল । তাব বুকের রক্তে লেখা ছবি...কে ইহা গ্রহণ করিবে !—অনাদরে অবহেলায় যদি এর শির ভুলুণ্ঠিত হইয়া পড়ে । নৈবাস্তের আশঙ্কায় দীপ্তির প্রাণ ঝন্ঝন্ করিয়া উঠিল !

তবু ঘরের কোণে জল্পনা লইয়া বসিয়া থাকিলেও চলে না ! ...মনের কুণ্ঠা-সঙ্কোচ কাটাইয়া দীপ্তি একদিন লেখা খাতাখানি লইয়া বাহির হইয়া পড়িল ।...বহু প্রকাশকের দ্বারে ঘুরিয়া নিরাশ হইয়া ভগ্ন প্রাণে বাড়ী ফিরিবে বলিয়া সে হেছয়ার কোণে আসিয়া দাঁড়াইয়াছে রিক্শ'র সন্ধানে, এমন সময় একখানা মোটর তাকে দেখিয়া পথে থামিয়া পড়িল । মোটর হইতে এক সুবেশ যুবা নামিয়া তার সামনে আসিয়া দাঁড়াইল ।

মুক্ত পাখী

দীপ্তি বিস্ময়-ভরা দৃষ্টিতে তার পানে চাহিতেই সে কহিল—
আপনি এখানে দাঁড়িয়ে !...::

দীপ্তি হাসিয়া কহিল,—বাড়ী যাবো ভাবছিলুম.....

যুবা কহিল,—যদি আপত্তি না থাকে, আমার গাড়ীতে
আসুন ।...আপনার সঙ্গে আমার দরকারও আছে একটু ।

দীপ্তি অবাক হইয়া গেল ! তার কাছে দরকার ! চিন্তিতে
ভুল হয় নাই তো ! সে যুবার পানে কুণ্ঠিত দৃষ্টিতে চাহিল ।

যুবা বুলিল, দীপ্তি দ্বিধা করিতেছে । সে বলিল,—আমি
প্রভার দাদা...যে প্রভাকে আপনি গান শেখান !

—ওঃ ! বালিয়া দীপ্তি আর আপত্তিমাত্র না করিয়া মোটরে
উঠিল ; যুবাও মোটরে উঠিয়া সোফারকে মাণিকতলার দিকে
গাড়ী চালাইতে বলিল ।

গাড়ী চলিলে দীপ্তি কহিল,—কি কথা আপনার,
বলুন.....

যুবা কহিল,—আমার নাম ক্ষিতীশ !...প্রভার কাছে
শুনছিলুম, আপনি নাকি একখানি উপন্যাস লিখেছেন,...

দীপ্তি কহিল,—হ্যাঁ ॥

ক্ষিতীশ কহিল,—আমি সম্প্রতি একটু পারিশিঃ কাজ শুরু
করছি...ক'জন নামজাদা লেখকের উপন্যাসও হাতে পেয়েছি,—
সেই সঙ্গে আপনার বইখানিও ছাপতে চাই—অবশ্য যদি
আপনার কোন আপত্তি না থাকে !—

আধারে আলো দেখিলে প্রাণ যেমন উচ্ছ্বসিত হইয়া ওঠে,

মুক্ত পাখী

দীপ্তি ঠিক তেমনি উচ্ছ্বসিত হইয়া উঠিল : সে বলিল,—
আপত্তি !...আমি এই নতুন লেখা শুরু করেছি—এই আমার
প্রথম বই...এ ছাপানোয় ঝুঁকি কি কম !...আপনি নিজে
স্বচ্ছায় ছাপাতে চাইছেন, এ যে মস্ত লোভের কথা !...কিন্তু
আপনার টাকাগুলোই হয়তো বাজ্রে খরচ হুয়ে যাবে !...

ক্ষিতীশ মৃদু হাসিয়া উত্তর দিল,—ব্যবসা করতে গেলে
ঝুঁকি তো নিতেই হবে ! জানেন তো, কথাই আছে,
No risk, no gain. কোন্ বই বাজারে কি-রকম বিকুবে, তা
কেউ বলতে পারে না আগে থেকে ! বড় লেখকের লেখা
বইও দেখা যায় তেমন বিকুচ্ছে না,...অথচ রামা-শামাব
বই ভীষণ রেটে বিক্রী হচ্ছে !...

দীপ্তি কহিল—সেই বই নিয়েই আজ বেরিয়েছিলুম । বড়
বড় দোকানে ধুবে এলুম । নতুন লোকের লেখা ছাপাতে
কেউ ভরসা করলে না ! নিরাশ হয়ে ফিরছিলুম,...এমন সময়
আপনি এলেন !...বই আমার কাছেই আছে !...

ক্ষিতীশ কহিল,—আমায় পড়তে দেন যদি একবার...

দীপ্তি কহিল,—নিশ্চয় পড়বেন । না পড়ে বুঝবেন কি করে
ছাপাবার যোগ্যতা এর একটুও আছে কি না !

ক্ষিতীশ কহিল,—বেশ, আজ আমায় দেবেন,—রাত্রেই
আমি পড়ে ফেলবো । কাল আপনাকে জানাতে পারবো,...
আর বাকী কথাবার্তা তখনি হবে'খন !

দীপ্তি কহিল,—রাত্রেই পড়ে উঠতে পারবেন !...হাতের

মুক্ত পাখী

লেখাও অনেক কাগজগায় জড়িয়ে আছে !...আমার তো তেমন তাড়া নেই—অবসর-মত পড়বেন'খন ।

ক্ষিতীশ কহিল,—অবসর খুঁজলে তো ব্যবসা চলে না । আমাব যে এই ব্যবসা !...কত রাবিশ যে ঘাঁটিতে হচ্ছে !...আপনার লেখা ত ভালো হবে বলেই আশা করা যায় । আমাদের দেশের শিক্ষিতা লেখিকা বা নেহাৎ রাবিশ দেনও না, রাবিশের বোঝা যা দেয়, পুরুষ-লেখক । মনের কারবার নিয়েই তো উপন্যাস...আর এ মনের বিস্তার যদি কারো থাকে তো সে নারীরই আছে !...

ক্ষিতীশের কথা-বার্তায় তার প্রতি দীপ্তির একটু শ্রদ্ধাও জন্মিল । নাবীর প্রতি তার এতখানি বিশ্বাস আর শ্রদ্ধা...এত-শুলা বহির দোকানে ঘুরিয়া সে তো কারো কাছে দরদের একটা কথাও শুনিতে পায় নাই ! বিপুল দস্তে বুক ফুলাইয়া সব বসিয়া আছে...একজন লেখা আনিয়া ধরিতেছে, লেখাটা পড়িয়াই নয় নাথো—না, একেবারে গোড়া হইতেই সব সাব্যস্ত করিয়া ফেলিয়াছে, নূতন লেখকের লেখা কি আর হইবে !...পুরানো লেখকের মামুলি কাম্বুদি ঘাঁটাও তাদের কাছে ঢের আদরের, লোভের সামগ্রী !...হারে ছুনিয়া !

গাড়ী আসিয়া তার বাগানের 'সামনে পৌছিল । দীপ্তি বলিল—এইখানে আমি থাকি । ক্ষিতীশ 'গাড়ী থামাইল । দীপ্তি নামিল, কহিল,—আসবেন না ?

ক্ষিতীশ প্রসন্ন চিত্তে কহিল,—আসবো বৈ কি !...

মুক্ত পাখী

উভয়ে নামিয়া ভিতরে আসিল। ছোট্ট গৃহ...তবু কি পরিচ্ছন্ন! চারিদিকে কি পারিপাট্য আর শৃঙ্খলা! ছোট দোলায় সাধনা ঘুমাইতেছে! ক্ষিতীশ কহিল,—এটি...?

দীপ্তি কহিল,—আমার মেয়ে!

তারপর নানা বিষয়ে কিছুক্ষণ নানা কথা-বার্তা কহিয়া ক্ষিতীশ কহিল—আজ তাহলে উঠি। আপনার লেখাটা দিন—কাল সকালেই আমি আবার আসছি, কথা-বার্তা কয়ে সব ব্যবস্থা ঠিক করে ফেলবার জরুরি!...একসঙ্গে পাঁচ-সাতখানা বই প্রেসে দিতে চাই আমি।

খাতা লইয়া ক্ষিতীশ চলিয়া গেল। দীপ্তি দাঁড়াইয়া দেখিল। ক্ষিতীশের গাড়ী চলিয়া গেলে সে ফিরিয়া দাসীকে কহিল,—একে কখন খাইয়েছিলাম রে...? কালমেঘটা আর একবার দিয়েছিলি তো?...?

দাসী জবাব দিল, দীপ্তির আদেশ সে যথারীতি পালন করিয়াছে। দীপ্তি কহিল,—তুই এখন যা। উছনটা ধরিয়া ক্যান। উছন যতক্ষণ না ধরে, আমি, ততক্ষণ এই ফ্রকটা শেষ করে ফেলি...

দাসী উছন ধরাইতে গেল। দীপ্তি আলোর সামনে সেলাই লইয়া বসিল।

মুক্ত পাখা

— ১২ —

পরদিন। বেলা তখন আটটা। দীপ্তির দ্বারে ক্ষিতীশের মোটর আসিয়া দাঁড়াইল। দীপ্তি তখন সান্ত্বনার বালিশ কাপা-পুলা রোঙ্গে দিয়া, সাবান মাখাইয়া জামা কাচিতেছিল। ফ্লোবেক কাছে সিঁড়ির নীচে আসিয়া ক্ষিতীশ কি বলিয়া কাকে ডাকিবে, তার কোন হৃদিশ না পাইয়া চুপ করিয়া দাঁড়াইয়া রহিল।

কতক্ষণ পরে দীপ্তি জামা কাচিয়া রোঙ্গে শুকাইতে দিতে আসিয়া দেখে, ক্ষিতীশ দাঁড়াইয়া আছে। সে কহিল,—
আপনি !...কতক্ষণ এসেছেন ?...

ক্ষিতীশ দীপ্তির পানে চাহিল, কহিল,—এই আসিচি...

—তা ওখানেই দাঁড়িয়ে আছেন যে ! আহ্নন...

দীপ্তির কাপড়-সেমিজ্জ জলে ভিজিয়া ঝগিয়াছিল, আঁচলটা কোমরে জড়ানো। আঁটা শবীরখানি প্রভাতের তরুণ অরুণ-আলোয় যৌবনের পরিপূর্ণ প্রভায় বিকশিত ! ক্ষিতীশ তাহা লক্ষ্য করিল, লক্ষ্য করিয়া সলজ্জভাবে মাথা নামাইল। দীপ্তি ডাকিল,—আহ্নন...

ক্ষিতীশ দীপ্তির আহ্বানে উপরে আসিল। দীপ্তি তাকে বসিতে বলিয়া বেশ পরিবর্তন করিতে গেল। ক্ষিতীশ ঘরখানার চারিদ্বারে চাহিয়া দেখিতে লাগিল। আসবাব-পত্র অল্পই, তবে সেগুলি পরিপাটী করিয়া সাজানো। দেওয়ালেও

মুক্ত পাখী

পাশে ছোট একটি টী-পয়। তার উপবে দোয়াত, কলম-দান, একখানি প্যাড, ছোট একখানি ফটো। ফটোখানি অরণের। ফটোর ফ্রেমের মাথায় সদ্য-তোলা একটি রক্ত গোলাপ! খড়খড়ির গায়ে ঝালর দেওয়া সাদা পদ্ম। চারিদিকেই গৃহ-স্বামিনীক মুকুচি ও পরিপাট্যের ছাপ! দীপ্তির প্রতি শ্রদ্ধায় ক্ষিতীশের মন এক-নিমেয়ে ভবিয়া উঠিল।

একটু পরেই দীপ্তি আসিল, আসিয়া দাড়াইয়া বহিল। ধরে একখানি হাত চেয়াব ছিল।

ক্ষিতীশ তাড়াতাড় দাড়াইয়া উঠিয়া কহিল,—আপনি দাঁড়িয়ে বইলেন.....

দীপ্তি কহিল,—তা হোক, আপনি বসুন...

ক্ষিতীশ কহিল,—সে কি হব! আপনি দাঁড়িয়ে থাকবেন, আর আমি বসবো।

দীপ্তি হাসিয়া কহিল,—তাতে কি! চেয়ার আনাব ঐ একখানিই মোটে আছে! আপনি অতিথি...

ক্ষিতীশ কহিল,—সে হোক...আপনি এই চেয়ারে বসুন, আমি দাঁড়িয়ে থাকছি.....

দীপ্তি কহিল,—কেন ব্যস্ত হচ্ছেন আপনি!...আচ্ছা, আমি মেঝের মাদুর পেতে নয় বসছি...

বলিয়াই একটা মাদুর টানিয়া মেঝের পাতিয়া তারি এক প্রান্তে দীপ্তি বসিয়া পড়িল, বসিয়া কহিল,—এই আমি বসছি... আপনি এখন বসুন তো.....

মুন্ড পাখী

ক্ষিতীশ কহিল,—আপনি মেঝেয়, আর আমি চেয়ারে... তা হয় না।

দীপ্তি হাসিয়া কহিল,—কিছু এসে যায় না তাতে!...এ তো অতি তুচ্ছ একটা ব্যাপার...এটায় অত মনোযোগ নাই বা দিলেন!

ক্ষিতীশ এই মহিলার কথার ভঙ্গিমায় এমন একটা তেজ লক্ষ্য করিল যে তার সঙ্গে তর্ক করিতে যাওয়া স্পর্ধা, ইহা ভাবিয়া সে ক্ষান্ত হইল এবং চেয়ারে বসিয়া দীপ্তির লেখা খাতা-খানি বাহির করিয়া কহিল,—তা হলে কাজের কথা পাড়া যাক।

দীপ্তির বুকটা ছাঁৎ করিয়া উঠিল। এইবার তার পবীক্ষা! সে মুখ তুলিয়া চকিতের জন্তু ক্ষিতীশের পানে চাহিল, কহিল,—বলুন...

ক্ষিতীশ কহিল,—আপনার উপন্যাস কালই আমি পড়ে শেষ করেছি, রাত একটা অবধি জেগে!...চমৎকার বই হয়েছে; উপক্ষিতা নারীর গনের অসহ্য দুঃখ, তার নীরব মর্ষবেদনা, মুক্ক আলো-হাওয়ার জন্তু তার প্রাণের অধীর আকাজক্ষা...এ-সব যেন ছবির মত ফুটিয়ে তুলেচেন!...বাংলায় এমন বই পড়িনি এর আগে...

দীপ্তির সারা অঙ্গ লজ্জায় ছমছম করিয়া উঠিল। কানের কাছে এই প্রশংসার বাণী, মনকে এ পাগল করিয়া তোলে!

ক্ষিতীশ কহিল,—বইখানির নাম-করণ করেননি এখনো, দেখলুম। নামটা কি দেওয়া যায়, বলুন তো?

মুক্ত পাখা

দীপ্তি কহিল,—ভেবে ঠাওবাতে পারিনি!...তবে কাল রাত্রে মনে হচ্ছিল, ও আর বেশী ভেবে কাজ নেই...খুব সাধারণ নামই দেওয়া যাক। ভাবচি, 'উপেক্ষিতা' নাম দিলে কেমন হয়!

ক্ষিতীশ বলিল,—বেশ হয়!...আমাবও ঐ নামটা মাথায় আসছিল।...তাহলে ঐ নামই থাক।

দীপ্তি কোন কথা কহিল না, শুধু ঘাড় নাড়িয়া সন্মতি জানাইল।

ক্ষিতীশ একটা ঢোক গিলিয়া কহিল,—তাহলে...এর জন্ম প্রণামী আপনাকে কি দিতে হবে, আদেশ করুন!

—প্রণামী!...দীপ্তি গম্ভীরভাবেই কহিল,—যা খুসী হয় দেবেন। আমি ও-সব জানি না! বই একটা লিখেচি, এইমাত্র! তবে আপনার কাছে গোপন করবো না, আমার টাকার খুব দরকার আছে। ঐ মেয়েটিকে মানুষ করা...এই সব করেই আমায় চালাতে হবে কি না!

কথাটার মধ্যে এমন গূঢ় বেদনা প্রচ্ছন্ন ছিল যে তাহা ক্ষিতীশের মনটাকে প্রচণ্ড দোলা দিল। সে কহিল,—বেশ, আপাততঃ দু'শো পেনে আপনার কোনো অসুবিধা যদি না হয়, তো তাই নিন...তারপর বই যেমন বিক্রী হবে, তেমনি শতকরা পঁচিশ টাকা হিসাবে কমিশন আপনি পাবেন। ছাপা, বাধাই, বিজ্ঞাপন—এ-সব খরচ আমার! আপনার কোন ঝুঁকি নেই।

মুক্ত পাখী

দীপ্তি কহিল,—তা বলে আমার প্রতি দয়া দেখিয়ে লোকসান করবেন না যেন নিজের...

ক্ষিতীশ কহিল,—না,না, লোকসান হবে কেন! এটা দু-তরফ থেকেই fair। আর বড় বড় লেখকদের সঙ্গেও এই সর্ভই করচি আমি!

দীপ্তি হাসিয়া কহিল,—কিন্তু আমার নগণ্য লেখার দর তাঁদের সঙ্গে এক হতে পারে না তো।

ক্ষিতীশ কহিল,—আপনার এ প্রথম উপন্যাস হলেও এতে যে-শক্তি আপনি দেখিয়েছেন. তা অপূর্ব, একেবারে খুব উচু দরের!

দীপ্তি এ প্রশংসায় লজ্জা পাইল। সে সলজ্জভাবে কহিল,—কি যে বলেন আপনি!

ক্ষিতীশ কিন্তু কাল রাতে দীপ্তির লেখা উপন্যাস পড়িয়া সত্যিই বিস্মিত হইয়া গিয়াছে! নারী-চিত্তের এ-সব গোপন তথ্য, এ যে তার একেবারে অজানা! 'উপেক্ষিতা'র নার্সিকা বিভার মন মুক্ত হাওয়ায় একেবারে জ্বল-জ্বল করিতেছে। এমনি আলোয় ভরপুর যে সে এক-নিমেষে প্রাণটাকে স্পর্শ করে! এ চিত্রটির কোথাও মামুলি ছাপ নাই—যেমন তার দীপ্ত ভঙ্গী, মনের প্রবাহও তেমনি সতেজ নীলায় বহিয়া চলিয়াছে। কেবল বিবেকের কাছেই সে জড়ো-সড়ো—তাছাড়া জগতে কারো কাছে আপন-কাজের কোন কৈফিয়তের তোয়াক্কাও সে রাখে না! তার কাজ-কর্মের মধ্যেও নারী-জীবনের সেই সনাতন ধারা কোথাও

মুক্ত পাখী

নাই, তা বলিয়া কোনো রকম অগ্নাঘের ধারেও সে বেঁধে না, বা তার নারীত্বও কোথাও খর্ব হয় নাই! বাংলার উপন্যাস-সাহিত্যে এ এক সম্পূর্ণ নূতন সৃষ্টি!

ক্ষিতীশ অবাক হইয়া তাই ভাবিতেছিল, এই নিৰ্জন নিরালা বন-প্রান্তবাসিনী নারী এ-চরিত্রেব আভাষ পাইলেন কি করিয়া! একটা দুঃস্বপ্ন হেঁয়ালিব মতই দীপ্তিকে ঘিরিয়া বিপুল রহস্য ক্ষিতীশের প্রাণে কাল হইতে ক্রমাগত মাথা তুলিয়া দাঁড়াইতেছে!

ক্ষিতীশ কহিল,—আপনার বিভা এই মামুলি উপন্যাসের ব্যাঙ্গ্য এমন বিশিষ্ট কিরণ পাত করেছে যে তার রশ্মিচ্ছটাও সাহিত্য-জগৎ উদ্ভাসিত হয়ে উঠবে!...তাই ভাবছিলুম, নারী আপনি, লোকালয়েব বাইরে ত থাকেন...এ চরিত্র সৃষ্টি করলেন কি করে!...মনের খুব অবাধ মুক্ত প্রসারতা না থাকলে এ চরিত্রের কল্পনা করাও যে সম্ভব নয়! ছোট গণ্ডীর মধ্যে যে-সব লেখকের মন আবদ্ধ হয়ে আছে, তারা চর্কিত-চর্কণের জালায় বাংলার উপন্যাস-রাজ্যটাকে গাঢ় অন্ধকারে ভরে তুলেছে...তাদের কল্পনার দৌড় আর কত হবে, বলুন!

উচ্ছ্বসিত আবেগে ক্ষিতীশ প্রশংসার নানা কথাই বকিয়া চলিল। দীপ্তির বকের মধ্যটা সে প্রশংসায় যে কি-রকম তোলপাড় করিতেছিল!

ক্ষিতীশ তো জানে না, বকের কতখানি রক্ত দিয়া দীপ্তি তার কল্পনার ছবিকে এই উপন্যাসে রাঙাইয়া তুলিয়াছে!... এ যে তারই মনেব ছায়ায় বিভার চরিত্র আঁকিয়াছে সে!...

সুস্ত পাখী

বহুক্ষণ বকিরা ক্ষিতীশ নীরব হইল। দীপ্তি শুধু কহিল,—
লিখলুম তো যা হোক,—বার্জারে কি এ বই বিক্রী হবে ?

ক্ষিতীশ কহিল,—বলেন কি ! বিক্রী হবে না ? বাঙালী
পাঠকের বিবেচনা-শক্তি এখনও খুবই প্রথর হয়ে উঠেচে...তারা
সঙ্কীর্ণ বাজে যা-তা লেখা পড়তেও চায় না, আর ! অক্ষম
লেখকদের হাত-মক্কার জালায় সব অস্থির । তারা চায়, প্রাণের
স্পন্দনে স্পন্দিত মানব-মনের জীবন্ত ছবি ! বাছা-গোপালের
পড়া আদর্শ তারা বিষ দেখে ! অবশ্য সমঝদার পাঠকের কথা
বলছি আমি ।

দীপ্তি কহিল,—দেখুন, এখন আপনার হাত-যশ ! আমার
তো তুচ্ছ লেখা...

* ক্ষিতীশ সাগ্রহে কহিল,—কিছু ভাববেন না আপনি !...
মোদ্দা এইখানেই লেখা থামাবেন না । এ বই ছাপা হোক,
আপনি আরো উপগ্রাস লিখুন ! বাঙালীকে কিছু দেবার মত
শক্তি আপনার আছে যখন, তখন দানে কার্পণ্য করবেন না !

এই অপরিচিত তরুণের কথায় দীপ্তির মন তার প্রতি
আকৃষ্ট হইল । এমন উদার দরাজ মন...এর পূর্বে সে আর
একটা মাত্র দেখিয়া ছিল—অরুণের ! আজ অরুণ নাই !...দীপ্তি
একটা দীর্ঘনিশ্বাস ফেলিল । তার মনে হইল, এই সে নিবিড়
আঁধারের মধ্য দিয়া বাকী জীবনটা কাটাইয়া দিবে ভাবিয়া
সে অত আকুল হইয়া উঠিতেছিল, কাহারো সঙ্গে আর
কখনো মনের সুর মিলাইতেও পারিবে না বলিয়া...এক

মুক্ত পাখা

নিঃসঙ্গ গৃহকোণের কীট হইয়া নিজের বেদন লইয়াই তাকে তৃপ্ত থাকিতে হইবে...তা নয়! একজন বন্ধু এই শূন্য জীবনে আবার আসিয়া দেখা দিয়াছে! শুধুই কাজের কথা কহিতে-কহিতে প্রাণ আর হাঁপাইয়া মরিবে না, তাহা হইলে!...স্বস্তির আরামে দীপ্তির চিত্ত ভরিয়া উঠিল।

ক্ষিতীশ কহিল,—কেমন, তাহলে কথা দিন আমাকে, আরো লিখবেন ..?

দীপ্তি কহিল,—দেখা যাবে। আমার তো উপন্যাস লেখার শক্তি নেই! এমন চুপচাপ বসে থাকি, ভাবলুম, কিছু লেখবার চেষ্টা করে দেখি!...তাই ছাই-পাশ যা মনে এল, লিখতে শুরু করলুম!

হাসিয়া ক্ষিতীশ কহিল,—ছাই-পাশই বটে!...কথায় বলে না, যেখানে দেখিবে ছাই, উড়াইয়া দেখ তাই, মিলিলে মিলিতে পারে বিবিধ রতন!—এমন ছাই-পাশ আরো পাঁচজন যদি দিতে পারতো, তাহলে বাংলা সাহিত্যের দুর্দশা কতক ঘুচতো!...

এই ব্যাপার হইতে ক্ষিতীশের সঙ্গে দীপ্তির অন্তরঙ্গতাও বাড়িয়া উঠিল। দীপ্তি যেদিন প্রভাকে গান শিখাইতে যায়, সেদিনটা ক্ষিতীশও এমন অধীর আগ্রহে তার পথ চাহিয়া বসিয়া থাকে! দীপ্তি গান গায়, প্রভাও সেই সঙ্গে তার সুরে সুর মিশাইয়া যে স্বপ্ন-জালের সৃষ্টি করে, সে জালে ক্ষিতীশও কেমন মুগ্ধ আবেশে আপনাকে আবদ্ধ করিয়া ফেলে! প্রভা অবাক হইয়া গেল, গানের দিকে দাদার হঠাৎ এমন কোঁক

মুক্ত পাখী

জাগিয়াছে দেখিয়া। আগে এই গান • করাটাকে ক্ষিতীশ
অনসতার প্রশ্ন দেওয়া বলিয়াই উড়াইয়া দিত ! আর এখন...!

একদিন হানিয়া প্রভা কহিল,—গানটা তাহলে কুড়েমির
চর্চাই নয়...না দাদা ?

ক্ষিতীশ এ কথায় অপ্রতিভ হইয়া কহিল,—তার মানে ?

প্রভা কহিল,—আগে মার কাছে কত না লাগাতে, গান
গাওয়া কি ! প্যা-প্যা করে বাজনা আর তার সঙ্গে তা-না-না করে
গাওয়া...এতে সময় নষ্ট না করে লেখাপড়া করুক না !—
আর এখন যে নিজে তন্ময় হয়ে গান শুনতে বসে যাও...

দীপ্তি দৃষ্টিতে হাসি ভরিয়া ক্ষিতীশের পানে চাহিল ।
ক্ষিতীশ তা লক্ষ্য করিল, লক্ষ্য করিয়া কহিল,—তা বলে কি
সে তোমার ঐ প্যা-প্যা !...এঁর গান শুনে মনে হচ্ছে বটে যে, ই্যা,
গান জিনিষটা বসে শোনবার মত !...

প্রভা অভিমানের স্বরে বলিল,—তা, আমি বুঝি দু'দিনেই
অমন শিখে ফেলবো !...গাইতে গাইতেই তো গলা হবে—নম
দিদি ? প্রভা দীপ্তির দিকে চাহিয়া প্রশ্ন করিল । দীপ্তিকে
সে দিদি বলিয়া ডাকে ।

দীপ্তি কহিল,—তা বৈ কি !...প্রভার গলা ভালো, দানা
আছে...গাইতে গাইতে ওর গলাও চমৎকার খুলবে !...

প্রভা সহর্ষে কহিল,—শুনলে তো !...

ক্ষিতীশ কহিল,—শুনলুম । তাইতো...তোমার গলার
evolution লক্ষ্য করি বসে-বসে...যাক, এখন তর্ক ছেড়ে ঐ

মুক্ত পাখী

গানটা শিখে ফেল্!...বেশ গান,—রবি বাবু*না হলে গান লিখবে কি ঐ ওপাড়ার মধুর, কুণ্ডু, নাঁ, শিবু সা...? কেমন ভাব, দ্যাখ্ দিকি...আর কি সুরের বর্ণাই বয়ে চলেছে!—বিদায় যখন চাইবে তুমি দক্ষিণ সমীরে!...আহা—বিদায়ের বেদনা কি অপরূপ করুণ হয়ে ফুটে উঠচে...অশ্রুর মালা গলায় ধরে বিদায়-বেলাটুকু যেন টলটল করছে!...

দীপ্তি কহিল,—রবি বাবুর গান গাইতে সুখ, শুনে সুখ — বাংলা দেশে এ-সব গান দেখে, অণু লোক গান লেখে কি নাহসে, তাই আমি ভাবি মাঝে-মাঝে...

ক্ষিতীশ প্রবল উচ্ছ্বাসে মাথা নাড়িয়া কহিল,—ঠিক কথা!
Fools rush in, where angels fear to tread.

— ১৩ —

দীপ্তির উপন্যাস 'উপেক্ষিতা' যথাসময়ে ছাপিয়া বাহির হইল—এবং তরুণ প্রকাশক ক্ষিতীশ প্রবল উৎসাহে তাকে বিজ্ঞাপনের তাগ্ন্যমে চড়াইয়া মহা সৌরগোল বাধাইয়া লোকের দৃষ্টি-আকর্ষণে কার্পণ্য করিল না! বহু নিষ্কর্মা অলস ব্যক্তি—যারা দুনিয়ার কোন কাজে সাফল্য লাভ করিতে না পারিয়া হিংসার আগুনে পুড়িয়া দুনিয়াকেও পুড়াইবাব জন্য মাথা কুটিয়া মরিতেছিল,—এবং বসিয়া-বসিয়া নভেল নাটক ও কবিতায় হাত মস্কো করিতে গিয়া কলম আঁচড়াইয়া কিছুতেই লেখা বাহির

মুক্ত পাখী

করিতে পারিল না, তারা শেষে সমালোচকের গদি পাতিয়া সমালোচনার কাজে লাগিয়া গেল। তাদের লেখায় আর কিছু না থাক, সনাতন সমাজকে রক্ষা করিবার জন্য প্রচণ্ড চেষ্টা এবং যাদের রচনায় একটু প্রাণের স্পন্দন দেখা যায়, গুণ্ডার মত তাদের সেই প্রাণটুকুকে চাপিয়া মারিবার জন্য অমানুষিক বিক্রম আর গালি-কুৎসার বিষ এমন আত্ম-প্রকাশ করিতে যে তারা অচিরে বাণীর কমল-বনের ধারে লোলুপ ব্যাঘ্র ও বন্য বরাহের মত দুর্দান্ত হইয়া উঠিল। তারা সর্বদাই গুণ্ডা পাতিয়া বসিয়া থাকিত, কখন কখন লেখা বাহির হয়! বাহির হইলেই চিড়িয়া-খানার খাঁচায়-পোরা বাঘ মাংস-খণ্ড পাইলে যেমন লাফ দিয়া তার উপর পড়িয়া সেটাকে খণ্ড-বিখণ্ড করিয়া নিজের রুদ্ধ আক্রোশ মেটায়, তেমনি ভাবেই এরা সে-লেখাকে দাঁতে কাটিয়া নখে ছিঁড়িয়া তচনচ্ করিয়া দেয়।

দীপ্তির উপন্যাস বাহির হইলে তেমনি নির্মম বিক্রমে তার প্রতি পৃষ্ঠা কলমের খোঁচায় অর্জরিত করিয়া সকলকে তারা মহা-কলরবে জানাইয়া দিল যে, এ বই বাংলা সাহিত্যের কলঙ্ক, বাঙালীর সমাজকে ধূমকেতুর মতই ধ্বংস করিবার জন্ত উদয় হইয়াছে! শুধু এইটুকু বলিয়াই তারা ক্ষান্ত রহিল না—লেখার ফাঁক দিয়া লেখিকার সম্বন্ধে এমন গ্লানিকর কুৎসার সৃষ্টি করিয়া তুলিল যে তা পড়িয়া নির্ভীক নিরীহ শাস্ত পাঠকের মনও রাগে ঘৃণায় ক্ষিপ্ত হইয়া উঠিল। নিজেদের মনের যা-কিছু কালি ঘাঁটিয়া তারি গাঢ় প্রলেপে সারা উপন্যাসখানিকেই

মুক্ত পাখী

সে কালি লেপিয়া কালো করিয়া ছাড়িল না, তারা দীপ্তির নাম, দীপ্তির চরিত্র এ-সবের উপর সেই কালি ছিটাইয়া তাকেও নিবিড় কালো করিয়া তুলিল।

তাদের অধ্যবসায় এই কুৎসা লিখিয়াই ক্ষান্ত রহিল না। অসাধারণ উচ্চমে দীপ্তির ঠিকানার সন্ধান করিয়া সেই কুৎসা-ভরা আলোচনা দীপ্তির ঠিকানায় পাঠাইয়া তবে তাদের সাহিত্য-প্রীতি ও সমাজ-অনুরাগ শাস্ত হইল। দীপ্তি সে আলোচনা পড়িল। পড়িয়া অসহ্য বেদনায় তার নিশ্বাস বন্ধ হইবার মত হইল। দুই চোখে কোথা হইতে জলও ঠেলিয়া আসিল! দীপ্তি একটা নিশ্বাস ফেলিয়া কাঠ হইয়া বসিয়া বহিল।

ক্ষিতীশ আসিয়া কহিল,—এ রকম বসে আছেন যে ?

দীপ্তি সেই লেখাগুলো তার দিকে আগাইয়া দিয়া কহিল,—
পড়েছেন ?

ক্ষিতীশ হাসিয়া কহিল,—কি, ঐ সব রোতো গালাগাল ?

দীপ্তি কহিল,—সমালোচনা !

ক্ষিতীশ ঝাঁজালো স্বরে কহিল,—একে সমালোচনা বলে সমালোচনার অপমান করবেন না। ভাড়াটে গুণ্ডার দল, এদের বলেন, সমালোচক ! Failure has made monsters of these vile creatures !. সব নর্দামার পোকা—দুর্গন্ধ পাকের মধ্যে নাক-মুখ গুঁজে পড়ে আছে সারাক্ষণ—ফুলের গন্ধ, আলোর লহর এরা সহ্য করতে পারে কখনো ?...এদের ছুঁচো বললেও এদের খর্ব করা হয়—সব রামছুঁচো...

মুক্ত পাখী

দীপ্তি ক্ষিতীশকে এর পূর্বে এমন উত্তেজিত কখনো দেখে
নাই ! সে অবাক হইয়া গেল । তার রাগ দেখিয়া ধীর স্বরে সে
কহিল,—একজন নয় তো, তিনজনে তিনটে লেখা পাঠিয়েচে—
আমার ঠিকানাও তো জেনেচে !...আশ্চর্য্য !

ক্ষিতীশ কহিল,—এই তো কাজ ওদের !...দিন্ দিকি এই
কাগজগুলো—পা দিয়ে চেপে পিষে তারপর আগুন জালি—
জেলে পুড়িয়ে ছাই করে দি !...

বলিয়া সে মুহূর্ত্ত খামিল, তারপর বলিল,—না, না, নিচ্ছে এ
কাজ করবো না । একটা ম্যাথর নেই ? তাকে পা দিয়ে মাড়াতে
বলি, তারপর সে-ই এগুলো আগুনে পোড়াক ! তাহলেই
এর যোগ্য মর্যাদা একে দেওয়া হবে !...বলিয়া সে কাগজগুলো
মেঝেয় ফেলিয়া জুতায় মাড়াইয়া জুতার ঠোঁকরে ঘরের বাহির
করিয়া দিল ।

তারপর ক্ষিতীশ কহিল,—এর জন্মে মাথা ঘামাবেন না
মোটে !...ঊঁরা প্রাণবন্ত সাহিত্য ভালোবাসেন,—অবশ্য এমন
লোকের সংখ্যা খুব কম,—ঊঁরা এ বইয়ের খুব আদর করচেন !
এই দেখুন ঊঁদের সমালোচনা—সমালোচনা যাকে বলে...আর
ওগুলো ? চার আনা পয়সা দিন, কি ছ'খানা বাসি কার্টলেট
ঐ পথের ধারের হোটেলের—এরা সুর ফিরিয়ে কি পুষ্পাঞ্জলিই যে
তখন বর্ষণ করবে, দেখবেন আবার ! এরা লিখিয়ে ? ভাড়াটে
গুণ্ডা সব ..এখন আসল সমালোচনা দেখুন...

ক্ষিতীশ একখানা মাসিক-পত্র খুলিয়া দীপ্তির সামনে

মুক্ত পাখী

ধরিল। দীপ্তি দেখিল, তার 'উপেক্ষিতা'র একটা ক্ষুদ্র সমালোচনা বাহির হইয়াছে। দীপ্তি আগ্রহে পড়িতে লাগিল। সমালোচক নানা কথা'র পর লিখিয়াছেন, বইখানিতে প্রতিভার ছাপ আছে। তাঁর সৃষ্ট চরিত্রগুলির মতের সঙ্গে আমাদের মত না মিলিতে পারে, তবু বলিব, গল্পটিতে এমন কৌতূহল উদ্ভিক্ত হইয়াছে যে এ বহি রুদ্ধ নিশ্বাসে পড়িয়া শেষ করিতেই হইবে! মানব-জীবনের এমন ট্রাজেডি বাংলায় আর নাই। মনস্তত্ত্বের এমন বিচিত্র বিশ্লেষণ—যে, দেখিয়া অবাক হইতে হয়! অবসাদের তীব্র বেদনার নৈরাশ্রের "হাহাকাারে বহিখানির প্রতি পৃষ্ঠা ভরা—তবু এর আগাগোড়া প্রাণের যে স্পন্দন জাগিয়াছে, তা অভিনব। সমাজের নানা কলুষিত প্রথার বিরুদ্ধে এমন সতেজ সঙ্কেত—লেখিকার এই বিপুল নির্ভীকতা, তাঁর যুক্তির অমোঘ আবেগ অস্বীকার করা যায় না। তবে এ বহি আবার পঞ্চাশ বৎসর পরে লিখিত হইলে বোধ হয় এর যোগ্য আদর হইত। সর্বপ্রকার সংস্কার হইতে পাঠকের মন মুক্ত না হইলে এ উপন্যাসের মর্ম-কথা তা'বা উপলব্ধি করিতে পারিবে না, ইত্যাদি-ইত্যাদি...

পড়া শেষ করিয়া দীপ্তি ক্ষিতীশের পানে চাহিল। ক্ষিতীশ কহিল,—পড়লেন...! তার পর খামিয়া আবার সে কহিল,—সমালোচনা ত্রিনিষটা আমাদের দেশে নেইও। কালচার তেমন না থাকলে, প্রাণটা খুব দরাজ বড় না হলে সমালোচনা করা যার-তার কাজ নয়। ঐখানে বানান ভুল হয়েছে, ওখানে ঐ-ভাষার

মুক্ত পাখী

দোষ—এ তো সমালোচনা নয়—এর নাম পাঠশালার গুরু-
মশায়গিরি ! আমাদের এ দেশটা হলো অতি-বিজ্ঞের দেশ—সবাই
এখানে সব দিকে অসাধারণ ওস্তাদ, আর জ্ঞানী ! যে দালানী
করছে, কি স্কুলে অঙ্ক কষায় বা তর্জমার কাগজ দেখে, সেও যখন
সাহিত্যের আসরে আচম্কা এসে দেখা দেয়, তখন কাব্য,
পুরাণ, নাটক থেকে সমস্ত ব্যাপারের আলোচনায় এমন বিপুল
স্পর্শ প্রকাশ করে, যে তা দেখে স্তম্ভিত হয়ে যাই ! এদের দৃষ্টির
সীমা খুব সঙ্কীর্ণ—নিজেদের প্রত্যক্ষ-করা সেই ছোট গণ্ডীর
বাহিরে সবই অন্ধকার ! কল্পনার দৌড় এদের সেই গণ্ডীর কানাচ
অবধি ! সমালোচকের কল্পনা-শক্তি কত বেশী থাকা দরকার !...
আমাদের এই অতি-উর্ধ্বর দেশে যেমন সবাই সমাজপতি, তেমনি
সবাই সমালোচক, সবাই এডিটর—পাঠক নেই ! নাহলে
রবিবাবু—যাঁর নামে দেশ গৌরবে-গর্বে ফুলে উঠবে, তাঁর
লেখা নিয়েও রামছাঁচোর দল টিটকিরী দেয়, ব্যঙ্গ করে !...
আপনি কি ছার... !

দীপ্তি যুহু হাসিয়া কহিল,—আপনি তর্ক থামান্ দিকি । ও
গালাগাল পড়ে আমি একটুও বিচলিত হই নি ! লেখকের
নিজের মন বলে একটা জিনিষ তো আছে ! সে মনের
কাছে ফাঁকি চলে না ! সেই মন 'লেখককে বলে দেয় সে
যা দিচ্ছে, তার মধ্যে কতখানি প্রাণ, কতখানি সারবস্তু তাতে
আছে !...সমালোচকের কথায় সে মন টলবার নয় !

শ্ৰীশ কহিল,—ঠিক বলেছেন !...আপনি আবার উপস্থাপন

মুক্ত পাখা

লিখুন—আমি ছাপবোঁ। আমি তো বরাবর বলেছি, ছনিয়াকে কিছু দেবার শক্তি আপনার আছে, দেবার জিনিষও দিতে পারেন যখন, তখন তা না দেবেন কেন !...

দীপ্তি কহিল,—দেখা যাক !...

দীপ্তির লেখা চলিল—কিন্তু অতি-ধীরে। বছরে একখানি উপন্যাস লেখা হয়! ক্ষিতীশ উৎসাহে তা ছাপে—এবং এই লেখার উৎসাহে-আলোচনায় কোথা দিয়া যে পাঁচটা বছর কাটিয়া গেল...সে যেন স্বপ্নের কথা! সাস্ত্যনা বড় হইতেছে—তার মুখে-চোখে লাবণ্যের হিল্লোল! পরী-শিশুর মত নাচিয়া সে খেলা করে, গানের সুরে কত কথা বলে, কত গল্প করে...দীপ্তির প্রাণ তাতে আরামের উচ্ছ্বাসে ভরিয়া ওঠে!

এই দীর্ঘ পাঁচ বৎসর সমস্ত জগৎ হইতে দূরে থাকিয়া দীপ্তির দিন কাটিয়া চলিয়াছিল। শুধু ক্ষিতীশ এখানে প্রায় আসে—তার খোলা প্রাণের সরল কথা-হাসি দীপ্তির নিঃসঙ্গ পুরীটিকে কি কলোচ্ছ্বাসেই ভরিয়া তোলে!

একদিন দৈবাৎ কি-একটা সভায় দীপ্তির দেখা হইয়া গেল তার পিতার সঙ্গে। পশুপতি চক্রবর্তী ছিলেন সে সভার সভাপতি। সমাজ ও মানুষের মনের উপর তিনি বক্তৃতা করেন। সভাভঙ্গ হইলে সকলে বাহির হইয়া গেল—দীপ্তি শুধু দাঁড়াইয়া রহিল। পশুপতি চক্রবর্তী সভাস্থল হইতে বাহির হইবার সময় হঠাৎ দীপ্তিকে দেখিয়া চমকিয়া উঠিলেন। দীপ্তি ডাকিল,—বাবা...

মুক্ত পাখী

পশুপতি চক্রবর্তী কহিল,—কে...দীপ্তি!

দীপ্তি কহিল,—হ্যাঁ! বলিয়া, পিতাকে সে প্রণাম করিল।

পশুপতি চক্রবর্তী কহিলেন,—যা করেছ, তার জন্ত অনুতাপ জেগেছে তোমার মনে?

দীপ্তি বেশ শান্ত স্বরে কহিল,—অনুতাপ! না বাবা! আমি তো কোন অশাস্ত কাজ করিনি—যার জন্ত অনুতাপ হবো! ...আপনার সঙ্গে দেখা হলো যখন, তখন আপনার আশীর্বাদ নেব বলে দাঁড়িয়ে আছি। আমরা আশীর্বাদ করুন, জীবনেও সঙ্গে যে যুদ্ধ চলেছে আমার, তাতে যেন কাতর না হই... সে-যুদ্ধে যেন আমি জয়ী হই...

পশুপতি চক্রবর্তী দীপ্তির পানে চাহিলেন—তার দুই চোখে জল ঠেলিয়া আসিল। তিনি ডাকিলেন,—দীপ্তি...

দীপ্তি ডাকিল—বাবা...তার পর দুজনেই নির্ঝাক!

পশুপতি চক্রবর্তী কহিলেন,—তোমার কথা এক দিনও ভুলিনি আমি, দীপ্তি! কুঁটার মত তুমি আমার বুকে ফুটে আছো সারাক্ষণ!...আমার বুক তোমায় ফিরে নেবার জন্য কি যে উদ্গ্রীব...কিন্তু যতদিন না অনুতাপ প্রাণে তুমি আমার কাছে এসে দাঁড়াচ্ছ, ততদিন তোমায় আমি ফিরিয়ে নিতে পারছি না মা। ঘরে আমার অন্য ছেলে-মেয়েরা আছে, তাদের ভবিষ্যৎ আছে, সমাজ আছে,—তাদের সঙ্গে এ-মন নিয়ে তুমি তো একঘরে থাকতে পারো না!...পশুপতি চক্রবর্তী

মুক্ত পাখী

স্বপ্নের জন্ম শুরু হইলেন, পরে কহিলেন,—শুনেচি, তোমার একটি মেয়ে হয়েছে...!

দীপ্তি কহিল,—হ্যাঁ, সাসুনা!...সেও এসেছে আমার সঙ্গে...দাসীর কাছে গাড়ীতে আছে...

নিমেষের আগ্রহে পশুপতি চক্রবর্তী কহিলেন,—এসেছে!...বলিয়াই তিনি পথের দিকে অগ্রসর হইলেন। দু'খানি গাড়ী সামনে দাঁড়াইয়াছিল, একখানি পশুপতি চক্রবর্তীর জন্য—আর-একখানি...তাতে ঐ যে ছোট একটি শিশু...শিশু অধার চোখে তার মার গানেই চাহিয়া ছিল। সে ডাকিল,—মা...

পশুপতি চক্রবর্তী ছুটিয়া গাড়ীর সামনে গেলেন; তার পর সহসা খামিয়া পড়িলেন। খামিয়া দীপ্তির পানে চাহিয়া কহিলেন,—তুমি আজ আমার এ হাত দুটোকে কি বাধনে যে বেঁধে দিবেছ! ঐ নিস্পাপ সবল শিশু, তাকে বুক নিতে গিয়েও নিতে পারনুম না!...এখনো ফেরো দীপ্তি...এখনো উপায় আছে। বাপের বুকের চেয়ে একটা তুচ্ছ খেয়ালই এত বড় হলো তোমার...!

দীপ্তি জন-ভরা চোখে পিতার পানে চাহিয়া কহিল—খেয়াল নয়, বাবা...

—বেশ, তবে তোমার ঐ মত নিয়েই তুমি স্থখে থাকো... বলিয়া তিনি গাড়ীতে বসিয়া গাড়ী হাঁকাইয়া দিতে বলিলেন। গাড়ী চলিয়া গেলে দীপ্তি তার গাড়ীতে উঠিল। সাসুনা কহিল,—কে মা, ঐ বুড়ো মানুষটি?...কথা কইছিলে তুমি...?

মুক্ত পাখা

—তোমার দাছ...দীপ্তি আর কোন কথা বলিতে পারিল না। একরাশ স্মৃতি আসিয়া তার কণ্ঠ চাপিয়া ধরিল, বৃকের মধ্যে নিমেষে তারা প্রচণ্ড কলরব জাগাইয়া তুলিল।

সাস্বনা মার গলা জড়াইয়া ধরিয়া কহিল,—দাছ! দাছর কাছে যাবো মা...

—না সাস্বনা, দাছ নেবে না...বলিয়া সাস্বনাকে বৃকে জড়াইয়া ধরিয়া দীপ্তি চক্ষু মুদিল। গাড়োয়ান গাড়ী হাঁকাইয়া দিল।

— ১৪ —

এক সপ্তাহ পরে আর-একটা ঘটনা ঘটিল। সেদিন সন্ধ্যাবেলায় ক্ষিতীশের গাড়ীতে তার এক ধনী বন্ধু আসিয়া হাজির হইল। বন্ধুটি গাড়ীতেই বসিয়া রহিল। ক্ষিতীশ আসিয়া দীপ্তির ঘরে প্রবেশ করিল। দীপ্তি তখন একখানা নূতন উপন্যাস লিখিতেছিল; ক্ষিতীশকে দেখিয়া কাগজ-পত্র রাখিয়া বলিল,—বসুন...

ক্ষিতীশ বসিল, বসিয়া কহিল,—নতুন বই এগুচ্ছে বেশ?

দীপ্তি কহিল,—বেশ আর কৈ! আজ একটু সেলাইয়ের কাজ নিয়ে পড়েছিলুম—এই তো বই নিয়ে বসছি!...

ক্ষিতীশ কহিল—শীগগির সেরে নিনু।...আপনার ভক্তদল আমায় ভারী অস্থির করে তুলেছে, আপনার নতুন বইয়ের জন্য!

মুক্ত পাখী

দীপ্তি কহিল,—আমার ভক্ত ?

ক্ষিতীশ কহিল,—হ্যাঁ, ভক্তই !...একজন আমার সঙ্গে এসেছেন আজ আমার গাড়ীতে !...

দীপ্তি সলজ্জ কুণ্ঠিত ভাবে চারিধারে চাহিল। ক্ষিতীশ কহিল,—গাড়ীতেই তিনি বসে আছেন। আপনার অনুমতি না পেলে তো তাঁকে এখানে আনতে পারি না !...

দীপ্তি কথাটা ভালো বুঝিতে না পারিয়া ক্ষিতীশের পানে চাহিয়া রহিল।

ক্ষিতীশ কহিল,—আপনাকে তিনি একবার দেখতে চান। আপনার এমন ভক্ত পাঠক আর দুটি নেই ! তাঁর ভক্তি-নমস্কার তিনি জানাতে এসেছেন !...

দীপ্তি কোন কথা কহিল না। ক্ষিতীশ একটু অপ্রতিভ হইল। দীপ্তি কি পছন্দ করিল না...? ক্ষিতীশ কি তার অধিকারের বাহিরে গিয়াছে, এ কথা তুলিয়া...? সে দীপ্তির পানে চাহিল।

দীপ্তি কহিল,—তিনি দেখা করতে চান ! বেশ—তা কবে...?

ক্ষিতীশ প্রসন্ন হইল। সে কহিল,—যবে বলেন !...তবে আজ তিনি এসেছেন এখানে...

—এসেছেন ! দীপ্তি শশব্যস্তে উঠিয়া দাঁড়াইল...দাঁড়াইয়া চারিদিকে চাহিল।

ক্ষিতীশ কহিল,—তিনি বাড়ীতে আসেন নি, বাইরে গাড়ীতে বসে আছেন।

মুক্ত পাখী

—গাড়ীতে ! • দীপ্তি কহিল,— তাঁকে নিয়ে আসুন ।

ক্ষিতীশ গর্জিত বক্ষে গাড়ীর দিকে ছুটিল, এবং অনতিবিলম্বে বন্ধুকে লইয়া ফিরিয়া আসিল ; আসিয়া কহিল—ইনিই উপেক্ষিতা-রচয়িত্রী । তার পর বন্ধুর পানে চাহিয়া কহিল,—আর ইনি আমার সাহিত্য-রসিক বন্ধু বিমলচন্দ্র দত্ত । কলকাতায় এঁর অসংখ্য বাড়ী, কারবার...কিন্তু তাতেই আচ্ছন্ন হয়ে থাকেন না, সাহিত্যের রীতিমত পাঠক আর সমঝদার ইনি ।...আপনার লেখার ভারী ভক্ত । আপনার উপেক্ষিতা বই পড়ে উচ্ছ্বসিত আনন্দে বলেছিলেন, আজ এই বাংলা ভাষায় প্রথম উপন্যাস বার হলো ! স্বাধীন চিন্তা, স্বাধীন ভঙ্গী, মৌলিকতা আর স্বাস্থ্যে ভরপুর, নবযুগের এই প্রথম উপন্যাস !

প্রশংসায় উচ্ছ্বাসে দীপ্তি সলজ্জ কুণ্ঠায় মাথা নত করিল ।

বিমল কহিল,—একটি কথাও আমি অত্যাক্তি করিনি...

ক্ষিতীশ কহিল,—সমস্ত বিদেশী কাব্য-উপন্যাস বিমল পড়ে ফেলেছে ! শুধু পড়া নয়, সেগুলির সৌন্দর্য্য একেবারে ও আয়ত্ত্ব করে রেখেছে ! আপনার উপেক্ষিতার একটা সমালোচনাও লিখে ফেলেছে...তবে কোনো মাসিক-পত্রে তা ছাপায়-নি ! ওর ইচ্ছা, নতুন একখানা কাগজ ও বার করে—আর আপনাকে সেই কাগজের প্রধান লেখিকা করে কায়েমিভাবে আপনাকে আটকে ফেলে...

দীপ্তি মুখ তুলিয়া বিমলের পানে চাহিল । বিমল কি অস্বাভাবিক আবেগ-ভরা দৃষ্টিতে দীপ্তির পানে চাহিয়া ছিল ! দীপ্তি

মুক্ত পাখী

মুখ তুলিতেই হৃৎকনে চোখাচোখি হইল। বিমল চোখ নাগাইল।

বিমল কহিল,—ক্ষিতীশ আমার বন্ধু। বন্ধুত্বের খাতিরে আমার সম্বন্ধে ও অনেক অতিরঞ্জিত কথা বলেছে! সেজন্য ওকে ক্ষমা করবেন। আমি শুধু সাহিত্যের ভক্ত—কাজেই আপনার লেখারো খুব ভক্ত পাঠক—আমার এইটুকু পরিচয়মাত্র আপনি জেনে রাখুন।

দীপ্তি কহিল,—আপনি দাঁড়িয়ে রইলেন যে! বসুন... বালিয়া চেয়ারটা টানিয়া দিতে গেল।

বিমল ক্ষিপ্ত হাতে চেয়ারখানা দীপ্তির হাত হইতে ছিনাইয়া টানিয়া লইল; লইয়া কহিল,—আমি বসবো, আর আপনি দাঁড়িয়ে থাকবেন! তা হয় না...! আপনি বসুন, আমি এই মেঝেয় সতরঞ্চিতে বসি!...বালিয়া সে মেঝেয় পাতা সতরঞ্চির একধারে বসিয়া পড়িল।

দীপ্তি কহিল,—সে কি...না, না, ওখানে বসবেন না। আপনি চেয়ারে বসুন, আমি নীচেয় বসছি...

বিমল কহিল,—সে হতেই পারে না!...আপনার দুর্ভাগ্য যে, এই বাংলা দেশে এ প্রতিভা নিয়ে জন্মেছেন! বিলেত হলে আজ আপনাকে সকলে রত্ন-সিংহাসনে বসিয়ে দিতো!

লজ্জার রক্তিম উচ্ছ্বাসে দীপ্তির মুখ রাঙা হইয়া উঠিল।

ক্ষিতীশ কহিল,—বিমল অনেকদিন থেকেই আপনার এখানে আসতে চাইছিল, কিন্তু আমার সাহস হয়নি, আপনার

সুস্ত পাখী

এ নির্জন ধ্যান ভঙ্গ করতে ! আমি যে অধিকারটুকু পেয়েছি—
কি জানি, তার গণ্ডী বাড়াতে গেলে যদি আপনি বিরক্ত হন ।

—বিরক্ত ! হাসিয়া দীপ্তি কহিল,—এ তো আনন্দের কথা !
যে-পাঠক লেখার পক্ষপাতী, সে পাঠক যে লেখকের বরণ্য
অতিথি, অন্তরঙ্গ বন্ধু ! তাঁর আসায় কোনো লেখক বিরক্ত
হতে পারে কখনো !...

বিমল কহিল,—দেখুন তো ক্ষিতীশের অতি-সতর্কতা...
তার ভয় হচ্ছিল, যদি আপনাকে আমার কাগজে টেনে নিতে
পারি, তাহলে ওর বইয়ের ব্যবসা হয়তো মাটি হয়ে যেতে পারে !

দীপ্তি এ কথার অর্থ ভালো বুঝিতে না পারিয়া বিমলের পানে
চাহিল ।

বিমল কহিল,—নতুন আনুকোরা বইয়ের কাটুতি বেশী কি
না, মাসিকে প্রকাশিত বইয়ের চেয়ে ! একবার মাসিকে কোনো
উপস্থাস পড়ে আবার সে বই ছেপে বেরুলে তা কিনে পড়বে,
বাংলা দেশে এমন পাঠকের সংখ্যা খুব কম কি না...

এই নূতন অতিথির সরল-স্বচ্ছন্দ কথা-বার্তার ভঙ্গী নিমেষে
দীপ্তির হৃদয় স্পর্শ করিল । বাঁজে লৌকিকতার বা অর্থহীন
শিষ্টাচারের কোন ধার এ ধারে না ! মনে যখন যে কথা আসিয়া
দাঁড়ায়, অকুতোভয়ে এবং কেমন অবলীলায় তখন সে তা
প্রকাশ করিয়া ফেলে ! চমৎকার ! দীপ্তি নিমেষে বিমলকে
আপনার হৃদয়-কক্ষে আসন ছাড়িয়া দিল ।

এর পর হইতে ক্ষিতীশের সহিত বিমলও দীপ্তির গৃহে নিত্য-

মুক্ত পাখী

অতিথি হইয়া উঠিল। কল্পজনে মিলিয়া সাহিত্যের কমল-বনে
অবলীলায় বিচরণ করিয়া বেড়ায়, বিচিত্র মানস-কুসুম ভুলিয়া
কত রকমেরই যে সব মালা গাঁথে, আর নিজেরা সে-মালার
বৈচিত্র্য উপভোগ করিয়া মুগ্ধ হয়!...এমনি করিয়া এই তিনটি
প্রাণীর মধ্যে মিলনের ডোর ক্রমেই বেশ ঘন ও নিবিড় হইয়া
উঠিতে লাগিল।

সাস্তনার সঙ্গেও তাদের আলাপ জমিল খুব। ক্ষিতীশের
কাছ হইতে বিস্কুট, লজ্জেলস আর চকোলেট এ তো নিত্য
উপহার মিলিত। দম-দেওয়া মোটর গাড়ী, বেবি-পুতুল, সেলু-
লয়েডের খোকা-পুতুল, এ-সব বিমল তাকে আনিয়া দিল। দীপ্তি
আপত্তি তুলিল,—কেন এ সব খরচ করছেন! ছুই বন্ধুতে জবাব
দিল,—সে ওর সঙ্গে বোঝাপড়া! আপনি এদিকে চেয়েও
দেখবেন না!

এই সঙ্গে বিমলের মাসিক-পত্রের আলোচনাও চলিত
সবেগে। দীপ্তির উপর বিমলের অগাধ নির্ভর!

দীপ্তি বলিল—কিন্তু আমি তো কুড়ের হৃদ! এক বছরে
কোনমতে একখানি উপন্যাস লিখে শেষ করি।

বিমল বলিল,—প্রবন্ধও দু-একটা ফী মাসে আপনাকে
জোগান দিতে হবে। আমাদের দেশের এখনকার নারী-
সমাজের আলোচনা—তার সর্বাঙ্গীন আলোচনা।

দীপ্তি কহিল,—ভারী তো আমার বিচ্ছে! আমি লিখবো
প্রবন্ধ!

মুক্ত পাখী

বিমল বলিল,—এতে তো এম-এ পাশ করার দরকার নেই ! এ সম্বন্ধে আপনার যা মত, যা আপনি দেখেছেন, দেখে যেটা দোষ বলে বুঝেছেন, তা কি করে সাফ হয়...সে সম্বন্ধে আপনার যা প্ল্যান—এই সব আর কি লিখবেন । এ লিখতে সোপেনহাউয়ারের লেখা ঘাঁটতে হবে না, মিল-স্পেন্সারের নাম করবারও দরকার নেই ! সাফ মনের কথা ! পাণ্ডিত্য আহির করার দুশ্চেষ্টা তো চাইছি না ! আজকাল বহু লেখিকার এই বিছাবস্তার জালায় অতিষ্ঠ হয়ে উঠেচি ! খালি কোটেশন আর জ্যাঠামি !

দীপ্তি কহিল,—ও সব লেখার চেষ্টা তো কখনো করিনি ! তবে হ্যাঁ, এ সম্বন্ধে অনেক কথা ভাবি বটে !

বিমল কহিল,—আমি ভাই চাইছি, সেই ভাবনাটুকুই লেখার অক্ষরে গেঁথে দেবেন !

দীপ্তি কহিল,—তা যেন লিখলুম ! কিন্তু আমার একখানি উপস্থাস আর ঐ রকম একটা প্রবন্ধ, এতেই তো কাগজ চলবে না । বাকী লেখার কি হবে ? অত বড় কাগজ ভরাবেন কি দিয়ে ?

বিমল বলিল,—অত বড় মানে, টাউস কাগজ তো আমি বার করছি না !...গন্ধমাদন বওয়া আমার কাজ নয় । আমি চাই, কাগজ খুব বড় হবে না, অল্প লেখা তাতে যা থাকবে, তা প্রাণবন্ত হবে, প্রাণের কথায় প্রতি পৃষ্ঠা ভরপুর থাকবে ।

দীপ্তি কহিল—আর ছবি ! ছবি না দিলে তো কাগজ চলবে না !

মুক্ত পাখী

বিমল কহিল,—ছবি মৌলিক না হলে দেখা না। বিমিতী কাগজের ছবি কেটে তার ব্লক এঁটে চুরি-বিচার প্রসন্ন দিতে চাই না আমি! আজকাল মাসিক কাগজে ছবি যা বেরচ্ছে—দেখচি, এ শুধু পরস্পরের মধ্যে একটা ভীষণ কামড়া-কামড়ি চলেছে, চুরির কারবারে কে বেশী দড়, এইটেই প্রমাণ করতে!... যে যত বেশী ছবি চুরি করতে পারে, সেই তত বাহাদুর! কোনো বিদেশী লোক যদি আজ আমাদের দেশের একটা চাউস মাসিক-পত্র খুলে দেখে তো ঘৃণায় তার প্রাণ ভরে উঠবে—এতে বাংলার প্রাণ কৈ! উপন্যাস কবিতায় সেই লেসের ঝালর, নেট, পর্দা, আর চা-কার্টনেট চুরি-কাটার ঝন্ঝনি! ছবিতোও সাহেব-মেমের মুখ-চোখ হাত-পা, তাতে বাংলার প্রাণের সাড়া কোথাও নেই!

দীপ্তি কহিল—কথাটা যা বলেছেন, তাই দেখচি একরকম হচ্ছে বটে!

বিমল কহিল,—আমি চাই, বাংলার কাগজ বার করতে! যাতে বাংলার প্রাণের পরিচয় আগাগোড়া পাওয়া যাবে, বাংলার প্রাণের সুর বইবে যার পাতায় পাতায়! খাঁটি সাহিত্য-রস বিলুপ্তে চাই আমি! আর এ বিশ্বাস আমার খুব আছে, তাতে আপনার সাহায্য পেলে আমি এ কাজ সুসম্পন্ন করতে পারবো! ...আপনি যদি ভরসা দেন, তবেই কাজে নামি,—না হলে এ আকাশ-কুসুম চয়ন করা ছেড়ে দি...

দীপ্তি কহিল,—বেশ, আমি ভেবে দেখি! এ

মুক্ত পাখী

তো জষ্টি মাস চলছে...আপনি কাগজ বার করবেন কবে থেকে ?

বিমল কহিল,—পৌষ মাস থেকে আরম্ভ করবো। কাগজের নাম দিচ্ছি নব্যবঙ্গ। কি বলেন ?

দীপ্তি কহিল,—মন্দ কি ! এতে খালি নব্যবঙ্গের চিন্তার ছাপ থাকবে !

বিমল কহিল,—হ্যাঁ। প্রাচীন প্রভুত্ব মোটেই স্থান পাবে না।

দীপ্তি কহিল,—তারও তো দাম আছে সাহিত্যের দিক থেকে...

বিমল কহিল,—মাটী খোঁড়া বা টিপি বওয়ান জন্মে দেশে এত কাগজ তো রয়েছে...আর একটা কুলির সংখ্যা নাই বাড়ানুম !

হাসিয়া দীপ্তি কহিল,—বেশ !...তা আমার দ্বারা কতটা সাহায্য হতে পারবে, ভেবে দেখে বলবো আমি।

— ১৫ —

আষাঢ়ের মাঝামাঝি দীপ্তির নূতন উপন্যাস “মন্দাক্রান্তা” বাহির হইল। এ উপন্যাস বাহির হইতেই দুইটা দলের দুই রকম বিভিন্ন সমালোচনাও বাহির হইল। একদল রচনাঘ চরিত্র-সৃষ্টিতে লেখিকার অদ্ভুত তেজ আর অসীম নির্ভীকতা দেখিয়া তাঁর শিরে অজস্র পুষ্পাঞ্জলি বর্ষণ করিল, অপর দল

মুক্ত পাখী

এমন কুৎসিত কলরৱ তুলিয়া সমাজকে সতর্ক হইতে বলিল যে তাদের সেই ইতর লেখা পড়িলে সর্বত্র রী-রী করিয়া ওঠে! একখানা লক্ষীছাড়া সাপ্তাহিক কাগজ সর্ব-শাস্ত্রে আশ্চর্য্য নিরুদ্ভিতার পরিচয় দিয়া সকল বিষয়ে এমন মুরুব্বিয়ানা প্রকাশ করিত যে সে কাগজখানা ভদ্র শিক্ষিত দলের ঘণা যে-পরিমাণে বহন করিতেছিল, অশিক্ষিত সম্প্রদায়ের কোতুককেও ঠিক সেই পরিমাণে জাগাইয়া তুলিত। সাহিত্য এবং সমাজ সম্বন্ধে এই কাগজখানার আশ্চর্য্য অভিমত শুনিলে গায়ে কাঁটা দেয়—এবং এই অভিমত প্রচণ্ড অজ্ঞের মত মুরুব্বির ভঙ্গীতে কাগজের পৃষ্ঠায় নিলজ্জ নিঃসঙ্কোচে ছাপিয়া এ কাগজখানা অতি অল্পকালের মধ্যেই ইতরতা ও বর্ষরতার আপনার আসন কায়েমি করিয়া ফেলিয়াছিল। দুই-একখানা ভদ্র কাগজ ইহার এই নিরুদ্ভিতার প্রতি সামান্য একটু ইঙ্গিত করিবামাত্র এ এমন গালি দিয়া বসিল যে সে গালি কোন ভদ্রলোক মুখে উচ্চারণ করা দূরে থাক, মনের কোণেও আনিতে পারেন না! এই সাপ্তাহিক খানার নাম ছিল 'ধুরন্ধর'। ধুরন্ধরে 'মন্দাক্রান্তার' এক অপূর্ব সমালোচনা বাহির হইল। বহির সমালোচনা ঠিক নয়,—বহির লেখিকার পরিচয় সংগ্রহ করিয়া তাঁকে অসহ বর্ষরভাবে কুশ্রী গালি দিয়া লেখিকার বহিকে ও লেখিকাকে বাংলা দেশ হইতে নিরাসিত করিয়া দিবার রায় লিখিয়া সে মনের ঝাল মিটাইল! এই লেখিকার বহি যে আইনের সাহায্যে বহু করিয়া দেওয়া দরকার, এ কথাও মূর্থ সম্পাদক আইন না জানিয়া

মুক্ত পাখা

বেশ অকুতোভয়ে লিখিয়া দিল ! অক্লেশে সহিত দীপ্তির সম্পর্কটুকু খুঁজিয়া বাহির করিয়া, তার প্রতি এমন অভদ্র কটাক্ষ করিল যে শনিবারের অফিস-ফেরত কেবাণীর দল দুর্নিবার লোভে এক-একখানা কাগজ কিনিয়া রবিবারটা এই দীপ্তির আলোচনাতেই কাটাইয়া পরমানন্দ উপভোগ করিল। মানুষের আদিম বর্ষরতার নিলজ্জ পরিচয়, কুৎসার প্রতি এই যে অন্ধ অমুরাগ, মনুষ্যত্বকে এ কতখানি লাহিত পতিত করিয়া তোলে, এ-সব কাগজের পাঠকের সে জ্ঞান মোটেই নাই—তাই তারা নিলজ্জ কৌতুকে এ ভাবে মত্ত হইতে কিছুমাত্র কুণ্ঠা বা সঙ্কোচ বোধ করিল না !

ধুরন্ধর-সম্পাদকের সংবাদ-সংগ্রহের শক্তিও অসাধারণ ! দীপ্তির পূর্ব পরিচয় সে যেমন আশ্চর্য তৎপরতায় সংগ্রহ করিয়াছিল, তার এখনকার ঠিকানাও সে তেমনি চটপট খুঁজিয়া বাহির করিল এবং বাহির করিয়া মন্দাক্রান্তার সমালোচনা যে-কাগজে ছাপা হইল, তার একখানা দীপ্তির কাছেও পাঠাইয়া দিতে সে ভুল করিল না ! আরো ক'খানা কাগজের মত 'ধুরন্ধর'ও বথাসময়ে দীপ্তির হাতে আসিয়া পৌঁছিল, এবং দীপ্তি সে সমালোচনা পড়িল। পড়িয়া তার মাথা ঝাঁ-ঝাঁ করিতে লাগিল ! এমন ময়লাও সমাজের বুকে এভাবে জড়ো করা আছে, - এই বর্ষরতা, এই ইতরতা !... লেখার কথা, রচনার সমালোচনা তাতে একটুও নাই, আছে তাকৈ না বুঝিয়া ব্যক্তিগত গালাগালি ! দীপ্তির পায়ে তলায়

মুক্ত পাখী

পৃথিবীখানা যেন ভূমিকম্পের বেগে ছলিয়া উঠিল! কিন্তু উপায় কি? ইতরের মুখ বন্ধ করিবার শক্তি কারো নাই!

সে যখন সনালোচনা পড়িয়া বিমুঢ়ের মত বসিয়া আছে, তখন সহসা ঝড়ের মত ক্ষিতীশ আসিয়া হাজির হইল।

ক্ষিতীশ আসিয়াই বলিল,—এ কি! এ কাগজখানাও আপনার হাতে এসে পৌঁচেছে!...কি করে এলো?

দীপ্তির বেদনাবিদ্ধ স্বরে কহিল,—ডাকে এসেছে!...এরাই বোধ হয় পাঠিয়েছে।

ক্ষিতীশ রাগে জলিয়া উঠিল, তীব্র স্বরে কহিল,—দেখচি তাই! এত-বড় শয়তান...এ শয়তানীর কিছু সাজাও দিয়ে আসচি আমি, এইমাত্র...

দীপ্তি স্নান দৃষ্টিতে ক্ষিতীশের পানে চাহিল, কহিল,—তার মানে?

ক্ষিতীশ কহিল,—কাল রাত্রে এই ইতর লেখাটা আমার হাতে পড়ে! তখন অনেক রাত হয়ে গেছিলো...সারারাত বিছানায় পড়ে রাগে জলেছি শুধু! তারপর সকালে উঠে মাথায় মস্ত আইডিয়া এলো—কি করে তার এ দুর্বৃত্ততার সাজা দেওয়া যায়! ভাবলুম, পুলিশ কোর্টে একটা কেশ করে দি,... তারপর ভাবলুম, তাতে ওকে আরো বড় করে দেওয়া হবে—ওর স্পর্ধা আর গর্ভ তাতে বেড়ে যেতে পারে! তার চেয়ে অল্প সাজা—ছুঁচোর ছুঁচোমির সাজাই ঠিক হবে। এই ভেবে চাবুক নিয়ে ওদের অফিসে গিয়ে হাজির হলুম। সম্পাদকের

মুক্ত পাখী

খোজ করলুম ! একটা লোক রোগা বেঁটে কালো হতভাগা মর্কটের মত চেহারা—রোয়াকে বসে বিড়ি টানছিল, ছুঁচোর মত ছোট দুই চোখ তুলে আমায় জিজ্ঞাসা করলে, কাকে চান, মশায় ? আমি বললুম, ধুরন্ধর-সম্পাদক-প্রবরকে ! সে বললে,—আমিই সম্পাদক । আমি ধুরন্ধরখানা খুলে বললুম, এ গালাগাল কে লিখেচে ? তাতে মুচকে হেসে সে বললে, আমিই লিখেচি !... সেই শোনা, অমনি আর কোন কথা না তুলে শপাশপ তাকে চাবুক কষিয়ে দিয়েছি । তারপর আমার শোফারকে দিয়ে কাণ ধরিয়ে তাকে দৌড় করিয়েছি ! আরো পাঁচজন লোক এসে পুলিশ ডাকাডাকি করতে লাগলো...আমি তাতে ক্রক্ষেপমাত্র না করে তাকে ধরে পথের মাঝে নাকে-খং খাইয়ে নিয়ে তবে ছেড়েছি । সে নাকে খং দিয়ে বলেছে, আসছে হস্তায় মাপ চেয়ে সে এর প্রায়শ্চিত্ত করবে । না হলে আমি বলে এসেছি, তাকে কলকাতা-ছাড়া করতে আমি কাতর হবো না—যত টাকা খরচ হয় এর জন্ত, খরচ করবো, বলেছি !

উত্তেজনায় ক্ষিতীশ খর-খর করিয়া কাঁপিতেছিল ! দীপ্তি অবাক হইয়া তার কথা শুনিতেছিল । কথা শেষ হইলে সে কহিল,—এ করেছেন কি আপনি ?

ক্ষিতীশ কহিল,—ঠিক কাজ করেছি । কি আনন্দই যে হচ্ছে আমার—দুর্জনকে সাজা দিয়ে এত আনন্দও হয় !

দীপ্তি কহিল,—এখন সে যদি নালিশ-মর্দমা করে ?

মুক্ত পাখা

ক্ষিতীশ কহিল,—করুক ! আদালতে গিয়ে হাকিমের সামনে বলে আসবো, দুর্কৃত্যতার সাক্ষা দিয়েছি, তাতে জরিমানা হয়, সেই দণ্ডে জরিমানা দেবো...মহিলার অপমান করে পার পাবে আমার হাতে, এত বড় শয়তান আছো জন্মায়-নি !

দীপ্তি অবাক হইয়া গেল, এই তরুণের অন্ধার ভঙ্গী আর সাহস দেখিয়া ! সে বলিল—ছি, ভালো কাজ করেন-নি ! কি বয়ে গেছে এতে !...গালাগাল,—দু'দণ্ড চীৎকার করে কারো কৌতুক খোগাবে, মানি—কিন্তু তার পর হাউইয়ের আগুনের মতই ছাই হয়ে কোথায় কালো মাটির বুকে মিশিয়ে যাবে ! আমি তো ও-সব গ্রাহ্যও করি না !...

ক্ষিতীশ কহিল, - আমাদের দেশে সমালোচনার নামে মাঝে মাঝে এই যে সব ইতর গালাগাল কাগজে বেবোয়, তার জবাব কলমে না দিয়ে এই চাবুকে দিতে হয়। অভদ্রতা তাতে শায়েস্তা হয়, সাহিত্য-কুঞ্জের জঞ্জালও কতক সাফ হবার সুযোগ পায় !...মাথায় যাদের তিলমাত্র বোধ-শক্তি নেই, ভদ্রতার বিন্দুও যারা জানেনা, কলমের লেখায় তাদের বুদ্ধি দেওয়া যায় না—চাবুকেই তাদের মেধা পরিষ্কার হয়।

এমনি নানা আলোচনার পর ক্ষিতীশ বলিল,—আমায় একবার এর মধ্যে এলাহাবাদ যেতে হচ্ছে। ওখানে এক বছর বিয়ে—না গেলে নয় ! বোধ হয় হুগা-খানেক থাকবো। কাল যাবো বলে ভাবচি।...‘মন্দাকিনী’ বিক্রী হচ্ছে বেশ—

মুক্ত পাখী

এর রয়ালটির দাঁড় কীছ টাকা আজ এনেছি—রাখুন। আমি গেলে যদি এর মধ্যে আপনার টাকার দরকার হয়...

দীপ্তি কহিল,—টাকা তো অনেক নিচ্ছি! বই বিক্রীর চেয়েও ঢের বেশী যে...

ক্ষিতীশ কহিল,—যাদের নিয়ে আমার ব্যবসা, তাঁদের কোনরকম অসুবিধা না হয়, সেদিকে নজর রাখা চাই তো! লেখক-লেখিকা যদি অসুবিধা ভোগ করেন, তা হলে আমার ব্যবসারো ক্ষতি হবে, যে তাতে! এই জন্তে আমি লেখক-লেখিকাদের খুসী রাখতে চাই সর্বক্ষণ। পাটের কার-বারে দাদন দেয় না? এও আমাদের তাই আর কি! বলিয়া ক্ষিতীশ হাসিয়া উঠিল।

দীপ্তি কহিল,—আপনার মত প্রকাশক যদি আরো দু'চারজন থাকতেন, তাহলে লেখক-লেখিকার দুঃখও ঘুচতো—আর তাঁদের হাত থেকে সত্যই সতেজ সবল সাহিত্য বার হতো! ...দারিদ্র্যে জর্জর কাতর বিষন্ন মনের রচনায় সাহিত্য নিপীড়িত হয়!...লেখক-লেখিকার মন স্বচ্ছন্দ না থাকলে তাঁরা অব্যাহত ভঙ্গীতে সৃষ্টি করবেন কি করে!...

ক্ষিতীশ কহিল,—লেখক-লেখিকার ঘরের খপর প্রকাশক রাখতেও পারে না তো! তবে হ্যাঁ, নিজের তবিলের দিকে নজর রাখার সঙ্গে সঙ্গে লেখক-লেখিকার তবিলের দিকেও নজর দেওয়া চাই তো!—তাছাড়া আরো একটা কথা আছে, আগে টাকা নিয়ে অনেক লেখক লেখা-সম্বন্ধে যেমন উদাসীন

মুক্ত পাখী

থাকেন, তেমনি অনেকে আবার বিশ্বাসঘাতকতা করে লেখাটুকু অগ্র প্রকাশকের হাতে চুপি চুপি তুলে দিয়ে সেখান থেকে নগদ আরো-কিছু লাভ করেন! পরস্পরের মধ্যে বিশ্বাসের সম্পর্ক দাঁড়ালে কারো দিক থেকে কোন অসুযোগও যেমন উঠতে পারে না, তেমনি পরস্পরের বিশ্বাসে-সহযোগিতায় পরস্পরের লোকমানও হয় না কোনদিকে।...সবার আগে এই বিশ্বাস আর সহযোগিতাই চাই! লেখকের উপর প্রকাশকের বিশ্বাস যদি থাকে, তাহলে বই কবে পাবো সে তারিখ না ষতিয়েও লেখককে প্রকাশক আগাম টাকা দিতে পারেন, এবং এ-রকম অনেক প্রকাশক অনেক লেখককে টাকা দিয়েও থাকেন!

দীপ্তি কহিল,—দেখুন, সময়-সময় আমি ভাবি, আমাদের দেশের লেখকদের দারিদ্র্যই তাঁদের মনকে কুণ্ঠিত সঙ্কচিত বাখে। সাহিত্য-সেবায় যদি তেমন টাকা মিলতো, তাহলে বাংলা সাহিত্য আরো সরস, আরো প্রাণবন্ত হতে পারতো! বিলেতে লেখকরা যে এত বেশী পয়সা পান্ তার একটা কাবণ স্বীকার করি, তাঁদের পাঠক সমস্ত বিশ্ব জুড়ে রয়েছে—আর এখানে লেখক খুব সঙ্কীর্ণ গণ্ডীর মধ্যেই তাঁর পাঠক সংগ্রহ করেন! বিলেতের পাঠকের তুলনায় এ যেন সিন্ধুর কাছে বিন্দু! তবে লেখকের সাংসারিক অবস্থা ফিরলে তাঁরা নির্ঝিবাদে সাহিত্য সাধনা করতে পারেন। এদেশে সাহিত্য-সেবায় লেখকের পেট চলে না বলে বেশীর ভাগ সময় তাঁকে অফিসে কলম পিষে, নয় ওকালতি করে, নয় হাকিমি করে কাটাতে হয়—তারি ফাঁকে ষেটুকু অবসর

মুক্ত পাখী

যেলে তাতেই সাহিত্য সাধনা করে যা তৃপ্তি সংগ্রহ করেন ।
এতে সাহিত্য ক্ষুণ্ণ হয় কতখানি, ভাবুন তো ! কল্পনা ঐ কাজ-
কর্মের ভিড়ে চাপা থাকে সর্বক্ষণ—সে ভিড় একটু সরলে
খুব কুণ্ঠিত পায় সে বেরিয়ে আসে, আর সে কতটুকু
বিচরণ করে—কাজেই সৃষ্টিও যা হয়, তা কুণ্ঠিত, সঙ্কুচিত,—
অর্থাৎ অত্যন্ত দীন মূর্তিতে সকলের সামনে এসে সে দাঁড়ায় ।...
সংসারের ভাবনা ভাবা, আর সাহিত্য-সৃষ্টি করা, দুটো একেবারে
বিভিন্ন ব্যাপার—দুটোয় বিরোধ চিরকাল !

ক্ষিতীশ কহিল,—দেখুন, আপনাকে একটা সত্য কথা
বলি তাহলে । আমি যে প্রকাশক হলাম—এর একটা কারণ,
লেখকদের সাংসারিক অবস্থা একটুও ভালো করতে পারি
যদি—তাদের মনকে যদি সংসারের দায়-দুর্ভাবনার হাত
থেকে একটুও মুক্ত রাখতে পারি, এই জ্ঞান ! সেইজ্ঞানই কোনো
লেখক টাকা চাইলে আমি কখনো তা দিতে ওজব-আপত্তি
তুলি না ! প্রকাশক ছাড়া লেখকের বন্ধুই বা আর কে
আছে !

দীপ্তি কহিল,—আপনার বন্ধুর মাসিক পত্রের খপর কি ?

ক্ষিতীশ কহিল,—সে শুধু তার, কল্পনা নিয়েই আছে ! মনের
মত আয়োজন না হলে বার করবে না । তার পর দেখুন,
শুধু গ্রাহকের টাদায় মাসিক-পত্র চলে না, চলতে পারে না ।
যদি বিজ্ঞাপন জোগাড় করতে পারে প্রচুর, তাহলেই কাগজ
চলে ! বিজ্ঞাপন জোগাড় করতে হলে ভালো ক্যান্ডাসার

মুক্ত পাখী

চাই—তেমন বিশ্বাসী• ক্যান্ডাসার পাওয়া, খুবই শক্ত
ব্যাপার।—বিমল এ-সম্বন্ধে কিছু বলেনি ?

দীপ্তি কহিল,—না, চার-পাঁচদিন তিনি আসেন-নি এধারে !

ক্ষিতীশ কহিল,—আসেনি !...আমার সঙ্গেও তার দেখা
হয়-নি। শুনলুম, সে নাকি 'মন্দাক্রান্তার' প্রকাণ্ড সমালোচনা
লিখে ফেলেছে একটা !

দীপ্তি কহিল,—বিমলবাবুর মতামত একটু অদ্ভুত রকমের !
সব-তাতে উচ্ছ্বসিত হয়ে ওঠেন !

ক্ষিতীশ হাসিয়া কহিল—ওর সবই অদ্ভুত ! মাসিকপত্র
নিয়ে এই তো ক্ষেপে উঠেচে—হঠাৎ কোনদিন যদি শুনি
যে মাসিক-পত্রের ওপর খাপ্পা হয়ে সে বোতামের কারখানা
খুলেছে তো তাতে আশ্চর্য্য হবো না আমরা, তার বন্ধুর দল,
যারা ওকে চিনি !...

দীপ্তি হাসিয়া কহিল,—ভারী মজা তো ! অথচ মাসিক-পত্র
নিয়ে কি আলোচনাই যে করেন !

ক্ষিতীশ কহিল,—আলোচনা না হলে ও থাকতে পারে না !
সারা জীবন ধরে একটা না একটা বিষয় নিয়ে আলোচনা
করছেই ! যাক—কারো আড়ালে তার সম্বন্ধে এ সব আলোচনা
করাও ঠিক নয় !...

মুক্ত পাখা

— ১৬ —

বিমল যে কত-বড় অদ্ভুত জীব, দীপ্তি আর এক রকমে শীতল তার পরিচয় পাইল।

সেদিন সন্ধ্যার দিকে মেঘ খুব কালো হইয়া ঘনাইয়া আসিল! পৃথিবীর বুক বেড়িয়া একটা শীতল পরশ জাগিয়া উঠিয়াছিল। মেঘের আধারে-ঘেরা পথের উপর দিয়া পথিকের দল অধীর আগ্রহে গৃহে ফিরিতেছিল। দীপ্তি তার ঘরের জানলা খুলিয়া সামনে ঐ পথের পানেই উদাস দৃষ্টি মেলিয়া বসিয়া ছিল—এমন সময় বিমলের গাড়ী আসিয়া হাজির। বিমল গাড়ী হইতে নামিয়া ভিতরে আসিল...হাতে তার মস্ত একটা কাগজের মোড়ক। বিমল আসিয়া ডাকিল—সান্ন...

সান্ননা বিছানার উপর পুতুল পাড়িয়া বসিয়া খেলা করিতেছিল; বিমলের আহ্বানে ফিরিয়া চাহিল।

বিমল কহিল,—এই ছাখো, তোমার বাজনা এনেছি।

কাগজের মোড়ক খুলিয়া বিমল একটা পিয়ানোকোর্ বাহির করিয়া বাজাইতে লাগিল। সান্ননা মহাখুসী হইয়া বলিয়া উঠিল,—দিন্, দিন্ আমায়...

বিমল বাজনাটা তার হাতে দিয়া কহিল,—বাজাও খুব... তার পর গান শিখবে যখন, তখন একটা বড় বাজনাও দেবো, প্রাইজ—কেমন?

সান্ননা কৃতজ্ঞতার উচ্ছ্বাসে কহিল,—আচ্ছা!

মুক্ত পাখী

দীপ্তি কহিল,—আপনি কেন এ কৃতজ্ঞতা, এত বাড়িয়ে
তুলছেন, বিমল বা ?

বিমল কহিল,—তার মানে ?

দীপ্তি কহিল,—নয় তো কি ! নিত্যা এই উপহার—কেন
মিছে এত পয়সা খরচ করেন !

বিমল কহিল,—মোটাই এত নয় !...বাজে পয়সা অনেক
দিকে ঢের বেশী খরচ হচ্ছে, এবং সেগুলো একেবারেই বাজে !...
এ তো 'খুবই সামান্য-কিছু, এতে যদি শিশুর মুখে হাসি ফোটানো
যায় তো মূল্য পেলুম কতখানি, ভাবুন তো !...সামুর
বাগ্য-জীবনটাও এ-সবের অভাবে নেহাৎ ফাঁকা থেকে যায়
না হলে...

দীপ্তি কহিল,—কিন্তু আমি ওকে প্রাচুর্যের মধ্যে মানুষ
করতে চাই না মোটে !...প্রাচুর্য থেকেই অভাবের সৃষ্টি হয়
আর এই অভাব থেকেই মনে যা-কিছু বেদনা, অসুযোগ আর
হাহাকার !

বিমল কহিল,—সে অভাবের সম্ভাবনা যার থাকবে না,
তার...?

বিমল কথাটা সম্পূর্ণ না কবিতা উত্তরের প্রতীক্ষায় দীপ্তির
পানে চাহিল ।

দীপ্তি কহিল,—তা' কেউ বলতে পারে কখনো ! রাজ-
রাজেশ্বরীর ছেলে-মেয়ের ভবিষ্যৎও সমান অনিশ্চিত যে—এ
তো গরীবের মেয়ে !

সুন্দর পাখী

বিমল একটু শুক থাকিয়া দীপ্তির পানে চাহিয়া কহিল,—
আপনার এ দারিদ্র্য তো স্বেচ্ছাকৃত...

দীপ্তি একটু বিস্ময়ের স্বরে কহিল,—কেন ?

বিমল একবার আকাশের পানে তাকাইল, পরে একটা
নিখাস ফেলিয়া কহিল,—তা নয় তো কি !

দীপ্তি এ কথার অর্থ না বুঝিয়া অবাক হইয়া বিমলের পানে
চাহিল !...পাশের ঘরে সাধুনা তখন পিয়ানোফোরে প্রচণ্ড
এলোমেলো রব তুলিয়াছে !

বিমল কোন কথা কহিল না, দীপ্তিও নীরব...ঠিক এমন
সময়ে আকাশ ফাটিয়া ঝুমঝুম করিয়া শ্রাবণের ধারা নামিল ।
চারিদিক অন্ধকারে ঢাকিয়া গেল । দীপ্তি উঠিয়া আলো
জালিল ! তারপর বিমলের পানে চাহিল,—ক্ষিতীশের
সেদিনকার কথাটা তার মনে পড়িল, বিমলের সবই অদ্ভুত !
সত্যই তো, ...খামকা কি তুচ্ছ কথা তুলিল, তুলিয়াই
একেবারে চূপ !

দীপ্তি কহিল,—কি ভাবছেন এত বিমল বাবু ?

বিমল যেন কোন্ মহাধ্যানে তন্ময় ছিল ! দীপ্তির কথায় ধ্যান
ভাঙিয়া ছুই নেত্র বিস্ফারিত করিয়া দীপ্তির পানে চাহিল,
পরে শাস্ত স্বরেই কহিল,—আপনার কথাই ভাবছিলুম...

—আমার কথা ! দীপ্তি হাসিয়া উঠিল ।

সে হাসিতে চমকিয়া বিমল কহিল,—ই্যা, আপনারই
কথা?...আপনার কথা সেদিন সব শুনলুম, এক জায়গায় !

মুক্ত পাখী

আশ্চর্য্য রোমান্স কি!...তনে বড় দুঃখ হলো, আহা—অরুণ বাবু যদি মারা না যেতেন!

দীপ্তির প্রাণের কোণে স্পষ্ট বেদনা এ কথায় এক নিমেষে তার জর্জর স্মৃতি মাখিয়া মাথা ঝাড়া দিয়া উঠিল! বুকের মধ্যটা ঐ বাহিরের মেঘাচ্ছন্ন আকাশের মতই জমাট শোকে আচ্ছন্ন হইল।

বিমল কহিল,—আপনার মতের সঙ্গে আমারো মত মেলে খুব! সত্যই তো, বিবাহ কি!...যার সঙ্গে যার মনের মিল হবে, তার সঙ্গেই মনে-প্রাণে মিশে যাবে!...তারপর অতৃপ্তি ধরলো যদি তো ব্যস, মুক্ত, স্বাধীন, দোসরা পথে চলে যাও!... এই জন্মই আমি আজ পর্য্যন্ত নিজের ফাঁশে ধরা দিই নি! তাতে কি অনুতাপ হয়েছে কোনদিন?...মোটে না! অথচ I have known sweet company.

বিমলের কথায় দীপ্তি শিহরিয়া উঠিল। তার সে সন্ত-জাগরিত শোকস্মৃতি এ কথায় আহত হইয়া কোথায় অদৃশ হইয়া গেল। সে নির্ঝাঁক বিস্ময়ে বিমলের পানে চাহিল।

বিমল বেশ সতেজেই কহিল,—তাই তো বলছিলুম, আপনার এ দারিদ্র্য-দুঃখ স্বেচ্ছাকৃত!...আপনি ইচ্ছিত করলে রাজার ঐশ্বর্য্য আপনার পায়ে সৃষ্টিত হয়ে পড়ে যে...শুধু একটা ইচ্ছিতের ওয়াস্তা!

দীপ্তির মন জলিয়া উঠিল। সরোষ কণ্ঠে সে কহিল,—
বিমল বাবু...

মুক্ত পাখী

বিমল কহিল,—আপনার উপন্যাসে এই ক্রী-লভের এমন নিপুণ প্রয়োগ আপনি দিয়েছেন যে, আমি ভাবছিলুম,....এর মধ্যে introspectionটা সবই জীবন্ত !...

দীপ্তি কহিল,—আমায় মাপ করবেন বিমল বাবু, আমার উপন্যাস তাহলে আপনি মোটেই বোঝেন নি...

বিমল কহিল,—তা না বুঝলেও আপনার পরিচয় পেয়ে আপনাকে বুঝেছি...

দীপ্তি কহিল,—তাও বোঝেন নি !

বিমল কহিল,—আমি আপনার সঙ্গে তর্ক করতে চাই না !...তবে অনুমতি করেন যদি তো আপনার জীবনটিকে এই দারিদ্র্য আর দুঃখ-কষ্টের আবহাওয়া থেকে একেবারে প্রাচুর্য্য আর স্বাচ্ছন্দ্য ঘিরে দি...প্রকাণ্ড প্রাসাদ, দাসী, চাকর, জুয়েলারি, কোনখানে কোন অভাব থাকবে না! আর সামুও রাজকন্য়ার আদরে মানুষ হবে !...

এ কথার প্রচ্ছন্ন ইঙ্গিত দীপ্তির মনে কাঁটার মত বিধিল। তবু সে কাঁটার আঘাত গোপন করিয়া সে কহিল,—এ তো ইঙ্গিতের সৃষ্টি হবে, দেখছি তাহলে। কিন্তু আপনি যে আমার জন্য এতখানি করবেন, এর কারণ...

বিমল কহিল,—কারণ বলছি...আঁর এই জগুই গোপনে আপনার সঙ্গে আমার কতকগুলো কথা ছিল। অনেক দিন থেকেই বলবো, ভাবছিলুম,—কিন্তু ক্ষিতীশের সামনে কথা পাড়া কতটা ঠিক হবে, বুঝতে পারছিলুম না

মুক্ত পাখী

বলেই বলিনি। এখন ক্ষিতীশ বাইরে গেছে,—তাই বলতে এসেছি !

দীপ্তি কহিল,—বলুন !...কিন্তু আমি আশ্চর্য হচ্ছি, আমার সঙ্গে আপনার গোপন এমন কি-বা কথা থাকতে পারে !... তারপর ক্ষণেকের জন্য স্থির দৃষ্টিতে বিমলকে লক্ষ্য করিয়া হাসিয়া কহিল,—আপনিও কি পার্লিশিং হাউস খুলছেন তবে—দুই বন্ধুতে পাছে প্রতিদ্বন্দ্বিতা বাধে, তাই এ গোপনতা !

বিমল কহিল,—তা নয়, তবে প্রতিদ্বন্দ্বিতা বটে !

দীপ্তি কহিল,—তাহলে পার্লিশিং হাউসই খুলছেন, মাসিক পত্র ছেড়ে !...আমার গর্ব বোধ হচ্ছে, আমার লেখা এমন যে তার জন্য দু'জনের এই রেযারেমি...

বিমল গভীর স্বরে কহিল,—রেযারেমিই বটে !...তবে লেখার জন্য নয়...কারণ সম্প্রতি পার্লিশিং হাউস খোলবার বাসনা আমার মোটেই নেই।

দীপ্তি কহিল,—তবে...?

বিমল কহিল,—সেই কথাই বলছি...পয়সার জন্য খেটে লিখে, কাজ করে, যে ভাবে আপনি শরীরটাকে ক্ষয় করেছেন, এ আমার ভালো লাগচে না ! তুচ্ছ পয়সার জন্য আপনার এই কষ্ট—এতে আমার প্রাণে ভারী বাজে...অথচ এই পয়সাই আমি কি-ভাবে না বাজে খরচ করে উড়িয়ে দিচ্ছি...

দীপ্তি কহিল,—আপনি আমার পরিচয় পেয়েছেন, বললেন না ? তা যদি পেয়ে থাকেন, তাহলে এ কথাও জেনেছেন

মুক্ত পাখী

যে, ত্রীলোকের এই আর্থিক দাশু ঘোচাবাশ দিকে আমার আগ্রহ কতখানি!—আর আপনার সঙ্গে যে বন্ধুত্ব, তার মধ্যে এ পয়সার কথাই বা আনছেন কেন! পয়সা ভিক্ষা করাটাকে আমি হেয় মনে করি!

বিমল কহিল,—পয়সাটা ভারী নোংরা জিনিষ, সন্দেহ নেই। বন্ধুত্বের মধ্যে পয়সার কথা আনতেও নেই।...তবু এই পয়সা নাহলেও একদণ্ড চলে না!

দীপ্তি কহিল,—কিন্তু আপনার কাছে হাত না পেতেও আমার বেশ চলে যাচ্ছে! আর কখনো বোধ হয় আপনার কাছে পয়সার হুঃখের কথা আমি তুলিও-নি...তবে এ কথা আপনিই বা বলছেন কেন! নোংরা পয়সার কথা আমাদের এ বন্ধুত্বের মধ্যে নাই আনলেন!...

বিমল কোন জবাব না দিয়া মুগ্ধ নয়নে দীপ্তির পানে চাহিয়া রহিল। এই তেজস্বিতার পায়েই যে সে আপনাকে বিকাইয়া দিয়াছে!...

দীপ্তি কহিল,—আপনি রাগ করবেন না! আপনার কথাটা আমার কানে এমন অকস্মাৎ এসে বাজলো যে, আমি ঠিক বুঝতে পারছি না, এ কথা কেন আপনি তুলছেন!...

একটা ঢোক গিলিয়া বিমল কহিল,—তার কারণ...আমি আপনাকে ভালবাসি!...আমার গৃহে এসে সে গৃহের সব ভার নিয়ে আপনি তার অধীশ্বরী হয়ে বসুন...এইটুকু বলা

মুক্ত পাখী

হইবামাত্র বিমল লক্ষ্য করিল, দীপ্তি ক্রুদ্ধিত করিয়াছে। তাই সে থমকিয়া তখনি আবার বলিল,—কেন থাকবেন না? যতদিন আপনার ভালো লাগে...বিবাহ নয়...শেষের দিকে বিমলের স্বর উচ্ছ্বসিত হইয়া উঠিল।

দীপ্তি কহিল,—আপনি আমায় ভালবাসেন...অতএব আপনার সঙ্গে আমার যেতে হবে! কিন্তু আপনি ভুলে যাচ্ছেন বিমলবাবু, আপনার যেমন একটা মন আছে,—যে-মন আমার জন্য অধীর, যে-মন আমায় গ্রাস করবার দুর্বার লোভ আমার কাছে প্রকাশ করতে আপনাকে এতটুকু কুণ্ঠিত করছে না...তেমনি আমারো একটা মন আছে...তার দিক থেকে তো বিরূপতা উঠতে পারে...

বাধা দিয়া বিমল কহিল,—কেন তা উঠবে!...আপনি তো সমাজের সে-সব সঙ্কীর্ণ আচার মানেন না, মিলন সম্বন্ধে আপনার তো কোন কুণ্ঠাই নাই...

দীপ্তি কহিল,—আমার সম্বন্ধে এত বড় ভুল ধারণা আপনি করলেন কি করে! আমি শুনে আশ্চর্য হইছি...এত ছোট, এমন লঘু আমার মন...ছি!

বিমল কহিল,—কিন্তু অরুণ বাবুকে তো বিবাহ করেন নি জানি...আজ তিনিও বেঁচে নেই...

দীপ্তি কহিল,—তাঁ নেই, কিন্তু তাঁর স্মৃতিতে আজো আমার মন ভরে আছে...

বিমল কহিল,—একটা তুচ্ছ স্মৃতি, যার কোন অস্তিত্ব নেই,

মুক্ত পাখী

যে কোন সাধনা দেবে না, তৃপ্তি 'দেবে না—তধু ছুঃখই বাড়াবে...? আপনার এই তরুণ বয়স, জগতের তৃপ্তির পাত্র কানায় কানায় যখন ভরে আছে...

দীপ্তি কহিল,—আপনি যাকে তৃপ্তি বলছেন, সেটা হীন লিপ্সা—তাছাড়া আর কিছুই নয়। তুচ্ছ পশুর লিপ্সা! আর স্মৃতি?...মানি, তার কোন কাঞ্চিক অস্তিত্ব নেই, তবু যে-বন্ধু আমার জন্ম প্রচণ্ড ত্যাগ মাথায় করে নেছেন, তাঁর প্রতি, তাঁর সে ত্যাগের স্মৃতির প্রতি আমার একটা কৃতজ্ঞতা আছে তো!

বিমল কহিল,—কিন্তু আমার এই প্রাণ-ভরা ভালবাসা—এই দান, এই ত্যাগ—আপনার সান্নিধ্য আমার কাছে খুব আদরে-যত্নে থাকবে!...এ-সব বৃথা হবে?

দীপ্তি কহিল,—আপনি গোড়ায় ভুল করেছেন।...নারীর মনটা নিছক কবি-কল্পনা নয়, যে, তা নিয়ে যা-খুসী করবেন! ...আর পয়সার প্রলোভনে যে-নারী মনকে বিলিয়ে দিতে পারে, জানিনা কি-নামে তাকে অভিহিত করবো!...আপনি নারীর বন্ধু বলেই পরিচয় দিতেন না? তবে নারীকে নিজের খেয়ালের সামগ্রী, বাসনার পুতুল বলে ধরে নিলেন কি করে, তাই ভাবচি...! নারীর সঙ্গে বন্ধুত্বর মানে এ নয়, যে, তার শরীর-মন আয়ত্ত করবেন, তাকে ভোগের জন্ম গ্রাস করবেন...

বিমল অপ্রতিভ হইল, লজ্জিতও হইল!...চুপ করিয়া সে বসিয়া রহিল!...তারপর সহসা একটা কথা আশ্বনের শিখার মত মনের মধ্যে দপ্ করিয়া জলিয়া উঠিল! ঠিক...

মুক্ত পাখী

তখন দীপ্তির পার্শ্বে চাহিয়া সে ব্যঙ্গ-স্বরে' কহিল,—আপনি ক্ষিতীশকে ভালোবাসেন, আমি তা বুঝি ।

দীপ্তি কহিল,—হ্যাঁ, বাসি ।

বিমল কহিলেন,—ক্ষিতীশ তা জানে...?

দীপ্তি কহিল,—তিনি আমার বন্ধু ! বন্ধুকে মানুষ ভালোই বাসে—আর সে কথা বিজ্ঞাপন দিবে তাকে জানাতেও হয় না কোনদিন !

বিমল কহিল,—তা নয় । ক্ষিতীশ বলে, আপনাকে বিবাহ করার সৌভাগ্য যদি কখনো তার হয়, তবেই সে বিবাহ করবে—না হলে জীবনে সে বিবাহ করবে না কখনো !

এ কথা শুনিয়া দীপ্তি নিমেষের জন্ত বিমূঢ় স্তব্ধ হইয়া রহিল ; তারপর একটা নিশ্বাস ফেলিয়া কহিল,—তিনি বলেছেন এ কথা ?

বিমল কহিল,—বলেছেন বৈ কি ! তাই না আমি আমার কথা আপনাকে বলবার অবসর খুঁজিছিলুম...প্রতিদ্বন্দ্বিতা বুঝলেন !

দীপ্তি কোন কথা কহিল না, চুপ করিয়া বসিয়া রহিল ।

বিমল কহিল,—তাহলে আমার কোন আশা নেই...?

—না ।

—বেশ ! ক্ষিতীশ ভাগ্যবান...

বাধা দিয়া দীপ্তি বলিয়া উঠিল,—তিনিও যদি এমন আশা করে থাকেন, তাহলে তাঁর জন্ত আমি দুঃখিত !...বলিয়া সে আবার নীরবে বসিয়া রহিল—বিমলও চুপ !

মুক্ত পাখী

বাহিরে বাম্ বাম্ বৃষ্টি পড়িতেছিল...ঘরের মধ্যে ছ'জনে
নীরব শুরু !...

সহসা একটা নিশ্বাস ফেলিয়া বিমল কহিল,—তাহলে
উঠি...

—এই বৃষ্টিতে ?

—তাছাড়া উপায় ! বিমল উঠিল ।

দীপ্তি কহিল,—দেখুন, নারীর সম্বন্ধে একটু ভালো ধারণা
করতে শিখুন—তার বন্ধুত্বের সুযোগে তাকে হীন অপমানে
লাঞ্ছিত করবেন না...নারীকে ভোগের বস্তু বলেই ভাববেন না ।
নারী সহায়হীনা হলেই সুলভ হয় না—এ কথাটাও মনে
রাখবেন !...

বিমল ফিরিয়া দীপ্তির পানে চাহিল ।

দীপ্তি কহিল,—এই বৃষ্টিতে আপনার ওঠবারো এমন প্রয়োজন
দেখি না !...লজ্জা হয়েছে ? অনুতাপ হয়েছে ?...তার কারণ
নেই ! আমি তো আমাকে চিনি—আপনার কথায় এতটুকু
বিচলিত হইনি । আপনি চান যদি তো আমি আপনার
বন্ধুত্বকে এখনো বরণ করে নিতে প্রস্তুত আছি । আজকের
এ কথা একটা স্বপ্ন বলেই মনে করবো...

বিমল কহিল,—কিন্তু আমি যে জীবনে আমার এ
দুর্বলতার কথা ভুলতে পারবো না...

দীপ্তি কহিল,—তাহলে আমাদের বন্ধুত্ব এইখানেই
শেষ...?

বিমল স্থির হইয়া দাঁড়াইয়া পুরে একটা নিশ্বাস ফেলিয়া কহিল,—আমি যদি আমার দুর্বলতাকে কোন দিন ক্ষমা করতে পারি, তাহলে আপনাকে এসে তা জানাবো এবং সেদিন আবার বন্ধুত্ব স্থাপন করবো।...আজ আর দাঁড়াতে পারছি না, চলশুম !

— ১৭ —

এর পর পাঁচ-সাত দিন অবধি ক্ষিতীশেরও দেখা নাই। কবে তার এলাহাবাদ হইতে ফিরিবার কথা !

দীপ্তি ভাবিল, কেন সে আসে না ! এই মেঘলা দিনে সন্ধ্যার ক্ষণটুকু তার অভাবে দীপ্তির খুবই নির্জন, নিঃসঙ্গ মনে হয় ! আকাশ যখন মেঘে ভরিয়া ওঠে, অন্ধকার যখন ঘন হইয়া চারিদিক ঢাকিয়া ফেলে, দীপ্তির মন তখন সে অন্ধকারের তলায় কোথায় যে চাপা পড়িয়া হাঁপাইয়া ওঠে !...কেন সে আসিতেছে না ? এখনো ফেরে নাই ?...

সেদিন দুপুরবেলা দীপ্তি ক্ষিতীশের অফিসের দিকে চলিল, তার সংবাদ লইবার জন্য। প্রভা খণ্ডর-বাড়ী গিয়াছে,—কাজেই প্রভার সঙ্গে দেখা হওয়ার সম্ভাবনা নাই ! হঠাৎ ক্ষিতীশের সন্ধানে তার বাড়ীতে যাওয়াও ঠিক মনে হইল না !

অফিসে ক্ষিতীশ তখন কাজে ব্যস্ত, দীপ্তি আসিয়া কহিল,—
এই যে আপনি !...বাঃ ! আর আমি ভাবছি...বেশ লোক তো !...কবে ফিরলেন ?

মুস্তা পাখা

ক্ষিতীশ রুদ্র নিখামে কহিল,—দিন পাঁচেক হলো,
ফিরেচি...

দীপ্তি কহিল—আমার ওখানে যানুনি যে ?

ক্ষিতীশ কহিল,—ক'দিন এখানে ছিলুম না, কাজেরও বেগোচ্চ
হয়ে রয়েছে,—তাই যেতে পারছিলুম না...

দীপ্তি কহিল,—আজ একবার সময় করে যাবেন ? কতকগুলো
কথা আছে...

ক্ষিতীশ কহিল,—যাবো ।...আপনার বই কতদূর ?

দীপ্তি কহিল,—শেষ হয়েছে ।...একবার পড়ে দেখবেন ..

ক্ষিতীশ কহিল,—দেখবো বৈ কি ।...এবার আপনার
বইখানির বাইণ্ডিং যা করবো, একেবারে নতুন রকমের । বিলিভী
বইয়ের মত তেমন বাঁধানো কোনো বাংলা বই এ-পর্যন্ত
যেয়ে নি ।

দীপ্তি কহিল,—সে আপনার যা-পছন্দ হয়, করবেন ! কিন্তু
একটা কথা জিজ্ঞাসা করছিলুম...

ক্ষিতীশ মুখ তুলিয়া কহিল,—কি ?

দীপ্তি কহিল,—বই বিক্রী হচ্ছে কেমন ?

ক্ষিতীশ কহিল,—মন্দ নয় !...আপনার উপেক্ষিতার বিক্রী
সব-চেয়ে বেশী...

দীপ্তি চলিয়া গেল । তারপর সন্ধ্যার সময় ক্ষিতীশ দীপ্তির
গৃহে আসিল ! দীপ্তি তখন সাস্তনাকে কোলের কাছে লইয়া
রূপকথার গল্প বলিতেছে । সত-বৃষ্টি-ধোওয়া গাছপালার উপর

মুক্ত পাখী

মেঘ-ভাঙা আকাশের মধ্য হইতে তাঁদের স্নিগ্ধ জ্যোৎস্না আসিয়া লুটাইয়া পড়িয়াছে।

ক্ষিতীশ আসিয়া কহিল,—কি সাহু, গল্প শুনছো ?

সাসুনা কহিল,—হ্যা, শুনুন না, রাজপুত্র কি-রকম চালাকি করে বেঁটে দৈত্যটাকে ঠকিয়ে রাক্ষসের পুরীতে ঢুকলো!... মাগো, ভয় করে না ? চারদিকে রাক্ষসগুলো মুলোর মত দাঁত বের করে দাঁড়িয়ে, হাতে সব ঢাল-তলোয়ার—রাজপুত্রের কি সাহস !

ক্ষিতীশ কহিল,—রাজপুত্রদের ভয় থাকে না কিছুতেই !

সাসুনা কহিল,—তা বলে রাক্ষসদের সামনে অমন করে যাওয়া—এ কেউ পারে ?...আপনি পারেন ?

হাসিয়া ক্ষিতীশ কহিল,—না সাহু, রাক্ষসকে আমি ভারী ভয় করি !

সাসুনা হাসিয়া কহিল,—শুনুন না কাণ্ড ! তারপর কি, মা...?

দীপ্তি কহিল,—আজ এই অবধি থাক সাহু, আজ খেলা করগে,...আমরা একটু কাজ করি...

সাসুনা মুখখানি স্নান করিয়া বলিল,—কিন্তু বড্ড শুনতে ইচ্ছে হচ্ছে মা...

ক্ষিতীশ কহিল,—গল্পটা শেষ করুন নয়...আমি বসছি !... আমিও শুনি আপনার গল্প...

দীপ্তি কহিল,—শেষ করবো ?...

ক্ষিতীশ কহিল,—শেষই করুন ! মাসিকে ক্রমশঃ উপন্যাস

শুভ পাখী

শুনো কি রকম আলায়, জানেন তো !...পরের সংখ্যার জন্মে মনে এতটুকু সোয়াস্তি থাকে না !...সে দুঃখ আর এতটুকু সান্নিকে দেন কেন ?

দীপ্তি কহিল,—বেশ, তবে শেষ করে দি...

দীপ্তি রাজপুত্রের কথা বলিতে লাগিল,—আর সান্নি বিস্ফারিত চোখে ছোট্ট প্রাণের সমস্ত আগ্রহটুকু লইয়া বাগ্‌সের গল্প শুনিতে লাগিল !

গল্প শেষ হইলে মার কথায় সাস্ত্রনা চলিয়া গেল,—পাশের ঘরে গিয়া সে খেলনা পাড়িয়া বসিল, সে চলিয়া গেলে দীপ্তি ক্ষিতীশের পানে চাহিল—ক্ষিতীশ কি-একটা ইংরাজী বইয়ের মধ্যে তখন সুগভীর মনঃসংযোগ করিয়াছে ! দীপ্তি বহুক্ষণ তার পানে চাহিয়া রহিল—এই তরুণ যুবার স্বাস্থ্যের স্বচ্ছতা, সুস্থ মনের সহজ আনন্দ-জ্যোতির রেখা মুখে-চোখে প্রদীপ্ত উজ্জ্বল বর্ণে ফুটিয়া রহিয়াছে ! দীপ্তি একটা নিশ্বাস ফেলিল, তারপর কহিল,—আপনার সঙ্গে আমার কথা আছে ।

ক্ষিতীশ চোখ তুলিয়া চাহিল—চাহিতেই দুইজনের দৃষ্টি মিলিল । ক্ষিতীশ দেখিল, দীপ্তির দৃষ্টি যেন গাঢ় বেদনায় ভরা ! তার সারা অঙ্গ কাঁপিয়া উঠিল—বিমলের কাছে সে কতকগুলো কথা শুনিয়াছে, তার কতটা আসল, আর তার সঙ্গে কতখানি কল্পনা যে জুড়িয়া দিয়াছে...! সে কথা শুনিয়া ক্ষিতীশ বিরক্ত হইয়াছে ! রাঙ্কল ! তার সম্বন্ধে কোন কথা দীপ্তির কাছে তুলিবার অধিকার তাকে কে দিয়াছিল ! তার মনের অতি-গোপন

মুক্ত পাখী

সাধ-আশার কথা...সে নিজে এ কথা কোন দিনই একটা অক্ষুট নিশ্বাসের উচ্ছ্বাসেও তা প্রকাশ করিত না !

দীপ্তির কথায় ক্ষিতীশ দীপ্তির পানে চাহিল,—তার মুখে সহসা কোন কথা ফুটিল না !

দীপ্তি কহিল,—বিমলবাবু একদিন এসেছিলেন এর মধ্যে—
এসে একটু বিপ্লব বাধিয়ে গেছেন ..

একটা নিশ্বাস ফেলিয়া ক্ষিতীশ কহিল,—আমি শুনেছি সে কথা ...

দীপ্তি কহিল,—শুনেচেন !...আশ্চর্য্য ! স্ত্রীলোক সম্বন্ধে এঁরা ভাবেন কি, বলুন তো ! পুরুষের সঙ্গে দৈহিক সম্পর্ক স্ত্রীলোকের থাকতেই হবে !...

ক্ষিতীশ কহিল,—ও কথা ভুলে যান ! আমি তাকে সতর্ক করে দিছি—সে আর কখনো আপনার দোরে আসার স্পর্শকা বাধবে না !...

দীপ্তি কহিল,—তার জগ্নে আমি কিছু মনে করিনি...তবে দুঃখ লাগে এই যে, স্ত্রীলোকের মাথার উপর যদি কোন পুরুষ না থাকে, অর্থাৎ স্ত্রীলোক যদি কারো সম্পত্তি হয়ে না থাকে, তাহলে পুরুষ তাকে এমন সুলভ ভাবে কি করে !...এর মধ্যে এই কথাটাই আমার বুকে সর্ব-চেয়ে বেজেছে...

ক্ষিতীশ কহিল,—এটা পুরুষের আদিম বর্ধরতার চিহ্ন...বলে নারীকে সে প্রথম গ্রহণ করেছিল, এবং নিজের ভোগের সামগ্রী বলেই জেনে এসেছে, বরাবর...তাই !

মুহুর্ত পাখী

দীপ্তি কহিল,—নারীর যে একটা স্বতন্ত্র অস্তিত্ব থাকতে পারে ঠিক পুরুষের মতই—এ কথাটা পুরুষ একেবারে ভাবেও না, আশ্চর্য্য !

ক্ষিতীশ কোন কথা কহিল না। দীপ্তিও চুপ করিয়া বসিয়া রহিল। ক্ষিতীশের মনের মধ্যে একটা কথা প্রবলভাবে ঝাঁকিয়া উঠিতেছিল, প্রকাশের পথ খুঁজিয়া সে যেন অধীর আকুল হইয়া উঠিতেছিল...

কোনমতে সে বলিয়া ফেলিল,—আমার সম্বন্ধেও সে নাকি অনেক অপমানের কথা বলে গেছে...তাব জন্য ক্ষমা করবেন...

দীপ্তি ক্ষিতীশের পানে চাহিল, তারপর শাস্তস্বরে কহিল,—
ই্যা !...কথাটা...?

ক্ষিতীশ কহিল,—তার স্পর্ধা আর অবিদ্যের সীমা নেই !...
এ কথা তাকে কোনদিন বলিনি আমি,—এ তার নিজের মন-
গড়া। এ কথা নিয়ে আমার সঙ্গে অনেকদিন সে তর্ক করেছে...
আপনার সম্বন্ধে কোন আলোচনা আমি সহ্য করিনি, তাই সে
নিজে থেকে ঐ সব কথা গড়ে নিয়েছে...

দীপ্তি কহিল,—তাহলে ওটা মিথ্যাই...?

ক্ষিতীশ চট করিয়া কোন জবাব দিতে পারিল না। সে
মাথা নামাইয়া নীরবে বসিয়া রহিল !

দীপ্তি কহিল,—আশা করি, আমাদের বন্ধুত্ব চিরদিন অগ্নান
থাকবে, অটুট থাকবে...

মৃত-পাশী

ক্ষিতীশ কহিল,—আমারো প্রাণের তাই একান্ত কামনা...!
এর মাঝে কোন ঝড় যেন না বয়, কোন স্বার্থ যেন না আসে...!

এ কয়দিন দীপ্তি প্রভার কাছে যায় নাই। প্রভা খুব-
বাড়ী গিয়াছিল রংপুরে। সেখানে প্রায় মাসখানেক থাকিয়া
প্রভা ফিরিয়া দীপ্তিকে চিঠি লিখিয়া পাঠাইল,—

বড় দিদি আমি ফিরিয়াছি। আপনি কাল আসিবেন। কাল
আবার গান শিখিব। ইতি

স্নেহের প্রভা

চিঠি পাইয়া দীপ্তি যথাসময়ে প্রভাকে গান শিখাইতে গেল।
প্রভা কহিল,—আমার বড় মামীমার কাছ থেকে রবিবাবুর দুটো
নতুন গান শিখে এসেছি, দিদি... শুনুন তো!

প্রভা গাহিল,—

তার বিদায়-বেলায় মালাখানি

আমার গলে রে

দোলে দোলে বুকের কাছে

গলে গলে রে...!

দীপ্তি নিখর নিম্পন্দ হুইয়া গান শুনিতে লাগিল। গানের
সুরে কথায় তার বুকটা একেবারে তোমপাড় করিয়া উঠিল।
এ গান সেই কোদাখার ঘরে সে শেষ গাহিয়াছিল—অরুণের
সামনে! গান শুনিয়া অরুণের দুই চোখ ছলছলিয়া উঠিয়াছিল!
অরুণ বলিয়াছিল,—এ গান কেন গাইছ দীপ্তি? বিদায় বেলায়

স্বস্ত পান্থী

তো দেবী আছে : মিলনের কুধা যদি কিছু জানা থাকে তো
তাই গাও...! তারপর...

তার বৃকের মধ্যে দীর্ঘনিশ্বাস প্রলয়েব ঝড়ের মত ফুঁ সিয়া
ফুলিয়া উঠিল। প্রভা গাহিতেছিল—

দিনের শেষে যেতে যেতে

পথের পরে

ছায়াখানি মিলিয়ে দিল

বনাস্তরে

সেই ছায়া এই আমার মনে,

সেই ছায়া ঐ কাঁপে বনে

কাঁপে হৃদয় দিগন্তে রে !

কি বেদনাই যে এ গানের সুরে ঝরিয়া ঝরিয়া পাড়তে
লাগিল ! এই ইট-কাঠের বাড়ী, এই সম্বিত ঘর—এ-সব দীপ্তির
চোখের সামনে হইতে কোথায় অদৃশ্য হইয়া গেল !...মনের মধ্যে
নিমেষে জাগিয়া উঠিল সেই সবুজ শ্রামল বনের আড়াল, সেই
ধূমল মেঘের নীচে দূরে-দূরে ছায়ার মত পাহাড়ের গা...আকাশে
সেই সজল মেঘের আবরণ...কে যেন বনের গভীর্ টানিয়া
সমস্ত পৃথিবীটাকে এতটুকু করিয়া ফেলিয়াছে !...তবু সেই ছোট
গভীর্টুকুর মধ্যেই কোথায় ফাঁক পাইয়া তার জীবনের যা-কিছু সুখ
সেখান দিয়া সরিয়া পলাইয়া গিয়াছে !...তার সে সুখ-স্বপ্নেব
ছায়াটুকু ঐ বনাস্তরেই মিলাইয়া গেছে...যাইতে যাইতে অর্মানি
ঐ পথের পরে !...দীপ্তির ছুই চোখ জলে ভরিয়া উঠিল ।

মুক্ত পাখী

গান শেষ করিয়া প্রভা কহিল,—এ পানটা জানেন আপনি ?

দীপ্তি ঘাড় নাড়িয়া কহিল,—জানি।

প্রভা কহিল,—গান্ না...এ স্বর শিখেচি বটে,—কিন্তু এতে ভাব আবো যেন ফোটানো যায় ! এ স্বর আগে তেমন লাগচে না যেন...

দীপ্তি কহিল,—খোঁচগুলো ঠিক হচ্ছে না।

প্রভা কহিল,—রবিবাবুর গানের মজাই ঐ। স্বরলিপি আছে, তবু তাঁর নিজের স্বরটুকু তা থেকে ঠিক আয়ত্ত করা যায় না ! সকলের মুখে রবিবাবুর গান এক-রকমও শুনি না। খুব উঁচুদরের আর্টিষ্ট আর ভাবুক না হলে রবিবাবুর গানে ঠিক প্রাণটুকুও কেউ জাগিয়ে তুলতে পারে না !...এই দেখুন না, আপনি যেমন গান,—তেমন তো আর কারো গলায় খালে না।

দীপ্তি কহিল,—পাগল !...আচ্ছা, আমি ও গানটি গাইছি, শোনো।...স্বরলিপি থেকে intonation ঠিক করা যায় না।

দীপ্তি ঐ গানই গাহিতে বসিল।...তার স্বরে কি যে ছিল,...সমস্ত আকাশ-বাতাস এক নিমেষে করুণ স্বরের প্রাবনে ভরিয়া উঠিল ! সে স্বরে বুক-ভাঙা এমন বেদনা, এমন হাহাকার ফুটিয়া বাহির হইল যে বিদায়-ক্ষণের করুণ বিষাদ যেন সে স্বরে ছলিতে লাগিল !...

সেদিন দীপ্তির বিদায় লইবার সময় প্রভা কহিল,—একটা কথা আছে, দিদি...

মুক্ত পাখী

দীপ্তি উদ্‌গ্রীবভাবে চোখ তুলিয়া চাহিল কহিল,—কি কথা
প্রভা ?

প্রভা কহিল,—দাদার সম্বন্ধে...

দীপ্তি চমকিয়া উঠিল । দাদার সম্বন্ধে...ক্ষিতীশবাবু...! কি
কথা ? তাঁর কোন অসুখ হইয়াছে নাকি ?

প্রভা কহিল,—না ।

দীপ্তি কহিল,—তবে ?

প্রভা কহিল,—দাদার জগ্গে বাবা-মা কারো মনে সোয়াস্তি
নেই !...

দীপ্তি নির্ঝাক বিষ্ময়ে প্রভার পানে চাহিয়া রহিল ।
প্রভা কহিল,—দাদার বিয়ের সব ঠিক করেছেন ওঁরা...দাদা
কিন্তু এমন বঁকে বসেছে বিয়ে করবে না বলে...সে একেবারে
দুর্ভয় গৌ !...

তবে কি...? একটা অতি-ক্রুর সংশয় কাঁটার মত দীপ্তির
বুকে পচ্ করিয়া বিধিল !—তুই হাতে সবলে সে কাঁটাটাকে
চাপিয়া দীপ্তি কহিল,—বিয়ের আপত্তি কেন ?

প্রভা কণেক স্তব্ধ হইল, পরে কহিল,—বলবো...?

—বল, প্রভা...

দীপ্তি বেশ সতেজেই তাকে প্রশ্ন করিল ।

প্রভা কহিল,—দাদা কিছুতেই বলতে চায়না ! শেষে
অনেক করে আমি জেনেছি...
—কি ?

মুস্তা পাখী

দীপ্তি ব্যাকুল আগ্রহে প্রভার পানে চাহিল ।

প্রভা একটু কুণ্ঠিতভাবে কহিল,—দাদা...বলিয়াই সে দীপ্তির পানে চাহিল, পরে কহিল,—আপনাকে দাদা কোন কথা বলেনি ?

—কি কথা ?

—এই বিয়ে-থার কথা !

—না ।

আসল কথাটা প্রভা কিছুতেই বলিতে পারিল না। বলা যায় না ! শেষে বুদ্ধি করিয়া সে কহিল,—আপনি দাদাকে জিজ্ঞাসা করতে পারেন, বিয়েতে তার আপত্তি কিসের !

তাকে কেন এ কথা জিজ্ঞাসা করার ভার, দীপ্তি আভাষে তাহা বলিল, বলিয়া কহিল,—কিন্তু আমার পক্ষে এ কথা জিজ্ঞাসা করা কি ভালো দেখাবে, প্রভা ?...কোন অধিকাবে আমি এ কথা জিজ্ঞাসা করবো ?

প্রভা কহিল,—আপনাকে দাদা শ্রদ্ধা করে,...

দীপ্তি কহিল,—আচ্ছা, যদি তিনি আমার ওখানে যান, তাহলে জিজ্ঞাসা করবো...

দীপ্তি চূপ করিল, প্রভাও ইহার পর কি বলিবে, ভাবিয়া না পাইয়া চূপ করিয়া রহিল। বহুক্ষণ এমনি নীরব থাকিবার পর দীপ্তি উঠিল, উঠিয়া ডাকিল—প্রভা...

—কেন দিদি...?

গলাটা একটু পরিষ্কার করিয়া লইয়া দীপ্তি বলিল,—আমি

শুভ পাখী

যা ভাবি যদি তাই হয়, তাহলে তোমরা ভুল বুঝেচ। আমার দিক থেকে কোনো-কিছু নেই, শুধু বন্ধুত্ব!...তবে উনি যদি এমন কোন কথা ভেবে আপনাদের কষ্ট দিয়ে থাকেন, তাহলে সে খুবই দুঃখের কথা, সন্দেহ নেই!...যাই হোক, তিনি আমার বন্ধু, তোমাদেরো আমি প্রাণের স্বজন বলে ভাবি, এ রকম ভুল-চুক আমাদের মধ্যে থাকা মোটেই বাঞ্ছনীয় নয়!...তুমি নিশ্চিত থাকো, প্রভা, আমার দিক থেকে কোনো দুঃখ পেতে হবে না তোমাদের!

কথাটা বলিয়া উত্তরের প্রতীক্ষামাত্র না করিয়া দীপ্তি চলিয়া গেল।

-- ১৮ --

দীপ্তির মনে ধিক্কার জাগিতেছিল! পুরুষের বন্ধুত্ব কি এখানে এমন দুর্লভ! অসুরক্ষতা করিতে গেলে কি ঐ একই ধায় মন তাদের ছুটিয়া চলিবে! ছি! দীপ্তি ভাবিল, ক্ষিতীশকে সে একটা চিঠি লিখিবে!...

কাগজ লইয়া দীপ্তি তখনি চিঠি লিখিতে বসিল।...দুই-চারি ছত্র লিখিয়া ভাবিল, তাই তো, সহসা এমন হীন সন্দেহ সে কি বলিয়া করিতেছে! হয়তো ক্ষিতীশের বিবাহ না করার অন্য কারণ আছে!...

চিঠিখানা সে ছিঁড়িয়া ফেলিল, - ছিঁড়িয়া আকাশের পানে চাহিয়া বসিয়া রহিল।

মুক্ত পাখী

বাগানে মিস্ত্রীদের কোলাহল উঠিয়াছিল। মিস্ত্রীর দল বড় বাড়ীটা সারাইতে আসিয়াছে! গাড়ী-গাড়ী চূণ-বালি আসিতেছে! দীপ্তি ভাবিল, ক্ষিতীশকে একবার আসিতে বলা যাক—তার মুখে কারণটা শুনিয়াই ব্যবস্থা করা যাইবে! সে তখন ক্ষিতীশকে শুধু লিখিয়া দিল,—আপনি একবার আসিবেন, বড় দরকার। তারপর চিঠিখানা ডাকে পাঠাইল।

পরের দিন দুপুরবেলায় ক্ষিতীশ আসিয়া হাজির হইল। দীপ্তি তখন সাত্বনাকে পড়াইতেছিল। ক্ষিতীশ কহিল,—সাত্বকে ইস্কুলে দিন না!

দীপ্তি কহিল,—তাই ভাবছিলুম।...এ যে ক্যাথরিন ইনষ্টিউট হয়েছে না...সাকুলার রোডে? সেইখানে দেব। ওখানে বাইবেল পড়ায় না, আর কোন দিকে গোঁড়ামিরও কিছু নেই। সেলাই, গান, রান্না, এ-সবগুলোও শেখায়!...আমি যদি ওর পিছনে সমস্ত সময়টুকু দিতে পারতুম, তাহলে স্কুলে দেবার কথা ভাবতুমও না। তা যখন পারি না, তখন স্কুলে দেওয়াই ঠিক।

ক্ষিতীশ কহিল,—বলেন তো, আমি নিয়ে গিয়ে ভর্তি করে দিয়ে আসি!

দীপ্তি কহিল,—আপনাকে আর এ সামান্য ব্যাপারে কষ্ট দি কেন! আমিই নিয়ে যাবো'খন!

ক্ষিতীশ বসিল, বসিয়া সাত্বনাকে কহিল,—স্কুলে যাবে তো সাত্ব? মন কেমন করবে না, মার জন্তে?

সাত্বনা হাসিয়া মাথা নাড়িয়া কহিল,—না।

স্বপ্ন পাখী

দীপ্তি কহিল,—তুমি যাও, তোমার ছুটি ।

সাম্বনা বই তুলিয়া রাখিয়া বাগানে ছুটিল ।

ক্ষিতীশ কহিল,—আমায় ডেকে পাঠিয়েচেন কেন...কি দরকার, বলুন তো !

দীপ্তি একটা ঢোক গিলিয়া কহিল,—হ্যাঁ, দরকার আছে !
দীপ্তি হঠাৎ গম্ভীর হইয়া উঠিল ।

ক্ষিতীশ দীপ্তির এ গম্ভীর ভাব দেখিয়া অবাক হইল । সে
বিস্ময়ে দীপ্তির পানে চাহিল !

দীপ্তি কিছুমাত্র ভূমিহা না করিয়া একেবারেই কহিল,—
আপনার না কি বিবাহের কথা হচ্ছে ? কাল শুনে এলুম...

ক্ষিতীশ লজ্জিতভাবে মাথা নত করিল, কোন জবাব
দিল না ।

দীপ্তি কহিল,—তা, আগনি নাকি বিবাহে ভীষণ আপত্তি
তুলে সকলকে খুব কষ্ট দিচ্ছেন ?

ক্ষিতীশ চকিতের জন্ম চোখ তুলিয়া দীপ্তির পানে চাহিল,
কহিল—বিয়েয় আমার মত নেই !

দীপ্তি কহিল,—মত নেই !...কেন শুনি ?

একটা নিশ্বাস ফেলিয়া ক্ষিতীশ কহিল,—এ বেশ আছি, না ?
...বিয়ে করলেই স্বাধীনতা যাবে, অনর্থক একটা মহা-দায়িত্বের
ভারে অস্থির হয়ে উঠতে হবে ।

দীপ্তি কহিল,—কিছুমাত্র না ।...আর্থিক অবস্থা যার
অস্বচ্ছন্দে নয়, তার পক্ষে এ কথা খাটে, আপনার নয়...

মুক্ত পাখী

ক্ষিতীশ কোন জবাব দিল না, মুখ নামাইয়া নীরবে বসিয়া রহিল। দীপ্তি তাকে বেশ করিয়া নিদ্রীকণ করিয়া কহিল,— শুধু তাই...? না, আর কোন কারণ আছে?...একটু খামিয়া সে আবার কহিল,—আপনার মত অবস্থাপন্ন লোক যখন বিবাহ করতে চায় না, মা-বাপের অত্যন্ত আগ্রহ-সঙ্গেও...তখন তার মধ্যে জটিল কোন কারণ থাকে—অন্ততঃ আমার তো তাই বিশ্বাস!...আপনি কি বলেন?

ক্ষিতীশ অত্যন্ত অপ্রতিভের মত মুখ তুলিল। তারপর ধীরে ধীরে কহিল,—না, এর আবার কারণ কি!

দীপ্তি কহিল,—এ কথা সত্য...আর, ভায়ায় এ কথা বিশ্বাস করতে বলছেন?

ক্ষিতীশ কুণ্ঠিত হইল, মিথ্যা কথা এর কাছে!...না, এ তো ঠিক নয়। সে কহিল,—আমার ক্ষমা করবেন। যদি অন্য কোন কারণই থাকে, তা একান্ত গোপনীয়—সে কথা নাই বা শুনলেন!

সে সংশয় দীপ্তির বৃকে আবার ধচ্ করিয়া উঠিল। সে কহিল,—কিন্তু লোকে বোধ হয় আমাকই এর জন্য দায়ী করবে!

ক্ষিতীশ একেবারে যেন আকাশ হইতে পড়িল! সে গর্জন করিয়া উঠিল,—আপনাকে দায়ী...! পরক্ষণেই নিজের সেই স্বরের তীব্রতা অসুভব করিয়া সে যেন মরমে মরিয়া গেল। স্বর মৃদু করিয়া সে কহিল,—আপনাকে কারা দায়ী করছে, জানতে পারি?

মুক্ত পাখা

দীপ্তি কহিল,—ঠিক মুখের কথায় কেউ দায়ী করেনি !
তবে, আমার মনে হয়...বলিয়া দীপ্তি একেবারেই প্রশ্ন করিল,—
আমায় আপনি বন্ধু বলে স্বীকার করেছেন, বন্ধুর কাছে
গোপন কথা প্রকাশ করতে, আশা করি, আপনার কোনো
আপত্তি হবে না !...বলবেন কি আমায় সে গোপনীয় কারণ...?

ক্ষিতীশকে কে যেন বাঁধিয়া কণাঘাত করিল !...সে যে অতি-
গোপন কথা, সে যে বৃকে ইষ্টমন্ত্রের মত !...সে জানে, এ কথা
কাহারো কাছে প্রকাশ করিবার নয়, প্রকাশ করা চলে না,—
বিশেষ দীপ্তির কাছে ।

দীপ্তি কহিল,—বলবেন না !...তাহলে আমাকেই বলতে
হচ্ছে ! এতে কুণ্ডা কল্পে চলে না !...আশা করি, আমি আপনার
মনে এমন কোনো আশা জাগিয়ে তুলিনি, যাতে আপনি...

ক্ষিতীশ এ-কথায় বেত্রোহতের মত ক্ষুব্ধ হইয়া উঠিল—
তার মাথার মধ্যে রক্ত চন্ চন্ করিয়া উঠিল । সে একেবারে
আর্জের মত দীপ্তির পায়ের কাছে লুণ্ঠিত হইয়া পড়িয়া কহিল,
—আমায় ক্ষমা করবেন । আমি আপনার বন্ধুত্বের অপমান
করেছি...এ গৃহে আমার প্রবেশের অধিকার আর নেই !...

দীপ্তি কহিল,—এ কি করছেন, ক্ষিতীশ বাবু ?... ছি,
উঠুন...

ক্ষিতীশ উঠিয়া কহিল,—আপনি কেন এ-সব কথা
তুললেন ?...

দীপ্তি কহিল,—বলুন, আপনি বিবাহ করবেন ?...

মুক্ত পাখী

ক্ষিতীশ গদগদ কণ্ঠে কহিল—বিবাহ করতে বসছেন, ...কিন্তু যাকে বিবাহ করবো তার প্রতি কর্তব্য...?

দীপ্তি কহিল,—মনে করলেই সে কর্তব্য পালন করতে পারবেন ! মনকে সবল সচেতন করে তুলুন ! মানুষকে ভালোবাসা একটুও কঠিন নয়, ক্ষিতীশবাবু ! ঘৃণা করা সহজ, জানি,—কিন্তু তাতে মনে সুখ পাবেন না ! ভালবাসুন, কি আমোদে যে প্রাণ বিভোর হয়ে উঠবে !...আমি চিরদিন আপনার বন্ধুত্ব গৌরব করবো, জানবেন !...আপনার মনের আলোয় আপনার স্ত্রীও প্রচুর আলো পাবেন...একটা নারীর আত্মাকে আলোয় ভর-পুর করে তুলে তার জীবনকে সার্থক করা...এ যে মস্ত কাজ !...

ক্ষিতীশের দুই চোখে জল আসিল । সে কহিল,—আপনি আমায় ক্ষমা করবেন । দুরাশার গহনে আমার যে-মন অধীর হয়ে ছুটেছিল, তা থেকে তাকে ফিরে আনবার শক্তি দিন্...

দীপ্তি কহিল,—আমি তো বলেছি, আমি আপনার বন্ধু !... এখন বলুন, বিবাহ করবেন আপনি ?

ক্ষিতীশ কহিল,—করবো ! কিন্তু তাকে তৈরী করবার ভার আপনার !...

—তাই হবে !...দীপ্তি শাস্তির নিশ্বাস ফেলিল ।

ক্ষিতীশ কহিল,—এ ঘটনা আমাদের বন্ধুত্বকে কোনদিন আঘাত করবে না ? একটুও না...?

মুক্ত পাখী

—না। • দীপ্তির স্বপ্নে পুষ্কর বাশ্পে গাঢ়।

তিন দিন পরে দীপ্তি যখন প্রভাকে গান শিখাইতে গিয়া
শুনিল, ক্ষিতীশ বিবাহ করিতে রাজী হইয়াছে, তখন মুহূর্তে
তার চেতনা যেন লুপ্ত হইল! সে নারী—ক্ষিতীশের ভালবাসা
নিজের মনে সে অনুভব করিয়াছিল। তাই কথাটা প্রথম
উঠিবামাত্র সে কেমন চমকিয়া উঠিয়াছিল! অরুণ...? একটা
স্মৃতি! তবু তার ভালবাসার চেয়ে ত্যাগটাই মনে বেশী
ফুটিয়া আছে। প্রথম যৌবনের মোহ সে! তবু সেই ত্যাগের
স্মৃতির পায়েই দীপ্তি আপনাকে বিকাইয়া বসিয়া আছে!
তার প্রেম, সে যেন সেই ব্রত, সেই কর্তব্যকে নির্ভর করিয়া
উদয় হইয়াছিল! আর এ...? প্রাণের প্রতি প্রাণেব নি
অসহ আকর্ষণ! তবু...না, এ আকর্ষণকে চাপিয়া দিতে হইবে।
দেওয়া চাই। তাই দীপ্তি জোর করিয়া ক্ষিতীশকে বিবাহে রাজী
করাইয়াছে!

সে ভাবিল, ক্ষিতীশের বন্ধুত্বটুকু পাইলেই তার চেতনা
পাওয়া হইল। ক্ষিতীশের জীবনকে নিজের সঙ্গে কষিয়া বাঁধিতে
গেলে সে যে দারুণ স্বার্থপরের কাজ হইবে! তার পর সান্ত্বনা...!
না, চারিদিকে একটা বিস্তীর্ণ জট পাকাইয়া যাইবে!...এই
বেশ, চারিদিকে কোন বিরোধ নাই,...এ বয়সে বিরোধ আর
ভালোও লাগে না!...মনকে ক্ষত-বিক্ষত করিয়া লাভ নাই
তাছাড়া সান্ত্বনা...! তার কথাই এখন আগে ভাবা চাই—
নিজেকে তুচ্ছ করিয়া, বলি দিয়াও!...

মুক্ত পাখী

দীপ্তি কহিল,—বেশ হয়েছে! একটা বৌ না এলে সত্যি
বাড়ীও মানায় না। তা, মেয়েটি লেখাপড়া জানে তো?

—জানে। ম্যাট্রিক পাশ করে ইন্টারমিডিয়েট পড়ছে!...

—পড়া এবার বন্ধ কবে দেবে...?

—মা তাই বলছিলেন। বাবা বললেন, তা কেন! বাড়ীতে
পড়ে এগজামিন দেবে। দাদাবও তাই মত!

—সেই ভালো। যতদিন পড়া চলে, চালাতে দেওয়া ঠিক,
বন্ধ করা উচিত নয়।...

গৃহে ফিরিয়া দীপ্তি দেখে, সেখানে ভারী ধূম বাধিয়া গিয়াছে,
বাগানের বড় বাড়ী ভাড়া হইয়াছে। কোথাকার কে জমিদার,
কামাখ্যা বাবু—তার জীর কঠিন পীড়া; তাঁকে এখানে আনা
হইয়াছে চিকিৎসার জন্য। লোকজনের ভিড়ে সারা বাগান-
বাড়ী একেবারে গম-গম্ করিতেছে!

দীপ্তি গৃহে ফিরিয়া ডাকিল,—সামু.....

দাসী কহিল,—ঐ যে বাবুয়া বড় বাড়ীতে ভাড়া এসেছে,
তাঁদের দুটী মেয়ে এসে সামুকে নিয়ে গেছে, ওদের ওখানে ..!

দীপ্তি চমকিয়া উঠিল! তার নির্জনতার মাঝখানে এ কি
আবার কোলাহল জাগিল. আজ? সে একটা নিশ্বাস ফেলিয়া
বিছানার উপর গা ঢালিয়া দিল...

মুক্ত পাখী

— ১৯ —

পরের দিন দীপ্তির গৃহে অতিথি আসিল, বড় বাড়ীর জমিদার ভাড়াটীয়া কামাখ্যা বাবুর দুই কণ্ঠা। দুজনেই বয়সে তরুণী—দুজনেরই বিবাহ হইয়া গেছে। বড়র নাম হিরণ, ছোটর নাম কিরণ। হিরণের বিবাহ হইয়াছে কলিকাতায়; তার স্বামী এক এটর্নির বাড়ী আর্টিকুল আছে; ছোটর স্বামী মফঃস্বলের জমিদার-পুত্র। হিরণ আসিয়া দীপ্তিকে কহিল—আপনি বই লেখেন, না? লেখিকা দেখতে কেমন, তাই দেখতে এলুম...

হাসিয়া দীপ্তি কহিল,—তার দুটো হাত, দুটো পা আছে... এবং লেখিকা ঠিক সাধারণ মানুষের মতই! দেখলেন তো?

হাসিয়া হিরণ কহিল,—দেখতে তাই বটে!

দীপ্তিও হাসিয়া জবাব দিল,—আপনারা ভেবেছিলেন, চিড়িয়াখানার কোনো জীবের মত দেখবেন,—না? নিরাশ হলেন দেখে...?

হিরণ কহিল,—সত্যি, কি করে যে লেখেন, তাই ভাবি।

দীপ্তি কহিল,—কালি-কলম আর কাগজ নিয়ে।

হিরণ কহিল,—শুধু কালি-কলম আর কাগজ নিয়েই যদি বই লেখা যেত, তাহলে বাঙালীর ঘরে লেখকের আর অভাব থাকতো না!

দীপ্তি কহিল,—আমার বই তাহলে পড়েছেন? পড়ে বোধ হয় খুব গাল দেছেন?

মুক্ত পাখী

কিরণ কহিল,—খোঁটে না। আমরা শুধু অবাক হয়ে গেছি, বাঙালীর ঘরের মেয়ে বই লেখে কি করে, এই ভেবে! সংসার দেখাশোনা করার পর...এ যে আশ্চর্য ব্যাপার! বাইরের কতটুকুই বা আমরা জানি! ক'জন মানুষকেই বা দেখেছি!

দীপ্তি কহিল,—কিন্তু আমি তো ঘরের মধ্যেই বন্ধ থাকি না।...আমায় পুরুষ মানুষের মতই বাইরে আনাগোনা করতে হয়, বোন।

কিরণ কহিল,—তাই!...আমি তো অনেক সময় ভাবি, আচ্ছা, একটু ভেবে কিছু লেখবার চেষ্টা করে দেখিই না! কিন্তু মন ঐ বাড়ীর পাঁচিল অবধি গিয়েই থেমে যায়। বাইরে কেবল ভিড়, আর অন্ধকার! সে ভিড় ঠেলে মন বেরতেই পারে না।

দীপ্তি কহিল,—লেখার দিকে যদি আগ্রহ থাকে, তাহলে ঐ পাঁচিল-ঘেরা গণ্ডীটুকুর মধ্য থেকেই লেখার জিনিস খুঁজে নিতে হবে!

কিরণ কহিল,—তাও বুঝি হয়!...

হিরণ কহিল,—কাল কিন্তু এসেই আপনার মেয়ের সঙ্গে ভাব করে ফেলেছি। দিব্যি ফুলের মত মেয়েটি! দাঁড়িয়ে অবাক হয়ে আমাদের দেখছিল। থাকতে পারলুম না। আপনার সঙ্কান করলুম, শুনলুম, কোথায় গেছেন, তাই আপনার অনুমতি না নিয়েই সান্নার সঙ্গে ভাব করে ওকে আমাদের ওখানে নিয়ে গেলুম! আমার মা রুগ্ন—তিনি কত আহলাদ প্রকাশ করলেন।

মুক্ত পাখী

মা আপনার সঙ্গেও ভাব করতে চান—যাবেন কি ? মা বলে পাঠিয়েছেন !...

দীপ্তি কহিল,—কেন যাবো না ? আপনার মাব কি অসুখ ?

হিরণ কহিল,—কার্বাকল্ । অনেক দিন ধরে ভুগছেন, একেবারে শয্যাগত ! আমরা থাকি বহরমপুরে—সেখানে চিকিৎসার হৃদ হয়ে গেছে...কোনো ফল হলো না । তাই এখানে আনা হয়েছে । এখানে চিকিৎসার ভালো ব্যবস্থা যাতে হয়, এই জ্ঞে !...মন আমাদের ভারী উদ্বিগ্ন সর্কক্ষণ । কি যে হবে !

দীপ্তি কহিল,—বেশ, আমি যাবো !...তা এখানে কে দেখছেন ?

হিরণ কহিল,—আজ দু' তিনজন ডাক্তার এসে পরামর্শ করবেন—কাকে দেখানো মত হয় !...সাবু কোথায় ?

দীপ্তি কহিল,—স্কুলে গেছে ।

কিরণ কহিল,—আপনার বাজনা রয়েছে, দেখচি । আপনি গান-বাজনা করেন ?

দীপ্তি কহিল,—একটু-আঁধটু করি ।

হিরণ কহিল,—মা গান শুনতে এমন ভালো বাসেন । তা কি করেই বা শোনেন ! একটা গ্রামোফোন কেনা হয়েছে, শুয়ে শুয়ে তাই শোনেন !...আপনি গান গাইতে পারেন শুনলে মা কত যে খুসী হবেন !...আপনি কখন যাবেন ?...

দীপ্তি কহিল,—এখন যাবো...?

মুক্ত পাখী

হিরণ কহিল,—আপনার কোন অসুবিধা হবে না তো ?

দীপ্তি কহিল,—না, অসুবিধা আর কি ! চলুন...

হিরণ-কিরণ দুই বোন মহা-উৎসাহে দীপ্তিকে তাদের মাঝে কাছে লইয়া চলিল। মা খুব খুসী হইলেন, বার-বার বলিলেন, এখানে নির্জন রোগ-শয্যাগ তিনি যে কি কাতর হইয়াই পড়িয়া আছেন—দীপ্তি যদি মাঝে মাঝে আসিয়া দেখা-শুনা করে, তাহা হইলে এ কাতরতাব মাঝে তাঁর কতক শান্তি মেলে ! রোগে ভুগিয়া ভুগিয়া নিজের উপর তাঁর দিক্কার জন্মিয়া গিয়াছে। স্বামী ও আত্মীয়-বন্ধু সকলকে সর্বক্ষণ এমন বন্ধ বন্দী করিয়া রাখা, তাঁদের যত কাজ-কর্ম স্বাচ্ছন্দ্য সব বিসর্জন দিয়া দিবারাত্র এই রোগের পরিচর্যা করিতেছেন—এত বড় দুর্ভাগ্য নারীর আর নাই !

দীপ্তি তাঁকে সাহুনা দিয়া কহিল,—আপনি তো সখ করে রোগ ভোগ করছেন না !...আপনার রোগ-যাতনা লাঘব করতে পাবলে যে তাঁদের এ পরিশ্রম কতক সার্থক হয় !...

হিরণ কহিল,—ইনি মা, গান-বাজনাও জানেন !...শুনবে গান ?

মা কহিলেন,—গাইবে মা ?

দীপ্তি কহিল,—আপনার এখানে বাজনা আছে ?

কিরণ কহিল—একটা বক্স-হার্মোনিয়ম আছে—দাদা ঐ গ্রামোফোনের গানের সঙ্গে মাঝে মাঝে বাজায়। দাদা তো গাইতে পারে না...শুধু বাজাতে জানে, তাও একটু-একটু

মুক্ত পাখী

দীপ্তি কহিল,—বাজনা আনিয়ে দিন। গাই না হয় দু-একটা গান...

কিরণ-হিরণ দুইজনে গিয়া বক্স-হার্মোনিয়মটা আনিয়া দিলে দীপ্তি গাহিতে শুরু করিল। একটি, দুইটি তিনটি গান হইল। হিরণ ও কিরণ গান শুনিয়া মুগ্ধ হইয়া গেল। মা বলিলেন,— চমৎকার গলা মা, তোমার!—আমি এদের বলি, তোরা যদি একটু-আধটু গান শিখতিস!...তা এঁর তো ও-সব দিকে মনও নেই!—তবে গোবিন্দর সখ আছে। গোবিন্দ আমার বড় জামাই...তার বড় সাধ, হিরণ গান শেখে। তা ওর খপ্পর-বাড়ীতে তা হবার উপায়ও নেই। শাওড়ী-টাওড়ী সব সেকলে ধরণের মানুষ, বলেন, বৌ-মানুষ বাজনা নিয়ে গান গাইবে কি! তা ওঁকে বলি, হিরণকে একটু শেখাও গো, জামাইয়ের সখ! উনি বলেন, কার কাছে শিখবে! তা তুমি মা যদি একটু কষ্ট কর!...

দীপ্তি কহিল,—তার আর কি! শেখাব!...

এই গান-গল্পের মাঝে এই পরিবারটির সঙ্গে দীপ্তির বেশ ঘনিষ্ঠতা জন্মিয়া গেল।...কিরণের মা কহিলেন,—মাঝে মাঝে এসো মা। তোমার সঙ্গে ছুদণ্ড কথা কয়ে রোগটাকে তবু একটু ভুলে থাকবো!...

দীপ্তি কহিল—আঁসবো বৈ কি!.

কিরণ কহিল—আপনি কখন বই লেখেন?

দীপ্তি কহিল,—ওর আর সময়-অসময় নেই। যখনই সময় পাই, একটু একটু লিখি।

মুক্ত পাখী

হিরণ কহিল,—এখন কি কোন বই লিখছেন ?

দীপ্তি কহিল.—হ্যাঁ ! একটা তো ধরেছি !...না লিখলে চলে না, ভাই ! এই সব করেই আমায় চালাতে হয় কি না !

মা কহিলেন,—কদিন এ দশা হয়েছে ?

দীপ্তি এ কথাব ইঙ্গিত বুঝিল ; বুঝিয়া কহিল,—অনেকদিন হয়ে গেল ।

মা কহিলেন—মা-বাপ, শুব-শাশুড়ী নেই ?

একটা ঢোক গিলিয়া দীপ্তি কহিল—আছেন ।

মা কহিলেন,—তবে এখানে একলাটি থাকো যে ?

দীপ্তি কোন উত্তর দিল না ; চুপ করিয়া রহিল ।

মা কহিলেন,—তাঁদের সঙ্গে বনিবনা নেই ?...তারপর কিছুক্ষণ স্থিভাবে দীপ্তিকে লক্ষ্য করিয়া তিনি আবার কহিলেন,—ছি মা, মা-বাপের ওপর অভিমান করতে নেই ! তাঁদের প্রাণ যে কতখানি কাতর হয়ে আছে !...তুমিও তো বোঝো মা, তুমিও মা--ছেলে-মেয়ে অভিমান করে আলাদা আছে, এ কথা ভাবতেও যে মার প্রাণ শিউরে ওঠে !...অভিমানকে এত বড় করে তুলতে নেই, বিশেষ মা-বাপের ওপর ! জগতে কেউ যদি আপনার থাকে তো মা-বাপ,—স্বামীর ভালবাসাতেও বরং স্বার্থ থাকে, কিন্তু সন্তানের ওপর মা-বাপের যে স্নেহ-ভালবাসা, তাতে একেবারে কোন স্বার্থ নেই ।...

দীপ্তি অবিচল প্রাণে এ কথা শুনিল !...এ একটা পরীক্ষা !

মুক্ত পাখী

হায়, এঁরা তো • জানেন না,, কত বঁড় মতের পায়ে সে
মা-বাপ, সমাজ, সকলকে কি-ভাবে বলি দিয়াছে !—অথচ এ কথা
এখানে তুলিলে কেই বা তার সে ত্যাগের মূল্য বুঝিবে
...কেহ না ! মাঝে হইতে অবজ্ঞার শ্রোতে তাকেই ভাসিয়া
যাইতে হইবে !...এ ভাসাও আর ভালো লাগে না ! সে তো
ভাসিয়াছে অনেকদিন,—আজ যদি বা তীরের কাছে স্নেহ-প্ৰীতি
দিয়া রচা তীর-ভূমির হাওয়া একটু গায়ে লাগিতেছে, সে হাওয়া-
টুকু প্রাণে আরামও জাগাইয়া তুলিতেছে, তখন এ হাওয়া
ছাড়িয়া দূরে সরিয়া যাইতেও প্রাণে বেদনা বাজে !...তবু...সে যা
করিয়াছে, তার কোথাও অশ্রায় কিছু নাই !...হায়রে, মানুষ
এটুকু যে কেন বোঝে না !...

দীপ্তিকে নীরব দেখিয়া মা আবার কহিলেন,—বাপ-মার
সঙ্গে দেখা কর মা...একরত্তি ঐ মেয়েটিকে নিয়ে এমন নির্জনে
থাকা—বিপদ-আপদ আছে তো ! তখন...?

সেই তখনকার কথা আগে মনেও হইত না, এখন মাঝে
মাঝে সে কথা কাঁটার মত মনে বেঁধে !...চারিপাশে আত্মীয়-
বন্ধু যদি থাকিত, তাহা হইলে অক্ষণ কি অমন অসময়ে চলিয়া
যাইত ! কে জানে ! এ-সব কথা ভাবা যায় না—এ ভাবনার
কুল-কিনারা নাই ! এ সব কথা মনে আসিলে দীপ্তি সন্তর্পণে
সেগুলাকে সরাইয়া দেয় । শেষে এ চিন্তায় নিশ্বাস বন্ধ হইবার
মত হইলে সে বাড়ী ছাড়িয়া পথের বিরাট ভিড়ের মাঝে
আপনাকে টানিয়া লইয়া গিয়া নিষ্কপ করে !

মুক্ত পাখী

মা বলিলেন,—আমার এ কথাটা রেখো মা!...সংসারে ক'দিনের জন্মেই বা থাকা! কে কখন চলে যায়, তারো ঠিক নেই! এর মাঝে বিরোধ-দ্বন্দ্বের সৃষ্টি করা পাগলামি, সাধ করে দুঃখ আনা বৈ আর কিছু না! আমার বয়স হয়েছে অনেকখানি—বিরোধ-দ্বন্দ্বও ঢের এসেছে জীবনে। তার মাঝে আমি এতটুকু উত্তেজিত না হয়ে মনকে তাতিয়ে না তুলে শান্ত হয়ে সামঞ্জস্য এনে সে বিরোধ-দ্বন্দ্ব কাটিয়ে এসেছি চিরকাল!...চারি দিকে ঝড়ও তাতে খেমে গেছে...সূর্যের অত যে আলো বিরোধের মেঘে ঢাকা পড়তো, সে আলো আবার হেসে চোখ মেলে চেয়েছে!...বুড়ো মানুষের কথা একটু ভেবে দেখো মা!...তোমায় দেখে আমার কেমন মায়া পড়েছে, তাই এত কথা বললুম।...জীবনে অনেক দুঃখ আছে, অনেক বিপদ...তার মধ্যে সামান্য ছোট-খাট স্বার্থ নিয়ে কেনই বা বিরোধ তোলা!...কোন লাভ নেই তাতে!...আর কারো স্বার্থ যদি প্রবল হয়, হোক, একটু সয়ে যাও...সওয়ার নাড়া গুণ আর নেই, বিশেষ মেয়েদের!...

এ কথাগুলো তীক্ষ্ণ শরের মতই দীর্ঘস্থির বৃকে গিয়া বিঁধিল! আত্মীয়-বন্ধুর এই প্রীতি...এ ছাড়িয়া যে নির্জন পথ সে বাছিয়া লইয়াছে—যে-পথে প্রীতির, শ্যামল ছায়ার চিহ্নও কোথা নাই—সে তবে ভুল পথ...?...মন সগর্জনে বলিয়া উঠিল, না, না, এই ক্ষুদ্র সংসারের গহ্বর, তুচ্ছ হাসি-খেলা—এ লইয়া তো সকলেই থাকে!...এখানে প্রকাণ্ড কোন কাজ করিতে গেলে প্রচণ্ড

মুক্ত পাখী

কল্যাণ সাধন করিতে গেলে তারো যে মূল্য দিতে হয়!...
সে সেই মূল্যই দিগাছে! এ মূল্যে যদি অতখানি কল্যাণ সে
কিনিয়া লইতে পারে, তো তা ছাড়িয়া দিবে! দীপ্তি নিজের
মনকে নিমেষেই স্থিব করিয়া লইল। মা কহিলেন,— কি
ভাবচো?

দীপ্তি কহিল,—সে অনেক কথা! আর একদিন আপনাকে
বলবো'খন...আজ তাহলে আসি। সামুর স্কুল থেকে ফেরবার
সময় হয়ে এলো! তার জল-খাবার তৈরী করতে হবে!

মা কহিলেন,—বেশ মেয়েটি! তাকে এখানে পাঠিয়ে
মা। একলা থাকি...ভারী মিষ্টি কথা কয়, আর ভারী শান্ত!
যে ক'দিন এখানে মেঘাদ আছে, তোমাদের দেখি-শুনি...!

দীপ্তি বিদায় লইয়া চলিয়া গেল।...

পরের দিন আর এক মস্ত ঘটনা ঘটিল। আগের দিন সন্ধ্যার পর,
দুই ঘণ্টা ধরিয়া নানা পরামর্শের পর ডাক্তারের দল কামাখ্যা-
বাবুর স্ত্রীকে বিচক্ষণ প্রবীণ ডাক্তার অভয় মিত্রর হাতে
চিকিৎসার জন্ত সমর্পণ করাই মত করিলেন। এবং পরদিন
ডাক্তার অভয় মিত্রর প্রকাণ্ড মোটর আসিয়া বাগান-বাড়ীতে
টুকিল।

অভয় মিত্র রোগী দেখিয়া ফিরিতেছিলেন—সাস্বনাও সে
সময় স্কুলে যাইবার জন্ত ফটকের সামনে দাঁড়াইয়াছিল, স্কুলের
গাড়ীর প্রত্যাশায়। মেয়েকে স্কুলের পোষাক পরাইয়া দীপ্তি স্নান
করিতে গিয়াছিল। সাস্বনা অশ্রুমনস্কভাবে চাহিয়া ছিল,

মুস্তা পাখী

গাড়ীর দিকে তার হাঁসু ছিল না। অভয় মিত্রের মোটরের সামনে পড়িলে সোফার হর্ন বাজাইয়া চীৎকার করিয়া গাড়ী থামাইয়া ফেলিল। সে চীৎকাবে অভয় মিত্রের নজর পড়িল সান্ত্বনার উপর। ফুলের মত সুন্দর মেয়েটি—কাব মেয়ে?...সান্ত্বনা কেমন হৃৎকম্পিত গিয়াছিল। অভয় মিত্র গাড়ী হইতে নামিয়া তাকে কোলে তুলিয়া লইলেন। এ কি! এ মুখ...এ মুখ যে তাঁর বুকে আঁকা রহিয়াছে!...অরুণের মুখের ছায়াটুকুর মত!...সেই চোখ, সেই নাক...সব সেই! এ যেন তাঁর অরুণই শিশু-মূর্তি ধরিয়া তাঁর সামনে আবার আসিয়া দাঁড়াইয়াছে! সান্ত্বনাকে আদর করিয়া তাকে তিনি জিজ্ঞাসা করিলেন,—তোমার নাম কি না?

—সান্ত্বনা।

—তোমার বাবার নাম?

—অরুণচন্দ্র মিত্র।

অরুণচন্দ্র মিত্র!...অভয় মিত্রের বুকে কে যেন ছুরি বিধিয়া দিল!

তিনি শিহরিয়া উঠিলেন; কহিলেন,—তোমার বাড়ী?

ছোট গৃহটির পানে অঙ্গুলি নির্দেশ করিয়া সান্ত্বনা কহিল,
—ঐ।

—তোমার বাবা আছেন?

—না।

না! অভয় মিত্রের পায়ে তল্লাস মাটিটা প্রচণ্ড দোলে হুলিয়া উঠিল। তিনি কহিলেন,—তোমার কে আছেন?

শুভ পাখী

—মা । •

মা ! না, কোন ভুল নাই ! অভয় মিত্র কহিলেন,—
তোমার মার নাম জানো ?

—শ্রীমতী দীপ্তি দেবী ।

সব ঠিক ! এ নামও যে তাঁর বৃকে ফুটিয়া আছে, সর্কস্ফণ,
তীক্ষ্ণ কাঁটার মত !...

অভয় মিত্র কাঁপিয়া উঠিলেন । সাস্বনাকে বৃকে করিয়া
তিনি তার পানে স্থির দৃষ্টিতে চাহিয়া রহিলেন । তারপর
তার মুখে চুমা দিয়া কহিলেন,—আমি কে, জানো ?

সাস্বনা দুই চোখের বিস্ফারিত দৃষ্টি তাঁর মুখে স্থাপিত
করিয়া কহিল,—ডাক্তার বাবু ।

হাঁ, ডাক্তার বাবুই • এইমাত্র তাঁর পরিচয় ! একটা
অজানা বেদনায় তাঁর মন টন্টন্ করিয়া উঠিল ! সাস্বনাকে
বৃক হইতে নামাইয়া তিনি কহিলেন,—স্কুলে যাচ্ছ ?

—হ্যাঁ ।

—কোন স্কুলে পড় ?

—ক্যাথারিন ইন্সটিউটে ।

—চল, আমার গাড়ীতে করে ! আমি তোমায় তোমার
স্কুলে নামিয়ে দিয়ে যাই ।

এত বড় মোটরে চড়িয়া ! সাস্বনা গহা-খুসী হইয়া কহিল,—
যাবো ।

অভয় মিত্র সাস্বনাকে গাড়ীতে তুলিয়া লইলেন । পরে

মুক্ত পাখী

সোফারকে কহিলেন,—তুমি এর বাড়ীতে মলে এসো, ডাক্তার বাবুর গাড়ীতে করে এ স্কুলে যাচ্ছে। স্কুলের গাড়ী এলে যেন ফিরিয়ে দেয়!

সোফার দাসীর কাছে খবর দিয়া গাড়ী চালাইয়া পথে বাহির হইল।

— ২০ —

সাহস্কার সেদিন গর্ব আর আয়োদের সীমা রহিল না। এত বড় মোটরে চড়িয়া স্কুলে আসা...অভয় মিত্রর উপর এক নিমেষে তার প্রচুর ভালবাসা জ্বলিল!...স্কুল হইতে কখন বাহির হইয়া বাড়ী ফিরিয়া মার কাছে এত বড় সৌভাগ্যের খপর দিবে এই চিন্তায় সারাদিন সে আকুল হইয়া রহিল। স্কুলের ছুটির পর বাড়ী ফিরিতে মা জিজ্ঞাসা করিল,—কার সঙ্গে স্কুলে গেছলে আজ সান্ত্বনা...?

—ডাক্তারবাবুর সঙ্গে। সাহস্কার পুলকে একেবারে উদ্ভূসিত! তারপর সে একটা গিনি মার হাতে দিয়া কহিল,—ডাক্তার বাবু আমার দৈছেন, বলেছেন, এই দিঘে পুতুল কিনো...সোনার টাকা। একে গিনি বলে, ডাক্তার বাবু বললেন...

দীপ্তি অবাক হইয়া গেল। কে অজানা ডাক্তার তার মেয়েকে হঠাৎ এতখানি আদর করিয়া উপহার দিয়া গেল! এ উপহার দেওয়ার মানেই বা কি!...

মুক্ত পাখী

সাস্ত্রনা কহিল,—এ কিন্তু, আমার।" এতে আমি খেলনা কিনবো—খুব অনেকগুলো পুতুল, আর, কলা-বক্স, ছবি আঁকবো বলে...

সে কথা দীপ্তির কানেও গেল না। সে শুধু ভাবিতেছিল, কে এই ডাক্তার বাবু!...ছেলেমেয়ের উপর ঋণ এতখানি দরদ আর ভালবাসা...এ সমস্তার সেদিন কোন গীমাংসাও হইল না।...

পরদিন বেলা তখন ন'টা। সাস্ত্রনাকে স্নান করাইয়া দীপ্তি তাকে আহারে বসাইয়াছে, এমন সময় দ্বারের সামনে কে ডাকিল,—সাস্ত্রনা...

কে ডাকে?...এ স্বর যেন পরিচিত! দীপ্তি বিস্ময়ে বিহ্বল হইয়া দ্বার-প্রান্তে চাহিল।...তাই তো, এ যে...কি আশ্চর্য্য, অভয় মিত্র!...দীপ্তি চমকিয়া উঠিয়া দাঁড়াইল। অভয় মিত্র ঘরে ঢুকিয়া কহিলেন,—আমি ও-বাড়ীতে রোগী দেখতে এসেছিলুম। কাল সাস্ত্রনার সঙ্গে হঠাৎ দেখা হয়েছে।...তারপর তুমি এখানে আছো...? কদিন?

দীপ্তি মাটির পানে চাহিয়া মূঢ় কণ্ঠে কহিল,—সেই অবধি... সান্নু হবার পর থেকেই!

অভয় মিত্র একটা নিশ্বাস ফেলিয়া কহিলেন,—তোমাদের চলছে কি করে?

দীপ্তি কহিল,—এক রকমে চলে যাচ্ছে।

অভয় মিত্র কহিলেন,—কোনো অভাব...? থাকে যদি,

মুক্ত পাখী

বলো। এ তো অকর্ণের মেয়ে...এর প্রতি আমারো একটা কর্তব্য আছে! তাই বলছিলুম...

দীপ্তি কহিল,—কোনো দরকার নেই!...তারপর এক নিমেষে দীপ্তির মনে পড়িয়া গেল, জনহীন বিদেশে চরম বিদায়ের ক্ষণে সেই নির্মম অবহেলা, সেই নিষ্ঠুর প্রত্যাখ্যান... তার সমস্ত অন্তরাখ্যা শিহরিয়া একমুহূর্তে হাহাকার করিয়া উঠিল।

সে কহিল,—আপনি তো সব ত্যাগ করেছেন—তবে আবার কেন প্রচণ্ড লোভ নিয়ে এই শিশুর সামনে এসে দাঁড়িয়েছেন! আপনার কাছে কোনো দয়ার প্রত্যাশী হয়ে আমি তো হাত পেতে দাঁড়াই নি! ঐ গিনি দিয়ে কেন আমার মেয়েকে প্রলোভনে বশ করতে এসেছেন!...ফিরিয়ে নিন আপনার গিনি...এ দয়ার কোন প্রয়োজন নেই।

অভয় মিত্র অবাক হইয়া গেলেন। এত তেজ!...তিনি কহিলেন,—ছোট ছেলে, তাকে কিছু দিয়ে ফিরিয়ে নেওয়া যায় না!...না হয় পথের লোক ভালোবেসেই ওকে দিয়েছে, ভেবো।

—না,পথের লোকের কাছে হাত পাঁতবার মত দুর্ভাগ্য হয় নি এখনো—ওর নয়, আমারো না!...ফিরিয়ে নিন আপনার গিনি। আর আপনাকে মিনতি করছি, এর প্রতি মায়া দেখাবার আগে দয়া করে ভেবে দেখবেন, এর বাপ-মার প্রতি আপনার অসীম দয়া-মায়ার কথা! আপনি যান। গরীবের কুঁড়ে আপনার পায়ের ধূলো পাবার যোগ্যও নয় তো!

স্বপ্ন শাখী

অভয় মিত্র কহিলেন,—সাস্ত্রনাঁকে একটবার দেখে যাবো !...

দীপ্তি বাধা দিয়া তাঁর সামনে দাঁড়াইল, কহিল,—না। তাব সঙ্গে আপনার কোন সম্পর্ক যখন নেই, তখন দেখা করবারো কোন দরকার বুঝি না আমি। আপনি দয়া করে ওকেও ত্যাগ করুন, যেমন একদিন তার বাপকে ত্যাগ করেছিলেন...তাকে আর স্নেহের অত্যাচারে বিধে কাতর জর্জরিত কববেন না !... আপনার কাছে এইটুকুমাত্র ভিক্ষে চাইছি...

অভয় মিত্র কহিলেন,—কাল একটা কথা ভাবছিলুম, শোনো, বলি...পুরোনো কথাগুলো কাঁটার মত আবার আমাব মনে ঝেঁপেছে, কাল সর্কক্ষণ ! অকর্ণের পরশ কাল আবার নতুন করে পেয়েছি।...তাই একটা কথা বলছিলুম...অর্থাৎ মেয়েটিকে আমায় দাও। ওকে বড় করবার, মানুষ করবার ভার আমি নি...আমার নাতনী, পরম আদরে আমি ওকে বুকে কবে রাখবো। আমার কাছেই সাস্ত্রনা থাকবে। তুমি তাকে যখন খুসী দেখতে পাবে, আমিই ওকে নিয়ে আসবো।...ওর জীবনটাকে দারিদ্র্য আর অভাবের মধ্যে নিক্ষেপ করো না। আমার অকর্ণের মেয়ে...তোমায় আমি অনেক টাকা দেবো... অনেক টাকা...

রাগে দীপ্তির মন একেবারে তাতিয়া জলিয়া উঠিল। সে কহিল,—আমায় আপনি টাকার লোভ দেখাতে এসেছেন ! মেয়ে-বেচা আমার ব্যবসা নয়। আমি গরিব,

মুক্ত পাখী

আপনাদের এ উচ্চ আদর্শকে গ্রহণ করতে আমি একান্ত অক্ষম !...আপনি যান...মুঝা ছেলেকে ফেলে যেমন একদিন চলে গেছিলেন...

অভয় মিত্র কহিলেন,—ভালো করে বুঝে দেখো কথাটা। আমি এখন ওকে নিয়ে যাচ্ছি না। ভেবে চাখো, হঠাৎ যদি তোমার খুব বিপদ হয়—তখন সাহায্য কোথায় থাকবে, তার কি হবে;...

দীপ্তি কহিল,—সে আমি ভেবে রেখেছি।...সহরে অনাথ-আশ্রম আছে...এমন যদি ঘটেই, ও অনাথ-আশ্রমে থাকবে...তবু...আপনার কাছে নয় !

অভয় মিত্র গম্ভীরভাবে চলিয়া গেলেন। মাইবার সময় দীপ্তির পানে এমন বক্র দৃষ্টি নিক্ষেপ করিয়া গেলেন যে সে দৃষ্টি মেঘ-ভাঙ্গা বিদ্যুৎ-শিখার মত দীপ্তির বুকে বিঁধিল। দীপ্তি ক্ষণেক স্তব্ধ থাকিয়া আত্মগতভাবেই কহিল, মায়্যা দেখাতে এসেছেন, করুণা প্রকাশ করতে এসেছেন...! পুরানো স্মৃতির সেই গাঢ় অঙ্ককারে অরুণের দুই দীপ্ত চোখের দৃষ্টি জলজল করিয়া তার মনে অমনি ফুটিয়া উঠিল !

দীপ্তি কহিল, এ দয়ার একটা কণারও প্রত্যাশা করি না ! এ দয়ার একটা কণাও যেন কোনদিন গ্রহণ না করি !...

সাহায্যকে সে নিষেধ করিয়া দিল, ডাক্তারবাবুর সঙ্গে যেন সে দেখা না করে ! তাঁর সঙ্গে কথাও না কর !...

সাহায্য অবাক হইয়া মার মুখের পানে চাহিয়া রহিল। দীপ্তি

মুক্ত পাখী

কহিল,—ডাক্তারবাবু কি করেছেন, তা এখন বুঝবে না, সাস্তনা ?
বড় হলে তোমায় সব কথাই বলবো'খন...

এ নিষেধ তুলিয়া দিলেও ঘটনার স্রোত কিন্তু আর
এক-রকম দাঁড়াইল ।

পাঁচ-সাত দিন পরে স্কুল হইতে জ্বর লইয়া সাস্তনা গৃহে
ফিরিল । সন্ধ্যার পরক্ষণেই জ্বর এমন প্রবল হইয়া উঠিল যে
জ্বরের ঘোরে তার আর কোন হাঁশ রহিল না ! দীপ্তি মহা-ভাবনায়
পড়িল । ক্ষিতীশ তার একমাত্র বন্ধু ! তাকে খপর দেওয়া ছাড়া
অন্য উপায় নাই । কিন্তু কে বা খপর দেয় ! সে-ই শুধু বাডী
জানে—কিন্তু তা বলিয়া মেয়েকে দাসীর কাছে এ অবস্থায়
ফেলিয়াও তো যাওয়া যায় না !...চিঠি লিখিলে ক্ষিতীশ কাল
সেই দুপুর বেলায় চিঠি পাইবে...তখন যদি সে বাডীতে না
থাকে ! নূতন বিবাহ করিয়াছে, যদি শশুর-বাডীই গিয়া থাকে !
হিরণদের খপর দিবে কি ? তাও কি ঠিক হইবে ! একে ওরা
নিজেদের জায়ায় অস্থির হইয়া আছে, তার উপর আজ তিনদিন
তার মার অস্থগণ্ড বাড়িয়াছে !...নিরুপায়, ঘোর নিরুপায় ! অথচ
একদণ্ড বিনা-চিকিৎসায় সাস্তনাকে ফেলিয়া রাখা চলে না !...সেই
বহুকাল পূর্বে এমনি জ্বর সে দেখিয়াছিল—প্রথমটা কিছু নয়
বলিয়া অগ্রাহ্যও করিয়াছিল ! সেই জ্বর লইয়া গৃহে ফেরা !...
না, না ! বয়স তখন তরুণ ছিল, ঘা খাইয়া এমন মুসড়িয়া পড়ে
নাই ! আজ একটুতেই ভয় হয় ! এ জ্বর কিছুই নয়,...মানি !
তবু চূপ-করিয়া থাকা যায় না । একটা দীর্ঘ রাত । কি

মুক্ত পাখী

জানি, যদি এ জ্বর বাক্য পথে চুই করিয়া ঢুকিয়া পড়ে !...অভয় মিত্র !...তাকেই খপর দিবে ?...তাই বা কি করিয়া হয় ! হিরণদের ভৃত্য তাঁর বাড়ী জানে—কিন্তু তাঁকে অমন করিয়া বিদায় দিবার পর আবার তাঁর দ্বারে দাঁড়ানো !...সে যে বড় গলায় বলিয়াছিল, পরের কাছে হাত পাতিবে সেও ভালো, তবু তাঁর কাছে এক-কণা ককণাও ভিক্ষা করিবে না ! এ কি ভীষণ পরীক্ষায় সে পড়িল আজ ! শেষ কথাটা কি ক্ষণেই যে মুখ দিয়া বাহির হইয়াছিল !...এ পৃথিবীতে পরের উপর মানুষকে এতখানি নির্ভর করিয়াও চলিতে হয় ! এমন বাঁধন চারিদিকে বিছানো রহিয়াছে ! হারে মানুষ, এ বাঁধনের মাঝে মন তার স্বাধীনতার গর্ভ কি সাহসে করে ! বাঁধন, আট্টে-পৃষ্ঠে বাঁধন, চারিধারে বাঁধন !...

রাত তখন নয়টা । সাঙ্ঘনার জ্বর আরো বাড়িল । মুখ সিঁদুরের মত রাঙা ! দীপ্তির অত্যন্ত ভাবনা হইল । তাইতো, উপায় ? আরো রাত্রে এ জ্বর যদি আরো বাড়ে ! কোথায় ডাক্তার ! কোথায় ঔষধ ! কে তখন আনে ! হিরণদের বাড়ীই খপর দিবে ? তার মার অসুখ বাড়িয়াছে ! তাদের সে দুর্ভাবনার উপর আব্যুর তার বিপদ তাদের ঘাড়েই চাপাইবে !...কিন্তু উপায়ও তো আর নাই !

হঠাৎ সাঙ্ঘনা ডাকিল,—মা...

দীপ্তি কহিল,—কেন মা ?

—জল...বড় তেট্টা ! দীপ্তি তার মুখে জল ঢালিয়া দিল ।

স্বপ্ন পাখী

সাসুনা জল গিলিতে পারিল না, গালের কষ বহিয়া জল গড়াইয়া পড়িল ।

দীপ্তি ডাকিল,—সানু...মা...

সাসুনা কোন সাড়া দিল না—বিস্ফারিত নেত্রে মার পানে চাহিয়া রহিল ।

দীপ্তি আবার ডাকিল,—সানু জল খাবে বললে যে মা,...জল দিচ্ছি, খাও...

সাসুনা কোন জবাব না দিয়া পাশ ফিরিয়া গুইল ।...

দীপ্তির ভাবনা বাড়িল । এইটুকু সময়ের মধ্যে জর এমন বাড়িল !...আর এই সব লক্ষণ ! এ-সব যে তার খুব চেনা !... দাসীকে ডাকিয়া সাসুনাকে আগলাইতে বলিয়া দীপ্তি পাগলের মত ছুটিল হিরণদের বাড়ী ।

দালানে ঠোভ জালিয়া হিরণ জল গরম করিতেছিল—ঘরের মধ্যে রোগীর কাছে আর সকলে ভিড় করিয়া বসিয়া !

দীপ্তি আসিয়া ডাকিল,—হিরণ...

হিরণ চমকিয়া চাহিয়া দেখে, দীপ্তি ! সে কহিল,—আপনি ?
খপর কি ?

দীপ্তি কহিল,—সানুব বড্ড জর...কেমন ভুল বন্ধে—
কোথায় ডাক্তার, কি যে করি...বড় ভাবনা হয়েছে !

হিরণ কহিল,—সানুর জর !...কৈ, আমরা তো জানিনা
কিছু !

দীপ্তি কহিল,—আজই স্কুল থেকে জর নিয়ে ফিরেছে...

বুকু পাখী

দেখতে-দেখতে সেই জ্বর এমন বেড়ে উঠলো যে আমার ভারী ভয় হচ্ছে ! এখনো তো সমস্ত রাত পড়ে রয়েছে !...

হিরণ কহিল,—তাই তো ! তা...আমরা কাকেও পাঠাই ডাক্তার আনতে !...আপনার তো লোক-জন নেই !

দীপ্তি কহিল,—সেইজন্যই আমি এসেছিলুম, কাকেও যদি একটাবার পাঠাতে পারো ..

হিরণ কহিল,—আচ্ছা, আমি এখনি নেপালকে পাঠাচ্ছি !... ডাক্তার নিয়ে আসবে...আপনি বাড়ী যান—সে একলাটি বয়েছে !

দীপ্তি জিজ্ঞাসা করিল,—মা কেমন আছেন ?

হিরণ কহিল,—বিকেলের পর থেকে একটু ভালো আছেন ! ...একটা ধাক্কা কাটলো...তা আপনি আর দাঁড়াবেন না, যান শীগগির ।

দীপ্তি লৌকিকতার খাতিরে দাঁড়াইল না, তাড়াতাড়ি বাড়ী ফিরিল ।

বাড়ী ফিরিয়া দেখে, মাথানা তেমনিই আছে !...হঠাৎ তার মনে হইল, মাথায় একটু বরফ দিলে হয় ! কিন্তু বরফ, আইস-ব্যাগ ...হায়রে, একা নারীর পক্ষে সংসার নির্বাহ করা এত কঠিন !...

দীপ্তি উঠিয়া একটা চায়ের পেয়ালায় জল ঢালিয়া তাহাতে কানি ভিজাইল । সেলুফে অভিকোলোনের একটা শিশি ছিল— সেটা লইয়া দেখে, ছু ফোঁটা মাত্র পড়িয়া আছে ! তাড়াতাড়ি

মুক্ত পাখী

একটা ছোট কাগজে অভিকোলোন নামটা লিখিয়া দাসীকে বলিল,—একবার খপ্ করে যা না ভাই, হিরণ-দিদিমণির কাছে, তাকে এই কাগজটা দিস্—দিলে সে যে-শিশি দেবে, সেইটে শীগগির নিয়ে আয় দিকি...

লেখা লইয়া দাসী বড় বাড়ীর দিকে ছুটিল। দীপ্তি অসহ চিন্তা-ভার বুকে লইয়া নিঃশব্দে সান্দ্রনার শিয়রে গিয়া বসিয়া রহিল!...

ঘণ্টাখানেক পরে মোটরে চড়িয়া ডাক্তার অভয় মিত্র আসিয়া উপস্থিত হইলেন। তাঁকে দেখিয়া দীপ্তি চমকিয়া উঠিল।...

অভয় মিত্র কহিলেন,—ওদের বাড়ীর চাকর গিয়ে বললে, বাগানের ছোট বাড়ীতে ধারা থাকেন, তাঁদের সেই ছোট মেয়েটির বড্ড অসুখ! তুমি কখনোই আমায় খপর দিতে বলনি! ...কারণ আমার কাছ থেকে কোন-কিছুরই তুমি প্রত্যাশা কর না! আমিও একটু ভাবছিলুম, আসবো কি না!...কিন্তু আজীবন অভ্যাস এমন দাঁড়িয়েছে যে কারো অসুখ, আর সে ডাক্তার চায়, এ খপর পেয়ে কখনো নিশ্চিত বসে থাকিনি, তাই এসেছি। তাছাড়া আরো একটা কারণ আছে... স্বীকার করি। মেয়েটিকে আমি ভালো বেসে ফেলেছি! অরুণ না বুঝে অপরাধ করেছিল, কিন্তু তার মধ্যে...নেহাৎ কচি, সে তো কোন অপরাধে অপরাধী নয়! সে তো নির্মল, নিষ্কলক—তা, তোমার দেখতে দিতে কোন আপত্তি নেই?

মুক্ত পাখী

এত চিন্তার মাঝেও দীপ্তি মুহূর্তের জন্য তরু হইল। তার পর বলিল,—দয়া করে আমার মেয়েকে আপনি দেখে সারিয়ে দিন...

অভয় মিত্র সাস্তনাকে দেখিলেন : দেখিয়া কহিলেন—হঠাৎ জ্বর এত বেড়ে উঠলো ?

দীপ্তি কহিল,—হ্যাঁ।

দীপ্তি কহিল,—মাঝে মাঝে কেমন ভুল বকচে...

অভয় মিত্র কহিলেন,—আমার সঙ্গে আইস্-ব্যাগ আছে, বরফও কিছু এনেছি...মাথায় বরফ দাও... একা না পারো, বলো, বাড়ী গিয়ে আমার কম্পাউণ্ডারকে আমি পাঠিয়ে দি...

দীপ্তি কহিল,—তার কি দরকার হবে ?

অভয় মিত্র কহিল,—সে জানে-শোনে, অনেকটা তদ্বির করতে পারবে।

দীপ্তি কহিল,—তা'হলে দেবেন।

গাড়ী হইতে আইস্‌ব্যাগ ও বরফ আনাইয়া নিজেই ব্যাগে বরফ পুরিয়া অভয় মিত্র সাস্তনার মাথায় দিলেন। পাঁচ-সাত মিনিট পরে সাস্তনা চোখ মেলিয়া চাহিল, ডাকিল,—দাছ...

অভয় মিত্র সম্মেহে কহিলেন,—হ্যাঁ দিদি, দাছ।...কেমন আছ এখন, বলতো ?...বড্ড কষ্ট হচ্ছে—মাথায়, না ?...

সাস্তনা কহিল,—হ্যাঁ।

অভয় মিত্র কহিলেন,—এই যে ওষুদ দি, এবার ঘুমোও—ঘুমোলেই অসুখ সেরে যাবে।

মুক্ত পাখী

তার পর অভয় মিত্র দীপ্তিকে কহিলেন,—খানিকটা জল গরম করে দাও—ওকে স্পঞ্জিং করিয়ে দি...

আদেশ-মত দীপ্তি জল গরম করিয়া আনিলে অভয় মিত্র সাঙ্কনার গা মুছাইয়া বেশ করিয়া গরম কাপড়ে তাকে ঢাকা দিয়া শোয়াইয়া চেয়ারে বসিলেন। চেয়ারের সামনেই টীপয়। টীপয়ের উপর অকর্ণের ফটো—ফটোর ক্রেমে ফুল সাজানো। ফটোখানা একদৃষ্টে লক্ষ্য করিয়া তিনি একটি দীর্ঘনিশ্বাস ফেলিলেন, পরে দীপ্তির পানে চাহিলেন। দীপ্তি তখন সাঙ্কনার মুখের পানে চিন্তাঘ-ভরা দুই চোখের দৃষ্টি লইয়া চাহিয়া আছে। তার সেই স্নান মূর্তি, আর সামনে ঐ ফুলে সাজানো অকর্ণের ছবি...কঠিন তপশ্চর্যা ও স্মৃতিপূজাব মহিমায় পরিপূর্ণ তার মুখখানিতে অভয় মিত্র এমন আলোর দেখা পাইলেন...!

অভয় মিত্র কহিলেন,—মেয়েটাকে আর কষ্ট দাও কেন!... নিজেরা তো যথেষ্ট ভুগেচ...এটিকেও এই অভাব আর দারিদ্র্যের মধ্যে ফেলে রেখে, পরিচয়-হীনা অনাথার মত, এমন করে কষ্ট দাও কেন...!

দীপ্তি অভয় মিত্রের পানে চাহিল,—পরে শাস্ত্র সহজ স্বরেই কহিল,—আমি যা। যা কখনো তার সন্তানকে ত্যাগ করতে পারে?...!

অভয় মিত্র কহিলেন,—তা যদি না পারে, তা হলে বাপের বুক থেকে তার আদরের ছেলেকে কেড়ে নিতে গেলে কেন!...কি

মুক্ত পাখী

আশা নিয়ে কি সুখেরই না কঁকননা করেছিলুম...সব ভেঙে চুরমার হয়ে গেল!...পরে একটু খামিয়া কহিলেন,—তোমারই বা কি হলো!...তার চেয়ে আমার কথা যদি শুনতে...জগতে নাম থাকতো তবু...এ রকম নির্জন বনবাসেও বাস করতে হতো না—মানুষের সঙ্গ ছেড়ে, মানুষের স্নেহ-মায়া'র সব বাধন কেটে, এমন নিঃসঙ্গ, একলা...এই তো মেয়ের অসুখে অস্থির হয়ে পড়েছ, কে এখন দেখে তাকে...!

সে কথা ঠিক! তবু দীপ্তি কহিল—ও-সব পুরোনো কথা কেন তুলছেন! ফেরার তো পথ নেই আজ...

অভয় মিত্র কহিলেন,—ফেরার পথ নেই!...ফেরার পথ সব সময়েই পড়ে আছে—তবে ফেরবার মন চাই!

দীপ্তি কহিল,—সমাজ আঘাত করে নেবে?

অভয় মিত্র কহিলেন,—নেবে...তবে সমাজের বিপক্ষে বিদ্রোহিতা করেছিলে তুমি,—সে বিদ্রোহের প্রায়শ্চিত্ত করা চাই আগে!

দীপ্তি কহিল,—কি প্রায়শ্চিত্ত?

অভয় মিত্র কহিলেন,—অনুতাপ করে সমাজের পায়ে মিনতি জানাতে হবে...

দীপ্তি কহিল,—কিন্তু কোথায় এ সমাজ...?

অভয় মিত্র কহিলেন,—তোমার সমাজ আমি, তোমার বাপ-মা, তোমার আত্মীয়-স্বজন! তাঁদের কাছে অনুতপ্ত মনে ফেরার আকাঙ্ক্ষা জানালে তাঁরা বিমুগ্ধ হয়ে থাকবেন না!...

মুক্ত পাখা

আমায় দিক থেকে বলতে পারি, আমি সব ভুলে যাবো। তোমায় অহরোধ করছি, শুধু যদি এই মেয়েটিকে আমার ঘরে ফিরিয়ে দাও—তুমি তাকে দেখাশোনা করতে পারবে অনাধাসে... শুধু তোমার ঐ উন্নাদ মতগুলোকে ত্যাগ করতে হবে!

দীপ্তি কোন কথা কহিল না। অভয় মিত্র কহিলেন,— তুমি যে-মত নিয়ে এত ব্যথা পেয়েছ, তার ফলে কি লাভ হলো তোমার!...ক'জনকে তোমার মতে ফেরাতে পেরেছ! ক'জন তোমার পানে গাঢ় সহানুভূতি নিয়ে চেয়ে দেখেছে? কেউ না!...ভেবেচো, উপন্যাস লিখে দেশের লোককে তোমার দলে টানবে! এর চেয়ে বাতুল আশা আর নেই। মানুষ উপন্যাস পড়ে ক্ষণেক তৃপ্তি পায়, তার চরিত্র-সৃষ্টিতে বৈচিত্র্য থাকে যদি! তার উপর তোমরা যাকে মনস্তত্ত্ব বল, সেই মনস্তত্ত্বের লীলা যদি ফুটোতে পারো, তাহলে তার তারিফও লোকে করে—তা বলে তুমি যদি সনাতন সত্যকে উড়িয়ে দিতে চাও তো লোকে তাতে মুগ্ধ হবে না, হাসবে মাত্র!... স্নেহ-ময়া-মমতা, এগুলো সবার আগে, তার পর তোমার সমাজ-সমস্যা, ধর্ম-সমস্যা। স্নেহ-মমতাই যদি ছিঁড়ে চুরমার করে দিলে তো বল কি!...একটা কথা শুধু ভেবে দেখো,—তোমার হঠাৎ একটা খেয়ালের ঝোঁকে তুমি মা-বার্পকে ত্যাগ করে চলে এসেছ!...এখন এই মেয়েটিকে আঁকড়ে ধরে পড়ে আছো, একে তোমার নিজের মনের ছায়াতেই বড় করে তুলবে, ভাবচো!

মুক্ত পাখী

কিছু এই মেয়ে বড় হয়ে যদি তোমার স্নেহের শিকল ছিঁড়ে চলে যায় তো তোমার চোখে অশ্রু দেখে লোকে তখন বলবে, তুমিও তো বাপু তোমার মা-বাপকে এমনি কাদন কাঁদিয়ে এসেছ! বিদ্রোহীর কন্যা বিদ্রোহী হয়েছে!... তখন...? শুধু নিজের মনটিকে নিয়ে থাকলে,—নিজের পানে চেয়ে আর কারো মনের পানে না চেয়ে,—সংসার থাকে না! তাছাড়া সমাজ-ধর্ম, এ-সবেরও কোন অস্তিত্ব থাকে না!...মানুষের কাজই হলো, নিজের মনের সঙ্গে অপরের মনের সামঞ্জস্য রেখে চলা—greatest good of the greatest number—এইটাই লক্ষ্য হওয়া উচিত বলে আমি মনে করি!...যাক, এখন আর বকবো না। তবে তোমাদের কথা এক মুহূর্তও আমি ভুলতে পারি না। যদি বা ভুলতুম, এই মেয়েটি আবার সে-সব কথা নতুন করে মনে জাগিয়ে তুলেছে! কতকগুলো কথা তো বলে ফেললুম, ভেবে দেখো একবার!... আজ তাহলে আসি। বারোটা বাজে। আমি গিয়ে কম্পাউণ্ডারকে পাঠিয়ে দি...তারপর কাল সকালেই আবার আসবো। ভয় নেই--ভাববার মত কিছু হয়নি এখনো!

অভয় মিত্র চলিয়া গেলেন। দীপ্তি মেয়ের মাথায় আইস-ব্যাগ চাপাইয়া কাঠ হইয়া বসিয়া রহিল।

আট-দশদিন ভূগিয়া সান্ত্বনার জর ছাড়িল। অভয় মিত্র এ কয় দিন দুইবার করিয়া তাকে দেখিতে আসিতেন, আসিয়া বহুক্ষণ থাকিতেন; এবং নানা কথায় তিনি অবগত হইলেন, দীপ্তি কি করিয়া সংসারের ব্যয় নির্বাহ করে। কম্পাউণ্ডার নিবারণ এ কয়দিন দিবারাত্র রোগীর সেবার রত রহিল, শুধু দিনে দুইবার বাড়ী গিয়া আহার করিয়া আসিত। হিরণ এবং কিরণ দুই বোনও সর্বদা দেখিতে আসিত, তাদের মার শরীর এ কয়দিন একটু ভালো ছিল।

নিবারণ অনেক কথা বলিত—অরুণের জন্ম অভয় মিত্রের প্রাণটা সর্বক্ষণ কি যে হা-হা করে! বড় আশার ছেলে ছিল সে—তার উপর বাবুর প্রাণটা একেবারে ঢালা ছিল! তাঁর মৃত্যু পর হইতে বাবু অসম্ভব গম্ভীর হইয়াছেন—তাঁর অমন যে ঝাঁজানো মেজাজ, তাও যেন জল হইয়া গিয়াছে! তার পর কয় বৎসর ধরিয়া দীপ্তির কত সঙ্কানই তিনি করিয়াছেন! ছেলে হইল, না, মেয়ে হইল, জানিবার জন্ম কি আকুলতা! ...যেদিন সান্ত্বনা দেখা পাইলেন, সেদিন গৃহে ফিরিয়া চাকর-দাসীদের হঠাৎ এত টাকা বখশিস্ দিয়া ফেলিলেন যে সকলে অবাক হইয়া গেল। শুধু নিবারণকে তিনি বলিয়া ছিলেন, তার চিহ্নটুকু মিলিয়াছে! বাবুর চোখে নিবারণ সেদিন জলবিন্দুও দেখিয়াছিল!...অরুণের মৃত্যুতেও সে-চোখে

মুক্ত পাখী

সে জল দেখে নাই!...তুমি দীপ্তি সবেশে একটা নিশ্বাস ফেলিল। নিবারণ কহিল,—চলো না মা, বাড়ীতে!...তুমি একটবার বললে বাব বুকে করে সব নিয়ে যান!...

দীপ্তি সান্ত্বনার উপর উদাস চোখের দৃষ্টি স্তম্ভ করিয়া চূপ করিয়া বসিয়া রহিল। যাওয়া চলে না—যাইবার উপায় নাই! তার যে পণ শিবোধার্য্য করিয়া এতদিন এত বিপদ মাথায় করিয়াও সকলের সঙ্গে যুক্তিয়া আসিল, আজ মন ভাঙ্গিয়া পড়িতেছে বলিয়া সে পণটাকে চুরমার করিয়া এই সুখ-স্বাচ্ছন্দ্যকে মাথায় তুলিয়া লইবে!...না! তা হয় না গো! তাছাড়া অভয় মিত্র প্রায়শ্চিত্তের কথা বলিয়াছেন!...প্রায়শ্চিত্ত কিসের? সে তো অন্যায় কিছু করে নাই! পরাজয়ের লাহুনা গায়ে মাখিয়া আজ কৃপা-প্রার্থিনী মত সে সবার সামনে দাঁড়াইবে! বিশেষ অভয় মিত্রর কাছে! সান্ত্বনাকে সারাইয়া তুলিয়াছেন, তিনি। তার জন্ত কৃতজ্ঞতা...দীপ্তি সে কৃতজ্ঞতা অস্বীকার করে না! কিন্তু সেই দণ্ডে তার মনে পড়িল, কোদার্মার সেই জন-হীন ঘর, শয্যায় লুপ্তিত অরণের মৃত দেহ...অভয় মিত্র নির্মম প্রাণে তা দেখিয়াও চলিয়া আসিলেন! সেই ভীষণ মুহূর্ত্তেও তাঁর রাগটাই এত বড় হইল...

দীপ্তির চোখ জলে ভরিয়া আসিল, আঘাটের মেঘের মত! ...না, না, সে কথা সে জীবনে তুলিবে না!...এ সংগ্রামে প্রাণ যদি তার ছেঁচিয়া পিষিয়া যায়, তবু সে অভয় মিত্রর কৃপায় ভিখারিনী হইবে না! কি তুচ্ছ পরিশ্রমের কথা

মুক্ত পাখী

তোলে সকলে !...নিজের হাতে খাটিকা অর্থ উপার্জন করায়
কি সুখ, তা যে করিয়াছে, সে-ই জানে। সেখানে সেই
অধীনতার শৃঙ্খল পায়ে আটিয়া পালিত পশুর মতই পড়িয়া
থাকিবে—কোন কথা তার সেখানে খাটিবে না—সান্নিধ্য
সম্বন্ধেও না !...

কিন্তু আবার যদি তার এমনি অসুখ হয় !...দীপ্তি ভয়ে
শিহরিয়া উঠিল ! তখন তো পরের মুখ চাহিতেই হইবে !

অভয় মিত্র কহিলেন, তার এই মত লইয়া সে করিল কি !
কটা লোককে সে তার এ মতে দীক্ষিত করিতে পারিয়াছে !
...সত্য, কাহাকেও পারে নাই। গৃহ-কোণে বসিয়া শুধু
সেই কথার ধ্যানেরই সে জীবন কাটাইয়া দিল ! একটা
জীবনই সে যে এমন নীরবে কাটাইয়া দিল, ...কে বুঝিবে, কেন !
তবে ..? সে যে মস্ত-বড় আশা লইয়া এ পণকে বরণ ছিল,
কি হইল তার ? কি করিল সে ? দু'খানা বই লেখা ? অভয় মিত্র
ঠিক বলিয়াছেন, দু'দণ্ড লোককে তা তৃপ্তি জোগাইয়াছে নাত্র !
...এই যে পৃথিবীর বুকে আলো আর মুক্তির বাণী যুগে
যুগে কত মহাত্মা ঘোষিত করিয়াছেন, কয় জন তা শুনিয়াছে !
প্রকাণ্ড যন্ত্রশালার মানুষ মৌন যন্ত্রের মতই চলিয়া ফিরিয়া
জীবনগুলোকে শেষ করিয়া গিয়াছে !...তবে কি সে একটা দারুণ
ভুলকে লইয়া নিজেকেই হত্যা করিতেছে !...স্নেহ-মায়া-মমতা-
প্ৰীতির বাধন কাটিয়া মোহ-গহ্বরে অন্ধকারের মাঝেই এই
দীর্ঘকাল কাটাইয়া দিয়াছে !...দীপ্তি একটা নিশ্বাস ফেলিল,—

সুখ পাখী

যাহাই হউক, ফিরিতে গলে আজ পরাজয়ের কালি মুখে মাধিয়া ফিরিতে হইবে !...

দীপ্তির প্রাণ হাঁপাইয়া উঠিল !...এ যে চারিদিক হইতে সমস্তা জটিল হইয়া উঠিতেছে !...পরকে স্বার্থপর বলিয়া ত্যাগ করিয়া নিজের স্বার্থকেই সে প্রকাণ্ড করিয়া তুলিতেছে যে !...

বাহিরে অভয় মিত্রের স্বর শুনা গেল। তিনি ডাকিলেন,—
সান্নু দিদি...

দীপ্তি ধড়মড়িয়া উঠিয়া পড়িল। অভয় মিত্র ঘরে ঢুকিয়া কহিলেন,—এই যে সান্নু জেগে আছে !...কোন কষ্ট হচ্ছে আর দিদি ?

সান্নু হাসিয়া কহিল—না।

নিবারণ কাছেই ছিল; তার পানে চাহিয়া অভয় মিত্র কহিলেন,—নিবারণ, তুমি আমার গাড়ীতে করে যাওতো একবার—কিছু পথ্য আনা দরকার। ফর্দ আছে, এই নাও—
আর এই নাও টাকা। চট করে নিয়ে এসো। তুমি এলে আমি কামাখ্যা বাবুর স্ত্রীকে দেখতে যাবো—দেখে তবে ফিরবো।

তার পরে সান্নু পথ্য পাইলে ব্যবস্থা হইল, প্রত্যহ গঙ্গার ধারে সকালে-বিকালে অভয় মিত্রের গাড়ীতে চড়িয়া সে হাওয়া খাইবে ! অভয় মিত্র আপনার প্রতি সান্নুর মনটিকে এমন অনুরক্ত করিয়া তুলিলেন যে তাঁকে না পাইলে সান্নু অস্থির হইয়া ওঠে।

সেদিন অভয় মিত্র আসিয়া বলিলেন,—সান্নু আজ আমার

মুক্ত পাখী

ওখানে থাকবে, বাড়ীতে একটা কাজ আছে—সবাই ওকে দেখতে চায় !

দীপ্তি এ কথায় না বলিতে পারিল না। মেয়েকে যিনি এত বড় রোগ হইতে সারাইয়া তুলিয়াছেন, মেয়েকে যিনি এমন করিয়া যত্ন করিতেছেন, তাঁর সে স্নেহে আঘাত দিতে দীপ্তির মন কেমন কুণ্ঠিত হইল।

কিন্তু এই বিলাস-ঐশ্বর্য এমন গায়ত্র সাধনাকে ঘিরিয়া ধরিতেছিল যে, সাতুর শেষে মার এই ক্ষুদ্র কুটীরখানি নেহাৎ একটা ক্ষুদ্র বন্ধ খাঁচার মত মনে হইতে লাগিল। এখানে না আছে খেলার সঙ্গী, না আছে মস্ত বারান্দা, না ছাদ ! সেখানে দাদুর বাড়ীতে কত সঙ্গী, কত খেলার সাথী... আর কি সে আদর ! সে সেখানেই থাকিবে।

মা শিহরিয়া উঠিল। ও-দিকটা এভাবে মেয়েকে তার কাছ হইতে কাড়িয়া লইতেছে !... মা মেয়েকে বুঝাইল, মেয়ে কিন্তু দুর্জয় গৌ ধরিল, সে থাইবে না, কিছু করিবে না !...

হিরণ আসিয়া এ ব্যাপার দেখিয়া দীপ্তির পানে চাহিল, কহিল,—মা আপনাকে ডেকেছেন। অনেক কথা আছে !

দীপ্তি কহিল,—যাবো। দেখ, দেখি এখন মেয়ের বাঘনা...

হিরণ কহিল,—তা ছ'দিন পাঠিয়ে দিন না। পরের কাছে যাচ্ছে না তো !...

দীপ্তির ভাবনা হইল। একটু সে অসতর্ক হইয়াছে, অমনি সেই ফাঁকে চারিদিককার বাধন এমন শিথিল হইয়া গেছে !

মুক্ত পাখী

হিরণের মা বলিলেন,—ডাক্তার বাবুর কাছে সব কথা শুনেচি, মা !...ওঁর যখন আগ্রহ হয়েছে, সব নিয়ে যাবেন, তখন অমত করো না। তাঁর কাছে যাও—এখানে আলাদা থেকে না। তোমার বয়সও এমন হয়নি যে আত্মজন সবাইকে ছেড়ে এমনি বনবাসে একলা পড়ে থাকবে !

দীপ্তি চুপ করিয়া বসিয়া রহিল। সকলের মুখে ঐ এক কথা !

মা বলিলেন,—এই যে মেয়ের এত-বড় অস্থখ হলো—ভাগ্যে উনি ছিলেন !...তুমি মেয়ে মানুষ,যতই লেখাপড়া জানো, যতই সব দেখো-শোনো, তবু পুরুষ পুরুষ, মেয়ে মেয়েই ! ঝড়-ঝাপটায় পুরুষের সাহায্য না পেলে নিস্তার পাওয়া যায় না ! মেয়ে-মানুষ স্নেহ-মায়াই দিতে পারে। পৃথিবীতে আরো যে বড় বড় বিপদ, তাতে মাথা দিয়ে যোঝা মেয়ে-মানুষের কাজ নয় ! ...যার পুরুষ অভিভাবক নেই, সে কি করবে, বল...কিন্তু তোমার যখন সব আছে, এত বড় সহায়, তখন তা ত্যাগ করে অভিমানটাকেই শুধু নিয়ে থেকে না !...সংসারে যুদ্ধ করবে পুরুষ, আর তারা যুদ্ধ করে শ্রান্ত হয়ে ফিরলে মেয়েরা স্নেহে-মায়ায় তাদের সে শ্রান্তি ঘুটিয়ে দেবে।

হিরণ কহিল,—রবিবাবুর একটি চমৎকার কবিতা আছে,

এসো এসো তুমি নারী

আনো তবু হেম-ঝারি !.....

দীপ্তি কহিল,—কিন্তু মেয়েরাও তো মানুষ,—তাদের মনও

মুক্ত পাখী

পুরুষের মনের মতই, ব্যথা' কাতর হয়, আনন্দে দীপ্ত হয়ে ওঠে...এতটুকু তফাৎ নেই!

মা বলিলেন,—কিন্তু দুয়ে মিলে এক হতে হবে তো। পুরুষ আর নারীর সৃষ্টি যে হয়েছে, দুজনেই কুড়ুল কোদাল ধরে মাটি কাটতে যাবার জগু নয়!...দুজনের যদি একই কাজ হতো, তাহলে শরীরের গড়নও দুজনের এক হতো,—মেয়েদের মত পুরুষও তাহলে শিশুর জন্ম দিত, শিশুকে পালন করতো!... মেয়েরা এখন এই যে একটা গৌ ধরেছে, যে, সর্বত্র পুরুষের সঙ্গে সমান চালে চলবে, সব বিষয়ে সাম্য চাই, এ তো ঠিক নয় মা। আমি তো বুদ্ধি, শিক্ষা দুজনের সমান চাই বটে! আর স্ত্রী যেমন স্বামীকে মানবে, শ্রদ্ধা করবে, স্ত্রীকেও স্বামীর তেমনি মানা চাই! আর সাম্য মানে আমি এই বুদ্ধি, দুজনে মিলে-মিশে সবদিকে সামঞ্জস্য রেখে চলবে! হয়তো এ আমার ভুল,—তবু ঠিকটা যে আজকালের মেয়েরাই বলচে, তাও তো মনে-প্রাণে মানতে পারছি না! পর্দার কড়াঙ্কড়ি বদ, এও আমি মানি—তবে পুরুষের মত মেয়েরাও যে ভিড়ের মাঝে অকুতোভয়ে অসঙ্কোচে বুক দিয়ে গিয়ে পড়বে, তাও আমি সহ করতে পারি না!...তোমার এই মেয়েটি আছে—তাকে দেখবার আপন-জনও আছে, তার বিপদ-আপদ আছে... তার মুখ চেয়ে তোমায় আত্মজনকে মেনে চলতেই হবে!...

পরের দিন অভয় মিত্রর সঙ্গে বেড়াইতে গিয়া সাস্বনা বাড়ী ফিরিল না। অনেক বেলায় নিবারণ আসিয়া কহিল,—সাতু

মুক্ত পাখী

দিদি বললে, আজ এখানে আসবে না।...তাই কর্তাবাবু আমায় পাঠিয়ে দিলেন, ঋপর দিতে, আপনি হয় তো ভাববেন! ...সে বেলা হলে আসবে। কর্তাবাবু কত বললেন, মা ভাববে, মার মন কেমন করবে! তা তাঁর বুকে উঠে গলা জড়িয়ে ধরে বললে, আমি সেখানে যাবো না, এখানে খেলা করবো।... খেলার সাথী পেয়েছে সেখানে, শিশুর মন!...আর সবাই একে এত ভালোও বাসে!

ঠিক! দীপ্তি ভাবিল, তাদের সে ভালবাসা এত-বড় যে মার ভালবাসা তার পাশে দাঁড়াইতে পারে না! হায়রে, সেকালে লোকে যে বলিত, ছেলেমেয়ে যাদের, তাদেরই থাকে! মা শুধু পেটে ধরিয়া পালন করিয়াই মরে, বড় হইলে মার পানে সম্মান ফিরিয়াও চায় না!...অমনি নিজের কথা মনে জাগিল!... মা-বাপকে সেও তো ছাড়িয়া আসিয়াছে!...এ কি তারি শাস্তি তবে?...

সারাদিন দীপ্তি নানা কথা ভাবিতে লাগিল। ক্ষিতীশ আসিয়া তাড়া দিয়া গেল, নূতন উপস্থাসের কি হইল!

দীপ্তি কহিল,—সামুর অসুখ হয়ে অবধি আর লিখতে পারি-নি!
ক্ষিতীশ কহিল,—এবার শেষ করে ফেলুন!...বলিয়াই সে ঘরের চারিদারে চাহিয়া কহিল,—সামু কোথায়? কামাখ্যা বাবুর বাড়ী গেছে বুঝি?

দীপ্তি কহিল,—না।

ক্ষিতীশ কহিল,—স্বলে...? না, আজ তো রবিবার!...

মুক্ত পাখী

দীপ্তি কহিল,—ডাক্তার মিত্রর ওখানে গেছে।

ক্ষিতীশ কহিল,—ও, আপনার স্বপ্ন-মশায়ের কাছে!

দীপ্তি কহিল,—হ্যাঁ।

ক্ষিতীশ কহিল,—উঠি তাহলে...ক্ষিতীশ যাইবার উদ্যোগ করিল।

দীপ্তি কহিল,—যাচ্ছেন?

লজ্জায় কুণ্ঠিত হইয়া ক্ষিতীশ কহিল,—একটু দরকার আছে। মাধুরী ধরেছে, তাকে বায়োস্কোপ দেখাতে নিয়ে যেতে হবে!... তাই ভাড়া! দোকান হয়ে একবার যেতে হবে...

ক্ষিতীশ চলিয়া গেল। সে চলিয়া গেলে দীপ্তি ভাবিল, সেই ক্ষিতীশ! তার প্রতি কি অসহ প্রেমের প্রাণটা বৈরাগ্যে ভরাইয়া তুলিতেছিল, তারপর তার হাত ধরিয়া যেমনি বাধা গণ্ডীর মধ্যে দীপ্তি তাকে পুরিয়া দিল, অমনি শাস্ত বালকের মত সেই গণ্ডিতে কেমন সে অভ্যস্ত হইয়া উঠিয়াছে! সকলেই নিজেকে লইয়া বেশ সহজ ভঙ্গীতে জীবনের পথে চলিয়াছে, সেই শুধু সারা জীবন এমনি যুদ্ধ করিয়া, প্রচণ্ড কোলাহলে অর্জরিত হইয়া দিন কাটাইতেছে!...সাম্বনার কথা মনে হইল,— ঠিক তো! আজ যদি দীপ্তি মারা যায়, কাল তাকে কে দেখিবে? কোথায় সে দাঁড়াইবে?

চিন্তার অজস্র সূত্র কোথা হইতে উঠিয়া প্রচণ্ড একটা জটিলতার সৃষ্টি করিয়া তুলিল!...তার অশ্রু সাম্বনাও ভাসিয়া যাইবে? তার এই পুষ্ণিত জীবনটুকু...?

মুক্ত পাখী

দীপ্তি একটা দীর্ঘ নিশ্বাস ফেলিল, ফেলিয়া ভাবিল, চারিদিকে যখন এক সুর উঠিয়াছে, তখন তাই হোক! সে কিন্তু পুরানো গণ্ডীর মধ্যে নিজেকে লইয়া আর ফিরিতে পারিবে না! তার ভাগ্যে যা ঘটে, ঘটুক! তবে সে যেমন কারো বাধা-নিষেধ মানে নাই, তেমনি সাস্ত্রনাকেও কোন বাধা-নিষেধে ঘিরিয়া রাখিবে না।

অনহু উচ্ছ্বাসের ভরে দীপ্তি কাগজ-কলম লইয়া চিঠি লিখিতে বসিল। অভয় মিত্রকে সে চিঠি লিখিল,—

সাস্ত্রনার নামে একটা চিঠি দিলাম—বড় হইলে তাকে দিবেন! আর আপনার কথাই আমি রক্ষা করিয়াছি...সান্ত্রকে আপনার হাতেই দিয়া গেলাম। তার সব ভার আপনার। আমি চলিলাম। কোথায়, জানি না! তবে এটা বুঝিতেছি, আমিই সান্ত্রর জীবনে মস্ত বাধা! সে বাধা আজ দূর হইল!

দীপ্তি।

সাস্ত্রনাকে দীপ্তি লিখিল,—

সাস্ত্রনা, মা,

মাকে তোমার আর দরকার নাই! মার ঘরে দারিদ্র্য, অভাব! আর তোমার আপন-জন তোমার পিতামহ... তাঁর ওখানে অজস্র 'সুখ, ঐশ্বর্য! মাকে তাই ভুলিয়াছ! ভুলিয়াই থাকো। মার অভাব তুমি আর বুঝিবেও না!

যখন বুঝিবে না, তখন আমি আর মিছা গণ্ডী টানিয়া

মুক্ত পাখী

তোমায় বাঁধিয়া রাখি, কেন ! আমি একদিন মনের গতি রোধ করিতে না পারিয়া সব ত্যাগ করিয়া আসিয়াছিলাম,—তুমিও আজ মনের গতি রোধ করিতে না পারিয়া নিজের পথে যাইতে চাহিয়াছ ! তাই যাও—আশীর্বাদ কবি, সুখী হও !

আমি বুঝিয়াছি, ত্যাগে বাঁচা যায় না, মানুষ বাঁচিতে পারে না। আব পারে না বলিয়াই যার আপন-জন নাই, সে পরকে আপন করিয়া স্থখে থাকিতে চায় ! আমি এ স্থখ চাহি নাই। আমার লক্ষ্য ছিল খুব-বড়র দিকে ! কিন্তু তা ঐ লক্ষ্য মাত্র ! তা পাইবার জন্ত কি করিলাম, কি-বা পাইলাম !

তবু একটা কথা কিছুতেই মানিতে পারি না—সে এই সমাজের স্বৈচ্ছাচার ! সমাজকে আমি মানি না। মনে করিযো না, সমাজের ভয়ে চলিয়া গেলাম কোন্‌ নিকরদেশের পথে ! তা নয়। সমাজের যে মিথ্যা আচার চারিদিক হইতে মানুষের মনকে পিষিয়া মারিতেছে, সে মিথ্যা আচারের দাস্ত্র কোনদিন করিযো না, মার এই শেষ কথাটুকু রক্ষা করিযো ! তাহা হইলেই মার এ ত্যাগ সার্থক হইবে !

এ চিঠি আজিকার জন্ত লিখিতেছি না, বড় হইয়া সব যখন বুঝিবে, তখন এ চিঠি পড়িযো !...

আমি যখন সব ত্যাগ করিতে পারিয়াছি, তখন তোমাকেও ত্যাগ করা আমার পক্ষে বিচিত্র নয় !...যুঝিয়া শ্রান্ত হইয়াছি ! তোমার জন্তই যুঝিয়াছি। কিন্তু আমার কাছে যখন তোমার স্থখ নাই, তখন আর মিথ্যা যুঝিয়া মরি কেন !

মুক্ত পাখী

যে-মতের পায়ে আপনার সমস্ত আঁগি বলি লিগাছি, তার কিছুই করিতে পারিলাম না ! তোমার পিতামহ ঠিক বলিয়াছেন, ঘরের কোণে বসিয়া মতটাকে আঁকড়াইয়া পড়িয়া থাকিলে কোন ফল হয় না ।...আজ বৃষ্টিতেছি, জন-বল, অর্থ-বল না থাকিলে কোনো মতকে খাড়া করা যায় না, সমাজের অতি-ছোট একটা ক্রটিও শোধরানো যায় না !

এ নিষ্ফলতায় ক্ষোভ নাই !...এর পর যদি পর-জন্ম থাকে, তাহা হইলে আবার আসিব । আসিয়া এই মত লইয়া প্রাণপণে আবার সংগ্রাম শুরু করিব ! জন্ম-জন্ম এই পণ লইয়া আসিব,—মিথ্যা লোকাচার ভাঙ্গিয়া মানুষে-মানুষে সত্যকার সম্পর্ক, সমবেদনা-সহানুভূতিতে-ভরা সার্থক সম্পর্ক গড়িবার সঙ্কল্প লইয়া যুঝিব !...

আজ এই অবধি !...কোথায় যাইব, জানিনা । তবে এখানে আর নয় । তুমি স্থখী হও, এই আশীর্বাদ করি । আমি যে যুদ্ধ করিয়া ক্ষত-বিক্ষত হইয়াছি, তেমন যুদ্ধ তোমায় না করিতে হয় ।

মা কি সহিয়াছে আর কেন সহিয়াছে, সেটুকু বৃষ্টিবার চেষ্ঠা করিয়ে । তোমার মা সতী—ইহাও জানিয়ে । এ জানিয়া মার কথা বিরলে কখনো ভাবিয়া দু ফোটা চোখের জল ফেলিয়ে—মার এই শেষ মিনতি ।

মা ।

...

...

...

মুক্ত পাখী

চিঠিখানা অভয় মিত্র, হাতে পৌছিল সন্ধ্যার পূর্বক্ৰণে।
চিঠি পাইয়া সাস্তনাকে লইয়া তিনি মাণিকতলার বাগান-বাড়ীতে
আসিয়া দেখেন, জিনিষপত্র যেমন তেমন পড়িয়া আছে,... শুধু
দীপ্তি নাই !... আর সেই ফটোখানা...? সেখানাও নাই !

দাসীকে প্রশ্ন করিলে দাসী কহিল, মা পশ্চিমে গিয়াছেন।
এ সব জিনিষ-পত্র সে আগুলিয়া রহিয়াছে। মা বলিয়া
গিয়াছেন, ডাক্তারবাবু যদি এ-সব তাঁর ওখানে লইয়া যান
তো তাই হইবে। আর যদি না লইয়া যান, তাহা হইলে
তাকেই সব লইতে বলিয়াছেন।

সাস্তনা মাকে দেখিতে না পাইয়া কাতরভাবে অভয় মিত্র
পানে চাহিয়া কহিল,—মা ...?

অভয় মিত্র তাকে আদর করিয়া বলিলেন,—মা পশ্চিমে
গেছে। ভয় কি সাস্তু? যদিই না ফেরে, আমার কাছে
থাকবে তুমি ! দাসীকে কহিলেন,—এ সব জিনিষ আগলে রাখ
তুই—আমার লোক এসে নিয়ে যাবে কাল।... আর তোকে সে
এর জন্ত বখশিসও দিয়ে যাবে।...তোর মাইনে সব পেয়েছিস্ ?

দাসী কহিল,—হ্যাঁ। 'মা সকলকে সব চুকিয়ে দিয়ে গেছেন,
—কারো সিকি-পয়সা পাওনা রেখে যান্ নি।

অভয় মিত্র একটা দীর্ঘনিশ্বাস ফেলিয়া চেয়ারে বসিয়া
পড়িলেন—সাস্তনা কাতর নয়নে তাঁর মুখের পানে চাহিয়া
রহিল।

শেষ

এই লেখকের লেখা অন্য বই

উপন্যাস

অঁধি	২১০
কাজরী	২য় সংস্করণ	...	১১০
দরদী	২য় সংস্করণ	...	১১
সোনার কাঠি	২য় সংস্করণ	...	১১
প্রেমসী	৩য় সংস্করণ	...	১১
ছোট পাতা	১১০
বাবলা	১১০
নিরুদ্দেশের যাত্রী	১১০
যাত্ৰাঙ্গণ	১৫০
নবাব	২৫০
বন্দী	২য় সংস্করণ	...	১১
নেপথ্যে	১০
জীবুন্ধি	১৫০
পথের পথিক	১৭০
কালোর আলো	১১০
লাল ফুল	ঘন্টাসহ
নিশীথ-দীপ	ঘন্টাসহ
পিয়ারী	ঘন্টাসহ

ছোট গল্প

শেফালি	২য় সংস্করণ	...	৫১
পরদেশী	২য় সংস্করণ	...	১১

নিবন্ধ	২য় সংস্করণ	...	১১
পুস্তক	১১
মাণদীপ	১১
বৈকালি	১০
পিয়াসী	১০
যুগল	১০
তরুণী	১০

ছেলেমেয়েদের গল্প

সাঁঝের বাতি	১০
ফুলের পাখা	১০
ভায়ার মালা	১০
চাঁদের আলো	১০

নাট্য-গ্রন্থ

যৎকিঞ্চিৎ...ষ্টারে অভিনীত	১০
দশচক্র...ষ্টারে অভিনীত	১০
গ্রহের ফের...কোহিনুরে অভিনীত	১০
দরিয়া...মিনার্তায় অভিনীত	১০
কমেগা...মিনার্তায় অভিনীত	১০
শেষ বেশ...ষ্টারে অভিনীত	১০
হাতের পাঁচ...মিনার্তায় অভিনীত	১০
পঞ্চশর...ষ্টারে অভিনীত	১০

সকল গ্রন্থই কলিকাতার প্রধান প্রধান পুস্তকালয়ে ; ও
৮২।৪ নং কর্ণওয়ালিশ স্ট্রীটে গ্রন্থকারের নিকট পাওয়া যায় ।

আমাদের প্রকাশিত পুস্তকালী

কাজ নজরুল ইসলামের নূতন বই অগ্নিবীণা ওয় সংস্করণ (পরিবর্দ্ধিত ও সংস্কৃত)	১।০
নূতন উপন্যাস—রিক্তের বেদন	... ১।০
” ব্যথার দান (২য় সং)	... ২।০
কবিতার বই—“দোলন-টাঁপা”	... ১।০
“বাজবন্দীর জবানবন্দী”	... ১।০
অনিপলবরণ রায়ের	
শ্রীঅরবিন্দের গীতা	... ১।০
বারান্দ্রকুমার ঘোষের	
কানাই ও বারীন্দ্রের ফটো-সম্বলিত	
আত্মকাহিনী	... ১।
দ্বীপাস্তুরের কথা	... ১।
নূতন উপন্যাস, ব্রজরূতে ছাপা, সিলে বঁধাই	
উপহারের একমাত্র পুস্তক “মুক্তির দিশা”	... ১।
মিলনের পথে (উপন্যাস)	... ১।
স্বামী সত্যানন্দের	
মুক্তিসাধনা	... ১।০
নমিনীকান্ত গুপ্তের	
স্বরাজ গঠনের ধারা	... ১।০

ডি, এম, লাইব্রেরী,

৬১নং, কর্ণওয়ালিশ স্ট্রীট, কলিকাতা

অমরেশু কাঙ্ক্ষিতালেন

জাতীয়তার অনুভূতি	১০
কুটার-শিল্প	১০
সাভজনক কৃষি	১০
ব্যক্তিগত অর্থনীতি	১০
রং ও রঞ্জন বিদ্যা	১০

জ্ঞান বাবুর

মালা মাজপং রায়	১০
-----------------	-----	-----	----

রসময় সিংহের

বয়ন-বিজ্ঞান	১০
--------------	-----	-----	----

শান্তোজ সেন গুপ্তের

চিঠি	১০
প্রাণ-প্রতিষ্ঠা	১১০

শৈলেশনাথ বিশ্বীর

বলশেভিস্ক-বাদ	৫০
---------------	-----	-----	----

হেমেন্দ্রকুমার স্বাক্ষরের

বেনোজল	২
পদ্মকাটা	১০

ডি, এম, লাইব্রেরী,

৬১নং, কণওয়ালিশ স্ট্রীট, কলিকাতা ।

